



205




















39036/B

G. VI. Och.

u 719

*[Faint, illegible handwritten text]*

*[Faint, illegible handwritten text]*

X - 9

*[Faint, illegible handwritten text]*

*[Faint, illegible handwritten text]*

*[Faint, illegible handwritten text]*

*[Faint, illegible handwritten text]*

OCHOS, Heteronymus



17. D. 11681

HERONIA

COCHIRAZZETTI

Medici Bracciano

D. Policlinico, ac Venetia

Morbi

WART QUATRO

in 17. D. 11681

per 17. D. 11681

per 17. D. 11681

per 17. D. 11681

per 17. D. 11681

per 17. D. 11681

per 17. D. 11681

per 17. D. 11681

per 17. D. 11681


per 17. D. 11681

per 17. D. 11681

per 17. D. 11681

✓ 1970/15







# HIERONYMI

OCHIRIZETTI

Medici Brixienfis

De Pestilentibus, ac Venenosis  
Morbis.

LIBRI QVATVOR

*In quibus Pestilentes Constitutiones, & morbi  
earum singularum Proprij  
Explicantur.*

Necnon Venenorum, Contagijq; ratio, atq; agendi mo-  
dus, non per proprietatem occultam sed aper-  
tam causam, nota efficiuntur.

His accessit de febribus Malignis vulgaribus.

TRACTATIO UTILISSIMA.

Eaq; noua prorsus doctrina referta.



---

B R I X I A E, M. D C L,  
Apud Io: Baptistam Gromij.



# HERONYMI

OCHI RIZETTI

Medici Brixienfis

De Peftilentibus Venenofis

Morbis.

LIBRI QVATVOR

In quibus Peftilentes Conftitutiones, & morbi

causae fingularum Propri

Explicentur.

Necnon Venenorum, Contagij, Infectionis, agendi mo-

di, non per propriam occultam fed aper-

-tam causam, potius efficiuntur.

TRACTATIO VLTIMA.

Post nona prolixius tractatus est.



R I X I AE, M D C I

Althobapillam Groni



# SERENISSIMO CAROLO

Duci Mantuę II. & Montisferrati &c.

*Hieronymus Occhi F.*



A proculdubio rerū omniū conditio est, Serenissime Dux, vt siue paruę siue magnę illę sint, omnes tamē Magnis viris, vt protectoribus adherere quodammodò ambiant. quod sanē me quoq; impulit, vt opus hoc, etsi mole paruū, cōtentorum tamen ratione magnum, Celsitudini Tuę, qui Magnus Princeps es, omnino subijcere vellē. Namq. nonne magnum quid est, febrium malignitatem, falso in medicina ab insigni quadam putredine petitam, vnde postmodum ad eorumdem curationem humana quodammodo intelligētia cecuriebat, aperuisse, ac ob vel normam verę curationis tradidisse? nonne magnum quid est, pestilentiam omnem, frustra alioquin vel à Cēlis, vel aeris corruptione, aut venenositate à medicis omnibus exquisitam, ad veram, certā, ac notam causam reduxisse? nonne rursus magnū quid est contagionis omnis formalitatem, atq; agendi vim, a nemine vnquam apprehensam, phisice demonstrasse, atq; expressisse? nonne demū magnum immo maximum est venenorum omnium rationē, atque actionem, aliter à medicis, ac Philosophis cunctis vni occultę proprietati, arcanęue qualitati vnanimiter assignatam, per philosophicam, patentem, atq; euidentem causam declarasse, & apertę luci exposuisse? Quo factum est, vt cuiuscumq; effectus, quantumuis admirabilis, ab hoc vel illo veneno

veneno producti, vera ac phisica caussa quam scire in medicina, ac Philosophia vt impossibile habebatur, hominis caput non effugerit. & ipsius etiam magneticæ attractionis, ac relectionis fundamentalis, ac germana ratio à tenebrarum involuero in apertam prodiderit lucem. Vt propterea cum alij philosophiam ducem sectarentur, alij minus perspicaces in proprietatem occultam refunderent caussam ab his modo ex nostris placitis, nouisq; peruestigationibus, caliginem omnem esse abstersam, verasq; iam caussas esse patefactas minime dubitemus. Cuncta igitur hæc cū magna sint, Magnitudini, tum animi, tum imperij Tui vere consentanea esse duxi, & ob id ante Celsitudinis Tuæ Tribunal sistere non dubitavi. in his nexus sunt Gordiani, Tuæ soli Alexandrinæ dexteræ reservati. sunt monstra in his folijs, Herculeam quæ Tuam petunt dexteram. Subeat ergo libenter opus hoc quale quale meum Monarchicum Celsitudinis Tuæ iudicium, & confidentissime Seruus Tuus, qui illud elaborauit, subeat Serenissimum Patrocinium. Diu nobis Te seruet Deus incolumem, & Nestore digniori Nestorea sæcula largiatur. Suscipe regia hilaritate regiū munus; Regia enim existit medicina, quæ olim solis cum Regibus morabatur. id si facias, oblatrantium non pauebit morsus, suos in Te Gyges, Sabores, Mesues, & Mitridates regios medicos recognoscens. Cyri deniq; humanitate, qua præstas, non haustum aquæ, rustica manu oblatum, sed modicū atramenti in morborum venenosorum necem candido corde expressum, non dedignere. Tandem

audacibus annue cęptis  
Ignatumq; vię tantę miseratus agrestem.

Ingredere, & votis iam nunc assuesce vocari.



*Proamium, & libri propositum.*

**M**ulti fortasse, vbi primum viderint, vel  
audiuerint esse excussum, opus hoc,  
vt superuacaneum putabunt: ideo  
quod de peste, ac venenis tractarint tot,  
tantique ingeniosissimi viri, vt ad nausē  
res supercreuerit, & quidem nulla ferme est medicinę  
pars, de qua sit fusiꝯ tractatum: circa quam elaboratū  
sit magis. cui ipse respiciens factum est, vt hoc ipsum,  
quod per multos, atq; adeo multos iam annos absolu-  
tionem est adeptum, promulgare non fuerim ausus. ve-  
rum quod me alias ad huius publicationem retardauit,  
idem, re melius perpenſa, effecit, vt hoc tempore, febriū  
iam iam per Brixienſum agrum diuagatarum occasio-  
ne; typis concederem. Etenim, etſi plurimi ſint,  
quibus pertractare de hoc argumento arrisit, ſalua  
tamen horum omnium auctoritate, ex his attigiſſe  
nullus ſcopum mihi videtur, legentis animo ſatis-  
fecisse, declarant hoc multiplices, varijsque tra-  
ctatus. comprobant tot, tantęq; prolatae opiniones,  
circa inſcriptam materiam inter ſe diſſentientes, vt ad-  
huc ſub iudice lis ſit. Quę vera, ac plana, quę firma, ac  
rationi conſona, placantq; humanum caput, amplio-  
ri non egent declaratione, vltiori tractatione. Ceſſaſ-  
ſet omnis tractatio, ſi, qui primus ante omnes de hac  
diſſeruit, planam per ſuas cauſas effeciſſet. Id ipſum fir-  
mat, quod de proprietate occulta in medium adducunt;

A

cum

cum omnes isti vel palam , vel tacite velint, nolintue,  
admittant ; sub hac naturam , sub hac delitescere effe-  
ctrices istius causas volunt; naturam voluisse in se occu-  
lere adeo ut, cum antiquiores nota hæc , de quibus per-  
tractatur , per suas causas minime reddiderint , posteri  
postmodum Philosophi , ac medici non erubuerunt vno  
ore, vnoq. consensu occultæ proprietati, arcanae nū-  
cupatæ qualitati sedem non ignobilem concedere ,  
quâdocumque rei causa à phisicis fuerit haudquaquâ  
sibi ipsis concessa, etiam si vox ipsa, occulti , horum om-  
nium dissonet auribus: etiam si nauseam quodammodo  
his ipsis excitet. vnus tamen Franciscus Vlmus in. r. de  
occul. in re medica propriet. huic occultæ proprietati  
turpiter additus, cum eo etiam peruenit, ut medici-  
nam ab hac fecundari ac nobilitari dixerit , temerarij  
hominis esse scripsit, velle eorum manifestam causam  
inquirere, quorum occultam esse creditum est. Quæ sane  
à me meditata, etsi animum meum quadantenus sus-  
penderent, non obstiterunt tamen quin opus hoc haud  
anxiè fuerim aggressus, decreueram enim, mihiq. ipsi  
constanter proposueram, quacumq. re quantumuis dif-  
ficili, potiri ab eiusdem ortu velle, vnde quaq. discussam  
lectori offerre, & arcanam proprietatem tanto pere abo-  
minandam, longe arcere, abdicare penitus ab hoc ope-  
re. Quod quidem institutum in rei tractatione non fuit  
mihi arduum ad quendam usq. terminum seruare, cum  
primum tamen se obtulere, quæ scriptores ad occultam  
proprietatem coegerunt confugere, difficultate rerum  
perterritus ab incepto destiti. cum potissimum animad-


uer-




ueterem, nullum quantumuis claro, ac penè diuino ingenio donatum, hanc tentare prouinciam vel non ausum esse, vel tentatam obtinere vnquam potuisse. verumtamen cogitanti mihi talia esse non sopraturalia, non diuina, sed ab ipsissima emanare natura, in mentem venit, minime fore possibile, quin haberi de his vnde quaq; per patentes causas cognitio posset. ea propter qualicumq; difficultate spreta, cum rem rursus fuerim enixius prosequutus, Diuino auxilio ab abditioribus; philosophiæ erutam, ad finem quoque perduxi. si res ita se habeat, iudicent alij; quibus si ipse quoq; scopum non attigisse videbor, meliora speculentur; cum sit Christiani medici, quæ sunt humano generi profutura, scrutari; fac, vt pro sis, aut ne quid noceas, exclamauit quondam 3. in 1. tex. 50. Diuinus Hippocrates mandatis naturalibus imbutus. Quamobrem spero fore, vt hæc nostra placita in vnuersum placere, legentium animos delectare, atq; eorum captum placare debeant. cum enim cuncta penitus, quæ in hoc declarantur, statuunturque opere, noua sint, nouaq. doctrina explicata, nil etiam est adductum, quod ad rei cognitionem adducendum non esset. à primordijs enim ac prioritice, vnaquaq. re considerata, nõ fuit mihi opus alia in contrarium afferre, diluere alia, multaq. interim adducere, accogere, sed recto tramite, ac sine quapiam contentione ad exactam incedere rei dilucidationem, adeo vt multa, quæ alioquin fuere à scriptoribus prolixis disputationibus, ac cumulatis libris proposita atque tractata, vno vel paucis, ad aperta, inclusimus capitibus. Nonnulla etiam pauca explanant lineæ.



lineæ. Et quamuis pestilentium quorundam morborum  
curatio sit tantum insinuata, & venenosorum sit breuiter  
tradita, attamen, cum fuisse horum omnium fuisse natura,  
atq. causæ declarata, medicus ingeniosus, ac practicus  
poterit his recte perpenſis, & illos tollere, & hos alio-  
quin lethalissimos, aut saltem horum multos adaptatis  
præſidiis proſtigare. Si quis, inquit, in lib. de ſat. medici-  
næ parens Hippocrates, cauſas corporis affecti probe  
cognouerit, potens eſt ea valde adferre, quæ corpori cō-  
modent, cui inhærens in lib. d. decenti ornatu dixit, me-  
dicus ſi ſuffecerit ad cognoscendum, ſufficiet etiam ad  
ſanandum.







AD LECTOREM.

**N** tibi Lector opus, de Pestilentibus, ac Venenosis morbis, quod, dum pestis anno 1630. Brixianum soluta dire deuastantis ruinam tanquam ex alto perlustrabam, confeci. Interim autem quo perplexus hasi typis ne concederem, aliquoties à me reuisum locupletius, atque exornatius reddidi. Modo, februm iam iam diuagatarum occasione, à cineribus (ferme dicam) obliuionis erutum, luci expono. quod, Quale tandem compareat, sinceritati tua commissum, & id totum equi, boniq; consulas velim.



## Index rerum Notabilium.

- A**erem non putrescere fol. 11. fol. 12. tem veraputredine. ibidem.
- Aer quomodo fiat maleficus fol. 11. a quibus exhalationibus reddatur pestilens. fol. 12. quomodo animantia afficiat. fol. 14.
- Aer cum offit, non ut corruptus, sed ut fœdatus, viciatus. fol. 12.
- Aer tenuis, & illustris austrinx maleficentix magis est obnoxius, quam crassus, & habituosus. fol. 59. cur hoc. fol. 60.
- Aeri inquinato, qui sint magis aut minus abnoxij, & cur. fol. 50.
- Aer suffocans, quid sit fol. 18. quando contingat esse talis. ibid. quæ loca sint huic aeri obnoxia. fol. 17.
- Abcessus pestilentes non vno semper erumpunt tempore. fol. 143. febrem præcedere abcessum malum est. ibid. abcessum præcedere bonum est fol. 144.
- Alexipharmaca quæ substantia constare debeant fol. 186. eadem valentissime discussoria sunt. fol. ibid. & fol. 273. venenis subordinantur. ibid. tres eorundem differentix fol. 187.
- Alexipharmaca quando, & cum quo sint assumenda. fol. 275.
- Aquilo qualem reddat aerem. fol. 65.
- Amor ferri, & magnetis, maior est, quam magnetis cum magnete fol. 161.
- Attractio ferri à magnete admirabilis est, & cur. fol. 160.
- Attractio rerum quomodo fiat fol. 159.
- Actionum philicarum alle pendens à re ad actum reducta, aliq̃ à re consistenteriam propriam seruante. fol. 154.
- Aqua vitæ si integram in venis posset propriam deferre facultatem, alexipharmacum esset per se præstantissimum. fol. 275.
- Austri natura qualis fol. 57. quomodo hanc comparant. ibid.
- Auster quomodo aerem afficiat. fol. 65.
- Auster in borea tardus. fol. 65. cur incipiat parvus, A finiat magnus. fol. 66.
- Austri potentia, quam sit maxima. fol. 66.
- Austri dominium difficilimum cognitum. fol. 10.
- Austrina constitutio contagiose, bubonis, ac carbunculosæ pestis est causa. fol. 7.
- Austrina constitutio triplex. fol. 74. natura cuiusq. ibid. triplicem statuit morbosum statum. fol. 79.
- Austris dominantibus quid agendū. fol. 92.
- Alati homines à tæbe, & tussi ferina facile affiguntur. fol. 51. cur, & quomodo fiant tales. ibid.
- Aspis cur sine dolore hominem extinguat fol. 118. & fol. 140. quæ mala pariat. fol. 138.

B

**B**asilisci venenum quomodo hominem enecet. fol. 140.

Bilio-



## Index rerum Notabilium

- B**iliosae febribus exquisitis numquam coma vigil annectitur, neque vaporum repletio, neque vrinę crassę tacobatę. fol. 77.
- Boreas** in austro velox, & cur fol. 65. propter quid incipiat magnus, & finiat parvus. veraratio. fol. ibid.
- Ex boletorum esu casus.** fol. 190.
- Bubones** pestiferi a qua materia fiant. fol. 86. cur locum habeant fol. 87. quando fiant. fol. 194. sepius suppurantur, & cur fol. 145. quomodo. resoluantur. ibid.
- Bubones** quicumque in febribus putridis comparentes maligni sunt. fol. 87.
- C**
- Calor** hominis natiuus sub quacumque vulgari ac pestilenti constitutione obiectum maleficentię est. fol. 19.
- Calidum** innatum plurimum aut paucum esse quomodo intelligendum sit fol. 67. defuit primum esse in partibus solidiorum externis fol. 148. vnam formam semper retinet. ibid.
- Calidum** innatum cum vel resoluatur, vel partialiter extinguitur tabes efficitur. fol. 53. quam affectio nem ab austro ferat fol. 63. eius forma in quo consistat. fol. 64.
- Calor** continentiam, & calor biliosarum quis. fol. 78.
- Calor** estiuus auocat, trahitque, tenues atque acres homines ad corporis circumferentiam. fol. 88.
- Calor** naturalis in febribus non secundum sui totum deprauatur. fol. 177. quot modis. deprauetur. fol. 178.
- Causae** morborum remotę, aeris, inquam, mutati quanti sit faciendae fol. 170. parua a medicis cura habetur. ibid.
- Canis** rabidi virus ex qua consistat substantia. fol. 108. quomodo atque etur. fol. 110. quomodo afficiat. fol. 130.
- Canis** rabidi natura. fol. 178. venenositatis eius quomodo serpat, atque afficiat. fol. 179. eius effectus 180. curatio. fol. 109.
- Cantharides** quę mala inferant. fol. 132. cur. sint vesicę peculiariter insensę fol. 133.
- Calor** humiditati iunctus maleficentiam morbis addit. fol. 10.
- Cibi** quidam fiunt ad tempus venena. fol. 72.
- Ciborum** partes egre alterabiles ubi calidum natium fuerit dissolutum in prauam degenerant masculam. fol. 72.
- Cibi**, & ciborum partes calidiores, sunt coctu difficiliore, & cur. fol. 33.
- Cibi** acres, qui intelligentur. fol. 73.
- Cerebrum** in febribus quibusdam pestiferis comburitur. fol. 84.
- Carbunculi** a qua materia fiant fol. 85. sub duplici forma comparent. fol. 86. circa carbunculorum materiam errant cum Galeno scriptores. fol. 91. differunt qui ex fædato sanguine, & qui ex veneno concreto. fol. 145.
- Complicata** ex austro, & aquilone constitutio, quantum sit calido animantium innato nocua fol. 46.
- Continens** febris cur fiat. fol. 77. cur vere mortifera. fol. 100.
- Continua** febris in quo distet ab intermittente. fol. 28.
- Continuas** febres male distinxit Galenus ab intermittentibus. fol. 29.
- Cicuta** quę mala pariat assumpta. fol. 166.
- Comuulsi** motus quomodo intercipiantur. fol. 177.



## Index rerum notabilium

Coma vigil quando, & quomodo fiat. fol. 77. & 83.

Contagiosum venenum quæ mala pariat. fol. 141.

Contagium temporaneum, ac distans. quando fiat. fol. 140.

Ad contagij communicatione quot requirantur. fol. 147.

Contagium non potest communicari nisi quodpiam intercurrat. fol. 147.

Cadaver quando possit esse contagiosum. fol. 147.

Cur qui semel à peste euaserunt non soleant amplius à morbo corripri etiam si alijs ministrantur. fol. 151.

Corpora leuia, ac vaporosa duplicis naturæ sunt. fol. 12.

Cor, & iecur per quandam communicantiam in viru rabidi canis communiuntur. fol. 184.

Cordialia quæ sint, & cur sint ita dicta. fol. 271. quæ sint ibid. eius effectus. fol. 272.

Cor in febribus malignis, ac pestilentibus dupliciter patitur. fol. 271.

Crustæ in faucibus per febres quomodo efformantur. fol. 243.

Cucurbitularum appositio in papularum apparitione exitialis est. fol. 257. quando in febribus sint assigendæ. fol. 258.

### D

**D**Ecubitus tentandus quando excrementa sunt cretissima. f. 200.

Diaphoretica cur ita dicta. fol. 274. sunt quoq. sudoresca. fol. 275.

Distandi indicatio à quo sit desumenda. fol. 280.

Dipsadis venenum quæ mala pariat. fol. 137.

Diurna febris cur quibusdam ad ta-

hem vergat. fol. 55. tur. diurna nocturna longior. fol. 56. virus quæ mala pariat. fol. 138.

### E

**E**Rodentia venena quomodo effodant. fol. 122. eorum effectus. fol. 131.

erodentis veneni casus. 191. contra erodentia quæ specifica medicamenta sint adhibenda.

Expurgatio turgentium humorum, quam præparationem corporum exposcat. fol. 193.

Communis expurgandi modus damnatur. fol. 265.

Circa expurgationem Brixica praxis laudatur. fol. 265.

Expurgationem in febribus in principio faciendam cuncta suadent. fol. 262.

Expurgatio in principio transmissa quæ mala generet. fol. 263.

Exanthemata cutis febris propria sint. fol. 78. ex qua materia efformantur ibidem quæ bona respectiue, quæ mala. ibid.

Excrementa nostri corporis quomodo coquantur, ac digerantur. fol. 65.

Excrementa ferre pro substantiæ qualitate ad hoc vel illud struictoriû amendantur. fol. 90.

Excrementum nullum generatur nisi calor naturalis concurrat causatiue, aut permissiue. fol. 71.

Excementur et validissimum statû austrinum concretum cuius naturæ sit, & quomodo venenum euadat. fol. 75.

### F

**F**ebri continua quomodo distet ab intermittente. fol. 29. Galenus tur. ibidem.

Febris maligna, ac pestilens utraq. in vno, & eodem genere causæ non



## Index rerum notabilium.

non differt inter se. fol. 5.  
 Februm malignitas, ac pestilencia in  
 quo consistat. fol. 273.  
 Febris quotidie inuadens si ab vno  
 foco pendeat quotidiana dici de-  
 bet: si à duobus focus. duplex  
 tertiana. fol. 39. quomodo differant  
 inter se ibid.  
 Febres sincere biliosæ cur praua  
 accidentia ad cerebrum, ac cor spe-  
 ctantia non habeant annexa. fol.  
 77. & cur urinas non habeant tur-  
 batas. ibidem.  
 Febres cur continent; & cur inter-  
 mittant. fol. 271.  
 Fermentatio in quo consistat. fol.  
 148.  
 Fermentum variolosum cur iuueni-  
 bus, cæterisque vltioris ætatis ho-  
 minibus non sit infestum. fol. 148.  
 Fermentum venereum varia produ-  
 cit mala pro loco in quo firmatur.  
 fol. 148.  
 Fermentum venereum, variolosumque  
 quomodo in humanis corporibus  
 fuerit primum contractum. fol.  
 153.  
 Fermentatus à venereo fermento san-  
 guis, quomodo sit intelligendum.  
 fol. 149.  
 Flaua bilis quomodo typum tertian-  
 num faciat. quomodo quotidianum.  
 fol. 34.  
 Flaua bilis cocta in febribus quomodo  
 se habeat. fol. 261.  
 Fomites pestilentes qui sint. fol. 51.  
 Formarum similitudo magnam habet  
 partem in attractione. fol. 159.  
 Frigida qualitas diutius cum humi-  
 ditate perdurans, quæ mala in ani-  
 mantibus procreet. fol. 27.

### G

**G**alenus circa causam commatis  
 vigilis notatur fol. 84.  
 Galenus turgentis materie naturam  
 non bene intellexit fol. 104.

Galenus circa opij naturam à Dio-  
 scoride deceptus. fol. 116.  
 Galenus circa puris colorem non  
 bene sentire videtur. fol. 146.  
 Galenus circa decubitus Critonis  
 notatur fol. 203.  
 Galenus indicationem cibandi male  
 à viribus desumpsisse videtur. fol.  
 278.  
 Galenus perperam naturæ distractio-  
 nem admittit. fol. 280.

### H

**H**ætica febris quomodo fiat. fol.  
 54. & 55.  
 Hemorrhoidi venenum quæ mala pa-  
 riat. fol. 138.  
 Herba Plutarchi quæ mala generet.  
 fol. 175.  
 Hippocampi caro quomodo rabiem  
 tollere sit nata. fol. 112. propter  
 quid modo, mortem, modo de-  
 mentiam modo aquæ studium  
 in homine pariat. fol. ibid.  
 Hippocrates longepius pater solus ob-  
 seruauit, quam posteri omnes me-  
 dici. fol. 39. venenorum naturam  
 cognouit fol. 104. cuiusque vepe-  
 norum generi adaptatum præscri-  
 psit medicamentum fol. 189. eius-  
 dem laus. fol. 222.  
 Humiditas redundans, quæ mala in  
 animantibus generet. fol. 25. &  
 26.  
 Humores in pueris proprium est,  
 liquidiores esse. fol. 93.  
 Humores quando de facili à putredi-  
 ne corripantur. fol. 99.  
 Humores præternaturales, ac veneno-  
 si, cur geniti statim non noceant  
 fol. 97.  
 Humores motu locali motu facile à  
 motu putredinoso apprehenduntur  
 fol. 99.  
 Humores quo in loco, & quomodo  
 coctionem comparent. fol. 161.  
 Humores tenues ad quodcumque emi-  
 sco-



## Index rerum Notabilium

**C**lorium aditum sibi strunt. fol.  
16.  
Hydrophobi cur ab aqua abhorreant,  
vera ratio. fol. 181.

### I

**I**nfluxus calorum non valent pe-  
silentem excitare statum. fol.  
10.  
Insuiami assumpti mala. fol. 166.

### L

**L**ac quomodo coagulet, & co-  
gulata dissoluat. fol. 113.  
Leptoris marini assumpti mala. fol.  
134. cur pulmon. sit maxime ob-  
noxia eius caro. fol. 135.  
Loca quedam ab austro affici mini-  
me possunt, & quæ sint ista fol.  
58.  
Loca vniuersalia, ac particularia au-  
stro magis obnoxia quæ sint fol.  
59.  
Luæ venerea quomodo communi-  
catur. fol. 147.

### M

**M**agnetis forma quam naturam  
redoleat. fol. 157.  
Magnes ferrum est purius coctiusq.  
fol. 159.  
Magnes quomodo ferrum attrahat  
fol. 160. & 62. cur magis attrahat  
ferrum quam magnetem fol. 161.  
quomodo ex altera parte ferrum  
attrahat, ex altera abigat. fol. 162.  
dupplicem habet effluxum duosq.  
oppositos polos. fol. 164.  
Madragoræ haustæ effectus. fol. 166.  
Materiæ paucitas, ac stata quantitas  
febrem facit breuem, facilis indi-  
cij, & minime reuertentem. fol.  
39.  
Membra calido innato parcialiter ef-  
se orbari, quomodo intelligatur.  
fol. 68.  
Maligna febris multiplex est. fol. 5.

quomodo differat à pestilenti fol.  
ibid. quæ proprie maligna. fol. 7.  
Malignarum febrium natura, ac qua-  
litas fol. 236.  
Mixa naturalia effluxiones quasdā  
habent, quas antiqui atomos appel-  
habent. fol. 154.  
Mulier morbose menstruata aut mor-  
bida vetula quomodo puerulorū  
sanguinem quandoq. corrumpat.  
fol. 148.

### N

**N**atius animantis calor primariū  
obiectum est noxæ cuiuscumq.  
constitutionis. fol. 19. quomodo  
sub constitutione sicca afficiatur, &  
quid ex hac affectione mali resul-  
tet. fol. 19. & 20.  
Natura in copia excrementorum ad-  
plura amandat emunctoria. fol.  
39.  
Nervi quot quibusq. modis à venenis  
sibi peculiariter aduersis affician-  
tur. fol. 122.

### O

**O**lera in quibusdam sunt succus  
ualde malefici. fol. 72.  
Opj temperies calidissima est fol.  
114.  
Opium quomodo soporem inducat  
fol. 117. 118. discutiendi vim insi-  
gnem obtinet. fol. 120. quomodo  
corrigatur ibid. salutes eius ef-  
fectus ibid.  
Opinio communis de malignitate  
& excellenti putredine febrium  
falsissima. fol. 174.

### P

**P**estilens constitutio quid sit. fol. 8.  
Pestilens morbus quid ex Hip-  
pocrate, quid ex Galeno. fol. 18.  
quomplex sit. fol.

Pestis.



## Index rerum Notabilium.

**Pestis vera** ab austro venit. fol. 7. & 10.

**Pestis vera**, bubonica, carbunculosa ac contagiosa est. fol. 10.

**Pestilentium febrium** materia contagij, ac venenositas est productrix. fol. 7.

**Pestilens status brevis**, morbum statum breuem generat. fol. 9.

**Pestis austriaca** exquisita ab infimis hominibus maiori ex parte efformatur. fol.

**Pestilentes febres** statum in ordine secundum constituunt. fol. 79. pestiferæ vero in ordine tertium. fol. 79.

**Pestis per Italiam** 1630: grassatæ quæ causæ extitit. fol. 92.

**Febris pestifera** non acuti est calor, & cur. fol. 82.

**In pestiferis febribus** cur aliquando pulsus, & urinæ non mutantur. fol. 81. & 82.

**Pestilentium**, ac pestiferarum febrium natura, ac qualitas. fol. 236.

**Phalangiorum venenum** quæ mala perpetret. fol. 168.

**Pestiferorum morborum** religiosa curatio in proximo tractationis de feb. malignis.

**Phuiss** cur iunioribus ab adultioribus communicatur. fol. 148.

**Peticulæ seu papulæ** quales sint in pestiferis febribus. fol. 85.

**Peticulis erumpentibus**, vel eruptis venâ secare nullum inconueniens. fol. 206. & 258.

**Pluua austriaci** status mala. fol. 89.

**Pueri** cur cruditatibus scaterere soleant. fol. 69.

**Pueri atq. impuberes** ab alui incommodis in pluuiæ statu maxime affliguntur. fol. 90.

**Pus** cur fiat album verâ ratio. fol. 145.

**Putrefactiua venena**, quomodo putrefaciant. fol. 223.

**Panaplegie** quomodo contingant, & subito occidant. fol. 24.

### Q

**Q**ualitas alexipharmaca quomodo agat vincatq. venenum. fol. 152.

**Quartana** ex humore bilioso. fol. 35. in quibus fiat. ibidem.

**Quartana febris**, quomodo locum habuerit sub constitutione frigida, & humida. fol. 31. Galenus notatur. ibidem.

**Qui siccum iecur** gestant à quartana facile corripuntur. fol. 31.

**Quartanæ primaria causa** non lien sed iecur est contra Galenum. fol. 36.

**Cur quartanæ febres** vere remittantur, & estate soluantur. fol. 36.

**Quis sanguis prauus** contagiosus existat. fol. 239.

**Quis victus febribus** secundum tempora, constitutionem, & accessiones debeatur. fol. 278.

**Quæ vere quotidiana** est, & quæ duplex, tertiana. fol. 39.

**Quintana febris** quomodo fiat. fol. 38. cur omnium pessima. ibidem.

**Qui morbi locum** habeant per statum pluuium austrinum. fol. 88.

**Quotidianæ febres** per constitutionem frigidam, & humidam Hippocraticam non dependerunt à pituitoso humore, ut Galenus sentit, sed bilioso. fol. 32. & fol. 39.

### R

**R**ana rubeta muta quæ mala perpetret. fol. 140.

**Reciduos** facit cæli status. fol. 30.

**Rigor** quomodo in febribus excutitur. fol. 242.

**Rigor** si incidat ægroto iam debili quomodo sit lethale. fol. 22.

**Rigores** in continuis non solent habere



## Index rerum Notabilium

bere locum nisi in morbi processu. fol. 27. quando in ardentibus malignis. fol. 21.  
 Rigores, cur quibusdam ardentibus febribus Hippocraticis autumnino in ciderint, & quomodo fol. 20.  
 Rigores plurimi cur facti sint autumnali tempore, per febres quasdam ardentes. fol. 21.

### S

**S**alamandra quid mali assumpta pariat. fol. 136.  
 Sanguis primum obiectus est aëri viciati. fol. 15.  
 Sanguis quoduplex, ac quali venenorum maleficio sit obnoxius. fol. 122.  
 Sanguis in caua expurgatur excrementis, & perficitur. fol. 71. quando fiat medicamentosus. fol. 71.  
 Sanguis prauus quando, & quomodo locum habeat in animalibus per austrinum statum. fol. 74.  
 Sanguis prauus quam febrem putrescens generet. fol. 77.  
 Sanguis maleficus austrinus, quæ inquinamenta contagiosa producat. fol. 110.  
 Sanguis qualibus venenosis maleficijs sit obnoxius. fol. 124.  
 Sanguis quomodo venenosus efficiatur. fol. 125.  
 Sanguis quomodo venenose fermentetur. fol. 126.  
 Sanguinis à venenis corruptio quoduplex. fol. 123.  
 Sanguinis in ardentibus febribus eruptiones, cur vere v. plurimū cōtingant, & quomodo hoc fiat. fol. 20.  
 Sanguis prauus quomodo sit intelligendus. fol. 134.  
 Sanguis quando per febres large, & naribus erumpat. fol. 245.  
 Sanguis cur in synochis raro per na-

res erumpat. fol. 236.  
 Sanitas cur non sit communicativa. fol. 141.  
 Semitertiana febris non sit à biliosis, & crudis humoribus. fol. 27. cur sit lethalis. ibid.  
 Semitertiana est quacumque continua atq; ardente periculosior. fol. 43.  
 Semitertianarum febrium Galenica causa refutatur. fol. 40. vera causa affertur. fol. 41.  
 Semitertianæ aliæ sunt horribilæ, aliæ sine horroribus invadunt. fol. 49 & cur ibid.  
 Semitertiana febre laborantes de facili in tabem incidunt, & cur. fol. 27.  
 Sicci status morbi. fol. 20.  
 Sicci status quomodo calido hominum innato nocuus existat. fol. 19. quomodo fiat hoc. fol. 18.  
 Spirituum dotes fol. 65. eorundem austrine affectiones. ibidem. quodupliciter afficiantur a venenis sibi aduersis. fol. 139.  
 Scorpionis venenum quæ accidentia in homine pariat. fol. 170.  
 Somnus naturalis quomodo fiat fol. 116. parua est epilepsia. fol. 17.  
 Somnus præternaturalis quomodo, & a quibus causis fiat. fol. 117.  
 Somnus cur noctu potissimum locum habeat fol. 117.  
 Soporifera venena quam de se substantiam in transitu ad corruptionem efforment. fol. 110.  
 Sardonias herba quomodo legat, maxillasq; contrahat. fol. 147.  
 Strangulatia venena quomodo lugulent. fol. 147.  
 Siruporum claritas quanti sit à medicis facienda fol. 268.  
 Sudores in febribus quomodo efformentur fol. 244.  
 Sudores cur in semitertianarijs, & longis alijs febribus detentis afficiantur. fol. 49. & 50.

Sudores



## Index rerum Notabilium

Sudores in febribus quando non sint expectandi. fol. 114. quando multi, quando pauci. ibid.

Suffocās vel Suffocatus aer quid sit. fol. 16. quando contingat fieri talis. ibid. Quæ loca sint suffocanti aeri obnoxia. fol. 17. qui morbi sub suffocante constitutione producantur. fol. 17.

In Synochis febribus cur biliosæ excretiones. fol. 167.

### T

**T**Abis i. in statu primo ab Hippocrate enarrata causa à Galeno adducta refutatur. fol. 47.

Tabi cuiusq. tussis annectitur. fol. 50.

Tabes, cur etatibus à decimo octavo ad trigessimum quintum vera ratio. fol. 53.

Qui sint Tabi per calidi resolutionem, & qui per refrigerationem magis obnoxij. fol. 54 & quibus annis. ibid. & qui sint ad tabem in uniuersū parati. fol. 56.

Tabefacientia venena quomodo occidant. fol. 189.

Tarantule venenum ex qua conficitur substantia. fol. 108. quibus pricidijs sit expugnandum. fol. 209.

Tarantule natura atq. illius admirandi effectus. fol. 151.

Tertiana quando minus grauis ac breuis, & e contra. fol. 30.

Tertiana continua differt à causone. fol. 43.

Tertiana febris quomodo sub constitutione frigida, & humida contingerit. Galeniratio refutatur. fol. 28. vera affertur. fol. 29.

Tertianæ febris quomodo autumnaliter in quartanas transeunt. fol. 35 36.

Tertianæ febres vagatæ per constitutionem frigidam, & humidam cur fuerint molestiores ardentibus.

fol. 29. & cur statim, ac breues. fol. 30.

Torpedo quæ mala perpetret in hominem sibi oblatum. fol. 168.

Turgens materia Hippocratica quæ sit. fol. 104.

Turgentia venena quomodo sint expugnanda. fol. 193.

Typus quid. fol. 72. quarum februm proprius. ibid.

Typus tertianus non est fluxibilis magis proprius, quàm quotidianus. fol. 33. & 35. alteratur, ac mutatur à tempore anni. fol. 34.

Typus tertianus quando fit. fol. 34. quando quotidianus ibidem. fol. ibid.

Typus quartanus quandoq. efficitur ab humore bilioso. fol. 35.

Typi quintani, septimani, & nonani causa. fol. 37.

Ad typum februm efficiendū, quot concurrant. fol. 33.

### V

**V**enena omnia calidissima sunt. fol. 102. & 111. non efficiunt nisi ad actum prius perducantur. ibid. quomodo ad corruptionem transeant. ibid. densæ sunt substantiæ. fol. 103. eorū tenuitas. fol. 111. agendi celeritas. fol. 112.

Venenorum omnium quatuor sunt summa genera, & 929. fol. 189.

Venenorum quatuor genera. fol. 111. vnumquodque genus vni peculiariter nostri corporis parti est infestum. ibid.

Venena soporifera ex qua conficitur substantia. fol. 107.

Venenum phalangiorum, ac scorpionis quam assummat substantia. fol. 107.


Venenum austrinum idest contagiosum quomodo ad corruptionem transeat. fol. 109.

Vene-



## Index rerum Notabilium

- Venenum contagiosum quomodo sit definitum fol. 110.
- Venenum, contagij temporanei, ac distantanei causa, quomodo in homine generetur fol. 239.
- Venena spiritali substantia infesta quomodo expugnantur. fol. 203.
- Venena nervis infesta quæ alexipharmaca ad sui expugnationem exposcant fol. 208.
- Venenosi humoris intensissima caliditas fol. 91.
- Venæ sectio in pestifera febre vtrū expediat, nec ne. fol. 203.
- Ventres Hippocratici qui sint. fol. 45.
- Valerius notatur dum Hippocratem notat fol. 198.
- Ver cur tabilis, & quo specifico tempore malum sit. fol. 55.
- Viperæ venenum quid mali pariat fol. 136.
- Vermes quomodo in intestinis generationem per febrem obtineant. fol. 243.
- Vitiosus sanguis quam febrem pariat. fol. 77.
- Vitali facultas in febribus malignis ac pestilentibus duplici modo patitur, & quomodo. fol. 34. & 271.
- Vesicantia in febribus malignis non animo congrua. fol. 258. quibus conueniant. fol. 259. tempus quo sunt alliganda. ibid. locus. fol. 260. materia vesicantium. fol. 260.
- Vrinæ multæ puræ tenues aquosæ quomodo sub sicca constitutione contingere possunt. fol. 24. & quomodo possint esse decretoriæ fol. 25.
- Vrinæ turbatæ, & quoque crassæ quæ de causa efficiantur. fol. 243.
- Vrinæ ex crassis turbatis, claræ, ac flavescentes redditæ sæpe imponere solent. fol. 247.
- Vrinæ virides seu cloræ lethales sunt, & cur. fol. 241.
- Vrinarum excretio critica quando fiat. fol. 245.





# Errata sic corrigenda.

Folio. 7. lin. 7. proprijs.	dic proprius.	F. 106. l. 3. vanitatem	rarityatem
Fol. 14. l. 24. calore	caloris	F. 106. l. 8. praualeq	praualet
Fol. 15. l. 27. puerem.	putrem.	F. 106. l. 13. segtalæ emphirabenæ segtale	(amphisibum)
Fol. 15. l. 29. aere	aere	F. 07. l. 8. ignotum	igneum
Fol. 19. l. 11. tempestos.	tempestos.	F. 107. l. 22. agro ferre	agro ferme
Fol. 19. l. 36. quia	quin	F. 108. l. 17. constitutum	constituta
Fol. 21. l. 35. tradenti	trudenti	F. 108. l. 30. non vero	nox vero
Fol. 22. l. 40. vigor	rigor	F. 108. l. 35. substantiam	substantiatam
Fol. 22. l. 41. vigoris.	rigoris.	F. 102. l. 6. imperante crimenteq.	impete-
Fol. 23. l. 1. vigor	rigor		(te vincenteq.
Fol. 25. l. 11. cutem.	cutem	F. 110. l. 34. cardoniæ	sardoniz
Fol. 26. l. 11. dianæ	diarrex	F. 110. l. 39. alternatum	alt eratum
F. 27. l. 25. confli teatur	confli ctentur	F. 112. l. 12. ofcicentem	ascicentem
Fol. 37. l. 18. pro	quo	F. 112. l. 21. nonæ	noxæ.
Fol. 37. l. 21. partem.	partum.	F. 113. l. 1. fere	fert
F. 38. l. 31. nomenclatura	nomenclatura.	F. 114. l. 14. hæresiam	hæresim
F. 40. l. 14. febrij	febris.	F. 115. l. 37. conuto	cornuto.
F. 40. l. 23. dare	clare	F. 120. l. 29. sic	sic
F. 41. l. 19. transmittit	transmitti	F. 120. l. 36. contigere	contingeret
F. 41. l. 23. putrescent	putrescente	F. 121. l. 20. sanguis, &	species. sanguis, &
F. 48. l. 27. spalores.	squalores.		(spiritus)
F. 48. l. 32. Thusus.	Thasus.	F. 112. l. 34. in ignea	ui ignea
F. 51. l. 9. tube	tabe	F. 122. l. 14. in qua	inquas
Fol. 55. l. 18. venis	veris.	F. 124. l. 29. quasi per	quim per
F. 56. l. 41. eccitarunt	euitarunt.	F. 124. l. 38. expoluit	expofcit
F. 58. l. 11. cur	ver	F. 125. l. 35. acofionibus	aquafionibus.
F. 59. l. 16. squalidi.	sferalidi	F. 128. l. 33. elichaium	elicionium
F. 62. l. 34. fit	sic	F. 129. l. 29. recurrit	occurrit
F. 65. l. 40. boreus.	boreas	F. 136. l. 41. oleam	oleofam
F. 73. l. 29. chahostem	cachoeitem.	F. 142. l. 38. aufis	vafis
F. 74. l. 11. saniozem.	maiozem	F. 145. l. 18. in quo	inqua
F. 75. l. 12. percalidas	percalidus	F. 149. l. 41. ranum	verum
F. 75. l. 16. fermentatis	fermentatis.	F. 151. l. 54. sanguini	sanguinis
F. 78. l. 3. deuoluit	demoluit	F. 151. l. 41. acoro	acore
F. 80. l. 6. priuatum	priuatarum.	F. 153. l. 26. quoq;	quamq;
F. 85. l. 15. laudatæ	laudandæ	F. 156. l. 35. si quid	ni quid.
F. 87. l. 28. adearum.	adenum	F. 157. l. 35. venos	vero.
F. 93. l. 10. lexis	lenis	F. 160. l. 20. si leges, lenes	si laues, si lenes
Fol. 93. l. 15. moxescentiâ	marcescentiam	F. 161. l. 26. eggre	egque
F. 95. l. 1. maxime	maxima.	F. 168. l. 39. rubeo	ruber
F. 98. l. 29. putanaturales	præternaturales	F. 171. l. 3. frigidi	frigidityate
F. 98. l. 29. illo	illos.	F. 175. l. 10. nationis	racionis
F. 98. l. 32. euitari	excitari	F. 177. l. 1. pestes	partes
F. 98. l. 36. præternatiuum	præter quâ natiuum	F. 177. l. 8. veram	nerum
F. 100. l. 4. concurrere	concurrant	F. 177. l. 24. & demorsu	ex demorsu
F. 101. l. 23. inter assumpta	intro assumpta	F. 183. l. 3. non vbi	nox vbi
F. 102. l. 6. noluisse	voluisse	F. 186. l. 1. tandem	eandem
F. 103. l. 39. pro sui	per sui	F. 189. l. 13. actiuis	actiuitate
F. 103. l. 40. dependas	deperdas		fol. 92



# *Errata sit corrigenda.*

F. 196. l. 37. fastidiente	fastidienti	F. 232. l. 24. se	sic
F. 194. l. 29. quæ partium	partium, quæ	F. 238. l. 23. etiam	etenim
F. 198. l. 13. fermentum	fermentans	F. 239. l. 15. expirati	expiratum
F. 201. l. 29. gentibus	genitus	F. 241. l. 20. vanis	venis
F. 201. l. 33. etiam quam	etiam ad quem	F. 241. l. 20. veras	venas
F. 204. l. 1. pestem	postea	F. 251. l. 13. accelsarent	cessarent.
F. 204. l. 27. sit circa	sic circa	F. 253. l. 29. accensus	accensos
F. 204. lin. 40. sit qui	si qui	F. 254. l. 23. in sum	in vsum
F. 205. l. 39. habet	habeant	F. 254. l. 27. vocatis	vocatis
F. 210. l. 24. viam	vim	F. 254. l. 37. missio	missio
F. 213. lin. 12. corruptum	corruptionem	F. 257. l. 11. morbu delendū	hoc verbū est.
F. 216. l. 2. autem vtraque	aurem vtramque	F. 271. l. 15. inuenit	inueni
F. 214. l. 3. extendent	extendente	F. 273. l. 39. constituit	constitui
F. 225. lin. 11. immisit	immisit	F. 274. l. 37. nixa	noxia
F. 225. l. 26. sic	sicut	F. 275. l. 12. cericis	caricis.
F. 232. l. 4. plurimæ	plurima	F. 279. l. 19. exerit	extiterit
F. 232. l. 32. suet	sunt	F. 280. l. 19. intensionibus	intentionibus

Multalij, sed parui momenti, insunt errores, qui omnes facile fuere commissi, auctore ab operis editione lunge absente.



# INDEX CAPITVM

## Primi Libri.



*Roemium, & libri Propositum :*

*Febris maligna ac pestilens non una est in ratione causæ, sed multiplex.*

*De quibus sit agendum, et de tractandorum ordine, ac connexione. Cap. 1.*

*Quid sit aeris pestilens constitutio quatuorplex, ac Qualis.*

*Cap. 11.*

*De Magno aeris Inquinamento: et quos generet Morbos.*

*Cap. 3.*

*De statu aeris suffocante, et eius morbis. Cap. 4.*

*De sicca aeris constitutione, et qui, ex ipsa producantur morbi. Cap. 5.*

*De Tempestate frigida Humida, et Aquilonia, et eius morbis. Vbi obiter typorum nondum perspecta causa adaperitur. Cap. 6.*

*De Austrina, et Aquilonia simul constitutione, et quas inferat Affectiones. Vbi Hippocratici quidam textus adhuc indiscussi, plani efficiantur. Cap. 7.*

*De statu Austrino, et primum de eius natura. Cap. 8.*

*Quid mali pariat in animantibus Austrinus status, Communis opinio reprobatur: unde vere eiusdem maleficientia. Cap. 9.*

*Obiectum maleficientia austrina immediatum, calidum est*

*A*

*ani.*



animantis innatum: et quâ ratione ubi quædam eius affectio nondum cognita explicatur. Cap. 10.

Qui magis aut minus sint austrinæ maleficientiæ obnoxij, habita præsertim ratione ad innatum calidum. Cap. 11

Quomodo insito calido hebetato pravi, & uenenosi quoq; et proinde calidissimi humores generentur. Cap. 12.

Quæ specificæ superfluitates pro austrinæ constitutionis differentijs generentur. Cap. 13.

Quem morbum parere natus sit vitiosus sanguis, ubi triplex, austrinus status citra plunias morbosus statuitur. et obiter priuatarum febrium malignarum caussa adducitur. 14.

Quæ mala à malefico humore producantur. Cap. 15.

Quos morbos vitiosi humores per pluuium austrium geniti pariant. Cap. 16.

Quæ caussa extitit Pestis per Italiam immaniter grassata caussa anno 1630. & partim 1631. Cap. 17.

## Libri Secundi.

**Q**uid actum & quid agendum sit. Cap. 1.

Quomodo præternaturales ac uenenosi humores citra noxam in animantibus diu degant. & quando putrescere eos contingat. Cap. 2.

Quomodo Venenum tum in homine concretum, tum cætera illi occurrentia Venena ad interitum transeant. Vnde quidditas Veneni ad actum reducti, & Hippocratica materiæ turgentis natura in lucem prodit. Cap. 3.

De differentijs actuati Veneni: quæ quatuor potissimæ esse sta-



3

statuuntur. Eadem ad summum excutuntur, unde  
 contagiosi veneni ratio undeque elucet. Cap. 4.  
 Tēperie venenorum omnium calidissimā esse probatur. C. 5.  
 Opium natura esse calidissimum ostenditur. Cap. 6.  
 Quatuor constituta venenorum genera quatuor partibus nostri  
 corporis constitutivis seorsim sunt infensa. Quæ sint  
 istæ. Qualeque veneni genus sit huic vel illi parti pe-  
 culiariter infensum. Cap. 7.  
 Quot quibusque modis solida obledant venena ijs peculiari-  
 riter obnoxia. Cap. 8.  
 Quot qualesque inferant sanguini noxas venena ei specifi-  
 ce infensa. Cap. 9.  
 Quotplex ac qualis sit noxa quæ à venenis spiritibus, ac ner-  
 vis speciatim aduersis infertur. Cap. 10.

### LIBRI TERTII.

**Q**uid tractatū fuerit, & quid nunc tractandū sit. C. 1.  
 De venenis solida ledentibus Arsenico, Resigallo,  
 Calce, Sandaraca, auripimento. Cap. 2.

De Cantharidibus. Cap. 3.

De Lepore Marino. De ephemero.

De salamandra Veneno Putrefaciente. Cap. 4.

De Venenis sanguinis corruptivis. De veneno viperæ. 5.

De veneno Dipsadis.

De veneno Hæmorrhoi. De viru Doyni.

De Aspidis veneno. De veneno Basilisci.

De Rana rubeta, mutaque palustri.

De Veneno contagioso seu contagiosis feruentosisque igni-  
 culis. Cap. 6.

Circa contagij cōicationē sententia Auctoris, ubi difficillima,

A 2 Sed



- sed præclara quedam aperiuntur, unde et Obiter legitima  
 magneticæ attractionis causa in lucem prodit. Cap. 7.  
 De uenenis spiritibus insensis, & primum de Opio. Cap. 8.  
 De mandragora. De Iusquiamo. De Aconito.  
 De ueneno Torpedinis.  
 De uenenis nervosum genus lædentibus, & primum de uene-  
 no Phalangiorum. Cap. 9.  
 De ueneno scorpionis. Cap. 10.  
 De Tarantula ueneno. Cap. 11.  
 De quadam herba, quam, refert Plutarcus, comestam inter  
 alia admirabile quoddam accidens producere, ubi obiter  
 de nuce metella, & Sardonia herba. Cap. 12.  
 De ueneno canis rabidi. Cap. 13.

## Libri Quarti.

- Q**uid actum et quid de cætero agendum. Cap. 1.  
 Quid indicet uenenum ut euincaur, ubi alexiphar-  
 macorum natura probe discutitur, explicaturq; eorū-  
 dem cum uenenis colligatio. Cap. 2.  
 Quib. præsidijs uenena solidis infensa oppugnanda sint. Cap. 3.  
 De ratione profligandi uenena sanguinis corruptiua, et im-  
 pressam in illo noxam tollendi. Cap. 4.  
 Veneno in homine genito, et malis ab eodem putrescente illa-  
 tis quomodo occurrendum sit, ubi obiter de uenæ sectione  
 in malignis, periculosis, ac pestilentibus febribus. Cap. 5.  
 Quæ, qualiaq; præsidia sint adhibenda ad expugnanda ve-  
 nena spiritali substantiæ nocua. Cap. 6.  
 Quæ specificè alexipharmaca profligare nata sint uenena,  
 nervis infensa. Cap. 7.



*Febris maligna, ac pestilens non vna est in ratione causæ, sed multiplex de quibus sit agendum, & de tractandorum ordine, ac connexione.*

CAP. I.



**C**um maligna, ac pestilens febris non vna, sed pluribus de causis, & fieri, & dici talis possit, adeo vt hinc plura insurgant malignarum, pestilentialium febrium genera, quorum vnumquodque propriam seorsim agnoscit causam; propterea expedit has, vsque ad huc in medicina confuse acceptas, & a nemine inter se distinctas, ad euitandam homonymiã in primis recensere. Si prius dixerimus malignam, ac pestilentem febrem, vtramque in vno, & eodem genere causæ consideratam, non differre inter se, nisi minoris, vel maioris prauitatis, atq; acutiei, proindeq. pernicipiei ratione, & malignam quandoque priuatam, quandoque vulgarem esse: sicuti & pestilentē, & citra pestem, & cum peste subaudiri posse. Quamuis priuata rarissime pestilens sæpius malignissima à medicis vocetur. sed non est de nomine quæstio.

Et primo in ambitu malignitatis continetur synoca illa, quæ non in partiali, sed in tota sanguinea mole est accensa, magna plenitudine hominem tenente. Cum enim venosum, arteriosumque genus præ prohibita, ob constipatos vniuersæ cutis meatus, transpiratione, putres fumos, alioquin effluxuros, retinere in se cogatur, natiuus calor hominis ad internicionem ducitur: hinc febris ordine perturbato cum exteriorum perfrigeratione, mox & cum liuescentia elucet: ac post modum cum totali caloris extinctione; interim & vrinarum suppressione mors celerima adest. ignis, inquit, Arist. i. pr. 56. si spiraculum non dederis extinguitur. Emulatur illa hanc synocam, quæ sequitur sanguinem non ob suffocationem conculcantem, de qua modo, sed ob suffocationem ex denegata illi debita euentatione,

tione, ac refrigeratione putrescentem; quemadmodum vsu venit per statum æstuosum, ac suffocantem.

Maligni nomen, & illa adepta est, cuius focus est firmatus vel in quopiam nobili viscere, vel medutlio, ob grandem peccantis materię crassitiem: cum vtraq; de causa innatum animantis calorē in penitionibus cogatur extrema refrigerari cōtingit. de vtroq; hoc nere febris loquitur Galenus in 4. aph. 48. 7. aph. 1. 2. prog. tex. com. 4. & alibi passim, & primum insinuat nobis Hippoc. in 4. acut. tex. 47. & 1. proret. t. 7. alterius vero formam ac morem delineat. 2. in. 1. tex. 75. & verumq; rursus insinuat nobis in 4. aph. 48. 7. aph. 1. & 2. prog. tex. 4.

Insignitur rursus maligni nomine febris illa, quæ a materia biliosissima, ac meracissima pendet: hæc cum adurens maxime sit, non solum adipem, sed carnes etiam ipsas colliquat. de hac colliquatiua febre loquitur Hippocrates in 2. de nat. hum. 2. tex. 22. & insinuat hanc ipsam nobis per quædam prauæ vrinæ sedimina in 2. prog. t. 28. & Gal. in com. huius text. in 4. aph. com. 77. & alibi. hæc in calidi, & sicci temperamenti, nec non sub æstu exercitato homine locum præsertim sibi vendicat.

Cooptat quoque inter malignas adnumerari, quæ febris continua fortiora habet, quam ferat eius natura, accidentia: cum hac de causa maius dicat periculum. morem etiam statuit diuersum. hinc cum febris ardens per Hippocratem in 1. de morb. stet in ancipiti, siquidem ex eodem in lib. d. iudic. fortiora habuerit accidentia, mortem plerumq; affert. Stat enim illud Hippocraticum in lib. d. dieb. de cr. quod nihil horrendum, neq; lethale sit in his, quæ secundum naturam sunt.

Desuper maligni nomen illa meretur, quæ a vitioso sanguine per prauam victus rationem genito, ac putrescente pendet: de quo sanguine Galenus in 3. de alim. dixit, edulia vitiosa sanguinem vitiosum gignunt: & rursus eodem in loco, humor, inquit vitiosus ex edulijs vitiosis collectus in venis diu later, qui progressu temporis malignas accendit febres hinc variæ pro succi vitiosi differentia malignarum ac pestilentialium priuatarum, nec non vulgariū febriuā species adeo vt si victus ratio vni, vel pluribus urbibus, fuerit improba, morbus quoque communis, ac sæpius pestilens illis efficitur: cuius plura idem auctor affert exempla in 2. d. nat. hom. tex. com. 3. & statum similiter recenset ex prauo victu pestilentem in lib. de bonit. & vit. suc. c. 1. quem morbum vniuersalem, vt idem vocat, haustus quoq. aquæ infectæ, vel alio modo prauæ parere valet, vt quodā in castris contigisse refert 1. in 1. in arg. & in 2. d. nat. hum. com. 3. &

Plu-



Plutarcus in vita Marci Antonij morbum quendā, qui per esum cuiusdam herbæ ad mortem per insaniam milites huius Imperatoris ducebat, pestem vocauit.

Tandem malignæ, vel pestilentes sunt ille, quas gignit prauus qui dam sanguis, materiaque quædam malefica, non per vitiosam victus rationem, sed ob austrinam affectionem in venis genita. de quibus febribus propriis vulgaribus agere institui: hæ etenim, si quidem grandem prauitatem præferant, abscessus comites habent pestiferos, ac pestem efformant contagiosissimam.

Et quoniam a materia a qua febres istæ pestilentes pendent, contagium quoque ac venenositas procreatur: hac de causa, quæ sit legitima contagij, nec non venenorum natura, atque eorum agendi modus explicabitur, & rursus quoniam de austrina præsertim constitutione est agendum, vt contagiosissimæ, ac buboniæ, carbunculosæque pestis causa: & cum quædam aliæ constitutiones valeant vulgares, ac pestilentes morbos generare: idcirco ad maiorem austrinæ declarationem, atque sermonis distinctionem, agemus in primis de aeris constitutionibus, quæ vulgares ac perniciosos morborum status parere valent: successiue de austrina: mox autem tum veneni, quod in animantibus, dominante illa generatur: tum vero venenorum omnium naturam, differentias, atque effectus, horumque effectrices causas exaggerabimus: ac colligemus denique morbos ab hisce productos curandi rationem.

### *Quid sit aeris pestilens Constitutio :*

#### *Quotuplex, ac Qualis.*

#### *Cap. II.*



Vaniis mutari, atque extranea indui natura; nec non prauis aerem infici exhalationibus sæpenumero contingat, non solent tamen animantia lædi, quando quidem leues sunt mutationes, atque infectiones istæ: at sub magnis non tamen adhuc maximis, quædam vulgariter læduntur, & ex subiectis illa præsertim, cæteris semper paribus, quorum natura est ad aeris mutationem sentiendam parata. est non aliud aeris mutatio, quam ipsius affectio,

Etio, quæ ab Hippocrate, & Galeno passim status, constitutio, alias, & tempestas dicitur. locus expositaret, vt de constitutionibus in genere ageretur, quando potissimum cognitio hæc aliquin pernecessaria, & medico maxime digna, minimum habent in re medica locum. verum non est mei institutum de omnibus agere, qui de pestilentibus duntaxat agere institui. est autem pestilens constitutio, ad mentem antiqui doctoris in 3. de. Humor t. 16. & 3. aph. 1. maxima temporum mutatio. per tempora intelligere debemus anni partes, quarum vnique est naturale quoddam temperamentum, a quo cum recedere magno opere contingit, vt producantur morbi, necesse est non sufficit tamen, vt aer maxime mutetur, & quamprimum in propriam redeat naturam: sed opus est, vt in mutatione accepta diutius perduret: & idcirco pestilens constitutio iure definita est maxima temporum, non aeris mutatio; quo modo insinuat nobis diurnitas, quæ plures anni includit partes: quo stante fieri nequit, quin humana corpora, tantæ potentie obistere nequeant, morbose afficiantur; natura hominis, idem auctor Hipp. inquit in lib. d. dieb. decret. vniuersi potestatem plerumque non superat; adeo vt necesse sit, vt maior hominum pars tam valido subiecta statui perniciose afficiatur, quod importat nil aliud quam pestem, pestilentemue morbum, qui in lib. deflat. morbus, apud eundem, est omnibus communis: vel vt scriptum reliquit in 2. d. nat. hum. tex. 3. cum multi homines vno corripiuntur morbo, tempore eodem. ex quo conijci quodammodo licet, quod pestilens ex Hippocrate morbus æque ille sit, ac dici possit, per quem plurimi ex ægrotis moriuntur; ac ille per quem ægrotant omnes, vel plurimi, etiamsi ex his plures sanentur verum apud Galenum 3. in. 3. tex. com. 2. 1. pestilens morbus proprie is est, per quem complures ex ægrotis moriuntur. quod si vulgaris morbus hoc habeat, vt plures sanentur, cum mitior sit, seu proprius minus exitiosus, non pestilentem, sed ex veterum sententia epidemium, epidemicumue vocat 1. acut. t. com. 9. idem vero auctor pestem iuxta Hippocratis doctrinam in 3. d. humor. tex. 23. in grandem, & grandio-rem videtur secare, quando in 1. d. tem. cap. 4. verba faciens de calido, & humido intemperamento aeris, a quo suborta est pestilentia, quæ apud Hippocratem in 2. ep. sec. 1. in Cranone grassata est, subdit, sed hic minus, vt pote vno tantum, e quatuor temporibus mutato malum fecit: quod si duo, triaue sint mutata, aut etiam totus annus calidus humidusque fuerit, necesse est magna succedat pestilentia; nos autem de pestilentibus constitutionibus agemus, quatenus tales natæ sint, ad maiorem ex subiectis hominum partem mor-



## P R I M V S.

morbosam perniciose reddendam; siue ex his plures intereant, siue paulo plures sanitatem assequantur. neque enim morbus recte diceretur epidimius, si ex mille ægrotis quatuor centum interirent.

Cæterum etsi hisce diutinum tempus sit ascriptum, potest tamen quandoque pestilens effici status, etiam si breui perduret, dummodo maximus, isq; actiuissimus sit: cui tamen breui perdurationi respondent in breuitate morbi, vt statum morbosum dicunt. & hoc est, quod Hippocrates significare nos voluit, quando in 3. de humor. tex. 23. dixit, si annus talis diutius fuerit, qualem fecerit constitutionem, certe tales quoq; morbi diutius erunt; ac si magis fortes fuerint, maximi quoq; sic erunt, & comunissimi, & ad lungissimi spatium temporis. exempla magnarum, ac diuturnarum constitutionum apud eundem habemus 1. in 1. & 3. ep. breues fuere, quæ enarrantur in 2. ep. sec. 1. & 7. in 6. t. 1.

Magna aeris conquinatio à fædis vaporibus, a prauis exhalationibus illata, pestem quoq; valet parere: magna inquam, idest lunge, lateq; diffusa, alioquin quæ sordida ab vno veluti tumultu, vel cloaca, aut inhumatis quibusdam cadaueribus subuehuntur exhalationes, comunem nequeunt procreare morbum.

Quapropter non ab vna, sed pluribus affectionibus aerem vulgariter corripit contingit, quarum ratione varij, iidemq; inter se natura differentes morbi suboriuntur. sex has potissimas, easq; maximas esse comperio: vnde sex statuuntur pestilentes status. Primum efformat aer valde infectus, atque inquinatus. Secundum calidus, ac suffocans. Siccus est alius diutissime talis. Quartus austrinus. Quintus humidus frigidus, & aquilonius. Sextus austrinus & simul aquilonius quos omnes considero in suo esse maximos: alioquin non pestilentes, sed epidepijs essent dicendi morbi inde producti. de his igitur omnibus seorsim agemus, ac simul inuestigabimus, colligemus: quæ quos singuli. secundum legitimam sui naturam pariant morbos. Legitimam dico; quoniam hos si euariare non multum contigerit, morbi qui producentur, euariabunt. quamobrem si cui placuerit plures quoq; constituere status, nihil moror.

Cur, quæret quispiam, inter hos non adnumerauerim humidum, cum in 1. probl. 21. Arist. pestis quoque auctorem facere videtur. Dic, quoniam siue per totum annum, siue duntaxat hieme, aut æstate perduret, modo cum frigore, modo cum calore innigitur; vt propterea semper complicatus compareat. quo casu cum humiditas per se haud multum sit actiua altera ex actiuis qualitatibus ad agendum adhibere consuevit: cui forsitan respiciens loco citato Philosophus statum humidum cum æstate considerat, dum subdit ita vt ægrotan-



dia meriam habeant in estate. huius enim calor non solum mor-  
bosa incrementa ad putredinem excitat, sed etiam quicquam ma-  
lesci addit: & ob id morbi isti solent esse acutissimi, ut colligere est  
ex 2. ep. sec. 1. & 3. in 3. & clare rursus idem Hippocrates in 3. aph.  
X1. & in lib. de aer. lo. & aq. edocet, quando considerans hiemeta  
siccam, & borealem, ver autem pluuiosum, & austrinum, expectat in  
estate cum alios morbos, tum febres acutas, quæ sicuti sunt status  
humidi, & calidi propriæ: ita humido simpliciter lungi, & difficiles  
ab eodem auctore adiudicantur.

Quis rursus mihi opponet ex sententia clarissimorum virorum,  
influxum calorum, ut qui citra aeris manifestam, arcana quadam  
qualitate pestilentem excitare valeat inter animantia statum? Sol-  
ues hoc, si dicēs causas non esse à superioribus petendas, quando  
phiscæ adfuit. Confugere enim ad cælestia corpora tanquam ad ca-  
usam rei, de qua queritur, arcanam, philosophi, ac medici decus  
non fert: cum nec verisimile sit, Calos, qui alioquin ad humanæ vi-  
tæ custodiam, commodum, & ornatum conspirant, agere in hæc in-  
feriora, ut inquinent, ut officiant animantibus. Cum sint quoque in  
summo quodam temperamento constituti: cum sint remotissimi.  
Et si quæ immittant qualitates, ratio vult, ut ab aere, ut in suo orbe  
potentiori aut immutentur, aut retundantur. propterea numquam  
fuit observatum, anni temporibus propriam seruantibus naturam,  
humana corpora alterationem excepisse morbosam; nullam pestem  
subortam. sic exactissimus observator Hippocrates, qui de superio-  
ribus quoque curam habuit, pestem à Calis ortam non agnouit; nul-  
quam mentionem fecit: cum alioquin quaecumque ferme aeris cō-  
stitutionem leuem, ne dum pestilentem vel proposuerit, vel insinua-  
uerit in epidemiis, in 3. aph. in lib. d. aer. lo. & aq. in 3. de humo-  
ribus.

Non me latet quosdam scriptum reliquisse, pestem quandoque  
sauiisse citra quampiam aeris alterationem: insinuantes talem pestē  
ab vno superiorum influxu fuisse excitatam: verum hi prævalentem  
aeris statum pestis illius causam vel non bene obseruauerunt, vel ob-  
seruatum non intellexerunt. cum enim vena pestis dominantem  
agnoscat austrum: cumque sit austrinum dominium difficile cogni-  
tu, ac cognito, eius potentia, ac modus, quo animantia afficit perspe-  
cta fuerint numquam, in hanc sententiam facile venerunt; pestem  
quandoque produci citra aeris quampiam manifestam alterationem  
posse hinc factum est, ut, cum de peste bubonia, ac carbunculo, si-  
mulque contagiosa, quæ vera pestis est, scriptores tractant, causam  
vel à Calis petant, vel in aerem inquinatum, aut compositum con-  
tagium



ragium referant, austrinam potentiam alioquin legitimam pestis causam in considerationem minime vocantes ; vt mirum minime sit, si a primaria causa, eiusq; deflecentes cognitione, tractationes vndequaq; difficultatibus implicitas, ac legentium animos minime placantes nobis reliquerint.

*De magno aeris inquinamento, & quos generet morbos.*

*Cap. III.*



Vndi qui de peste tractarunt in hoc couenisse videtur, aerem vt omnibus comunissimum, comunissimi quoq; morbi, pestis dico, iuxta Hippocraticum, Galenicumq; placitum, auctorem esse, non propria gahdentem, sed extranea, atque animantibus infensa natura, indutum. Sed ex his alij asseruerunt aerem superioribus impressionem quandam maleficam, occultamue, atq; humanis corporibus infestam qualitatem suscepisse. putrefactum alij plurimi a prauis vaporibus, a maleficis exhalationibus corruptum, mutatumq; considerarunt. qua vero ratione hoc, vel illo modo se habens, animantibus officiat, & in hisce hos, vel illos ingeneret morbos, implicatissimi sub silentio praterunt. Verum satis reiecta esse censeo, quae primo loco dicuntur, aerem vero putrescere posse (excepta corruptione, quae in aliud elementum transmutationem dicit) inficiendum censeo : simplex enim corpus est. est praeterea igne multo plenus ex Ar. 25. prob. 19. per quem purus amplius redditur, atq; a putredine vendicatur, vt in hoc ipso loco insinuat auctor. quin si aeris daretur corruptio, cetera quoq; elementa abolerentur, auctore in 1. de Nat. hum. non comparanda auctoritatis Hippocrate, non me praeterit Ar. in 4. meteorologicum reliquisse, omnia posse putrescere praeter ignem, & ob id insinuasae aerem putredini esse obnoxium: at a vera putredine illum excludere, pro certo mihi ipsi persuadeo, vt propterea 25. prob. 19. proponat, cur aqua & terra putreant, ignis & aer non putreant alioquin si vt putridus, est etiam venenosus, venenosamue habet in se qualitatem, vt quidam; vel aduersissimam, hominibusq;

## LIBER

busq; perniciosissimam, vt alij asserunt, vtiq; sub putrido aere ad vnũ omnes corriperebuntur; interirent omnes ad vnum: quemadmodum si a cõmunibus exhalationibus secundum totam sui substantiam corrumperetur: inficitur enim ab his, coinquatur, fadatur. ad cuius affectionis (quam in hoc capite sumpsimus explicandã) aeris intelligentiam, haud latere te debet, quæ sursum subuehuntur, leuia corpora, duplicis esse sortis, rara alia, & praua qualitate orbata, vti vapores a terra humecta se attollentes, caligo, fumus, quæ vbi sursum sunt subuehẽta, quamprimum dissoluuntur, & aer fiunt. alia densa, subtilisq; substantia, & praua prædita qualitate, vt quædã exhalationes, quæ a mineralibus, vel quibusdam terræ hiatis subleuantur, & hæc diutius propriam seruant naturam, ac formã. primo modo aer, et si quãdantenus impurus reddatur, nõ tamen morbosè afficitur. altero coinquatur, non adhuc tamen corruptus dici potest. saltem corruptione physica: adeo vt, cum afficit animantia, non afficit vt aer corruptus, sed vt fadatus, conspurcatus. sic Hippocrates. dum aerem vt pestis causam considerat in li. d. flat. & in 2. d. nat. hum. t. 4. inquinamenti plenum, & morbosa excrementa in se habentem statuit. Cuius vestigia sectatus Galenus aerem infici, conspergiq; morbosa qualitate, morboso halitu scripsit, atq; hoc modo nocentem aerem considerat 12. Meth. c. 5. 1. d. diff. feb. c. 4. in 1. ep. com. 1. in li. d. ther. ad Pis. cap. 16. & alibi. cui aeris sic fado respiciens in 2. d. nat. hum. t. 4. Hippocrates præcepit aere inquinato existente, vt homines quam parcissime spiritus in corpus admittant, illumq; maxime familiarem. quo aperte indicat, aerem non secundum sui totum æqualiter, sed excrementorum disperforum ratione esse culpabilem. alioquin aerem influere in corpus paucissimum, nil animanti conducere, si quidem corruptus, esset etiam per istos perniciosus.

Quod autem adeo afficit aerem, vt inde pestilens status sit subsequiturus, non omnis halitus, non omnis malefica exhalatio est, quãuis priuatim officere nata sit, vt alioquin quæ a quibusdam cloacis, vel tumulis, aut specubus subleuantur: sed quæ a fomite aliquo copiosissimæ, ac vi quadam erumpunt, velut quæ per quosdam terræ motus exiliunt. hæc. n. non solũ copiosissimæ sunt, sed motu etiã violẽto, per quẽ terra cõcutitur, erumpentes per lungissimũ, ac latissimũ terræ tractũ disperguntur, & inquinato hac ratione per vastam latitudinẽ aere; pestẽ inducunt sic quondã dũ ludi Mithridatici celebrabatur, quibus Rex ipse intererat, terræ motu oborto, ingēs suborta est pestis, teste Orosio in lib. 5. sic terra orientis mota, scribit Leo Floriacensis, paulo post sequisse morbos. magnus quidã historiarũ scriptor, dũ pestẽ olĩ per Asiã, Illiriũ, Dalmatiã, Germaniã, atq; Italia grassatam



tam esse, refert, subdit, quod malum inter cætera frequentes terræ motus indicauere. quod forsan significare quoq; nos voluit Plinius, cum in lib. 2. c. 89. dixit, numquam concussam Romam, quin aliquod inde mali portenderetur.

Sunt autem exhalationes istæ, hi halitus, vt plurimum minerales, ac idcirco calididēst, ac quodammodo acres. hi a materia subiecta euhe-  
ti, atq; diu cum subterraneo aere delitescētes, quandā simul aerē efformant substantiam, quæ sicuti ambiente nos aere natura, ac substantia diuersa est; ita vbi e terra errumpit, per aerem disseminata, inspirantibus fit valde nocua: vnde vt quid acreum seruat diu propriam formam, ac eo diutius, quo Cælum frigidum fortiatur, quando alioquin caliditas æstiuæ leuia corpora ad aerē puritatem cōparandam valde sollicitet: aeremq; ipsum ex impuro, ac crasso, ne quid obftet, purum, ac tenuem reddat: vt hinc iure maximo, quēdam maxima pestis, vt scribitur, ex Hippocratico ingenio, per ignem fuerit sublata, atq; extincta.

Considerari aer infectus multipliciter potest, ac pro infectionis differentijs, pestilens morbus, qui inde suboritur, magis aut minus vulgaris, ac sauus efficitur. etenim alias lunge, lateq; a maleficis halitibus; alias per angustos terminos vitari contingit: illud magnā halituum copiam, hoc supponit paucitatem: qui halitus ad ea maxime loca transferuntur, ad quæ flantes venti impellunt: vnde in Vrbe co inquinata aer non solet æqualiter, sed dispersim fædari: illæ in quā domus præsertim fædantur, illa cubicula, quæ flanti sunt vento exposita. alias intensiue, iam vero alias remissiue inficitur, pro vt exhalatio magis, aut minus malefica est. minor maleficientia tum pendet a minori copia, nec non qualitate rei, ex qua exhalatio producitur minus calida, ac malefica: tum etiam a maiori temporis spatio, quo exhalatio erupit, nec non a maiori aeris loci inquinati a fomite distantia: cum enim exhalatio id habeat, ut successiue ab ortu suo rarior euadat, ac tandem aerē subeat formā, fit ut quo maius spatium intercedit a sui ortu, ac quo longius a fomite recedit, successiue minus malefica euadat: cuncta enim in ipso ad corruptionem transitu, quanto magis recedunt, tanto propriam formam, ac naturā magis deserunt. hinc propterea cum terræ halitus, qui ex terræ orificijs, cauernis, ac similibus erumpunt, statutum quendam latitudinis, ac diffusionis terminum habeant, intra quem duntaxat vires proprias exerunt; fit vt, qui aerē hunc halituosū cominus inspirant, statim concidant, qui eminus parum, vel nil lædantur. hac de causa pestis ab inquinato aere sauior in principio, in processu minus saua existit.

Aerem

Aerem quoque conspurcari quandoque atque loco pestem inferre contingit, non ob subterraneorum exhalationum, halituumque perniciosorum commixtionem, sed propter vapores à stagnantibus æstate aquis ex Gal. in 1. d. diff. feb. c. 4. & a putrentinis foribus liberaliter sublatis: quod malum videtur peculiare locorum lacustribus, ac palustribus aquis proximorum, nec non illius Urbis, qua flumen aliquod transit. hoc si quidem exalveare, atque irrigare totam Urbem contigerit, fieri nequit, quin cloacarum superfluitates, aliorumque conceptaculorum sordes putrescant, unde putres vapores abundantissime sublata aerem totum inquinantes, maxime si inveterim venti sileant, animantibus reddunt infensum. sic quondam Romanos per Tyheris exalvationem sæva afflixit pestilentia apud Liuium.

His itaque de causis, atque his modis aer improbus factus hominem inspiratus vel occidit, vel in magnum adducit vitæ discrimen, & ut hoc aeris facinus conuincatur, ac quas peculiare notas, morbosque inducat, illius usum ad humana corpora cognoscere prius expedit. Homo, ut cætera animantia omittamus, aere ita indiget, ut sine ipso vix paucis momentis trahere vitam valeat: non solum enim inspiratus materia vitalis spiritus, in pulmone præparationem prius expertus, efficitur, teste Galeno passim, sed per ipsum quoque natiuus calor continenter euentatur ac contemperatur, impossibile est, inquit, in lib. de vit. res. cap. 5. idem auctor saluam esse nativam caliditatem citra respirationem: sub calore euentatione solidorum etiam, sanguinis, ac spirituum temperiei conservationem intelligimus. Sic sub spirituum generatione, tenuis, atque spiritalis partium corpus constituentium substantiæ reparationem comprehendimus; infra enim & solidis spiritalis quædam substantia, quæ continenter reparatione indiget nempe ex illustrioris sanguinis parte & aere attractio nouas successivè suppeditatur spiritalis materia. Qui aer inspiratur tum quidem per os, tum & per uniuersæ cutis poros. cum sit ex sententia summi Hippocratis corpus totum inspirans, & expirans 6. in 6. t. 1. quod insinuat idem auctor, quando in lib. d. alim. dixit, alimentum in pilos, & ungues, & in extimæ superficiem ab interiori parte aduenit. extrinsecus alimentum ab extima superficie ad intima aduenit, cōfluxio vna, conspiratio vna, namque etsi sanguis, qui à cibo per os assumpto generationis materiam habet, à maximis vasibus ad extimam usque superficiem perueniens, cunctas nutriat particulas; aer vero ab extima adueniens ad petritiora accedat, atque ambo inter se natura, & substantia distent: nihilominus pluribus expertis alterationibus in vnum tandem confluunt,



fluunt, & ambo partes partium facti in anum conspirant, ac coeunt, quemadmodum enim aer, qui per os ingreditur, & materia vitalis spiritus futurus est, in rara ac molli pulmonum carne per lungiusculam moram preparationem sortitur; ita qui ab extrema venit superficie, non prius alimentum spiritui sit, quam in cute cribratus, in vasis elaboratus sit, ac familiarem cum innato constituentium partium spiritu qualitatem assumpserit.

Hic est aeris usus cum excrementis liber, cum purus existit: ac cum vitiatum esse contingit, inspirantibus sit valde nocuus, & profecto si consideremus illum ut vndeque vitiatum, adeo ut totus, vel ferme totus existat halituosus, ut vel illico, vel quamprimum homo ab inspiratione suffocatus concidat, necesse est. neque enim eius calidum satis, aut nulla ratione euentari, ac temperari, nouique spiritus regenerari possunt. sed hoc modo factus aer habere locum in pestilenti statu non conuenit, alioquin interirent animantia ad vnum. sic se habet prope cavernas, & alia terre orificia pestiferos, quum exitiosissimos exhalantia fumos, a quorum inspiratione suffocatus statim concidit homo, ut apud Georgium Agricola d. nat. rer. sub. ter. fluen. quãobrem cum pestilentem parit statum, extremo canet uitio: in quem modum considerato non ad spiritus, sed ad sanguinem noxa praesertim spectat. etenim etsi spiritus generatricem ab aere agnoscant materiam, ut videantur hi primario maleficientiae onus gestare debere, res tamen secus se habet, quoniam non prius reparantur, quam preparationem susceperit aer, cuius pars halitiosa repudiata, & in vasis, membrorumque orificijs insidens, in causa est, ut sanguis cum calido natiuo ad necessitatem non euentatus, non refrigeratus satis, atque calido, putrique contactus halitu, puerem contrahat motum, & statum efformet synocarum febrium, magis, aut minus, pro qualitate infectionis aeris, perniciosarum.

Huic sedem aeris constitutioni, quorum imbecillus, quorum segnis est naturalis calor, obnoxij magis existunt, quemadmodum & plethorici. Qui vegeto pollent, excrementa haec halitiosa digerere, ac dissipare solent, maxime si fuerint rari habitus. verumtamen sunt isti aeris incommodis magis subiecti, quam qui densa textura, sic ratione, sic experientia, sic auctoritate docentibus. quorum, inquit, Galenus in 3. de alim. est mollis, raraque cutis, ij ab omnibus externis causis facile corripuntur; quorum vero densa, duraque facilius ab internis. cui rei respiciens in 2. d. nat. hom. t. 4. Hippocrates salutis humanae studiosus, praecipit vere improbo existente, curent homines, ut quam parcissime spiritus in corpus influat, illeque maxime familiaris: non quod respirare homines ad

nece-

necessitatem non debeant: sed quod causas eicient, ob quas plurimum attrahi aerem necesse sit, ut sunt motus violentia, iracundia, repletio: proinde ibidem docet, corpora esse tumida, imbecillaque reddenda, atque extenuanda. unde subdit, sic enim fiet, ut homines, neque multo, neque frequenti spiritu egeant.

Incendijs est aer, excrementosus existens, expiandus generatim, ac priuatim. corpora praesertim impura discutientibus, diaphoreticis sunt pertractanda, & plena extenuanda. Unde & pro praeservatio, & pro curatio scopo venae sectio magnum sibi vendicat locum.

### *De statu aeris suffocante, et eius morbis.*

#### *Cap. IIII.*

**Q**uid sit, aer suffocans, qui & in ipsius respectu suffocatus dicitur, declarat nobis in 3. d. hum. tex. com. Galenus, aer iniquis, qui cauo in loco, altis montibus, & omni parte conclusus, nec vllum perflatum recipit, suffocans, putrisque censetur, & iure maximo putrem facit, non quod verè putris sit, sed quod inducat ad putredinem humores, velut qui ut immobilis, ac segnis, nec non quoque paucò calidus, minime sufficiat animantia ipsum inspirantia satis refrigerare, atque euentare, quin morbos subeant dico non satis, quandoquidem talis aer non est absolute suffocatiuus: alioquin interirent, qui ipsum inspirarent, statim homines, qualiter qui aqua submerguntur, fornaci ardenti exponuntur, & strangulantur, denegata prorsus nativo calido consueta, quae per respirationem fit, ventilatione. verum sub suffocante modo Galenico euentatur, at non debet, & pro ratione, adeo ut humores haud sufficienter moderati, sint sibi putredinem subeundum, ut ob id talis aer suffocans sit dictus in respectu, & non absolute.

Ad istiusce aeris sic suffocatiui naturam, contingit quandoque ut aer vulgariter mutetur: contingit inquam, ut Caelum adeo calidum, & æstuosum fiat, ut nequeant non fieri morbosa subiecta animantia. ex quo statim inferimus suffocantem aeris constitutionem, coincidere iuxta Galenicam doctrinam in 1. de diff. feb. c. 4. & 3. in 3. tex. com. 6. cum magnis ætibus, ventis interim silentibus: cum enim aer temperari nequeat, immotus etiam maiorem in modum excalefit. sic nos estu solis stādo tolerare nequimus, quē eundo facile ferimus: sic manus immota a flammis comburitur, quas mota per flammās per



per quoddam temporis spatium illaſa tolerat.

Vnde licet hinc etiam inferre loca illa, in quibus inſunt ſublimēs ac confertiſſimæ domus, quæq; montibus altis ſunt vndiq; circumdata, ſuffocanti eſſe aeri oportuno tempore magis obnoxia, vt nō ſatis perflata, quemadmodum plana humida, ac concaua, de quibus loquens in 2. de diæt. Hippocrates, lacuſtria inquit, ac paluſtria humectant ac calfaciunt, quia caua ſunt, & circumdata, & non perfluantur; humectant quia naſcentia ex terra, quibus homines alūtur humidiora ſunt, & ſpiritus craſſior eſt, propter aquæ ſtationem, & immobilitatem. vt propterea ſubiecta hiſce locis animantia ſuffocatiuum experiantur triplici ratione aerem, quod excaleſcant, quod minus, quam par ſit, perſentur, quodq; eorum corpora aere craſſo exiſtente minus tranſpirabilia ſiant.

Obnoxia quoq; huic ſuffocatiuo ſtatui loca illa, quæ cum ſint ex ſui natura calida, & incolis quadantenus graua, non de more calidiora ſunt. Sed eſt quoq; ſub hoc ſtatu hominis aſuetudo attendenda. etenim incola regionis calidæ, ſi inciderit in æſtuoſum aerem, difficulter a morbo, aſuetus regioni frigidæ, facilè corripietur. memini me legiſſe in quadam hiſtoria indorum, Indos quosdam in Hiſpanias tranſuectos in littore præ æſtu occubiſſe, cum viri Hiſpanienſes hunc facilè ſuſtulerint. Hinc veriſſimile eſt, Gallos illos celtico genere ortos, Romæ ſtationem facientes, obſidentefq; Capitolium, morbum hac de cauſſa contraxiſſe, vt apud Liuium, & Plutarcum in vita Camilli.

Sub hac conſtitutione locari poſſe arbitror illam, quam in 3. aph. & lib. d. aer. lo. & aq. proponit idem auctor Hippocrates, cum inquit, Si quidem hiems fuerit ſicca, & borealis; ver autem pluuium, & auſtrinum: neceſſe eſt æſtatē febriculofam fieri. ratio iſtius rei, ab auctore in loco poſtremo allata, quadrat intentioni noſtræ, quandoquidem ſubdit, cum enim de repente æſtus accedat, terra humida exiſtente à vernis imbribus, & ab auſtro, neceſſe eſt æſtum duplicatum fieri, & à terra irrigua, ac calida, & à Sole vrente. & quid proſecto talis æſtus aliud importat, quam ſuffocantem aerem? Qui quomodocumq; vulgariter vſueniat, ſi quidem extiterit intenſe talis, vulgariorem in loco, ac pernicioſorem efficiet ſtatum morboſum. Morbi autem iſti non erunt alij, quam continentes febres, putredine, ob immodicam caliditatem, ac denegatam animanti ſufficientem refrigerationem in præternaturalibus, atq; alibilibusq; ſuccis accenſa, vt propterea neceſſe ſit, tales febres admodum lethales futuras, non ſolum ob magnitudinem, nec non ob vtiliſſimi ſucci defectum, ſine quo animans ne-

quit esse : verum etiam quoniam pro refrigerio æstum languentia corpora suscipiunt : pessimum enim est ex Hippocrate in lib. d. die. decr. cum tempus cum morbo impugnat.

Suffocatiuam fuisse constitutionem à Thucidide enarratam , testari videntur verba historici à Galeno in 1. de diff. feb. cap. 4. allata, quæ sic habent, sed in tugurijs suffocantibus æstatis tempore habitantium corpora corruptione laborabant. verum primario austrinam agnouisse potestatem pro generatrice causa pestem illam, facile arguimus, ex quibusdam serpentibus vlceribus, quæ idem auctor in peste illa vagata esse scribit.

Conducibile est sub hoc statu montana, frigida conuallia, aquilonalia contendere : quibus minimè datum, in conclusa interdii quiescere domos : ac frigida sæpenumero aures, manus, ac pedes abluere. Sanguinis autem pro ratione missionem, quibus conuenit ; nunc vero & repetitam pro euentatione : nec non frigidum de more potum, vtilem in morbo censemus : prisana in hoc casu pro cibo est appositissima.

### *De sicca aeris Constitutione, & qui ex ipsa producantur Morbi.*

#### *Cap. V.*

**I**ngentes siccitates pestem afferre posse, docuit olim Auenzoar, & Liuius, si bene memini, Romanos quondam ob siccam constitutionem peste conflictatos fuisse refert. clarissimum istius exemplum habemus 2. in 1. epid. apud medicinæ Archiatrum Hippocratem, quæ est in ordine tertia, quam quamuis austrini præcesserint imbres : nihilominus siccitas diutissime consequuta constitutionis siccæ rationem sibi vendicauit, vt clare, qui inde consequuti sunt, testantur morbi. Quin immo, cum siccitates aquilonales statim post sequutos imbres austrinos successerint, magis quodammodo in humana corpora potuere : pessimæ enim sunt magis, & extremæ mutationes, toties ab eodem animaduersum : vnde ad hoc nobis insinuandum in lib. d. aer. lo. & aq. & in 3. aph. proponit nobis quosdam status, qui ex duplici constant inter se natura contraria : cum alioquin mutatio temporum sensim facta securissima sit, eodem Hippocrate teste in 3. de humor. t. 16. extitit igitur sicca, & propterea nos etiam siccam constitutionem  
inter



inter pestilentes locandam statuimus.

Sed quomodo exitit sicca tantum, cum aquilonales ventos magna ex parte habuerit socios? Idcirco sicca, & frigida videtur statuenda, vt talem in commentario decreuit Galenus. dico rursus sicci duntaxat nomine esse insigniendam, propterea quod consequenti morbi vnam redoluere siccitatem. fortasse hoc euenit, quod sicca tantum qualitas in humana potuit corpora, etiamsi frigidam comitem habuit, quod primarium obtinuerit locum: quodque vbi dominari contingit, vt insueta, sit animantibus magis infesta, quam frigida. Fortasse quoque quod natius calor animantium Thasi, quos tempestos hec diuexauit, vt pote huic frigida qualitati assuetos (quandoquidem Thasus Vrbs erat ex Galeno. 1. in 1. tex. com. 1. ventis frigidis, & aquilonijs exposita) potuit sentire siccae non frigidae qualitatibus iniuriam: alioquin offensa lunge euariaffet, si cum siccitate frigiditas vna alterasset. cum enim status hic quandam non naturalem innati caloris in quali sicco alterationem importauerit, aliter idem calor refrigerationem, vel partialem extinctionem esset passus, ac morbi inde consequenti frigidam eiusdem iniuriam testarentur: in quacumque enim vulgari, ac pestilenti constitutione, si quis bene attendat, semper natius animantis calor hoc, vel illo modo oblaeditur. obiectum noxae primarium id est, pro cuius noxae multiplici differentia, diuersi excitantur morborum status. Sentio tamen constitutionem siccam augmentum, ac quoddam in suo esse summum à frigido aquilone aquirere: morbosque quosdam suboriri, maxime si locus, & hominis dispositio consentiat, qui frigidam potius, quam siccam causam redolect; vt vsuuenit per Hippocraticam, per quam morbi quidam sunt vagati, ad cerebrum spectantes, qui à frigida causa visi sunt dependisse.

Et quoniam dictum est aere dominante sicco, natium calidum quandam non naturalem in quali alterationem, acutiemue importare, videndum iam quomodo id fiat, vt animans postmodum ægrotandum, ac quali morbo ægrotandum sibi sit. si prius dixerimus, siccum statum, propterea talem fieri, quod cum pluuiarum vacuitate transigat, & accendentibus borealibus ventis squallidus in totum fiat. quo stante fieri nequit, quia corpora subiecta, & præsertim biliosa valde exsiccentur. sic decreuit quondam in lib. de aer. lo. & aqu. Hippocrates dum borealem ac siccum autumnum considerat. vbi corpora sunt hac ratione exsiccata: vbi inquam solida nostri corporis membra, quæ sunt sedes, ac domicilium innati calidi, sunt arefacta, vt idem quoque calidum alte-

rationem effectum dignam perpetiatur, necesse est, quæ non aliud dicit, quam quandam præternaturalem eius acutiem, ex diminuto humido resultantem: unde non de more blandum, ac suauem, sed acutum, atque mordax expirat. ut propterea sanguini quandam pariter indat acrimoniam, ut loco citato eidem placet, cuius ratione cum totus conuerteretur in alimentum partium corporis nequeat, relinquit à se acrem quandam superfluitatem, bilis flauæ æmulam, quæ tandem putrescens morbos ab auctore in enarrata 2. in 1. ep. constitutione in ordine tertia efficit.

Sunt hi, ut videre est febres ardentes, quarum plurimæ in adolescentibus, atque adultis salutarem sanguinis eruptionem inueniunt: senioribus vero res, inquit auctor, in tex. 66. venit ad morbos regios, aut turbatas aluos, aut dysenterias. tu vero attende, si frigus per hanc tempestatem in procreandis morbis habuisset locum, nequaquam genitus acer hic humor fuisset, productrix horum morborum causa, idemque in maxima redundantia: copiosus, inquit in tex. 67. fuit hic humor, maximeque abundabat, ut hinc iure siccitatibus in 3. aph. 7. febres acutas ascripserit.

Sed hic curiosa, atque utilis insurgit speculatio. Cur factum est, ut ex ardentibus febribus ab auctore enarratis, quæ vere, & ineunte æstate sunt grassatæ, salutare fuerint, & cum fluxu sanguinis parium citra rigorem, ut plurimum iudicatæ: quæ autumno, magna ex parte lethales, habuerintque rigores, citra sanguinis eruptionem, ut ex historia videre licet? An quod in vernis, & primæ æstatis febribus, cum humore per statum genito horum febrium causa computrescebat, aut efferuescebat simul sanguis, qui copiosus peccantem humorem in se habebat commixtum: qui sanguis à calore febrili desuper rarefactus, ac sursum latus, venas narium à se nimis inflatas referans, large erumpebat: ac simul morbifico humore euacuato, febres iudicabantur, eoque ut plurimum citra rigorem: quoniam ob permixtionem sanguinis, refracta humoris acrimonia, non erat cur vellicatio, expunctioque; vlla fieret, per quam natiuo alioquin calore molesto, rigor inducitur. At autumnales magna ex parte fuerunt lethales cum rigoribus, & citra sanguinis fluxionem, eo quod humor per statum genitus, à temporis diurnitate secretus, impermixtusque, ac crassus successu factus non poterat non in internis vasis putrens focum febris firmare; hacque de causa ægotantem in perniciem adducere, cuius impermixtionis ratione febres tum sine sanguinis fluxu iudicabantur, tum rigores habebant. Circa quos Galenus non bene sentire mihi videtur in com. tex. 76. & 86. qui docet hos contingisse,



gisse, quod bilis non amplius in venis, sed in totum esset diffusa corpus. quoniam si sic, cessassent febres ardentes, & res ad vnum morbum regium deuenisset: vel ad illius doctrinam, ex ardentibus mites, & intermittentes euassent, ob transmissionem bilis ab intestinis vasis ad carnes totius ambitus: qui tamen materiae motus vel ipso teste in 3. aph. 22. & alibi, fuisset temporis contrarius, cum si per carnes fuisset dispersa, autumno, & hieme ad intra fuisset coacta.

Ego sentio plurimos propterea rigores hoc tempore fuisse factos, quod acer humor non esset ampliendus cum sanguine, qui tuac temporis existit paucus, teste in 1. de nat. hum. Hippocrate, permixtus, ac temperatus: sed separatus, & impermixtus; vnde nunc solida, nunc vasa vellicans, rigores excitauit plurimos. Neque enim locum duntaxat habent, cum per carnes fertur per Galenum, & non in capedinibus vasorum continetur amara-bilis, vt idem passim scriptum reliquit, & aperte docet in tex. 86. sed etiam cum in vasis firmata est. ea quidem si sinceritatem cum crassitie seruauerit non solum lancinare, mordereq; venarum tunicas, vnde rigores, verum etiam erodere, atq; exedere nata est, si orbata omni aquositate vltiorem comparauerit mordacitatē. quam noxam agnouit, immo edocuit idem auctor in 4. aph. 77. & alibi; hinc propterea rigores in ardentibus non decretorij, sed maligni, de quibus in coa. praedicatur, continui in acutis rigores prauis sunt; hinc successiue inquietudines, & corporis iacrationes, nec non fastidia, quorum consequutiua est extremorum perfrigeratio, vt vsuuenit agrotantibus in tex. 75. enarratis. hinc demum vrinae squamulosae, furfureae, de quibus in 2. prog. t. 28.

Non inficior, quod in continuis quibusdam, atque ardentibus rigores nequeant contingere, solidis ad mentem Galeni, sed melius venis per carnes diuaticatis, lancinatis, atq; expunctis a tenuiori bilis parte expultrici naturae vbedientiori illuc amandata, interim crassiori internas sedes occupante, qui tamen non adhuc decretorij absolute scendi sunt, cum & nuntij interritus agrotantis esse possint. etenim si a rigore facto, pars crassior, profundiorque, & immediata febris effectrix causa tradenti, atq; expellenti naturae sedat, decretoria quae iam excretio iam iam in conspectum se offert, qualiter vsuuenit pluribus per hanc tempestatem ardenti febre laborantibus, per tex. 64. cuius excretionis qualitatem recenset auctor in tex. 79. At si minime cedat, locum iam habet illud in 2. ep. Hippocraticum, decretoria non discernentia aut lethalia sunt, aut difficilis iudicij. Lethalia non

addu-

addubitabis ea esse, cum ægrotus vires habet debilitatas, ut prius sit sibi succumbendum, quam crassa bilis, quæ renuit expultrici cedere, per putredinem consummatur. si rigor incidat, Hipp. inquit in 4. aph. 46. febre non deficiente ægro iam debili, lethale. non profecto lethale quod præ imbecillitate natura minime poterit illam expellere, ut expositores cum Galeno sentiunt, sed quod natura illam præ crassitie effatu digna amovere à se potens, nequam fuerit. quod ita sibi velit scriptura Hippocratica, attende infernum ipsius sensum. Si rigor incidat febre non demittente, lethale est, ægro existente imbecillo: igitur forti existente, non erit lethale, sed difficilis iudicij. quemadmodum enim, ut Galenus, & expositores insinuant, expultrix facultas minime potuit expellere, quod imbecilla existeret, unde rigor frustra incidit: sic ex aduerso arguimus, quod potuisset expellere, si sibi datum fuisset, ideo quod robusta esset: sed datum haud quaquam sibi fuit, propter insignem materiæ peccantis crassitiem, cuius ratione à loco amoveri renuit. quamobrem si decretoria à rigore excretio minime compareat, forti existente ægro, non perniciiei, sed erit difficultatis iudicij indicatium: quoniam potest æger robustus longius, quamvis difficulter, ac laboriose, protrahi, & febrem tolerare, donec productrix eius materia vel inflammas tota abierit, vel quampiam concoctionem acceperit. Insit pro exemplo nona febris die in venis materia, pro febre successiue fouenda, ac conservanda quinque desuper dierum spatio, & rigor incidat: tunc si æger debilis sit, vel non poterit amplius sufferre morbum, vel per duos, aut tres duntaxat dies sufferet, quibus finitis nativo calido maiorem in modum à febrili caliditate depravato, ut ex toto concidant vires, labescatq; æger necesse est, si robustus, valebit morbum tolerare per quinque statos, aut etiam plures dies. tu vero disce hinc, quanti sit in acutis pauca, vel multa existens materia morbifica ad salutem, vel ad mortem mouenti. hinc enim interdum fit, ut hominem acuto morbo laborantem, perniciosius undique stipatum signis, iam iam præter spem morbo superiorem esse videas, consumpta interim mox, concoctaq; quæ supererat materia.

Non me latet Galenum in com. exitii causam assignare, præter expultricis impotentiam, tum rigori ipsi, cuius agitationem tolerare nequeat vis debilis: tum & euacuationi, ut quæ, minime intermittendo, vires dissolvere nata sit. verum quo ad illud, præter quam quod vigor in continuis superueniens debilis, ad differentiam vigoris intermittentium, sit, ut nequeat concoctionem debe-



debelicatoriam parere, vigor quoque hoc in loco auditur ab Hippocrate non ut symptoma, sed ut merum signum: istud vero est reiiciendum, cum non sit Hippocratis, qui sine phisicis principiis loquutus est numquam, sententiarum suarum iacere fundamenta super accidentariam causam. accidentaria causa est, quod, quo tempore ab euacuatione subleuari æger deberet, mortem a sequeatur, quod accadat, ut euacratio fiat assidua: quæ res etsi aliquando contingere possit, frequentius tamen, ne dicam semper, fit, ut euacuatio quæ rigorem sequitur, ut decretoria, paulatine, & cum ægri tolerantia fiat: alioquin non verificaretur nisi rarissime aphorismus hic, qui oraculum est, qui præ multis arcana quædam medica, eaque ad artem faciendam vtilissima in se abscondit. & id ipsum non intendit nec vel minimum Hippocrates, qui propterea ægri interitum non ab immoderata euacuatione, sed à perseverante expectat febre. Quod si instet Galenus hanc à rigore euacuationem in homine inualido semper fieri, sine intermitentia, utique erat iuxta eius doctrinam aphorismus sic scribendus. In febre continua si rigor, ægro iam debili minime contingat, bonum. at quomodo bonum, si Senex in 4. aph. 58. à rigore in vniuersum expectat febris solutionem?

Quamobrem ut, vnde est oratio digressa, reuertatur, cum æstate iam, autumno & hieme acer per tempestatem genitus humor impermixtionem, atque conspiciuitatem comparasset, potuit non amplius castigatus, ac contemperatus, rigores pro ratione, & decretorios, & perniciosos efficere. hac de causa factum est, ut plurimi per tex. 64. ex ijs, quibus sanguis minime erupit, circa iudicium riguerint: paucis vero, quibus eruptio facta est, rigores acciderint: ideo quod isti, ad differentiam illorum, noxium humorem habuerunt cum sanguine mixtum. hac etiam de causa senioribus, velut qui inopia quodammodo sanguinis laborant, pro sanguinis fluxu abscessus, per tex. 66. per fluxionem biliosi facti sunt. qua insuper de causa in status processu sanguinis cessarunt eruptiones, per tex. 86. & plurimi simul phrenitide correpti fuerunt, per tex. 73. ideo enim quod bilis flava non amplius vna cum sanguine putresceret, factum est ut ubi cerebrum, fuissem à flammis lata, occupauit, cum minime datum sibi esset ad instar sanguinis enarium venis, effluere, exitiosas, firmatas, excitauit phrenitides: in quibus tamen non prorsus secreta, sed sanguine quantatenus perfusa fuit, cum morbum subierunt, pro larga, ac congrua, ut alioquin salus hominis exposculabat per tex. 63. sanguinis eruptione, euacuata duntaxat sanguinea portione, stillæ sanguinis mortis

mortis nuntia comparuerunt. Qua denique de causa rigores non solent in continuis habere locum, nisi in morbi processu: quoniam tunc temporis forciuntur maiorem sinceritatem, crassitiemque, ac inde maiorem nocentes humores acrimoniam. quod si in principio, vel aumento rigescant quidam, qualiter quorum mentio facta est in tex. 75. prauum signum, inditium est enim crassam in corpore, eamque valde mordacem redundare materiam.

Ceterum præter recensitos morbos, scribit Hippocrates paraplegias in primis esse vagatas, ex quibus nonnulli subito moriebantur, quarum causa hic paucis examinanda venit. Nimirum in cerebro ob præcessos aquilonales, atq; austrinos imbres, excrementa in multis genita fuere, quæ à venis in ventriculos cerebri eructata, cum postmodum per naturales ductus ob crassitiem, atq; contractam à dominante cælo viscositatem rite expurgari non potuerint, ad quandam quantitatem naturæ molestam inibi retenta, tandem à natura excutiente se, ac velut quassante ad cerebellum, ac inde ad orientes nervos modo secundum dextram, modo sinistram partem amandata paraplegias effecere: at in quibus excrementa hæc peruenire in posteriorem ventriculum non potuere, sed præ crassitie, lentoreq; in angustiori firmata sunt meatu, spiritui animali affatim aditum interceperunt, vade mors repentina est subsequuta.

His sic de immodica aeris siccitate, & eius morbis statutis, vñ quod difficultatem facere videtur, discutiendum venit: etenim non videtur rationi consonum, quod quidam vrinas potuerint habere aquosas, multas, puras, tenues post iudicium, per tex. 70. cum ratio exposcere videtur, vt ichor omnis per siccum statum esset absumptus. Sic, quod in quibusdam potuit satis congeri aquosus humor, ob constipatos ab aquilonali frigiditate cutis vniuersæ poros: quod vsuuenisse senioribus ratio, vult, nec non densi, ægreq; transpirabilis habitus hominibus. in quibus igitur hic humor congestus in redundantia fuit, vbi febris iudicium accepit, ad vesicam amandatus potuit illas vrinas efficere, crassiori atq; acriori quadam parte superstite ad intestina transmissa, quæ postea dysenteriam eadem exulcerans, effecit: subdit enim auctor in subsequenti textu, postea hi omnes dysenterici euaserunt, quod vrinas reddiderint aquosas attendendum est.

Vbi obiter intelligimus posse quempiam probe aliquando iudicari, cum vrinis aquosis tenuibus. etenim si contigerit, vt crassa, atque inflammabilis materiæ peccantis pars per putredinem sic consumpta, vel ad intestina amandata, pars aquosa, febris ex

Hippo-



Hippocrate infestissima, ad vesicam transmissa aquosae, easque multas urinas faciet, quas tamen laudabilem subsidentiam habere par est, propter cineritiam à putrefacta iam crassa materia relicta superfluitatem; si modo hæc crassitudine fuerit prædita, effatu digna: quandoquidem à tenuibus humoribus nulla exputatur; Galeno teste in 2. de diff. feb. cap. vlc. superfluitas.

Virtus in cunctis ratio humecandi, & siquidem aquilo adiungatur moderate calefaciendi vim habens instituenda. de cætero vernaes febres vera præsertim sectione, autumnales paulatina per aluum peccantis humoris expurgatione: aut etiam per vniuersam cutem, si eo natura vergerit, ad normam febrium Hippocraticarum, sunt tractandæ.

*De Tempestate frigida, humida, & aquilonia, & eius morbis. Vbi obiter Ty-  
porum non dum perspecta  
caussa adaperitur.*

Cap. VI.

**L**ocus exposularet, ut de austrina ageretur; sed quoniam de hac est diffuse agendum, cum totum hoc opus ex tractationis occasione istius conficiatur, & ad hanc cuncta veluti dirigantur, idcirco recte factum putavi, postremum ipsi assignare locum, & pro austrina humidam, frigidam, & aquiloniam sublocare, quam tibi liceat statuere annum, in quo magni contingant imbres vno ex his, aut pluribus, quos Galenus in 1. tex. com. 1. statuit, modis; frigora sauiant, & venti dominantur aquilonales. Quid autem sit ex tali anno expectandum, iam inuestigandum est.

Manifestum autem, quod cum in tali anno duæ excedant qualitates, humiditas, & frigiditas: duo sint generica mala in subiectis animantibus subortura. etenim per redundantem, atque diutino tempore perdurantem aeris humiditatem non solum solida perhumectantur, sed humores quoque exauescunt, multiplicanturque, maxime si frigiditas fuerit adiuncta, ut in nostro casu: frigida causa, inquit Galenus (dum 2. in 1. tex. com. 7. de hac loquitur constitutione) cutem constipantes humores prohibent digestionem, & aeris humiditas non solum à corpore remouet quic-

D

piam,

piam, sed etiam adiacet: cui rei manum quoque porrigit natium animantis calidum, quadantenus a constitutione refrigeratum: unde hinc maxima aquosorum humorum colluie coaceruata, expectandum est, ut tandem mota non mediocriter hominem afficiat, atque interim per communia emunctoria profluat, aluum, vesicam, cutem: ubi enim humores tenues, ac liquidi sunt, a venis ad quodcumque emunctorium aditum sibi æstuant; ad hoc nempe, vel illud, modo ad plura, vel omnia, prout huic, vel illi fuerint proximiores, vel naturæ commodiores, aut in maxima redundantia. Quamobrem effulgent per hanc tempestatem fluxus cuiuscumque generis alui: lienteriae, dysenteriae, dianæ biliosæ, tenues, multæ, crudæ aquosæ, mordaces, in his quidem hæc, in his vero illæ pro naturalibus hominum differentiis, ac dissimili viuendi ratione. Manifestum est enim, quod in frigidi, ac densi habitus homine, vel frigidi, ac picuicini temperamenti, ac magis si is victui simili se dederit, maxima tenuium, & aquosorum excrementorum copia coaceruabitur: cum in aduerso homine panca congerentur superfluitates, eademque per tractam in corpore moram biliosam comparabunt naturam, vnde fluxionum varietas.

Eadem ratione fluxiones per vesicam contingent, verum molestiores: adeo ut interim dolores, abrasiones, ac purulentie fiant: propterea quod humores per hanc viam incedentes, ratione tardius incesus, nec non caliditatis loci semiputrescentiam, ac inde acrimoniam comparabunt, ob quam vijs quadantenus excoctis, atque abradis, ut dolores, purulentia, ac fluxioramentosa consequantur necesse est.

Rursus cutis undique sudore perfundetur, non solum propter excrementorum aquosorum concussam in venoso genere collectorum: sed ob carnes etiam maxime humectas: adeo ut in his licebit tibi animaduertere copiosissimos sudores, & carnes velut rore quodam semper perfusas. fient hæc & cum febre, & sine febre. Vbi venosum genus recrementis probe expurgabitur, quod vluueniet ijs, in quibus non multa inerunt excrementa, ut biliosis, sine febre fluxiones fient: at in quibus plurima, eorundemque pars in venis retinebitur, hæc putrescens febrem quampiam ex hoc, vel illo genere excitabit.

Exuperans id mali perpetrat humiditas: at grauiora sunt incommoda a frigiditate expectanda: quandoquidem scopus istius qualitatis videtur esse, calidi animantium innati offensa: ab hac enim non solum refrigeratur, sed deprauatur quandoque, non per se, sed



se, sed humiditatis redundantis ratione sede ipsius, seu sedis ipsius propriæ refrigerata, ac deprauata temperie. hæc namq; qualitas cum solida reddat ad excipiendam refrigerationem aptiora, computrens etiam, si valde excedat, idem calidum à refrigeratione debilitatum, deprauat: hinc postea cum solida sic affecta oblatum sibi alimentum recte totum conficere nequeant, relinquunt à nutritione plurimam superfluitatem, quæ à tempore biliosam adepta naturam, difficillimam putrescens, lethalemque accendit febrem, à qua extimiscendum est, vt æger calido eius ulterius refrigerato, ac partialem extinctionem passo, tabidus tandem fiat. erit hæc non alia, quam febris semitertiana, quam iure merito 2. in 1. tom. 5. omnium maxime lethalem, & tabidorum peculiarem decreuit Hippocrates; non quod biliosos, & crudos simul pro generatrice sui causa assumant humores: sed quod cum salus ægrotantis pendeat à materiæ morbificæ concoctione, aut eiusdem consumptione, quæ proinde statam, ac definitam materiæ quantitatem supponit, fit vt, cum materia harum febrium non sit definite genita, sed successiue, ac continenter ob membrorum discrasiam ab innato calore labefcente subortam, generetur, coctio totalis, aut consumptio expectari nulla vnquam ratione possit, sed pro hac virium ex incessante, ac continente morbo ob successiuam materiæ subministrationem, totalis tandem resolutio, ac mors sequatur. vnde non mirum, si quos huiusmodi febribus laborare contingit. grauissimis interim ad Hippocratis doctrinam conflicteatur incommodis, siq; tandem tabidi euadant. cum enim hic tabes magnam colliquationem, atq; extinctionem ex naturali calce deprauato, ac simul partialem extinctionem passo subortam dicat, de facili fit, vt cum velut in fieri ad hanc est, cum inquam deprauatus, ac quadantenus refrigeratus est, tandem etiam in facto esse eam subeat: maxime si languentes multo antea à morbo correpti in autumnum coincidunt, cum sit autumnus, ex Hippocraticis placitis, tabidis malus: hoc enim tempore parati subeunt ex occasione tabem, ambigentes confirmantur, & confirmati moriuntur. Pereunt, inquit Hippocrates in 2. prædic. 13. homines hi, scilicet tabidi, ad autumnum: sed & ex alijs morbis lungis pleriq; ad hoc tempus maxime moriuntur. Quod autem qui semitertiana laborant de facili in tabem incidunt, quodq; sit febris hæc, præter insinuatam rationem, tabidorum, & lungis alijs morbis egrotantium peculiaris, nec non allatam superius Hippocratis auctoritatem, etiam comprobatur experientia: etenim qui per constitutionem

austriam, & cum squaloribus tantopere calido innato infensam  
 1. in 1. quæ est in ordine prima: quique per constitutionem, de  
 qua modo 2. in 1. enarratam semitertiana per tex. 25. laborauere  
 tabidi effecti sunt, ut colligere est ex tex. 13.

Hi sunt morbi, qui ab hac tempestate, si quando contigerit,  
 sunt expectandi: quos sicuti subibunt ij facilius, qui fuerint ad  
 maleficentiam tempestatis aeris suscipiendam magis parati, ita  
 affligentur hi grauius: ideo quod dispositio maiorem excremen-  
 torum copiam, & hæc maiorem importat morbum. dispositio-  
 nem statuit primo temperies frigida & humida, mox vero & ætas  
 molliuscula. cuncta autem hæc cum ratione excerpta compro-  
 bant morbi, atque affectiones ab hac constitutione, quæ quondam  
 Thasios exercuit loco proxime citato excitata: ut hinc cuique  
 legenti patere facile possit, quod nos breuiter de hac statuimus,  
 vndequeque esse euentui consonum, ac velut esse quandam breuem,  
 sed exactam Hippocraticæ constitutionis explicationem. & quo-  
 niam refert Hippocrates cuiuscumque generis febres esse per ean-  
 dem vagatas, idcirco ut exactior habeatur cognitio, expedit pau-  
 lulum circa has diuersari, quo simul, ut spero, vtilia, noua, ac  
 præclara audiemus.

Primum circa febres tertianas, de quibus in tex. 20. duo in-  
 quirenda veniunt, alterum est, quomodo per frigidum & humi-  
 dum illum statum biliosus humor præternaturalis fuerit in exupe-  
 rantia genitus, qui excitare in plerisque tertianas potuerit, cum  
 soleat hic humor per calidum, & siccam Cælum duntaxat re-  
 dundare.

Respondet in com. Galenus, quod impeditis eorum, qui na-  
 tura erant biliosi, cutis spiraculis, quantum bilis in carnosio con-  
 gestum genere ante vacuabatur, in hoc statu, ut frigidum & humi-  
 dum, non vacuatum, tertianas generauit febres.

Hæc Galeni responsio, etsi circa retentionem probabilis esse  
 possit, circa locum tamen huius biliosi excrementi non bene con-  
 stare mihi videtur, quoniam sic, vel produxisset iterum, vel pu-  
 trescens continuam effecisset febrem: ubi enim bilis hæc in car-  
 nibus congesta semel putredinem in se admisisset, utique sine vlla  
 penitus intermissione, sed continuatim computrescens continuam,  
 eamque ardentem generasset febrem: ideo quod in hoc distat ab  
 intermittente continua, quod hæc paratam semper habet in foco  
 materiam, ex qua successiue, ac continuatim accensa, continuæ  
 attolluntur flammæ: intermittens autem propterea intermittit,  
 quod deficiat in foco per putredinem consumpta, materia in pri-



mis parata : & interim quo alia aliunde missa paratur , homo febre liber degit . ex quo obiter intelligimus Galenum tum alibi , tum in commentario huius textus mole ardentis , ac proinde continuas , atq; intermittentes febres inter se distinxisse , qui docet illas fieri , cum in venis abundat , putrescitque , has vero cum in totius corporis carnibus dominetur flava bilis ; cum & illæ produci possint ex quopiam calido humore in carnes abscesso , vel inibi congesto , & has ex bile , in venis quamvis minoribus putrescente , pendere certissimum sit : ut propterea nil obtinisset , si in carnibus biliosum excrementum fuisset congestum , quo minus simul computrens continuam accendisset febrem . extat , pro istius rei comprobatione , in 4. aut 1. Hippocratica auctoritas , causus , dicitur , sit cum venulæ exsiccata tempore æstivo tenues , ac biliosos ichores ad se traxerint : non aliud per venulas nobis insinuat auctor , quam minima , capillariaq; per carnes diuinitatas vascula . & rursus in 2. ep. sec. 1. sic habetur , subnascebantur in cute sanies , dum autem intro concipiebantur , colescebant , & pruritus inducebant : deinde pustulæ velut ab igne exustæ excitabantur , & sub cute vri sibi videbantur . nemini autem dubium , quin tale incendium exterioribus partibus inductum , communicatum pariter interioribus fuerit , produxeritque febrem continuam . iunge tu quod per Galenum sequeretur , quod hieme magis , quam æstate vagarentur febres tertianæ , retenta , ac coaceruata , ob ambientis frigiditatem , flava bile .

Ego sentio materiam , quæ illas generauit tertianas , fuisse in venoso genere congestam ob celi statum pluuium , quæ , etsi sub specie aquosi excrementi fuerit in primis genita , à mora tamen biliosam contraxit naturam , cuius ratione tertianum potuit efformare typum . sed hoc biliosis duntaxat vsuuenisse ratio vult , quos etiam molestius , quam qui ardentibus , laborasse scribit in text. Hippocrates : ideo quod biliosum hoc excrementum ad venas carniū circumferentiæ corporis transmissum potuit , ob tenuitatem à tempestate adeptam , in carnes etiam ipsas partialiter crustari , atq; ob id acutiorem , ac molestiorem inducere caliditatem . ad differentiam ardentium per tex. 16. quarum materia , cum in intestinis putrescere vasis contigerit , non potuit tantam , quantam quæ intermittentes effecit , inferre caliditatem . Ex quo obiter discimus utramq; hanc biliosam superfluitatem non retinuisse germanam flauæ bilis naturam , ut alioquin retinisset , si quidem assertio Galenica in textu de retentione bilis , ob meatus impeditos , teneret .

Alterum

Alterum est, qua de causa tertianæ illæ in omnibus quaternos circuitus habuerint, in septemq; absolute iudicarentur, nullaque harum recidivam habuerit per eundem textum, cum ratio exposcere videtur, ut lungæ, ac difficilis iudicij essent futuræ, ob frigidam & humidam status temperiem.

An quod breues, ac statæ fuere, propter paucam, eamq; statam materię biliosæ quantitatem, quæ cum determinato tempore per febrilem calorem consummeretur, tum determinatas fecit accessiones, tum reuertendi occasionem sustulit. etenim earum generatrix materia, cum contrariam adepta esset naturam, cuius erat tempestas, atq; accidentariam velut habuerit productricem sui causam, nec poterat in minime dispositis in redundantia congeri, nec aderat causa, ob quam interim, quo febris hominem detinebat, alia similis generaretur, à qua alioquin accendi febris, vel recidiva fieri posset. etenim inter alia, quæ & elongare morbum quempiam, & recidivas facere nata sunt, principis est cuiuspiam membri similis morbo intemperies, nec non cœli status. Cœli statum recidivas facere ratio adstat, quoniam quod natum est morbum quempiam posse producere, id etiam natum est recidivam per morbos facere, id edocuit nos in 3. de humor. 2. 11. Hippocrates, inquiens, recidivas quoq; tempora faciunt, sicuti & morbos faciunt: cui rei forsau respiciens in lib. d. dieb. decret. idem auctor intulit, malum esse, cum tempus ipsum simul cum morbo impugnat, nimirum cum tempus morbo in intemperie consimile impugnat, simul cum morbo aduersus ægrotum. quod si quis recte attendat, non repugnat Hippocratico scito in 2. aph. 34. decretato: quo in loco confert auctor morbum cum re naturali, quæ est hominis complexio, ætas, habitus, ratio: hic vero cum re præternaturali, scilicet cum aeris, iunge tu & hominis, excedente intemperamento. & ob id cum dixisset, nihil horrendum, neq; lethale sit in his, quæ secundum naturam sunt, subdit post allatam sententiam, plerumq; enim hominis natura yniversi potestatem non superat. vnde si morbus fuerit ex calidioribus, aer immodice calidus vires morbo addet, & pugnabit simul cum morbo contra hominem: si e contra, pugnabit simul cum ægroto contra morbum, quoniam pender à contrarijs curatio. & ut, quod intendimus, maiori illustretur declaratione, ad particularia descendemus. tertiana etenim erit, cæteris paribus, minus grauis, ac brevis in ætate moderati caloris, quam feruente: sic & in iuvene frigidi, quam calidi & sicci admodum temperamenti: quoniam nec per moderatam æstatis, nec per remissam



missam hominis caliditatem poterit interim vel denuo post alia bilis gigni, quæ alioquin vel fonere, & elongare morbum, vel recidivam facere valeat. Præter tertianas per statum hunc Hippocraticum vagatas, ardentes id testatissimum fecere: propterea enim quod originem traxerint à frigida & humida aeris qualitate, genitæq; eandem habuerint sui impugnatricem, leues & statæ fuere: ex ægris, præ ardentibus, inquit Hippocrates in tex. 16. 17. 18. 19. hi minime laborauerunt, nec sanguis de naribus nisi paucis, & admodum paucus erupit: nec delirabant, & alia cuncta erant leuia. iudicabantur his plerisq; statò admodum ordine cum intermittentibus in septem, ac decem diebus: nullumque tunc febre ardente vidi mortuum, neque in phrenitim incidisse.

Circa quartanas, de quibus in tex. 21. dubitare pariter quispian possit, quomodo locum habere potuerint per illam temperatam, quæ humida & frigida extitit, cum humiditas refragetur causæ humoris melancholici, qui quartanas putrens accendit febres. Dic, quod etsi qualitas humida contraria sit generationi humoris melancholici: attamen cum frigidum dominetur Cœlum, in quibus iecur siccum est, humor hic vult inter alios efflorescere: id quod experimur hiberno tempore in quartanarijs, quo tempore etiamsi frigido & humido generatur tamen in redundantia ater hic humor, qui deinde febris quartanæ fit alimentum. quod vsuuenisse ratio vult ijs, qui fuere per illum statum à quartanis correpti. nimirum quorum iecur siccum à naturali constitutione fuit, in his per frigidum cœlum eodem viscere insuper refrigerato, excitatæ ab initio quartanæ fuere: quibus vero ob antecedentem quampiam febrem iecur tostum fuit, his itidem iecore postmodum refrigerato, abscessus in quartanus sunt facti per textum. in vniuersum enim frigida iecoris morbofa intemperies, siccitati eiusdem visceris naturali, vel comparatæ associata, facit ad præternaturalis humoris melancholici generationem. hinc siccum iecur gestantes à quartana maxime corripiuntur: hinc autumno, qui frigidus & siccus, hic humor præsertim redundat: & propterea quartanæ hoc tempore excitari solent, experientia, & auctoritate in 2. de nat. hum. c. 22. testibus, siue à primo impetu, ut in quibus siccum viscus à natura est; siue in quibus per quandam æstiuam febrem est exsiccata. ut idcirco adherere minime possim Galeno, qui in com. huius textus, quartanas illas exortas fuisse scribit, quod melancholicis naturis non vacuaretur atræ bilis affluentia: quoniam præter quam quod

atra bilis non soleat per extrariam superficiem expurgari, sequeretur hac ratione, quod omnes melancholici hieme à quartana coriperentur: quodq; quartana hieme inchoarent, vere absoluerentur. quin, simul innuit febres quartanas posse citra quodpiam internum vitium ortum habere. ac rursus tollit causam longitudinis illarum quartanarum, cum alioquin ex textu habeamus præter morem perduravisse. atqui cessante tempestate, cessassent quoque per Galenum febres, non amplius prohibito humoris melancholici effluxu.

Succedunt quotidianæ, quas in tex. 22. per statum vagatas fuisse auctor scribit. circa quas illud primum unumquemq; scire velim, non dependisse ab humore pituitoso, ac Galenus, & alij in com. sentiunt, cum febris enasci ex hoc humore legitimo minime posse, ob frigidissimam eius naturam, pro constantissimo habeam. quod optime intelligens vnus Hippocrates, nullam pituitosam febrem statuit, nullibi istius mentionem fecit, nusquam febrem à pituita admisit. nec puto quempiam quamuis in medicina consummatissimum, febrem ab vna pituita pendentem, vnquam obseruasse. quotidiana enim febris est biliosi humoris non minus propria, quam tertiana, eodem teste in 2. de nat. hum. c. 23. Quas autem Galenus, ceteriq; omnes scriptores adstruunt, commentitius esse cenfeo, pluribus adductis rationibus, quas in medium afferre non est huius loci. erant igitur febres illæ ab humore bilioso productæ siue ex orta tali, siue sub alia natura genito, ac postmodum ob moram in corpore tractam, biliosam nato naturam. cuius enim humor præter pituitosum, saltem immediate, natus est sortiri in humano corpore biliosam naturam, quando & ipsa aqua quadantenus bilescat, tum quidem in alijs, tum maxime in biliosis temperaturis, ac febricitantibus, sic ratione & experientia, sic Hippocratica & Galenica auctoritate dicantibus. hic igitur humor in multis multus congestus, atq; à putredine captus quotidianum effecit typum.

Cuius typi causam vt recte percipiamus, etsi hæc res alibi sit ex professo tractanda, in studiosorum tamen gratiam de typis hic paucis sermonem absoluemus. est typus non aliud, quam illa ordinata accessionum, vel intensio, & remissionum reuersio in consimili tempore: singulo nimirum, aut tertio, aut quarto quoq; die facta. vt iam intelligamus typum, intermittentium febrium proprium esse, ac peculiarem.

Vt huius specificæ reuersionis, & mutæ accessionum respondentis causam assequamur, cognoscendum prius est, quæ, quotq; ad fe-



ad febrilem accessionem efficiendam concurrant : ex his enim illud eliciemus , per quod typus suboritur . Sunt hæc quinque , humor : locus , à quo hic transmittitur : locus , ad quem amandatur : tempus , quo , cum missus est , ad accensionem , seu putredinem disponitur : & tempus , quo in putredine perdurat .

Humor semper est præternaturalis ex genere & natura huius ; vel illius bilis . locus , à quo , sunt venę centricę maiores ; in his enim humores præternaturales vt plurimum generantur , colliguntur , secernuntur . Quæ secretio sensim , & tempore fit , & resultat ex membrorum attractione , quæ pro sui alimento ab his vasis sanguinem probum , ac sibi cognatum attrahunt , & quod inest præternaturale respuunt , repudiant . Secretos per repudium humores , si crassities eorum , aut obstructio , aut aliud non impediatur , natura certo quodam tempore à se propellit , & transmittit , vel ad venas carnis corporis circumferentię , quod vt plurimum contingit ( & hic est locus ad quem , & focus febris dicitur ) vel ad venas cuiuspiam determinati membri , ad hunc scilicet , vel illum locum , modo etiam ad plura , pro vt magis sibi commodum , aut quo sibi datum fuerit transmittere , ac pro vt minus , aut magis redundarint humores . non quod natura ad hæc loca ex voluntate mittat , quæ vellet extra emundatoria mittere : sed quod nequeunt , ob crassitiem , qualis ea sit , extra venas effundi , in his remanere humores : sicuti autem secretio cuiuspiam humoris paulatim , ac sensim fit ; ita paulatim , ac sensim ad locum secretus mittitur humor . vbi transmissus est , non statim putrescit , alioquin si , pro vt successiue mittitur , successiue putresceret , continuam effigeret febrem : sed prius disponitur ( quod tertio quæritur ) quæ dispositio consistit in quadam humoris excalefactione , rarefactione , ac inde caloris eiusdem proprii , ac naturalis corruptione , quæ putredinem importat . tempus , quo in putredine , consumptione , combustionene humor perdurat , varium est , pro varietate substantiæ ac qualitatis , nec non copię eiusdem : tenuis substantia , caliditas , atq; humoris paucitas faciunt ad breuitatem paroxysmorum : crassities , frigiditas , copia ad productionem .

His sic se habentibus , videndum iam , quale ex his sit , per quod accessio singulo , aut tertio , aut quarto quoq; die ordinate reuertatur . & quidem humor solus non est huius ordinate reuersionis causa : biliosus enim etsi ad typum tertianum efformandum natus videatur , non minus tamen efformat & quotidianum , quandoque & quartanum . non etiam locus , à quo humor primum amouetur ; idem enim in melancholico , ac bilioso humore est . rursus



nec locus ad quem, saltem solus: alioquin huiusmodi, qui tertianam, & quartanam febrem efficiunt, cum ut plurimum in venis carnis totius ambitus corporis transmissi putrescant; vel vnam tertianam, vel vnam quartanam semper efficerent. erit igitur typi causa vel tempus, quo humor ad focus transmissus dispositionem ad putrescendum acquirit; vel tempus, quo in putredine perdurat; sed hoc nec est; nec potest esse; quoniam est tempus typi consequitium. Superest igitur, ut tempori, quo humor dispositionem ad sui accensionem, ad putrescendumque acquirit, causa typi sit ascribenda: quatenus scilicet tot temporis spatium hic, vel ille humor ad focus transmissus exposcit, ut disponatur ad sui accensionem. verum hoc statum dispositionis tempus cum pendeat tum quidem à qualitate humoris, tum & à qualitate foci, iam intelligimus effectricem certi, atque ordinati typi causam utramque hanc insimul qualitatem statuendam. etenim quanto uterque natura fuerit calidior, tanto accessiones quoque erunt crebriores: & è contra: quæ etenim calidiora, sunt etiam ad accensionem magis parata. & lacus pariter calidus sollicitat locatum ad accensionem citius subeundam.

Flava bilis, illius est natura, qua ad venas totius ambitus transmissa, tertio quoque die accessiones facit: nimirum ubi finita prior est, statim ad focus mittitur alia bilis, quæ nempe prius separationem à sanguine sortitur, prius etiam mittitur: ac sic successive pro ut in vasis magnis secernitur, ad focus, sedemque delegatam amandatur, donec dispositione, atque accensione in se accepta facit febrem. unde quadraginta horarum spatium circiter exigit in hac dispositione comperio. Supposito enim quod prior accessio finiverit hora prima noctis diei mercurij, & subsequens incipiat hora decima quinta diei veneris: & rursus, concesso ipsi paroxismo duodecim horarum spatio, altera incipiat successiva accessio hora decima sexta, vel septima diei dominici, erit sic quadraginta horarum spatium, circiter, in dispositione exactum: ita tamen quod tempus hoc dispositionis attendatur penes bilem, quæ in primis missa ad focus fuit: quoniam quæ postremo mittitur à flammis bilis in primis missa, atque accensæ valde sollicitata, accensionem ante statum dispositionis tempus admittit. hunc typum facit bilis, cum in foco remissa calido putrescere contingit. si calidiorem sortita fuerit, adeo tamen ut non febris continuitatem, sed intermittentiam facere sit natus, contracta breviori tempore dispositione, typum faciet non duplicis tertianæ, sed quotidianæ: & cum hac, tum illa postponit, vel



vel anticipat, pro ut extiterint causæ dispositiue remissiores, aut intensiores: adeo ut quandoq; ille idem focus, qui natus est ad quotidianam intermittentiam, continuitatis ius comparet, si quidem humor præter morem calidus fuerit, conspirarintq; ægri natura, tempus anni, & victus ratio. si focus calidior paulo extiterit, continuæ periodicæ locum habent. continentem cum in grandioribus vasis, amplioribusq; truncis, aut ramis putrescunt humores, ideo quod præ grandi crassitie, atq; impermixtione, aut validis obstructionibus nequeant à loco amoveri, trudi, atq; elongari, vel per parum. ut iam pateat tertianum typum non esse flauæ bilis magis proprium, ac peculiarem, quam quotidianum. verumtamen tertianus videtur peculiaris, quoniam sæpius contingit, ut natura ad locum distantem transmittat, quam proximam. si tamen substantiæ peccantis humoris qualitas consentiat.

Melancholia ut frigida tardius, dispositionem accipiens, non prius quam quarto quoq; die accenditur: cum bilis flaua, eodem foco dato, typum efficiat tertianum. eadem si calidiorem sortiretur focum, citius disposita ante quartum accessiones faceret: sed vsuuenire hoc non consuevit, quoniam in quartanarijs, ut multo ichore diluta, facile ad hunc, vel illum remotum locum amandatur.

Sed hic habenda est complexionis patientis, nec non anni temporis ratio. etenim fuit à me non semel obseruatum, febrem ex humore bilioso pendentem typo incessisse quartano: qui humor insinabatur mihi ab æstiuo tempore, à qualitate, ac perduratione paroxysmorum, ab excretis biliosis, & breuitate iudicationis, coadæquatæ iudicationibus vagantium febrium tertianarum. hinc puto hac de causâ quartanas æstiuas ab Hippocrate in 2. aph. 35. breues fuisse constitutas. Hunc typum, cum ratione complexionis fieri contingit, obseruare tibi licebit in homine carnosio, parui pulsus, ac parui subinde caloris, qui cum carnosum genus viuide irradiare, atque excalefacere nequeat, lente bilem inibi amandatam ad putredinem excitat. cui manum quoq; porrigit eadem non omnino ex ratione calida.

Tempus quoq; anni ad alterandum, nec non mutandum typum magnam vim habet: quod hinc arguere certo licet, quoniam ex æstiuis tertianis protractis, quedam autumno leniter, sensimue in quartanas transeunt. sensim inquam, quoniam ex tertiana non statim fit quartana, sed interim typus quidam insurgit erraticus; ideo quod propter temporis inæqualitatem, ac frigiditatem corporis circumferentia, ad quam, cuiusue venas excrementitij



humores solent amandari, aliqualem contrahit refrigerationem: & bilis, quæ gignitur excrementitia degenerat à germana sua natura; quandoquidem iecur, etsi secundum ipsius centrum, venterque Hippocraticum calidius fiat; attamen secundum extrariam superficiem, ab aeris, qui sibi est circumfluus, frigiditate quadantenus refrigeratur, ut nequeat illam ex æquo calidam, tenuem, & coloratam reddere; ut hinc necesse sit, & ratione foci, & ratione humoris typum interim confundi, & febrem produci erraticam, quousque ab ambientis aeris frigiditate corporis, iecorisque circumferentia ad typum quartanum generandum fuerit immutata. Quo tempore etsi excrementum, quod propter iecoris intemperantiam gignitur, atque bilis nomen fuerit adeptum, tu tamen id ipsum velim tecum cogites, esse non tale simpliciter, sed & atre, & flauæ bilis naturam alias quidem istius magis, alias vero illius pro intemperici visceris varietate, sapere. hinc quartanæ quædam mordacis calor, ferinæque: hinc aliæ, quæ, cum vehementi accedant frigiditate, minimum tamen calorificæ sunt. hac, de quo sermo est optime intelligens Hippocrates, qui in corporibus humanis diuersatus fuisse videtur, in 2. de nat. hum. c. 22. quartanam febrem flauæ bilis participem esse statuit. id ipsum testantur recrementa, quæ à quartanarijs euacuari solent, biliosa.

Quemadmodum vero mutatio temporis ex calido in frigidum causa est, ob quam ex typo tertiano fit transitus in quartanum: ita mutatio temporis ex frigido in calidum contrarium quandoque natura humoris mutata operatur. etenim nonnumquam post quartanam ad æstatem productam, subsequuta postmodum est tertiana: quod ijs tantummodo vsuuenire ratio vult, qui iecore adusto, à quo bilis quædam malefica, à natura sunt donati. id, quod olim obseruavi maxime in Reuerendo quodam Vrcearum Nouarum Archipresbytero, qui & in quarto tertianæ febris paroxismo est sublatus, non profecto præ febris violentia, hæc enim erat omnimode intermittens, sed præ cardialgiaca passione, quæ in principio accessionum de more superueniebat, cuncta spernens præsidia. talis enim humor atrabilari substantia, & biliosa natura prædiens, valde noxius existit. Quo simul intelligimus febris quartanæ primariam causam, non esse ex Galeno lienem, sed iecur sicca frigidaque intemperie detentum, ob quam sanguinem gignit, qui plurimam à se relinquit melancholicam superfluitatem, multo ut plurimum ichore associatam: quæ intemperies cum superaccedente vere, ob solis ad nos accessum remitti, & adueniente æstate



colli solēat, sit maiori ex parte, vt quartanæ febres vere remittantur, æstate soluantur. maiori inquam ex parte, quoniam in quibusdam solet febris perseverare quando æstatem contingit esse siccum, vel parum calidam: quod ijs duntaxat accidit, qui à natura iecur siccum gestant.

Ex his quæ hætenus de typorum causa dicta sunt, non erit admodum difficile & quintani, & septimani, & nonani typi, quos 3. in 1. proponit nobis Hippocrates causam adinvenire; si tamen horum typorum causam non quempiam humorem ultra melancholicum, frigidum, sed foci, sedisve culpemus qualitatem. quamvis per subtractionem quoque cuiuspiam partis morbificæ materiæ typum hisce similem effici quandoque contingit, sed minime perdurabilem. cuius rei habeo casum. etenim cum nobilis quædam mulier quartana laboraret erratica: tandem per novem accessiones singulo quoque duntaxat sabbato febricitavit, quod vsu venit, ideo quod interim pro quartana accessio fieri debebat, melancholicæ superfluitatis pars in vterum, quo tunc temporis gestabat, conflueret. effectus hoc comprobavit, quoniam ubi infantem iam partem lactavit, liberata est febre, & infans quartana correptus.

Sed citra istiusmodi casum, sentio septimanam, aut nonanam febrem propterea fieri, quod putrescat in quopiam inani spatio exuperans excrementum ibi demissum. sunt enim inania spacia frigida, vt quæ de aere multum in se includant. in hæc igitur quispiam ex genere huius, vel illius bilis humor ordinate effusus, & ad accensionem ordinate dispositus, ordinatum quempiam ex his duobus, alias quidem hunc, alias vero illum pro humoris differentia statuet typum. vt ob id sint huiusmodi febres ex Hippocrate 3. in 1. t. 7. non lethales, sed longæ; non lethales, ob intermittentiam: longæ, quoniam sequuntur. semper indispositionem determinati cuiuspiam membri, quæ cum non soleat tolli nisi difficulter, & vt plurimum mutatione temporis, sit vt affectio in lungum producat; qualiter vsu venit quartanæ propter intemperiem hepatis siccam, & frigidam, quæ autumnis contracta, æstate duntaxat finire solet.

Sed quod obscurissimum, difficillimumque captu est, quodque Galenus non ausus est tentare, est, quomodo quintana febris sit omnium pessima: quando & ante tabem, & iam tabidis superueniens occidat, per loc. cit. tom. 9. Circa quod, dum aliquandiu animum applicuissim, subeluceffit via, per quam videtur mihi istius problematis causæ posse in cognitionem deveniri. Etenim

cum



cum auctor subinferat febrem hanc subtabidorum, ac tabidorum propriam, ac peculiarem: & cum utraq; ratione secundum pulmonem tabidi patiantur, intelligimus iam, viscus hoc secundum circumferentialia eius vasa febris quintanae esse focum; cum alioquin si materiam quampiam calidam in internis eius partibus putrescere contingat, continua sine typo efficitur febris; ideo quod ex propria est natura calidum, ut elegantissimus Laurentius Venuste probat de anatom. hist. lib. 9. cap. 12. Frigidum vero secundum circumferentiam ratione usus, ac situs: est enim in inani spatio locatum, in quo de aere inalterato plurimum semper inest: quo fit, ut peculiaris euadat quintanae febris focus: cum nimirum ad illud ordinate confluit, aut mittitur, & eodem ordine quinto quoque die putrescit missa superfluitas: vade febris oritur, quae modo ante tabem, nempe antequam in facto esse sit, aut saltem cum iam inceptura est, modo superueniens tabidis, occidit. ex quo deducimus febrem quintanam iuxta Hippocraticum decretum esse pessimam: non quidem ratione acutici, sed foci, ut qui sit cordi proximus; ob quod de facili, liberaliterque putres eidem suppeditantur vapores, qui calorem eius quodammodo deprauantes, foedantesque spiritum vitalem, extremam tandem inferunt languenti ruinam. At quomodo dices, potest esse lethalis, si alibi intermittentem febrem periculo vacare scripsit? Lethalis inquam est, & dicitur, quoniam etsi febris fortasse intermittit, non tamen cordis offensa vnquam intermittit; propterea quod putres vapores, a parata materia subsequenter accessionem futura, cor prius excipiat, quam vapores antecedentis exacte discussit: sic vicinitate, ac qualitate foci, sic putrentis materiae motu ferentibus: ut idcirco statuenda veniat continua; nihil obstand, quod eam vocet quintanam, quoniam potest quinto quoque die accedere, aut exacerbari, & esse continua: quemadmodum & nocturna, quam etsi loco cit. tex. 6. ex nomendatura videatur auctor insinuare intermittentem esse, ut quae noctu inuadens, interdiu intermittat: continuam tamen esse aperte significat, dum inquit, nocturna non admodum lethalis. fit igitur, ut cordi sit maxime insensa; verum quantum ex se est parua in toto, ac mitis. hinc vero quod lente putredinem subeat effectrix eius materia, fit ut sine rigore, cui perexiguus visceris sensus consentit, leniterque incipiat; longissimi quoque sint eius paroxysmi, continuitatem saltem per subintrantiam efficientes. & hisce de causis factum est, ut haec febris egrotis, ut parum molesta, nunquam fuerit a medicis obseruata, maxime cum solici minime fuerint



fuerint ultra typum quartanum obseruare, putantes has febres ab Hippocrate propositas, esse imaginarias: verum occulatissimus, atq; æternæ veritatis senex, qui minima quæq; in morbis, ac per morbos obseruabat, non temere has proposuisse febres mihi ipsi persuadeo. ex quo colligo lunge plus vnum Hippocratem obseruasse, quam omnes simul, qui ab Hippocrate ad hoc vsq; tempus extiterant Medici.

Sed vt, vnde sermo est digressus, reuertamur, quotidianæ febres, quas Hippocrates in tex. 22. per tempestatem illam vagatas fuisse scribit, non pendebant à pituita, sed à bilioso humore, vel bili proportionato, illoq; in foco sufficienter calido, vel in duobus remisse calidis putrescente. etenim si à magnis vasis ad venas carnis circumferentiæ corporis de bile excrementitia altera die amandetur: altera ad venas ventriculi, aut aliam sedem, tertiano typo congruam, tum ex totius ambitus venis altera, tum altera ex determinato membro febres insurget: atq; hæc pridie, illa postridie inuadens typum insimul efficient quotidianum, æque ac si materia ad vnum focum calidiorem transmissa, singulo quoque die putresceret. sed sicuti quæ vnum agnoscit focum, vere quotidiana est, ita quæ duos, duplicem tertianam satius vocabimus.

Si quis scire cupiat, penderent ne quotidianæ illæ ab vno, an duobus focis. dico par esse, vt à duobus: quoniam natura cum à maxima redundantia grauatur, vt in nostro casu, non ad vnum, sed, vt maxime sollicita, ad plura amandat loca. videtur Hippocrates hoc insinuare, cum in 2. de nat. hum. t. 22. tertianæ pauciorē, quotidianæ copiosiorē bilem assignat.

Febrem ex vno foco pendentem cognosces cum ex alijs, tum maxime ex febrili calore, atque accidentibus sibi ipsis natura semper consimilibus; & in statu quandoq; non venit ad infebrecitationem. cuius vero duo sunt focis, inter alia, accessiones habet de tertio in tertium sibi met respondentes: alteraque accessio ad alteram comparata euariare in calore, atque accidentibus solet. & hæc pauca quæ ex multis de typis dici possunt, nunc obiter dicta sufficiant.

Superest tandem, vt semitertianarum, quos auctor vagatas esse scribit, & earum nobis formam in tex. 25. delineat, germanam causam textum exponendo commonstremus: ex quo puto innotescet Galenum in primis, ac inde scriptores omnes non bene sensisse circa earum generatricem causam. quandoquidem idem auctor in 2. de diff. feb. cau. 7. 3. in 1. tex. com. 5, & alibi passim  
semi-

semitertianam febrem sicuti compositam, ita duos natura inter se prorsus differentes humores pituitosum, ac biliosum, ut propriam causam sibi determinare docet: ut scilicet ex hoc vel illo continua, ex altero intermittens, vel ex utroque continua nascatur febris, à qua hemitritæus, seu semitertiana efformetur.

Sed cum repugnat ratio, quod duo contrariarum inter se qualitatum in venis vno tempore generentur, seorsim consistant, ac putrescant succi, pituitam quoque ad efformandas semitertianas Hippocraticas minime concurrere sentio.

Possim pro primo multas afferre in contrarium rationes; ac simul ostendere vnam per Galenum simplicem sequenturam febrem, placito eius dato: vel si duas, non vno illos, sed diuerso tempore ægrum afflicuras: quo etiam modo febrii minime efficeretur complicata; sed breuitatis gratia his omnibus omissis, vni illi insistant, qui dum 1. in 1. tex. com. 23. & 2. in 1. t. com. 25. causam in medium affert illarum vagantium semitertianarum, hos duos qualitatum diuersarum humores sub eadem constitutione, atque in vnis venis genitos considerat: certum est enim, quod sicuti hæc febres originem ab aere hoc, vel illo modo alterato traxerunt, ita earum proximam & immediatam causam succos istos ortum per Galenum habuisse ratio vult, & propterea hos, ut vno & eodem tempore genitos se considerasse dare insinuat. et si sic, quomodo fieri potest, ut ex vna, & eadem aeris affectione duo tota natura inter se differentes in venis gignantur humores? quod cum sit à ratione alienissimum, sequeretur quoque quod naturalia membra prius essent ad hocce generandos, duas inter se diuersas dispositiones ab eadem aeris affectione adeptura. Cum etiam ratio minime consentiat, ut sub duobus statibus, austro & cum squalloribus altero 1. in 1. in ordine primo, altero humido frigido & aquilonio, secunda in 1. in ordine secundo, ferme ex toto contrarijs, duo hæc æque excrementa semitertianarum causa fuerint producta. igitur si & per tertium in ordine statum 2. in 1. & per austrinum plurimum 3. in 3. semitertianæ essent vagatæ, eosdem semper per Galenum assumpsissent humores, iidemq; semper geniti fuissent. sed hæc doctrina videtur mihi minime redolere decorem tanti viri.

Ideo igitur quod humorum pluralitas, ac diuersitas in generatione semitertianæ suspecta sit, pituitam quoq; ad semitertianarum Hippocraticarum fabricam inualidam esse comperio: Non hic summo ad demonstrandum à sincera pituita, nec vlla  
aeri



acri prædicta qualitate nullam oriri posse febrem, ut cum ratione pro certo mihi ipsi persuadeo, sed dato minime tamen concesso, quod a pituita quæpiam nasci possit febris, hanc adeo leuem, ac paruum futuram esse ratio vult, ut vel minime, vel minimum ab homine perciperetur. & si sic haud quaquam responderent Galenicæ semitertianæ Hippocraticis: namque si attendas, quas enarrat locis superius citatis, profecto inuenies istas, nullatenus pituitosum humorem redolere, sed vndeunque caliditatem, magnitudinem, acutiem, ac vehementiam expirare: ad quod nobis significandum exclamauit senex 3. in 1. tex. 5. in febre quam semitertianam vocant cum morbi eueniunt acuti, tum præ cæteris hæc est maxime lethalis. quam autem magnitudinem, quam vehementiam, quam acutiem expectabimus ab humore, qui ad instar aquæ non solum potentia, sed etiam actu frigidus existit? qui ab Hippocrate frigidissimus in 1. de nat. hum. c. 32. statuitur?

Quin immo, si redundare frigidum humorem cum calido, & sicco simul contingeret, utiq; & ex parte biliosæ febris semitertiana Galenica esset mitis, ac blanda, castigata bilis caliditate atque acrimonia: necnon solidis membris a frigescente pituita refrigeratis, ac contemperatis: sicuti enim bilis eo calidior, ac mordacior est, quo sincerior; ita si obiectum habeat qualitatibus proprijs contrarium, placidior, ac contemperatior efficitur: est enim tale obiectum febre infestissimum ut habetur in 4. de mor.

Videtur quoq; natura infestanti cuiuspiam humori qualitatibus contrariæ alterum opponere, ut inde quædam contemperatio, ac quædam veluti coctio insurgat: quod significare nos voluit idem auctor, quando in lib. de vet. med. concoctionem ex permixtione temperaturaq; mutua, & quasi coactura fieri scriptis mandauit. pro cuius rei comprobatione laudat in prognosticis vomitum ex bile & pituita, & sputum flauo quam maxime permixtum 2. prog. t. 38. & 44. ut si hæc contemperatio in thorace ac ventriculo locum habet, in venis quoq; locum habere concedendum: & propterea concessa bilis, ac pituitæ permixtione, & mutua contemperatura, febrem inde excitatam non acutam ac mordacem, sed lentam & placidam futurum, ratio insinuat.

Quapropter cum semitertianæ Hippocraticæ humorum respuant pluralitatem, pituitamq; penitus repudient, reiciant, abdicent, statuendum venit, febres hæc ab vno semper humore bilioso, aut biliproportionato, sed eodem plurimo, excitari. Si igitur vnius is opus totum quambelle perficere, ac perficere po-



tens est, ad quid plures exquirere? ad quid multiplicare sine necessitate humores? sed textum iam exponamus, quo simul causam semitertiani modi ostendamus.

Continua, inquit, febres omnino numquam intermittebantur, sed inuadebant omnes more febris naturam tertianæ referentis: & vno die aliquantulum remittebantur, altero ingrauescebant. omnium erant, quæ in id tempus inciderunt violentissimæ, longissimæ, laboriosissimæ: lenes à primo de cætero in totum semper incrementales: ac decretorijs diebus accedebant, & peiores inuadebant; aliquantulum remittebantur, citoque rursus ex intermissione incessabant: diebusque decretorijs multo deteriores reddebantur. rigores autem omnibus inordinate & erraticè fiebant, paucissimique his, ac minimi. in alijs vero febribus maiores. Ad quarum febrium, atque accidentium causam rectè percipiendam, reminisci in primis oportet, illos fuisse ab istis febribus correptos, in quibus natiuo calido à tempestate non mediocriter læso plurima excrementa fuere genita, eaque à cunctatione biliosam naturam mutuata. Hæc igitur cum sensim secreta non possent tota ad remotas sedes transmitti, quin in interioribus vasis ob copiam, ac partialem crassitiem aliaue de causa pars relinquerebatur, factum est, ut non simplex, sed composita efficeretur febris; ex continua, atque tertiana. Etenim ex portione excrementi biliosi in penitioribus vasis putrescent febris (continua) est suborta. ex portione ad vascula circumferentiæ transmissa, tertiana est facta. atque hac ratione hæ febres (continua erant, & morem, speciemque tertianæ febris referebant) hinc igitur quotidie sola continua affligebat (aliquantulum remittebantur) quo vero intermittens simul inuadebat (ingrauescebant!) erant hæ febres (violentissimæ) idest vehementissimæ ratione magnitudinis intensiæ, copiam, ac qualitatem materiæ consecretantis (laboriosissimæ) quoniam fiebant in corporibus à constitutione, præsertim secundum genus carnosum, extemperatis, atque infirmis (longissimæ) quoniam interim alia generabatur materia, ob membrorum discrasiam, quæ à febre successiue quoque intensior fiebat. vnde non mirum si cum (lenes à primo de cætero in totum incrementales) quoniam membrorum intemperantia à febrili calore grandiori facta, eademque de causa superfluitas cumulatiori, atque calidiori in dies, acriorique reddita, non poterat, quin successiue prauior fieret affectio (ac inde cito ex remissione rursus febris violentius insurgeret) quæ maior prauitas (diebus decretorijs) successiue magis elucescebat, quod his diebus & composita effice-



efficeretur febris; & ambitus totius carnes, focus intermittentis, iam lunge extemperata, laboriosiore in dies perferirent molestiam. nil autem refert hic decretorijs an imparibus diebus dicas, quoniam in quibus maiores contingunt afflictiones, decerni de agro solet. in imparibus autem maior erat afflictio. ( Rigores his fiebant paucissimi, minimique ) siue quod calor putrescentium continenter humorum, putrescentiumque humiditatum per carnes dispersarum in defectum esset naturalis caloris, quo tempore se in viscera coquebat: siue quod solida per statum valde humecta acrimoniam, ac vellicationem, per quam alioquin calor ad interna confugit, non perferirent.

Hiscæ sunt affimiles semitertianæ illæ, quæ in quibusdam quandoque calidi & sicci temperamenti, æstivo tempore, præsertim sub æstu non mediocriter exercitatis accenduntur. in his enim, cum hæc de causa excrementum biliosum, sincerum, ac crassum in redundantia aggregari contingit, tandem putrescens semitertianam excitat febrem. namq; ex portione crassa in internis venis retenta, ac putrescente continua; ex tenuiori ad partes distantes amandata intermittens febris suboritur, ex quibus insimul composita efficitur febris, maxime adiurens, ac valde lethalis: quoniam non prius tantæ flauæ bilis copia consummi per putredinem potest, quam languens intereat. quando etiam cuncta ad vnam intemperiem, eamq; extremam vergentia, reuocare in contrarium nec naturæ, nec artis sit. De hisce febribus loquutus mihi videtur Hippocrates cum in 4. aph. 43. dixit, febres quæcumq; non intermittentes per tertiam fortiores fiunt, magis periculosæ: nempe magis periculosæ alijs ardentibus, continuentibusq; febribus: si enim hæc valde periculosæ sunt, sane quæ per tertiam fortiores fiunt periculosissimæ. Sed per illud ( fortiores ) non est intelligenda, vt quidam, illa typica accessio tertianæ continuæ, quæ tertio quoque die magis elucet, & ad vigorem vsque successiue per tertiam fit fortior, à quo postmodum decrescit, cum sit huiusmodi febris inter periodicas connumeranda, & lunge minus ipsa ardente, continenteq; periculosa, sed intelligenda est quedam febris ingrauescentia, quæ de tertio in tertium fit successiue maior, non ad terminum, à quo postmodum diminuitur, vt cum res ad salutem tendit: sed ad terminum declinantium, ac iam emorientium virium. & idcirco non sunt audiendi, qui putant tertianam continuam esse eandem cum causone: cum causon continentissime, ac sine vlla periodicatione corpus exurat: tertiana continua præterquam

terquam quod exurit minus, periodos quoque habet; certissime restantes flauam bilem moueri & paululum à penitioribus vasis elongari. In casu igitur nostro præter continuam cum intermitte, quandoq; continens cum periodica continua complicatur, quibus si adiungatur tertiana, febris insurgit ex tribus composita febribus quemadmodum si cum continua duæ complicarentur tertianæ; quæ omnes iuxta Hippocraticam doctrinam sunt, admodum lethales.

Differunt iam modo constitutæ semitertianæ à vulgaribus, 1. in 1. t. 23. & 2. in 1. tex. 25. quod istæ lungæ sint, & minus mordaces; & quemcumque, & quocumque tempore inuadere natæ: illæ cum acutiores, atque ardentiores sint, ob exquisitam, à qua pendet bilem, in calidis etiam & siccis hominibus, & æstiuo duntaxat tempore efficiuntur. vnde cum tibi talis homo estate curandus offertur, non aberrabis si ab ipso primum aspectu, qui subhippocraticus est, à semitertiana detineri febre pronuntiaueris.

Cæterum præter morbos recensitos, vagatæ sunt etiam per Hippocraticam tempestatem hippitudines dolorificæ humidæ, inconcoctæ, & difficilis iudicij per tex. 6. Quandoquidem fieri prope minime potuit, quin oculi longo tempore ab aere frigido, humido, & aquilonali verberati, e propria dimouerentur temperie: ac successiue per excrementa tum in se genita, tum à cerebro sibi infirmis transmissa, inibi; putrescentia, tam laboriosa, ac difficili afficerentur hippitudine.

Sub hac inclementi constitutione continere se, quo ad fieri potest, domi; & igni, qui tantam aeris intemperiem solus est corrigere natus, accumbere: interimque se exercitationibus

sudorificis dare, conducibilissimum est. Aegrotantibus magno præsertim morbo hominibus, calidus pariter, ac siccus est aer procurandus, & horum collu-

uiens excrementorum sudorificis,

ac per alia communia emunctoria euacuandis sensim tollenda: cætera proportionatione adimplenda.



*De Austrina, & Aquilonia simul Constitu-  
tione: & quas inferat Affectiones. Vbi  
Hippocratici quidam Textus ad  
huc indiscussi, Plani  
efficiuntur.*

*Cap. VII.*

**E**ST hæc ex duabus inter se contrarijs composita constitutio; altera austrina, quæ est calida & humida: altera aquilonia, quæ frigida, & sicca est: quam nimirum statuit auster, & aquilo, cum mutuo & de repente sibi succedere, & dominari, atque ex æquo imperium in aere obtinere contingit. ita tamen coniiciendum hoc est, ut ex hisce contrarijs potentijs non vna castigata, ac contraperata in aere coalescat: sed aer fiat modo austrinus, modo aquilonius: cum verisimile sit, ut concessio horam per annum dominio alias magis hic, alias ille magis perferat ac dominetur: vel quo interim alter spirat, fileat alter; & sic aerem successive ad sui naturam uterque conuertat. quomocumque hoc vsuueniat, ubi hos insignes ac validos inter omnes ventos legitima, & non adulterata eorum natura, mutuo prævalere per annum contigerit, subiectorum animantium calidum non mediocriter feret iniuriam. etenim auster ut calidus, & humidus solida Hippocratrice dissolvit, & humectat, simulque, & semel calidum rarefacit, & quod in ventribus, seu solidorum meditalio (ita enim ventres interpretandi veniunt, & non alia ratione apud Hippocratem in 1. aph. 12.) primariam sedem, peculiare habet domicilium, ad illorum quodammodo avocat circumferentiam. cui de repente succedens aquilo idem calidum, in facie membrorum veluti confedens, percutit, atque eiusdem sedes ob austrum hiantes occupat, refrigeratque, ac sic successive, ut fieri nequat, quin per mutuum, atque extremam hanc mutationem refrangatur, depravetur, ac partialem ferat extinctionem.

Huic mutæ, ac repentinæ caloris, atque frigoris successioni respiciens idem auctor in 3. aph. 5. sancivit autumsum tabidis esse malum; quoniam hoc tempore. quod frigidum mane, & sero, meridie calidum est, hæc inter se contrariæ qualitates, mutuo  
sibi

sibi succedentes, tabidorum calidum, alia quoque ratione paucum ac debile, valde obledunt: ac tanto magis, quanto eorum carnes ob colliquationem porosiores existentes aeri autumnali fiunt ampliora conceptacula: constat autem in maiori causa maiorem reperiri potentiam; ut propterea vel ex toto extinguatur, vel iacturam ulterius effatu dignam contrahat. Ratum sit igitur complicatam hanc constitutionem esse calido animantium innato maxime nocuam, & eorum praesertim, quorum natura praefrigido temperamento, aut rara textura, aliaue simili de causa ad tabem vergit.

Consistit haec noxa non solum in quadam eiusdem calidae substantiae partiali extinctione, sed etiam in quadam depravatione, quam quaedam habitualis solidorum discrasia, ac languor, ob astringentiam praesertim maleficientiam contractus inducit: unde sicuti partialis extinctio tabem, ita depravatio quoddam importat excrementorum aggregatum. illius est ratio, quod, quae solida, quaeque partes calido sunt fraudatae, alimento pariter fraudantur, unde exsiccatae ac tabefactae remanent; huius vero, quod alimentum attractum male conficiunt, atque hinc maximus ab eorum alimonia superfluitatum prouentus, quae a mora biliosam naturam adeptae, ac tandem putrescentes febrem gignunt, ex continua atque intermittente complicatam, quo modo in superiori capite fuit abunde explicatum. Fieri enim prope nequit, quin habeat huiusmodi febris locum, ubi copia adest, & eorum quadantenus difformium, excrementorum, quae ut plurimum solidorum discrasiam, atque languorem, ut in nostro casu consequitur. unde si definire magis specificè de complicati huius status morbis volumus, dicendum est, non alium prope vulgandum esse morbum, quam tabem, cum semitertiana febre associatam: ut propterea ex febre ista tabidos, & a lungis morbis detentos iure maximo 3. in 2. t. 5. emori dixerit Hippocrates.

Extrat hic status apud eundem 1. in 1. in ordine primus, astringentis, & cum squaloribus inscriptus, qui ut videre est, totus ferme fuit tabificus, ac subtabificus, febrem habens comitem semitertianam. Subtabificum liceat mihi appellare, illorum ratione, qui cum leuem offensam in proprio calido sint passi, leuiter quoque laboranere, forsan quod, ut minus parati, non potuerunt tantam pati iniuriam, ut in tabem factam, & laboriosas febres, in quas tabidi, inciderent: & propterea in tex. 35. dum de hisce loquitur Hippocrates, in summa, inquit, qui tabescebant leuiuscule, aegrotabant non more tabescentium, ubi aduerte quod illud



illud (leuiusculè) non iniungendum est cum verbo (ægrotabant) vt Galenus, sed cum verbo (tabescebant) & de his loquitur à tex. 32. vsque ad finem. quibus sic stantibus magna quædam difficultas tollitur, quæ apud Galenum videtur inesse in tex. 35. adeo vt implicitus dubitet, mendum aliquod in scriptura subesse. postquam enim auctor de tabidis factis, ac consummatis loquutus est, quod fecit vsque ad textum 31. postmodum loquitur de his, qui leuiusculè tabescebant, in cæterisque moderate respectiue ad tabidos, se habebant, vsque ad textum vltimum exclu-  
sive.

Est hic, ad maiorem huius status exaggerationem, atque intelligentiam, aduertendum, quod tabis vulgaræ per Hippocraticum statum, Galenus, quem sequuti sunt alij expositores, causam non in calidi innati offensam, sed in quandam destillationem à capite per austrum repleto, & in membra spiritus destillante refert, vt hinc velit, tabidos illos ex pulmonis vlcere, vel alia simili eius iniuria fuisse tales. & quidem si quæ comitabantur tussis, ac destillationes, de quibus in tex. 27. & 28. respiciamus, videntur hoc testari. verum pluribus rationibus adducor ad credendum, has non extitisse vulgaris illius tabis causam. quandoquidem etsi negari nequit, quin destillationes istæ soboles essent excrementosæ cerebri, infra demittentis; excrementa tamen infra demissa in pulmonem haudquaquam peruenisse, sed in faucibus sedem sibi firmasse, aperte nobis significat scriptura tex. 28. atqui si dicas, peruenisse, non dum tamen constat pulmonem tabifice ægrotaſſe: sputa enim per tex. 27. aliter arguunt, namque cum neque purulenta, neque fœtida essent, non aderat quoque aliud signum, ex quo de pulmonis offensa argumentari posset. vt ob id defluxus ille, non vt tabis productius, sed vt affectio tabi ex totius corporis extenuatione annexa, attendendus veniat & propterea quæcumque sequuta sunt accidentia, non pulmonis, sed totius, ob natiui calidi iniuriam, corporis oblæsi, certissima fuere argumenta.

Id ipsum testatur maxima, ac grauissima tabes, quæ 3. in 3. tex. 66. ab Hippocrate est descripta. etenim etsi annus ille extiterit austrinus: attamen status hic non extitit solus tabis illius causa, sed vt notat etiam Galenus in com. istius textus successio sæui, ac repentini frigoris, quod hieme corporibus ab austro abunde affectis, superuenit: subdit enim auctor in loc. cit. tex. 4. multo post solis reuerſionem circiter æquinoctium, aspera erat extrema hiems, & iam sub æquinoctium boreas spirauit; vt hac  
de

de causa calor eorum innatus, qui minus erant imparati, per tam repentinam, ac maximam frigoris, atq; boreę successionem, iniuriam ferret perniciosam. Qui vero hi fuerint, refert idem auctor in tex. 70. Genus inquit, tabidorum erat glabrum, subalbum, subrubicundum, cęsum, leucophlecmaticę, ac in quibus scapulę in modum alarum prominebant, mulieresque quas hominum naturales differentias voluit nobis proponere diuinus auctor, vt intelligeremus, qui sint huic tabifico statui magis, vel minus obnoxij, habita ratione non ad caput (quid enim hęc habent cum capite? profecto nihil) sed ad eorum naturale calidum; quandoquidem si recte cogites, facile comperies, hosce homines complexionis fuisse frigidę, vel subfrigidę, vel resolubilis. At demus Galeno caput per austrum fuisse repletum, nondum tamen claret, cur tabes esset subortura: alioquin si tabes affectio esset austrina, vtique Hippocrates in 3. aph. tabem inter austrinos morbos connumerasset: quam tamen siccitatibus assignauit, ne dum morbum austrinum fecit.

Et quamuis ex enarratione status Hippocratici aquilonius status non videatur grande habuisse dominium: nihilominus contrarium arguimus tum in vniuersum, quando in textu octauo inquit, cum esset totus hic status austrinus, & cum squaloribus: tum & privatim, cum in hieme squalores, cum ver austrinum, & frigidum auctor fuisse scribit. nec obstat, quod in tex. 3. dicat illa hieme austrina paruos fuisse ventos aquilonios: quoniam plus potuere corporibus austrinis, quam si magni extitissent, corporibus coactis existentibus. nec debes præterire exclamatos in tex. 4. (squalores) quippe tibi maximam insinuant siccitatem, quę talis esse nequaquam potuisset, nisi aquilo condominiumis esset; cuius propterea effectus in siccitate elucet, vt colligimus ex Hippocrate in 3. aph. 5. cui proinde squalori respiciens idem auctor loc. cit. 16. iure maximo tabem siccitatibus assignauit. His accedit, quod Thulus, quam constitutio hęc diuexauit, vrbs erat, vt scribit Galenis 1. in 1. tex. com. 1. ventis aquilonijs, & frigidis exposita, vnde aquilonio, quantus iste fuit, loci natura vires quoque addidit.

Vt ex his cunctis sit iam sine hesitatione statuendum, constitutionem istam extitisse tabificam, non propter pulmonis offensam, sed propter partialem innati calidi iacturam a mutuo caloris atque frigoris dominio in subiectos homines illatam. Hinc præter alia accidentia, quę comitabantur huius constitutionis tabidos crebri erant horrores, qui declarantur dum dicitur  
(febres



(febrēs horrificæ) frigiditas extremarum partium, vt vix calor redire posset. plurimi sudores. cibi fastidium, cuncta calidi innati non parum refrigerati certissima argumenta.

Etenim crebri illi horrores fiebant, quod calor natiuus vt diminutus, ac valde debilitatus in carnibus circumferentiæ corporis leui quaq; de causâ molestiam sentiens, intus cogeretur hinc febres horrificæ propriæ horum tabidorum.

Vade hic vnum scitu maxime dignum enodandum venit, Cur illi, qui 2. in 1. t. 25. per tempestatem illam frigidam & humidam semitertiana ægrotarunt, non horrescebant, quemadmodum isti, per austrinam & squalidam per tex. 23. An quod in illis natiuus calor partialem adhuc extinctionem non esset passus, per quam alioquin minima quaq; de causâ moueri ad intra posset, vt in his. An quod solida humecta non sunt tristi sensationi subiecta æque, ac exsiccata, qualia horum erant. vnde quouis modo calor, qui in his paucus, ac debilitatus valde erat vel minimum moueretur, molestiam ægrotantes percipiebant horrificam. in quem sensum puto Hippocratem in 3. aph. 5. aquilonium flatum horrificum statuisse; quod corpora ab hoc exsiccata leui negotio perhorrescant. vt iam satis constare putem quamobrem ex semitertianis sint alię horrificę, alię sine horroribus affligant.

Illâ extremorum refrigeratio, vt vix calor reuocari posset, per tex. 24. non profecto pendeat a foco febrili, vt alioquin insinuat Galenus, penitiora occupante, quemadmodum in quibusdam malignis febribus vsuuenire scimus: sed Inditium erat euidentissimum natiui calidi diminuti, languentisque, qui propterea extrema excalefacere, vel non poterat, vel egerime. quod est etiam senum vel leuiter ægrotantium proprium. alioquin si accidens hoc febrem ex interna inflammatione pendentem consequutum esset, vtiq; iudicium harum semitertianarum ad quadragessimum, octogessimum, & ad hiemem vsque productum haud quaquam fuisset, vt habemus ex tex. 36. sed intra vigesimum absolutum.

Sudores fiebant, quod superfluitates, a nutritione carniū relictæ, sensibilibiter, vt non satis a languente calore extenuatæ, per cutem effluerant: indicantes iuxta Hippocratis doctrinam, inibi esse morbum, vbi enim calor natiuus languet; etiam si eger optimis nutriatur cibis, extenuatus tamen semper est: quoniam non possunt oblatum sibi alimentum carnes totum consummere, ac recte transmutare; vnde relictæ superfluitates, cum eadem de causâ, insensibilibiter nequeant, per copiosos effluunt sudores,

G

quod



quod in praxi in laborantibus huiusmodi, atq; alijs lungis febribus obseruamus, attulit nobis venuste hanc doctrinam Gal. in 1. aph. 15. quando dixit, naturam non solum appetere, conficere, agglutinareque singulis partibus proprium alimentum, sed & huius quoque superfluitates diffilare: & quanto fortius extiterit calidum innatum, tanto magis difflatio effugit sensum. & ob hanc causam Diocles inquit, sudores esse præter naturam, quoniam omnibus, quæ ad corpus attinent rectè administratis, & alimento à natura subactò, numquam sensibilis humor per cutem excerneretur.

Cibos perpetuo fastidire per tex. 29. conungebat aut quod appetitus esset ferme extinctus per ventriculum valde refrigeratum, ac labefactatum. sicuti enim frigidiores per hunc statum magis læduntur, ita & membra frigidiora. Aut quod excitari minime poterat, quod cessasset membrorum naturalium consueta suctio, ideo quod membra essent connaturali caloris copia fraudata, ac maxime debilitata.

Accessit his omnibus febris vehemens ac laboriosa per tex. 23. quæ sicuti tabis ex vna pulmonis labe impropria est, ac minime congrua: ita peculiaris, ac propria exitit tabidorum ex rotius corporis colliquatione, quam calor diminutus, ac simul deprauatus importat.

Nec deterreat quempiam quod tussis, ac destillationes per tex. 29. comitarentur, quoniam affectiones istæ propriæ etiam sunt, ac ferme inseparabiles tabis, quam corporis colliquescentia citra pulmonis iniuriam, saltem primarium, constituit. quod euenire dupplici de causa comperio. Altera est, quoniam cum tabidi paucò indigeant pro respiratione aere, cumq; excrementa thoracis per copiosum aerem, violentia quadam erumpentem, exportentur, fit vt in istis difficulter admodum excernuntur: maxime quod per languentem calorem debita coctura haud quam accepta expurgationi magis obstitunt, & propterea exigua quævis excrementi portio molestam in his excitat tussim, quæ vel digeretur alioquin in homine sano, vel per scretum, aut tussim facillimè educeretur. nequit autem fieri, quin in horum thorace superfluitas quæpiam per defluxum, aut congestionem colligatur, vnde tussis difficilis. Altera est quod tabidi (quod quibusdam etiam alijs extenuatis, ac difficillima febre detentis quandoq; euenit) copiosa solent colligere in cerebro excrementa: ideo quod horum cerebrum non pro ratione ab infernarum partium calore foueatur, à quo alioquin vigoloso existente velut

arema-



aromatizatum minime, aut minimum excrementosum redditur: quæ excrementa infra dilabentia in faucibus firmari, ac consisti assolent: propterea quod, ubi in hanc peruenerint regionem, incrassantur, glutinanturq; præ frigiditate, ob faucium gracilitatem suborta: hinc tussis, hinc faucium noxa, à quibus affectibus argumento perperam in praxi sumpto putatur, quamcumque tabem, quæ tussim annexam habet, à capitis defluxu dependere.

Sic alatos, cum à tube corripì, ac simul ferina affligi tussì contingit, non tamen tales ex pulmonis offensa esse, censeas; sed ob dimiautum eorum calidum, quod ad subeundam marcidam hanc affectionem paratum maxime est: ideo quod proprium sui subiectum, primigenium dico humidum, haud recte habeat proportionatum, est enim non pro ratione compactum, viscosumque, sed crudiusculum, ac liquidiusculum, cuius ratione calidum facile vel resoluatur magis, quam par sit, per obiectam causam calidam, vel partialem patitur, per obiectam frigidam, extinctionem. Quæ etiam de causâ graciles sunt & teues istiusmodi homines, & præter rationem lungi: ideo quod calidum ab humido non bene coercitum, ac castigatum in hominis incremento alta petat intempestiue, & præter naturæ institutum: atq; hinc corpus, congrua latitudine fraudatum, lungum non ex ratione efformatur, ut fieri minime possit, quin in thorace pariter oblungo atq; angusto, scapulæ in modum alarum promineant. cui formæ respiciens Hippocrates, ac postmodum alij medici vocarunt alatos hosce homines. quos etiam videre licet non rubicundos, sed albicantes, & nonnihil curuos. fit autem, ut, cum sint ad tabem parati, sint etiam defluxionibus à capite in pectus maxime obnoxij. etenim cum præter quam quod eorum cerebrum non possit abunde foueri, atq; aromatizari, ob natium calidum, non satis in hisce robustum, ac firmum; minus insuper id sibi conceditur, ob distantiam ab inferioribus visceribus, quam importat eorum pectus, ac collum lungum, & propterea, ferina affliguntur tussì; continua nempe, quod continenter, præsertim si tabescant, in cerebro gignantur, & contiuenter præcipitent excrementa in membra respirationis: laboriosa, ob thoracis angustiam, ac longitudinem, nec non eorundem excrementorum incoctibilitatem. & maligna, quod nil ab educatione subleuentur. & hoc est quod Hippocrates 3. in 6. tex. 18. docere nos voluit, quando dixit, quæcumq; alata naturæ lateris, propter impotentiam occasionis, & in destillationibus malignis, & si excretio sit, etsi non sit malum.

Sed hic oritur difficultas non contemnenda, cuius resolutio maiorem in modum, puto, placitum nostrum illustrabit. etenim non videtur satis constare, quod tabes, quæ grauissima subsequuta est 3. in 3. t. 66. causam duxerit generatricem ab hiemis extremæ frigiditate, & borea tunc temporis subsequuto: quandoquidem per textum habemus, tabem illam hieme capisse, & ex illa decubuisse multos: quæ res sicuti excludit, quod à postremæ hiemis mutatione fuerit producta, ita declarare videtur per solum austrum, ac propterea per descensum à capite repleto, ut placet Galeno, fuisse excitatam: maleque fuisse à nobis statutum à mutua frigoris, & caloris successione tabem produci. Dic, quod frigus eius hiemis quantum illud extitit, potuit corpora ab austro omnimode affecta refrigerare, ac in ijs, qui maxime erant parati, quique aeri frigido liberalius se exposuere tabem inducere, calido eorum natius percusso, ac partialiter extincto. Nec obstat quod in tex. 3. dicat auctor hiemem illam fuisse austrinam, lenem: quoniam comparatiue intelligenda est eius loquutio: nequit enim fieri, quin quampiam gestaret, noctu præsertim, frigiditatem, quæ propterea potuit adaptis ab austro corporibus non mediocriter officere: si enim autumnus frigiditas, quæ ad hiemalem temperata est, id ipsum efficere est nata, multo magis hiemalis, præsertim in casu nostro, in quo animantia reddita erant penitus austrina. Potuit igitur multis tabem afferre, quam mox, succedens insignis extremæ hiemis alor, vniuersaliorem, grauiorem, atque acutiorem effecit. Disce acutiem hinc, quod cum tabes sit ex Hippocratico scito, experientia identidem confirmante morbus longus & lethalis, fere tamen omnes per textum, qui hieme decubuerunt ad instar acuto morbo laborantium ante ver perierunt, quod repentina frigiditas subsequuta acutiem hiemali tibi indiderit: quemadmodum enim autumnus est tabidis malus, sic postremæ huius hiemis frigus, à tabe iam iam antea correptis, extitit mortiferum. firmatur hoc quoniam in tex. 71. auctor scribit ver tum alijs, tum tabidis fuisse infestissimum, non sane ob propriam naturam, est enim eodem teste saluberrimum, sed propter temporis ipsi annexi algorem. hinc qui superstites fuerunt, cum ætate, à qua recreati quodammodo fuere, remissius se habuissent per eundem textum, sub autumnum omnes decubuerunt, atque multi obierunt. nempe quod complicatio frigoris cum calore sit ex Hippocraticis placitis, & ratione, calido animantium innato infestissima, hos quidem tabidos reddens, illos vero iam factos interficiens. ut propterea



iam satis constare putem, recte fuisse statutum, austrinum statum & cum squaloribus 1. in 1. qui est in ordine primus, non propter destillationem in membra spiritus, sed propter insignem calidi offensam, extitisse rabificum.

Quæ hæcenus de hac materia disputata sunt, in cognitionem nos facile ducunt veræ, ac germanæ causæ oraculi in 5. aph. decretati, hoc est, tabes fit maxime ætatibus à decimo octavo anno ad trigesium quintum. Cum enim intra hoc tempus calidum innatum supra humidum radicale veluti efflorescat, maioremq; habeat effluxum, eo quod non æquæ ab ipso coerceatur, ac prægresso tempore, fit ut de facili ab adaptata præternaturali causâ superaccedente vel maiorem in modum diffuset, resolutumque. aut partialiter extinguatur. illud ut plurimum vsuuenit per quasdam difficiles, aut etiam diarias febres: hoc vero cum ab aere valde sibi aduerso, qualis est complicatus, molestat. & utraq; de causâ tabem importat. quod ijs potissimum vsuuenit, qui resolubilis habitus, & frigidi sunt temperamenti. Quæ affectio non solet ante decimum octauum annum habere locum, quoniam tunc temporis calidum insitum à plurimo humido abunde coercitum, ac protectum est: adeo ut etiam si infans, aut puer quispiam præ morbo quopiam longo extenuatissimus fiat, eundem tamen à tabe solet: quod non contingeret homini intra Hippocraticum tempus existenti: neque post trigesium quintum, quoniam siue occurrat causâ, ob quam maiorem in modum resolui, aut partialem refrigerationem pati deberet, utroq; modo offensam facile effugit. cuius rei causam, ut intelligas, latere te minime debet, calidum, quod in solidis animantis partibus sedem habet, per procedentem hominis ætatem consumptionem, ac diminutionem sui in primis non sortiri æqualiter secundum sui totum, seu æquæ secundum internas, ac externas membrorum solidorum partes; sed in primis secundum externas, ac circumferentiales successiue in altioribus sedibus, postremo in ventribus. rursusq; esse magis accidentalibus obnoxium causis, cum ad superficiem membrorum subiectiue, ac radicatiue considet, quam cum in absconditis intrusum est sedibus: adeo ut cum infestum quodpiam sibi occurrit, secundum partem, quæ in superficie considet de facili cum subiecta sede offensam excipit: difficulter secundum eam, quæ in altiusculis sedibus: difficillime vero, quæ in ventribus condita est. Hoc sic stante, cum homo annum transigit trigesium quintum, calidum implantatum, cum amplius in membrorum circumferentia subiectiue

subiectine non inest ( quippe quod humiditate radicali hic in primis consumpta, consumptum & ipsum sit naturaliter ) altiuscule insidens protectum est, quominus à causis, à quibus alioquin diminui, vel dissipari posset, iniuriam ferat: propterea quod tum ab infesta causa sibi occurrente immediate percuti minime potest: tum etiam quia carnes simul & semel ab eadem alterari debent, si & ipsum alterationem subiturum est. ut ob id, ab hoc postmodum statuto tempore homines, maxime autem senes in tabem nequaquam incidant.

Sed & hoc ad artis decorem haud prætereundum est, illos esse tabi, quæ per resolutionem fit, magis obnoxios, quorum humidum primigenium tenue & aereum est. sunt hi quidam molliusculi, delicati, quadantenus graciles; albæ, sed rubro non nihil colore perfuse carnis: & hi à tabe, si causa recurrat, corripuntur promptius proximioribus inter constitutum tempus decimo octavo, quam annis remotioribus. illos vero ad tabem subeundam, quæ per refrigerationem inducitur, esse paratiores, quorum complexio frigida est, albæque carnes. & isti, si quando causa sufficiens accedat frigefactiua, ut proximioribus trigésimo quinto annis in tabem incidant, facilius est.

Est rursus ad luculentiorum sermonem addendum, senes eidem sub hac affectione militare, quippe est eorum calidum cum primigenio humido non parum diminutum: sed cum aliorum tabes præternaturalis sit, senum est naturalis, sensim omnimoda contracta, nullam interim animanti iniuriam morbosam, ut illa; nullam inferens offensam: & habent solida secundum mercedem partes id cum cæteris, quæ nullam adhuc sunt corruptionem expertæ, ut calido innato adhuc gaudeant; non tamen per ipsius radicationem, sed irradiationem, & virtualitatem, cuius gratia ut proportionata materia nutriuntur, & secundum propriam salubritatem conseruantur: ideo quod, eo ipso quo humido radicali priuantur, alimentali, ac proportionato ditantur. Verum ubi per violentiam solida marcorem subeunt, cum calido subiectiuo priuantur, eius quoque irradiatione secundum tabefactas particulas frustantur: ob id, quod non datur ipsis, ut præternaturam exsiccatis, renutriti, & alia proportionata humiditate ditari: unde etsi irradiatio ad eas perueniat, non tamen hanc excipiunt, ut subiectum minime proportionatum, secundum propriam virtualitatem. quia immo hoc insuper accedit, quod humiditas alimentalis, quæ ad eos peruenit, & alioquin in suppetias esse deberet, ut in marcore naturali, id incommodi



modi ipsis affert, quod cum non possit in nutrimentum conuerti, corrumpitur, & putrescens quandam inducit febriculam, & hæc est hectica vocata febris à qua tum maiorem in modum eadem concalescentia exsiccantur, tum ad tabem sensim inducuntur succedaneæ; quas, si discrasia laborare simul contigerit, ut vsuuenit per complicatam hanc constitutionem ijs, qui à tabe fuere correpti, putrida insuper febris accedet, accensa in putrescentibus superfluitatibus à nutritione istarum relictis, & hæc erit semitertiana, coalescens ex continua & intermittente, modo quo in superiori capite fuit explanatum.

Præstant deinde, & nobis indiscussæ illius Hippocratici sciei notionem, quod 7. in 6. tex. 19. sic se habet, tabidis autumnus malus, malum iter ver, quando ficulna folia pedibus cornicis sunt similia, est enim præter autumnum, ver quoque malum, non quidem propter inæqualitatem, aut hæmptoicam passionem, ut Galeno, & Valesio placet, sed quoniam natiuum tabescentium calidum, quod alioquin hieme, & venis principio in ventribus coactum insidet, ob solis ad nos accessum à ventribus ad membrorum auocatur, expanditurque circumferentiam, quo fit, ut, cum exiguum sit, ob sui diffusionem, vel maiorem subeat languescientiam, vel totalem resolutionem, & extinctionem. quemadmodum enim cum coactum est in penitioribus, vigorosum existit, ex Hippocrate in 1. aph. 14. ita, cum diffusum est, ut estate, debile efficitur. & in tabidis, ut in quibus partialiter extinctum est, cum à medullis ad extrariam membrorum effunditur superficiem, noxam fert lethalem. quod tamen euenit non in veris principio, sunt enim ventres hoc tempore adhuc calidi per locum citatum: sed in processu, cum fici folia cornicis pedibus sunt similia, hoc enim tempore vrgere solis calor incipit.

Hæc rursus ante plana efficitur nobis causæ, quæ Galenum; & alios latuit, Cur febris diurna quibusdam ad tabem vergat, cum in nocturna id non vsuuenit, ex Hippocrate 3. in 1. tex. 6. An quod nocturna frigiditas corporibus à febre, ac diurno calore ad apertis de repente adueniens partialem tandem caloris natui, alia quoque ratione valde debilitati extinctionem in quibusdam infert: quod in nocturna minime euenit, quoniam febricitantia corpora à luce excepta, non in qualitatem ineidunt calori infestam, sed amicam. An quod cum interdiu maior corporum effluxus fiat, corpora diurna febre laborantia magis per febrem fluxilia facta, tandem non mediocriter extenuata, marcida fiunt. quod non contingit in nocturnam, ideo quod nocturna frigiditas  
oscula

osticula cutis constipando, liberalem, ac nocentem corporis effluxum reprimat. sed dum quibusdam auctor hoc vsuvenire scribit, insinuat paratos, ut rerum habitus, graciles, vel frigida temperatura iuvenes.

Per diurnam, ac nocturnam febrem non intelligit Hippocrates simplices quasdam, aut duplices tertianas, quas vel interdiu, vel noctu affligere contingit: sed quasdam lungas, ac difficiles quotidie invadentes à viscerum, & præsertim iecoris intemperie pendentes: nocturnas, & diurnas ab auctore appellatas; quod noctu, aut interdiu accedant, & magis affligant, & postmodum noctu, aut interdiu remittant: non tamen adeo ut ad infbricationem deveniant: quoniam continuitatem quampiam adesse insinuat nobis auctor, dum inquit, nocturna non admodum lethalis, subindicans mediocriter esse talem: cum ex adverso febris intermittencia omne periculum excludat.

Est etiam diurna nocturna febre lungior, ut notat in præcitato textu auctor, tum quia nocturna frigiditas superaccedens, nec est ad recreandum nativum ægri calorem, nec ad excrementa per extraneam digerenda superficiem; tum quod ubi nativi calidi maior noxa, ut in diurna, ibi quoque maior excrementorum copia, ac propterea febris lungior.

Et hæc de noxis, quæ suboriuntur ubi auster, & aquilo, ubi inquam calor & frigus mutuo, & æqualiter sibi succedunt, ac dominantur: æqualiter inquam, quoniam si alter horum minus prævaleat ratione sui, qui debilis sit; aut temporis, quod sit flatui contrarium, morbi producuntur, qui præpotentis sequuntur naturam, ut declarat tempestas, quæ 7. in 6. tex. 1. ab Hippocrate enarratur, dum dicitur, tussis circa brumam decimoquinto, aut vigesimo die ex crebra austrinorum, aquilonalium, nec non nivalium flatuum permutatione caperunt. etenim etsi hi duo invicem fortiter spiraverint venti, morbi tamen inde consequuti vnam redolere, respectu temporis, frigiditatem, ut videre est ex enarratione Hippocratica, ad cuius examen lectorem remitto.

Qui dispositus maleficientiam huius status, si quando contingat, effugere intendit, ut in domo conclusa, quo ad fieri potest, contineat se, & æqualitatem aeris congruo igne sibi paret, necesse est. is ipse subtrahescentibus, ac tabescentibus aer valde conducet. Scopum hunc præservativum tibi licet colligere ex Hippocrate loco nuper citato, quando loquens de illa tempestate, dixit, quod mulieres liberæ, ideo quod è domo non egrederentur, inclementiam aeris eccitarent: cùm ancillæ, ac viri contraria de causa illam subierint.

*De statu*



De statu Austrino, & primum de eius  
Natura.

## Cap. V I I I.

**A**ustrum temperiem calidam, & humidam esse, edocuit primum nos rerum naturalium peritissimus Hippocrates, & postmodum Aristotiles, & Galenus. quomodo autem hanc compareret, cum in primis frige faciendi, & humectandi vim habeat, eodem auctore in 2. de diæta, edocet pariter hic idem auctor hoc prorsus in loco, auster, inquit, à similibus aquiloni natura regionibus spirat: ab australi enim polo spirans, & à nive multa glacieque, ac gela fortibus procedens, necessario his, qui prope ipsum illic habitant talis spirat, qualis est nobis aquilo: verum omnem non item similis accedit regionem: nam cum per solis iter, & in meridiem spirat, humiditas ipsius à sole ebibitur, & resicatus rarefit, quare necesse est ipsum calidum, & siccum hac accedere: in proximis igitur regionibus, necesse est ipsam talem vim calidam, & siccam exercere. & hoc sane in libia facit: nam & terra nascentia exarescit: & homines lateenter resiccat: cum enim non habeat nec mare, nec fluvium; unde humiditatem accipiat ex animantibus, ac plantis humiditas exhaurit: ubi vero pelagus transit tanquam calidus ac rarus existens multa humiditate regionem, in quam allabitur implet, & necesse est ipsum calidum, & humidum esse, ubi non regionum situs alterius qualitatis causa existat.

Vnde hic non sat intelligo, quomodo 3. in 3. c. com. 3. eos reprehendat Galenus, qui austrum semper esse humidum statuerunt, & scribat quandoque esse siccum: namque si aliquandiu contigerit citra imbrēs prævalere, utique siccum per se, qui semper propriam retinet naturam, haud recte dicemus, sed ex pluviarum vacuitate, vel aquilonij insimul sufflatu talem. ut propterea Galenus se non de vero austro, sed leuconato loquutum fuisse significat: est igitur semper calidus, & humidus, qua natura donatus, cum prævalere in aere contingit, subiecta animantia insueto quodam, eoque pernicioso modo afficit.

Sed antequam ad illius maleficentiam descendamus, aperire præsum est, quædam prius intelligere, quæ maiorem in modum sunt austri naturam illustratura, etenim & illud, quod intelli-

H gatur,

gatur, dignum est, quod cum sæpe malignus hic spiritus perfler, non tamen hominem oblaedit semper: quod euenire certum est, ideo quod aut breui spiret, vt aer effatu dignam haud ferat in propria substantia alterationem: aut cum alio vento complicatus ad nos accedit, qua ratione non solum germana spoliatur natura, sed etiam legitimo motu. est enim eius motus tardissimus, vt quempiam ventum efflare non putes, quod prouenit quoniam à remotissimis venit regionibus. insinuat nobis hunc tardissimum austrum motum Hippocrates 3. in 3. tex. 1. dum scribit, annus austrinus à ventis in totum silens. & in tex. 3. hiems erat lenis: & rursus cur sine ventis austrinum. at quomodo potuit esse ventis annus omnino vacuus, si comitem continenter habuit austrum? sed propterea hoc loquendi modo vsus est auctor, vt iunueret lente adeo austrum procedere pede, vt motum in aere non sentias. vt obseruat pariter loco citato tex. com. 3. Galenus. per hunc igitur tardissimum motum redditur in efficiendo potentior. vnde debet & satis diutinus, & legitimus esse ad importandum in aere dominium.

Porro ex locis, quædam sunt, quæ, quorumue aer ab austro affici minime possunt, ex cæteris alia magis, alia minus sunt huic vento obnoxia. Quæ sint illa, edocuit Hipp. in lib. d. aer. aq. & lo. quæcumque, inquit, ciuitates ad ventos frigidos sitæ, sunt inter occasum solis æstiuum, & orientem æstiuum, etiam ipsi hi venti vernaculi, & indigenæ sunt, ab austro vero, & calidis ventis prorectæ sunt. & iure, quoniam si quis recte attendat, hæc ciuitates, hæc loca ab austro sunt remotissima, & boreæ omnimode subiecta: adeo vt cum inibi peruenit, imbecillimus peruenit, & de cætero à vernaculis ventis, & regionis situ in totum correctus. cui regi inhaerens idem auctor. in 2. d. dig. dixit, & necesse est austrum calidum & humidum esse, vbi non regionum situs alterius qualitatis causa existat. & roborat hoc, dum loquens in lib. cit. de aer. lo. & aq. de regione sub vrssis, ac ripheis montibus sita, ab vrssiq; & frigidissimis ventis perflata, dixit, neque vero venti à calidis locis spirantes valde ad eam regionem penetrant, nisi parumper, ac debiles.

Ex cæteris in vniuersali locis maritima meridiem respicientia; etsi videantur austrinæ maleficientiæ esse magis obnoxia: attamen quoniam in aperto sunt loco, in quo vndique perflare solent venti, spirantem corrigentes austrum, hac de causa austrinas noxas facile effugiunt. si quando tamen legirimus ad ea peruenit, vehementerq; præualeat animantia perflata præ grandi æstu mirum in modum



modum excalefacit, & eorum sanguinem extorrefacit: qui postmodum putrescens ardentem quamdam gignit febrem, & abscedens quosdam carbunculos efficit altos, sed angustos, qui putrefacti uia, ac contagio carere solent. alia ratione non posse affici sentio, nisi pluuia contemperantes ipsi accesserint: maxime si locus aphyricis confinijs proximus extiterit, ut Sicilia.

Ex locis in continenti, illa spiranti austro magis sunt obnoxia, quæ temperata, quam quæ frigida, ut quædam valles frigidis aquilonalibusque exposita ventis: adeo ut ex his quædam sint, quorum aer iuxta Hippocraticam doctrinam alterari ab austro, vel nulla ratione, vel difficillime potest. cum interim, quæ circumstant loca, grauiter ab eodem dominante afficiantur. Sunt quædam ex aduerso, quæ ratione situs particularis uentum hunc magis sentiunt: quæ sint ista, docuit in 2. d. diet. idem, quem nil latuisse uidetur, auctor, cum dixit, ubi regiones adiacent ad austrum, & his æqualidi, & morbosi austri afflant. adstat ratio, quoniam uenti motus impeditur à montibus, ut ob id statio facta, uentus loci aerem magis occupet, mutetque. hac de causa vrbes, ut undequaque caua, ac domibus valde conferta loca, austri spirantis, ac propterea remorantis minus effugiant austrinam noxam: ut uisuenit per pestem austrinam anno 1574. quæ dire Brixiam deuastauit, cum interim sub eius ditione loca in salubritate degerent.

Sed & aeris qualitas maiorem, aut minorem dicit dispositionem. etenim tenuis, & illustris, cum sit austrinæ maleficentiæ magis obnoxius, contrahit etiam, si quando affici contingat, altiore offensionem, quatenus hæc maiorem à naturali recessum dicit. crassus & halituosus tum difficilior ab austro afficitur, eadem austri potestate data, vulgarem, ac malignum morbum importante: tum leniorem quoque contrahit iniuriam. hoc clare demonstrauit pestis austri soboles præcessit, & per Brixianum solum grassata, quæ purissimi aeris loca cum deuastasset, plana humilia, & quæ sunt halituosi aeris parum, vel nil tetigerit. amplissimum extat testimonium Pisonæ locus lacustris, ac palustris, occidenti expositus, de cætero à sublimibus undique montibus conclusus, ut uentis aditu transituque minime dato, aer à vaporibus sublatis, valde crassefactus, digeri atque illustrari nequeat. hic inquam locus, Sebini lacus portus primarius, per quem pestifero tempore singulis diebus merces trahebatur, hominesque de lue maxime suspecti transirent: aliorum tamen malorum fuit duntaxat spectator. qui locus si à peste fuisset

fuiſſet correptus, innumeræ iure merito fuiſſent inuaſionis morbi cauſæ adductæ, ſiquidem peſtis hæc vnum agnouifſet contagium.

Cur autem admittat facilius tenuis atq; purus aer affectionem auſtrinam eſt, quoniam obſiſtere minus valet, quam craſſus & vaporolus: grandioremq; excipit noxam, quod compuſtor halituoſo ſit. auſtri enim maleſicentia verſatur potiſſimum in aeris diſſolutione: aerem enim, qui ex ſui natura compactus, ac lucidus eſt, liquat fundit, tenebroſumq; reddit, vt auctor eſt in lib. d. ſac. mor. Hippocrates. Quod autem aeri puro illuſtriq;, idem per auſtrum & innato nobis ſpiritu viſuenit. hoc inſinuare nobis voluit idem auctor, cum in aphoriſmis caliginoſos ſtatuit auſtros: cui ſubſcribit quoq; Galenus 1. in 1. t. com. 8. ideo qui incolunt puri, ſplendeſcentiſq; aeris loca cum facilius, tum etiam intenſius afficiuntur: ſic & eadem ratione vegetiores, quod ſpiritum geſtent illuſtiores. ex aduerſo, qui in locis humidis concauis auſtrinis degunt, cum ægrius, leuius quoq; afficiuntur. corpora enim, alicui aeris affectioni aſſueta, minus moleſtari ſolent ab eadem intenſiori facta, quam ſi ad contrariam naturam etiam ſi bonam mutantur, vt ex eodem colligimus in 2. aph. 50. vt ob id, illi auſtrinis incommodis, ſi quando contingat, duplici de cauſa ſint magis obnoxij, ratione ſui, & aeris; & propterea morbi auſtrini vulgares, qui ſunt malignæ ac peſtilentis febres, nec non peſtis bubonia, ac carbunculosa, ad hæc, tenuis inquam ac puri aeris loca, ad homines ſimili aeri conſentaneos potiſſimum ſpectet: in hoſce potiſſimum ſcuiat.

Sed cum inciderit ſermo in auſtrinos morbos, te ſcire velim per ſtatim, non omnes ſimul commemoratas, ſed alias hos, alias vero illos diuulgari, pro maiori, vel minori auſtri dominio. etenim cum multos, ac velut tumentibus velis ad nos accedit, noxas alte in ſubiectis animantibus imprimens, febres excitat peſtiferas, quæ comites & carbunculos, & bubones, ne dum papulas damnandas habere conſueuerunt. febres malignæ, quædamq; peſtilentis graſſantur in ſtatu infirmiori, quod importat, auſtrum non æque multum abundaſſe. ſed inſinuata auſtrina mala, de cætero ſunt ſedulo inueſtiganda.

Non tamen prætereundum id in præſentia eſt, auſtrum, cum dominari contingit, ſub duplici natura nos immutare, exquiſita, & cum pluuijs aſſociata. vnde morbi producantur inter ſe paulo diſſimiles. Fit etiam, vt, ſi cum ſeruente æſtate multi contingant imbres, morbi ſuboriantur, qui auſtrinos quadantenus



emulantur. præter rationem auctoritas firmat. etenim putredines, quæ sunt austrini morbi, ut videre est ex 3. in 3. t. 50. à pluvio cælo nempe, & cum æstu iuncto sunt à sene in 3. aph. 16. expectata. & rursus æstati pluvie diuturnos quidem, sed & serpentes morbos idem auctor in lib. d. aer. 1. & aq. assignavit. si estas inquit pluviosa fuerit, morbo si diuturnos, & phagedenos adedentes, ex omni occasione oboriri verisimile est, si vlcus fiat. diurni in locis flatibus undique adapertis: serpentes in conclusis locum habere solent.

Sed non fuerit indecorum ad calcem istius capituli inquirere, unde nam proveniat, ut, cum pestis bubonia, ac carbunculosa, quæ contagiosissima est, rarissime visatur, austri proinde rarissime dominantur. Dic huiusce rei causam petendam esse à quodam stato superiorum motu, ob quem excitari austrum maxime contingit. huiusce vero rursus ab Aeterna Summi Opificis dispositione, qui voluit Cælos tali, vel tali tempore sic moveri, vel in punitionem mortalium, ob eorum scelera, cum ad nauseam iam supercreverint, vel latente nos alia de causa.

*Quid mali pariat in animantibus Austrinus status: Communis opinio reprobatur: unde vera eiusdem maleficientia subelucet.*

### Cap. IX.

**H**IS sic de constitutionis austrina natura statutis, videndum iam, qua ratione animantibus infensa existat. circa quod in Schola Medicorum sentiri videtur, austrum propterea infensum esse, quod in ijs, ut calidus & humidus, putredines, quarum febrium putridarum causas dicunt, ingignat. hoc facile desumpto ab austrino anno pluvio 3. in 3. enarrato, per quem putredines, ac febres plurimæ putridæ vagantur sunt. quod videtur confirmari ex eo, quod in 3. aph. 16. Hippocrates pluviarum copiarum putredines assignat pluvie enim cum redundantem humiditatem importent, & hæc sit putredinis materia, facile in hanc venerunt sententiam, ubi qualitas ista cum caliditate iuncta præter naturam corporibus nostris accedat, putredines putridas excitantes



tautes febres fieri. quod maxime argumentantur in austro; quippe ut calido, & humido, ad putredines excitandas, nil ipsi deficiat.

Sed hac vulgata opinio, quæ austri vim, atque agendi modum non bene intellexit, neque ex mente Hippocratis est, neque scopum attingit: utinam res sic se haberet, neque enim conflictari humanum genus vulgaribus malignis, ac pestilentibus febribus, nec non peste contagiosissima unquam contingeret. & quamvis Hippocrates per illum statum austrinum putredines factas fuisse scribat, pluviarumque copiarum putredines in aphorismo assignet, non tamen de humorum putredine, secundum scriptorum sententiam, intelligit, sed de solidorum putredine, quatenus scilicet putredines dicunt serpentes, ac deposcentes abscessus, ab ignescente, acerrima, atque exulcerante materia, ob pluvium statum cum austro, aut æstu iunctum genita productis: didicimus hoc ab eodem in 2. præd. ubi de nominis loquitur, & a serpentibus, abscessibus, per constitutionem austrinam 3. in 3. vulgaris, ac præcipue ex text. 50. quo in loco sacros ignes, herpetes, carbunculos, ac similes abscessus, calidissimam, atque acerrimam restantes, sui productricem materiam, putredines appellat. quorum formam, ac maleficientiam proponit nobis in 2. ep. sec. 1. cum inquit, carbunculi in cranone multi, pluebat in ardoribus aqua larga, contingebat hoc per totum, & maxime ab austro. & subnascebantur quidem in cute sanies, dum antro intro concipiebatur, calefcebant, & pruritus inducebant, deinde pustula velut ab igne exulta excitabantur, & sub cutem uti sibi videbantur. hanc ulterius exigeratam inuenies apud eundem 3. in 3. r. 22. 23. & 25. cum dicitur, Sacer ignis cum occasione ex quibuscumque, & admodum parvis vlcusculis in toto corpore accidebat. & rursus, sacer ignis multum celeriter undique depascebat. plerisque itaque horum in suppurationes abscessus contigerunt, atque carnis multum, osium, ac nervorum deciderunt: nonnullis torum scemur, vel tibia denudabantur, pesque totus. ut propterea minime si dubitandum, quin pluvij austrini, aut æstuosi status scopus sit, non quidem humores, sed solida putrefacere: seu, melius, humores ingignere calidissimos, atque acerrimos, qui prava abscessus, ac deposcentes morbos procreare nati sunt.

Prauitati huius status sic humidi respiciens in 3. aph. 15. idem auctor, in summa dixit, siccitates salubriores sunt imbris, ac minus lethales, atqui si per siccitates sunt morbi acuti, 3. aph. 7. quosnam



quoniam expectabimus à pluuijs cum austro associatis? profecto acutiores ac lethaliore, ut visum est. at si sic, quid superest nobis expectandum ab austro pluuijs vacuo, quando alioquin humiditas humorum caliditatem, atque acrimoniam non parum obtundat, ac corrigat? non aliud sane quam malum quoddam in prauitate, in acutie extremum, cuius propterea generatrix materia in maleficientia quamcumque aliam superans, non aliud sit, quam venenum propria sale.

*Obiectum maleficientie austrina immediatum, calidum est animantis innatum: & quæ ratione ubi quadam eius affectio non dum cognita explicatur.*

Cap. X.

**G**ignantur igitur in corporibus nostris, ubi fuerimus ab austris alterati, prauis atque etiam venenosis humores, & hoc medio calidi natiui, quod est primum, atque immediatum noxæ austrinæ subiectum. unde antequam deueniamus ad investigationem modi, quo calido ab austris obleso, humores huiusmodi in nobis generentur, speculandum prius venit, quomodo ab iisdem afficiatur. Circa quod, te primum minime latere debet, hanc calidi affectionem non consistere in eiusdem diminutione, non ad quampiam intemperiem alteratione, aut depravatione (ultra quas affectiones aliam non agnoscere medici) sed consistere in eius dissolutione, quæ citra copiam, & temperiei iniuriam, locum quandoque sibi asciscit; adeo ut, ubi austrinam contraxit maleficientiam; & copia, temperieque gaudet, & simul dissolutum est: robore inquam, ac vi, qua præsertim naturales edit operationes, est orbatum. etenim etsi eius diminutio, & intemperantia, depravatioque robur, aut quidam tenus tollat, aut quodammodo confundat: eius tamen dissolutio robur proprie ferit. non aliud hæc dissolutio dicit, quam fractam calidi insiti compaginem, quam alioquin importat eius densitas, resultans à specifica quadam calidi quantitate. est enim vniuersali homini calidum innatum in quodam pondere, in quadam mensura assignatum, ob quam resultat tum quidem specifica

tem-



temperies, tum vero densitas & compago aciei eius, & roboris constitutina; cuius gratia probe alterat, coquit, ac sibi assimilat, quæ ad vniuersalis hominis vitam conseruandam, ac producendam proprie competunt. vnde sicuti compago hæc humani calidi formam effert, ita specificam statuit distinctionem a calido, quod est proprium, ac specificum cuiuscunque alterius animantis.

Consideramus calidum innatum, vt substantiam calidam: quoniam calidum corpus lunge in proprio subiecto præstat, vt ipsum solum effulgeat, & opera caliditatis propria edat: & adeo præstat, vt cohiberi, ac corrigi satis nequaquam valeat, quin continenter coexhalet, effluatque: & propterea continuis fomitibus opus habuit: alioquin consumeretur quamprimum exinguereturque.

Debuit huiusmodi constitutionem sortiri, vt munia ad vitam necessaria obiret. hac etenim ratione vt quid viuens viuificat, ceteraq; ad vitam conducentia præstat, dum è sedibus proprijs, dico solidis emicans exilit, ac simul radios, spiritusue ex se producit. sunt hi per quos naturalia munia exequitur: hi in cunctis naturam, à quo deriuant, agnoscunt, consequunturque, vt etiam affectiones, si quando idem calidum affici contingat, communicent, ne dum ceteras eius proprias, ac naturales dotes, agit vero non electiue, & ex voluntate: sed eius actio ex afflatu, radijsque à se emissis atq; in materiam alterandam sibi oblatam repercussis procedit, quam subinde excalefactio sequitur, rarefactio, ac rei tandem coctio. Etenim calidum, quod tum primario in corde sedet, tum vero & in cæteris solidis animantis membris, per spiritus hinc influentes, hinc vero insitos, ac cunctos sibi inuicem conspirantes totum velut prospicit, rimatur, perlustrat, vt si quid alterabile interfecet, à spiritibus, radijsue hinc, inde repercussum coquitur, aut quouis alio modo, si quid obstat, digeritur, superatur. & quamuis vnicuique membro, vnicuique parti peculiaris, ac insita sit natura, vt videantur dissentire spiritus isti sibi inuicem debere: vna tamen horum omnium consonantia est, vnus concentus. de quo pulcherrimum extat apud oraculum in lib. d. alim. enigma, vna natura sunt hæc omnia & non vna: multæ naturæ sunt hæc omnia & non vna conflatio, vna, conspiratio vna. per hos igitur effusos, oberrantes, ac sibi inuicem conspirantes spiritus characterem productricis sui causæ gestantes, excrementa, vt ceteras coctiones omittamus, si quæ insit in venis inalterata, & hanc calidissimam, ac remif-



lenissimam substantiam intercidentia, subacta euincuntur, unde sanguis redditur omni impuritate orbatus.

Nec te lateat, quod ad hoc præstandum hi radij, hi spiritus exquiruntur idonei, quales ex se producit compagine naturali, atque acie gaudens insitum calidam, densiusculos scilicet recte compaginos, veloces, pellucidos, quibus muniti dotibus res peruadunt, facileq; euincunt alterandas. non utiq; si rari, diffusi segnes, ac caliginosi sint redditi, quas, dotibus contrarias, contrahunt affectiones, cum natium calidum ex denso, recte compaginato, vegeto, fieri contingit rarum, dissolutum, hebesque. Sed quando nam talem excipit noxam? tunc cum præualet in aere auster: cum austrino vsus fuerit animans aere. etenim ut calidus & humidus? solida ex Hippocrate dissolvens 3. aph. 5. & 17. calidum excalefacit, rarefacit, diffundit: eademq; ratione & ventribus, in quibus peculiare habet domicilium, extrariam versus membrorum partem allicit; unde segae obusumq; redditur, ac caliginosum: hinc corporum dissolutio, hinc pigrities Hippocratica. loc. cit. cui subscripsit quoque edoctus ab Hippocrate 26. probl. Arist. ad aquilonis differentiam, qui cum compingat, caloremque in ventres cogat, corpora efficit vegeta, atq; agilia eodem auctore: cuius rei causa cibo homines anidiores fiunt, teste Arist. loc. cit. 42. Quam sane affectionem infert similiter aeri auster: hanc autem audi ab Hipp. in lib. de sac. mor. aquilo, inquit, compingit aerem, & turbatum & nubilosum excernit, & illustriorem & pellucidum facit: auster autem contraria operatur. ex quo legitima deducitur causa probl. 46. in loc. cit. propositi, quod sic habet. Propter quid in austro quidem velox boreas, in hoc autem auster non velox. An quod aer redditus ab austro fusus, ac liquidus boreæ minime obstitit, ac si esset compactus, unde boreas velocior afflat: quod non datur austro boreæ succedaneo: ideo quod, spiritu hoc maiorem in modum aerem compingente, auster grandem adinuenit obstitutionem: cuius ratione tardo admodum sibi est incedendum pede. Quod voluit nos docere idem Hippocrates, quando loco citato de austro loquens, dixit, auster primum incipit aerem compactum liquare, ac diffundere, quapropter non statim aerem superare potest, qui prius densus est ac compactus: sed temporis processu ipsum dissoluit. quæ res in cognitionem rursus veræ causæ nos ducit problematis, in loco citato vigesimo octauo, hoc est. Propter quid boreas incipiens magnus, finiens autem parvus: auster incipiens parvus, finiens vero magnus. An quod boreas



incipiens, magnus est, quoniam à proximis venit regionibus, nec non aerem non admodum compactum sortitur: finit autem, parvus, quoniam ab aere compactiori à se ipso reddito, magnam adinuenit obfistentiam, ut parvus fieri necesse sit. auster autem incipiens, parvus est, quod à remotissimis venit regionibus, & aerem compactum comperit: finit vero magnus, nulla postmodum ab aere fuso ac liquato à se reddito sibi repugnantia facta. iuxta igitur has innati calidi affectiones, spiritus, qui ab eodem procedunt, qui eius naturam, eius formalitatem efferunt, adæquate afficiuntur. iunge eorum dispositionem quod ex aeratione partialiter constituentur, quod substantia aerei, & ignei sint, facilius ipsis hanc austrinam concedes maleficientiam.

Hæc ut rationi consentanea, & auctoritate fulcita etiam si verissima sint, præstat tamen ad horum robur in medium asferre, quæ de austri ui, ac maleficientia in lib. d. sac. mor. scriptum nobis reliquit Hippocrates vere diuinus. Auster, inquit, primum incipit aerem compactum liquare, ac diffundere, quapropter non statim aerem superare potest, qui prius densus est ac compactus: sed temporis processu ipsum dissoluit. idem porro hoc etiam operatur in terra, & in mare, fluuiosq; ac fontes, & quæ ex terra nascuntur, & in quibus humor inest. omnia autem hæc ventum sentiunt, & ex splendidis tenebrosa fiunt; & ex frigidis calida, & ex fideis humida, & quæcumque in domibus vasa iuxta terram sunt cum vino, aut alio quopiam liquore: & omnia austrum sentiunt, & formam in aliam speciem transmutant. Solem vero, ac Lunam, ac sydera multo hebetiora quam ex sua natura reddit.

Quod & in terram polleat, ostenderunt fruges, nec non senum, ac linum, quæ quo tempore exercebat fera hæc in aere dominium, dico æstate 1630., quæ austrina, quæ pestilentissima extitit, corruptelam ac marcescentiam quandam sunt perpeffa. visa est eadem terra hoc ipsum testari, dum in reddendis præstantibus, auare postmodum se gessit. subscripsit aquatili animans, piscium genus, cum obseruatum sit magnam tunc temporis quosdam præsertim laus piscibus se cisse iacturam. nequit quoq; fieri, quin Celestia corpora hebetiora fiant, immixta inquam eorum qualitates retundantur, aere, qui est illis imbutus, fuso, ac segni ab austro reddito. Cum itaq; vis austri talis ac tanta sit, haudquaquam mirum si frangatur, acieque priuetur calidum animantium innatum; productiq; ab ipso spiritus noxam contrahant effatu dignam. Atqui calido sic oblatso, spiritibus sic affectis, quæ qualiaque excrementa non sunt in subiectis animantibus expectanda. profecto fieri



fieri minime poterit, quin magna, eademq; prava in ipsis generetur congeries, ex cibis & ciborum partibus coctu difficilioribus, quas alteraret, conficeretque calidum connaturali alioquin robore gaudens. Sed hoc priusquam videamus, opere primum est inquirere prius, quorum calidum sit magis, aut minus austrinae maleficientiae obnoxium; quo simul notabilia quaedam de calido aperiemus: videbimusque, qui sint ad austrina incommoda paratiores.

*Qui magis, aut minus sint austrina maleficientiae obnoxij, habita praesertim ratione ad innatum calidum.*

*Cap. XI.*

**S**I calidum innatum noxae est austrinae primum obiectum? siq; homo gaudet calido, quod in compagine, in formalitate semper existit vnum; videntur hac ratione omnes aequo maleficientiae austrinae esse obnoxij: cum enim consistat haec in compagine solutione, non videtur calidum puerorum ac iuuenum ab hac tangi magis posse, quam quod senum est. huiusce dubij solutio, quae simul primariae satisfaciet quaestioni, cum pendeat ab alterius difficultatis discussione, propterea haec prius proponenda atque enodanda venit.

Difficultas est, quomodo verum sit, quod calidum innatum una & eadem substantiae densitate, compagine importante, gaudeat, aequo in pueris, ac senibus, ut medias aetates omittamus: cum alioquin haec densitas videatur non ab alio pendere, quam a specifica quadam calidi copia, vniuersali homini assignata: haec autem varia sit, pro varietate aetatis, ac temperamenti hominis, ut aperte docemur ab Hippocrate, qui in 1. aph. 15. in crescentibus plurimum, in senibus parum calidi innati inesse statuit. nec alia ratione quispiam dicatur, & sit calidus, quam quod plurimum, frigidus, quod exiguo donatus sit calido. Stet responsio, quod plurimum, aut paucum calidum non constituit in homine differentem densitatem, variam compagine, cum tam paucum, quam plurimum una eademq; gaudeat, in unam consuat. ratio est, quoniam plurimum, aut paucum attendi debet penes expletionem de se magis, aut minus per solida membra extensivam:



unde cum per procedentem ætatem minus quantum, exiguumque efficitur, non propterea rarum sit: adeo ut, etiam si paucissimum factum, & in penitissimo membrorum ventre reductum sit, ut in ultimo senio, eadem nihilominus gaudet densitate, quam calidum in alia hominis ætate. istud membra esse minus extensive calido insito expleta, non importat esse secundum quasdam partes eodem orbata, alioquin tabem, vel partialem ferrent mortificationem: sed quod in his calidum subiective, & radicative non existat, quod tamen per irradiationem, ac virtualitatem adæquatum per totum membrum efficitur. desinit autem esse subiective primum in partibus solidorum externis, ut quæ ante internas, quæ sunt Hippocratici ventres, humido primigenio, quod est calidi subiectum, priuentur, cum internæ eodem adhuc humido gaudeant, eademque de causa exsiccationem post alias sortiantur. hinc fit, ut æque in senibus, ac iuuenibus concoctiones ciborum celebrentur, quod senes æque ac iuvenes eadem sint calidi densitate, compagineque, quæ aciem ac robur, formamque eius dicit, donati. alioquin pro mutatione ætatum, mutaretur humani calidi forma, mutata quantitate, alioquin, quæ iuuenis assumpta concoquit, senex alterare nulla ratione posset, quod in ijs calidum plurimæ, in his exigue existens substantiæ, maximam differentiam importet, hinc Hippocrates ad hoc nobis insinuat, dum in 1. aph. 15. congruam pueris, ac senibus cibi præscribit quantitatem, quam à plurimo, vel paucio calore petit. circa qualitatem nil innouat, subinferens, quod, cum æque omnes vnum caloris robur obtineant, vnam quandam in genere ciborum qualitatem exposcant, alioquin mutata per partialem naturæ calidi extinctionem forma, mutanda esset ciborum qualitas. Qui crescunt, inquit, plurimum innati calidi habent, plurimo igitur egent alimento: alioquin corpus absummitur, senibus vero paucum est calidum, propterea paucis egent fomitibus, à plurimis enim extinguuntur. qua postrema particula insinuat senis calidum, natum æque esse ad coquendum plurimum cibum; verum ad suffocationem simul ab eodem ferendam, ut quod plurimum alimentum consummere haud sit potens, non præ raritate, ob quam paucum aduersa ratione exigeret, sed paucitate, paucum enim existens paucio indiget alimento: attenta hac indigentia non solum respectu sui, sed etiam solidorum, quæ eatenus multum concoquunt, ac consummunt, quatenus multo calore gaudent: cui propterea respiciens idem auctor Hippocrates crescentibus plurimum, senibus paucum alimentum præscripsit: & senes



& senēs facillime, pueros difficillime ieiunium ferre docuit: id, de quo loquimur, ostenditur, per paucam ignis molem, quæ non minus secundum suum esse, est actiua, quam sit magna, eadem intensiōe data non inficior, quod sicuti maior ignis potentiam operandi magis extensiuam obtineat, ita iuui- num calor à copîa genericum quoddam, & magis efficax robur non agnoscat: at id ipsum proprie, ac peculiariter à formali substantiæ densitate obtinere, perfectionemque ad celebrandas ciborum coctiones accipere, iam satis constare arbitror.

Quod de calido senum, respectiue ad calidum iuuium dic- tum est, id dictum volumus de his, qui frigidi sunt ad calidos, qui etsi abundantiori calido sint fecti, utrorumque tamen cali- dum vnā sortitum est densitatem, limitatam non minus in expletiōe minus extensiuā, qualem paucus calor importat, quam magis extensiuā: & hanc in summa specificam temperiei innati hominis calidi intentionem, ac compaginem importare: à qua resultans acuties, ac robur concoctiones perfecte cele- brantur: quam acutiem, cum obtusam quodammodo obtineat in- fantium, ac primorum puerorum calidum, ob plurimum hu- midum, etsi multum conficere, ac consummere natum sit, cibos tamen solida substantiæ ad summum demoliri, ac perfecte elo- borare potens minime est, ut hac de causa in hisce plures re- dundare soleant cruditates, quarum causa nescio an perperam inordinato eorum victui à Galēno ascribatur.

His sic discussis, queritur iam, qui nam sint in ratione calidi austeris iniurijs magis obnoxij. Dic iuuiēs, atque ætate flo- rentes inter omnes esse austro citra pluuios dominante ad eandem magis paratos: mox adolescentes, ac pueros: minimum omnium senes at ex correptis nullus ferme mortem effugit inter sexus homines magis; quam mulieres: inter temperamenta calidiores consistit potissima ratio in minori, vel maiori obfistentia, quam magnam adinuenit auster in senibus, quod frigida sint horum carnes, quibus ad dissolutionem calidi, debetur quædam disso- lutiō, horumq; calidum, quantum istud sit, in ventribus sit intru- sum, & hæc etiam ratione ab iniuria austrina magis tutatum: vide- tur auster calido iuuium natiuo e directo aduersus, dissoluendo: quod maxime compaginatū, obtundendo quod acutum, & ob- tenebrando quod splendescens purumq; est: hinc spiritus hoc im- perate hi præsertim, cæteris semper paribus, corripuntur, & altius noxas admittunt: morbosq; facili, cum seuius tractantur, cum aditum obtusum facilius præstant.

Dic



Dic rursus, omnes esse austro cum pluuijs associato indifferenter, ferme obnoxios. etenim cum qualitas humida sit, iuxta Hippocratis doctrinam, multum per se morbosa, lunge amplius, cum austrum habuerit socium, fit intensius, & extensius morbosior, est humiditas redundans materia vnde subiecta animantia agrotare habeant: calor stimulus ac maleficientia, declarat hoc status austrius pluuius 3. 3. enarratus, qui nulli ignouit ætati, à quo effugis ferre nullus, vnde sicuti qui cum pluuiarum vacuitate lethalius, ita hic vulgarior in populum, sed minus mortiferus existit: attramen & ille fit æque vulgaris ratione non sui ipsius, sed contagij temporanei ac distantanei eidem annexi. vt ob id, qui citra pluuias exquisitum, qui cum pluuijs non exquisitum austrinum statum vocare mihi libeat.

Sunt & aliæ causæ, citra congeniti calidi respectum, dispositiue, quæ præsertim attendendæ sunt austro sine pluuijs dominante. etenim qui raræ paratiores existunt, quam qui texturæ sunt densæ. sic magis qui puras, quam qui impuras habent carnes. rursus qui occasione artis, vel studij vno in loco maiori ex parte vitam trahunt, vt Plebei, mulieres, quam qui hinc inde vagantur, maxime per aperta, ac perflata loca.

Sentio pariter salubrius esse vitam trahere in sublimioribus domus textis, quam terraneis: propterea quod auster, vt piger, vt crassus iuxta terram repit, velutq; serpit: vt insinuat nobis in lib. d. sac. mor. Hipp. alioquin si in sublimi spiraret, utiq; castigaretur à quopiam alio, cum in sublimi spirare semper quispiam ventus soleat. fortasse hac de causâ Monialium loca, ipseque Moniales in Vrbe Brixienti à peste iam præcessa fuerunt, vel leuissime tactæ, quod sublimibus sint circumlepta muris, quæ aditum humili austro facile prohibere potuerunt.

In quocumq; autem genere ceteris paribus pauperes difficilior, quam diuites austrini status malitiam euitant: ideo quod illorum cibi, cum vndequaq; boni non sint, in bonum ex toto sanguinem commutari nequeunt.

Vnde hic vnum, & illud in peste austrina iam transacta maxime obseruatum colligimus, quod maior austrinorum malorum pars ad plebeos, & infimos homines pertineat, tum ob penuriam ciborum boni, & utilis succi, ac simul commestionem prauorum: tum quia aerem austrinum plene inspirare coguntur, non solum ob peculiarem stationem, verum etiam quod in eugurijs, locisque vt plurimum domibus confertissimis, & à ventis minime perflatis habitare solent. Quod si contagium, quod ab austrinis, ipsique pesti-



pestiferis morbis producitur, & inter hos, sic inopia eorum ferente, præsertim serpit, propagaturque, attendamus, iam clare intelligimus austrinam pestem exquisitam ab his potissimum esse formari.

*Quomodo innato calido hebetato prauo, & venenosi quoque, & proinde calidissimi humores generentur.*

Cap. XII.

**Q**uod naturali calore ad quampiam intemperiem alterato, vel alio modo oblatso præternaturales gignantur in exuberantia humores, non mirum: at quod per austrinam potentiam obtuso, prauo, ac modo adeo prauo generentur, ut proprie venena sint, & toto genere ab alijs præternaturalibus humoribus differentes, supra caput hominis, ne dicam difficillimum prima fronte videtur. verum ratione duce, non dubito, quin hoc quod à ratione alienissimum videtur, vnde quaque rationi consonum, ac cunctis planum efficiamus. Si tamen rem altius perpendebimus, ac considerabimus in primis, nullum generari in animante excrementum ac colligi, nisi naturalis calor concurrat causatiue, aut permissiue. causatiue dico, cum vitio ipsius caloris, ut intemperati, aut deprauati alimenta non bene adeo conficiuntur, quin superfluitatem quampiam à se relinquunt. permissiue, cum non illius, sed ciborum quoniam modo ægre alterabilium vitio id provenit. hoc stante illud etiam præsciendum, per eundem, cibos (ut reliqua eius munia omittamus) ab homine assumptos in ventriculo coqui, in venis mesaraicis selectos imperfectam quandam sanguinis formam comparare: à iecoreque mox exceptos, atque amplexatos, ac per quandam longiusculam moram à parenchymate pertractatos, elaboratos, ac velut cribratos confici, ut sanguis iam sint. qui in cauam transfusus excrementis expurgatur, & vnde quaque perficitur. hæc omnia passim à Galeno habemus, qui & in 1. de alimento breuissime hæc eadem perstringit.

Per



Per exercimenta hic subaudire debemus non solum serum, & melancholicam superfluitatem, sed quodcumque inest in sanguine, quod vel imperfectam, vel nullam suscepit alterationem: insunt enim sæpenumero in sanguine quædam ciborum particule, quæ ut superatu difficiliore, nullam coctionem sunt adeptæ, etiam si tot pertransuerint, quas tamen natiuus calor in caua, tanquam in officina coctionis euincere, exacteque elaborare solet: qui & repetitur quandoque, & quadantenus alteratur à facultate ex prompta in cibi alteratione, cum medicamentosi sunt, ut piper: cum sæpe etiam sanguis medicamenti facultate inspergi soleat, ut præter experientiam edocuit nos 5. in 6. t. 35. internarum humani corporis functionum spectator Hippocrates, cum dixit, mulier, capra elaterium, aut cucumerem siluestrem edentes, pueris purgatio. id Galenus in com. confirmat, & alibi passim edocet: quod puto rursus Hippocratem significare nobis voluisse, dum loco citato tex. 37. sic scripsit cibaria aliqua celeriter euincuntur, alia vero tarde: innuens alia in ventriculo, in iecore alia, aliaque in venis alterari, ac coqui.

Sunt & quædam alia, quæ neque in caua vlla ratione à calore euinci patiuntur: quæ tamen postquam diutius, ac quandoque diutissime in venis delituerint, tandem ex occasione secundum sui totum alterantur, & motu putri mouentur, atq; vno, & eodem tempore grauissima, ac sæpe mortifera inferunt mala. & hæc venena ad tempus cencenda sunt, etiam si sub specie cibi fuerint assumpta. ex quorum numero sunt olera quædam, quæ nonnumquam in quibusdam, cum secundum quasdam partes alterari à calore non permittant, succus valde maleficus fiunt, qui atræ bilis cuiuspiam nomine insignitur.

Cum igitur cibi, qui sunt superatu difficiles, non soleant prius elaborationem perfectam suscipere, quam in iecur, aut supra ipsum ascenderint, iam intelligimus, si calidum hominis natium contigerit esse ab austro dissolutum, compagine acieq; orbatum, hos cibos, aut horum partes ægre alterabiles, inibi neque alterationem suscipere, sed persistere inuictas, ac sic in dies cumulationes factas congeriem, ac massam quandam prauam constituere.

Est autem hæc in pluribus percalida, in alijs quibusdam cruda ac densa substantia. illa propterea admodum calida est, quod ex percalidis, atq; acris cibis, seu ciborum partibus calidioribus sit coacmentata: eo quod sint cibi huiusmodi coctu difficiliore. ratio est, quoniam important propter caloris copiam, sub,



substantiæ densitatem : cuius densitatis ratione calor cibi proprius, & calore ab extra in se agente, ægre euinci se permittit, cum ad sui corruptionem, ipsius etiam substantiæ corruptio debeat. nequit enim alteratio cibi, totiusue eius substantiæ, ac subinde coctio fieri, nisi calor proprius ac naturalis iuxta putredinis definitionem à Philosopho traditam, ab extraneo corrumpatur. Quapropter cum contingit ut nativo calore, robore acieq; orbat, cibi percalidi, acresq; ab homine assumantur, hi eorumue calidiores partes quæ, alioqui eodem : existente valido difficulter euincuntur, ut inalteratæ remaneant necesse est : quoniam nequit calor hominis, qui se habet velut extraneus, ut factus, ut hebes, euincere rarefaciendo, atque auocando proprium, ac natium percalidæ naturæ cibi calorem. coctio enim non importat aliud, quam cibi ut cibi corruptionem, & chili insimul generationem. In quibus vero crudæ est, ac densæ substantiæ congesta congeries, ea à similis succi cibarijs materiam sui generatricem agnoscit. in his igitur quibus austrino tempore consuetus est olerum usus, generatus propter substantiæ cruditatem, ac densitatem vitiosum huiusmodi excrementum, quod miscelam habet alterius naturæ excrementi, siquidem simul calidi, atq; acris sacci cibos ingesserit homo.

Per cibos acres intelligimus hos, in quem sensum Galenus 4. sim. sapores acres videtur accipere : siue nimirum salsi existant, siue amari, aut acidi, aliove modo acrimoniam inferentes, ut mirum minime sit ; si supposita austrina constitutione in pluribus mortalium percalidi ac malefici coaceruentur humores, cum ingerere edulia in dies homo soleat, quæ vel vno, vel pluribus ex his modis acria existunt, & sæpe numero cibaria assummat, quorum succus, cum vitiosus, atq; ægre alterabilis sit, chaoticam massam procreat. hinc defunctorum cadauera rubro, sabuiolaceo sæpius, ut videbantur ægri fuisse flagellati, aut viridi secundum dorsum, erant insignita colore.

Sed artificiosus quodammodo est modus, quo cibi percalidi, aut percalidas acresq; habentes in se partes, ut et, qui succo redundant vitioso, ventriculi, atq; adeo iecoris, alterationem effugiant in venisq; inuicta ascendunt. etenim sicuti acres ex toto nequæquam sunt, sed temperatas etiam, ac benignas continent partes, quamuis in vniuersum sint, & dicantur acres ( sicuti de aconito scribitur, quod etsi calidissimum, & acerrimum sit, quasdam tamen partes tenues ac dulces continet, quarum ratione gustatum primo dulcescit ) ita non secundum omnes particulas inconfecti re-



linquuntur, sed secundum eas duntaxat, in quibus vis ignea est maxima sita: quemadmodum & olera, quorum plurima, etsi crudæ in vniuersum sint substantiæ, partes tamen coctas ac raras in se habent, quæ perfectam à calore excipiunt alterationem. Quæ igitur partes coctiones fugerunt, ex in profundo proprii subiecti, seu partium subiectæ materiæ elaboratarum delitescunt cum alia chili mole in iecur ascendunt, a quo insimul aliqualem in superficie roborem susceptæ, sub forma sanguinis, quamuis vitiosi, cum probò sanguine in cauam transmittuntur: ac sic in dies successiue: vt tandem in hac, eiusq; amplioribus ramis praua coagmentetur massa, quæ à tempore, per secretionem, saniozem in modum prauior efficitur, vt iam ex dicendis patebit.

*Qua specifica superfluitates pro austrina constitutionis differentia generentur.*

Cap. XII I.

**T**Am etsi prævalentis sit austri superfluitatem in genere prauam, eamque vt plurimum percalidam in nobis ingenerare: hæc tamen est, pro austri potentia in caliditate, in prauitate non semper vna. fuit enim in superioribus insinuatæ, maleficum hunc spiritum non semper vnum, sed vt modo validus, modo validissimus, alias vero, vt cum pluuijs ad nos accedat, contingere. vnde triplex hinc constitutio.

Quemadmodum autem infirmior austri potentia importat minorem aeris extensue (minus nimirum vastam, & fortasse in subiecto loco non æqualem) & intensue affectionem: sic pauciora animantia, eademque in proprio calido leuius affecta dieit. tibi hinc de validissimo illationem facere licet: tum enim hic aerem vaste admodum immutat, tum illi alterationem incurrit valde altam, vt necesse sit, ex subiectis per quam multa animantia morbosa, illaque lethaliter fieri. inter vtrumque hoc, medium quoddam malum excogitari libet. Sic quanto austris pluuijs maiorem iniunges potetiam, tanto statum extensue, & intensue morbosorem, atque perniciosorem succedere comperies.

Quamobrem cum sub priori austri dominio naturale animantium calidum noxam ferat minime altam, sic quidem vt in dies superfluitates agre, nostro modo, alterabiles relinquuntur: sed interim eadem modica, quæ propterea sanguinem vitiant, ac deprauant, cum eodem in vasis magnis commixta aut per illum disseminata. adeo-  
ta men velim pates hoc, vt sanguis hic non sit totus vitiosus, ac  
prauus



prauus, sed ex eo quod partes viciosas in sinu proprio gesser, viciosus atque improbus sit habendus. habet vero in improbitate ista latitudinem effatu dignam, cum alias quidem sit modice talis, alias vero admodum prauus: quam maiorem prauitatem importat feditatum copia quæ tum pendere potest à constitutionis intensiōe, tum vero & ipsius extensiōe, considerata non tantum secundum se tali, sed etiam quatenus homo, postquam maleficientiam in se contraxit austrinam, in longius protrahitur, antequam à morbo corripiatur: quæ feditatum copia additamentum accipit, si victus ratio fuerit interim praua adhibita: vt id circo sanguis prauior, sit & magis crassus, vt qui plus de vicio quam de bonitate habeat, vt plurimum per calidos, & subnigri, vel subuictiosi alterius coloris: cum sit, qui modicè talis est, substantia, alijsque qualitatibus à probò parum alienus.

Vt ex hoc iam liceat nobis de excrementi natura, quod sub validissimo austri dominatu locum habet, inferre. ideo enim, quod in dies cumulatiores in venis fiant relictæ à cibis superfluitates, obaltam, quam contraxit offensam insitum calidum, fit, vt non longo interposito tempore in vnum per repudium secretæ aggregentur, ac massam constituant de se toto genere præternaturalem: quam si diutius morari in animante contingat, iam comparat prauitatis extremum. cum enim rubris iam, alibilibusque sit expers partibus, interim etiam raræ desuper, ac liquidæ à naturali hominis, nec non austrina caliditate subtrahuntur, consummunturque, igneis, vt calori obstitentioribus, cum quibusdam densis aquosis, terreis per paucis, relictis, insimul commixtis ac feruentatis; vt iam identificetur, identificataque sit materia quædā crassissima, in vnum coacta, nigra, sed vt igneo spiritu feta, quodammodo splendescens, calidissima per quam malefica, quæ non aliud verè est quam venenum. Modus quo coalescit, æmulari videtur mihi chemicas quorundam mixtorum, aut simplicium destillationes, per quas in vnum res per quam minimam, eamque calidissimam molem, cæteris partibus secretis, ac resolutis reducuntur. exemplum sit vinum, quod destillatum, ac rursus elaboratū in paucissimū igneum spiritum, aquæ ardētē redigitur, cognouit hanc nouā rei formā, per vltiorē totius eius substantiæ alterationē, Hippocrates, quādo in lib. d. aer. l. & aq. de quadā sicca constitutione, & eius morbis loquens, dixit, biliosis autē infestissimū hoc rēpus existit: aliquibus ēt bilis atra fit, si quidē liquidissimū, & aquosissimū in bile est consumitur, densissimū vero & acerrimū reliquitur. Acerimū plurimi est inditiū ignei: aquæ densissimū, maximā arguit cōtra calorē ab extra agētē obstitentiā.



Gal. hanc constitutam materiam, vel huic similem vidisse se passim significat, & eius effectus subodorasse videtur, dum picem liquidam similem esse, dum terram fermentare scribit: sed vni quatuor humorum generi addictis, generationis modum materiam, eiusque naturam minime cognovisse videtur: qui hanc esse atram bilem ex melancholico, atque affato sanguine, vel bile exusta, ubique exclamavit.

Sed hæc, quam venenum esse statumus, materia sæpenumero à delineata deflectit natura. etenim quibus consuetus est olorum eius rutacea, vel isatodes, aut consimilis coloris progigni solet. sic in quibus naturalis calor est fædus, ut in chacomis, vel quodammodo intemperatus, alia quoque ægre alterabilia præter constituta cibaria relinquuntur inalterata: unde materia coalescit etherogenea eaque minus malefica, ad differentiam, quæ in homine robusto, ac mordacis caloris ingignitur: hæc enim exquisita, ac maleficentissima esse consuevit. Fit etiam quandoque, ut cum à putredine corripitur siue hæc, siue illa, non dum secretionem totalem sit adepta alias quoque cum pars eius sit prorsus impermixta, alia inest, quæ nondum secretionem est à sanguine sortita: quo stante ex his putrescentibus accidentia producuntur, quæ, & secretam, & quæ vitiosum sanguinem sequuntur.

Porro excrementa, quæ austram sedantur pluvium, sunt, & hæc admodum calida, atque acris: sed in genere tenuia, & propterea à materia exquisita iam constituta in caliditate remissione. in qua substantiæ qualitate non vna sunt, sed paulo varia, pro naturalibus hominum differentiis, ac varia vivendi ratione: nec non pro status minori, vel maiori perduratiōe: hinc sub tali statu plura morborum genera vagari assolent.

*Quem morbum parere natus sit vitiosus sanguis. Vbi triplex austrinus status citra pluvias morbosus statuitur: Et obiter priuatarum febrium malignarum causa adducitur.*

Cap. XIV.

**I**am modo speculandum superest, quæ mala ab his constitutis excrementis seorsim producantur sumpto à vitioso sanguine exordio: circa quem illud præsciendum venit, quod, & de alijs excrementis dictum velim, non prius homini efficere, quam à putre-



eredine corripiatur . ex quo statim inferimus a prauo hoc sangui-  
 ne, ubi p. crescit, febrem esse expectandam. Non aberrabis au-  
 tem si hanc defines continentem, ardentem in internis magis;  
 quam externis partibus: cum capitis dolore, vigilijs, ac delirijs, vi-  
 talis facultatis labore; urinis crassis turbatisque ex anthematum eru-  
 ptione: contagiosā ex propinquo: perniciosā malignā vel pestilen-  
 tē, vulgarē. Sed singulas seorsim partes iam expendamus: Definita  
 est continens, quoniam eius proxima causa prauus sanguis, ut qui  
 vnus, & in vnum sit, ubi primum accenditur, successiue continua-  
 tis flammis totus putrescit, non tantum secundum prauas partes,  
 sed etiam probas, quæ tamen immediate cum prauis commixtio-  
 nem habent, reliquo probo sanguine imputrido remanente. ( ar-  
 dens ) ob qualitatem materiæ, quæ per calida esse solet: nec non  
 crassā; cuius crassifici ratione, cum ægre a venis magnis amouea-  
 tur, fit, ut in his maiori ex parte secundam crassiorem partem  
 accensa ( internas magis, quam externas partes affligat ) tennes  
 enim, ac dilutæ eius partes ad minora, ac minima quoque; vascula  
 transmissæ declarant reliquum quoque; venosi generis, focus istius  
 febris esse. Interim autem putrescuntque; densi fumi cerebrum  
 sursum lati percutientes, atque excalefacientes ( capitis dolorem )  
 excitant. inde intemperie calida maiorem in modum in eodem in-  
 eroducta ( vigilijs quoque; ac deliria ) accedunt, vel si adeo crassi  
 densique; extiterint, ut valeant cerebrum, eiusque; meatus valde reple-  
 re, coma vigil locum habet: aut quoque; phrenitis, si ulterius qua-  
 piam putrescentis humoris pars sursum rapta, cerebrum firmata  
 inflammaverit. Quæ accidentia non habent locum in biliosis fe-  
 bribus exquisitis, quippe a materia calida, & sicca, qui subleuan-  
 tur fumi, tennes, & rari sunt, & ideo extremam quamprimum  
 subeunt raritatem, ut non sit ipsis locum in cerebrum peruenire, vel  
 saltem illud replere: quæ etiam de causa in his ipsi vitalis facultas  
 non solet admodum pati, quoniam fumis statim resolutis, non da-  
 tur locus venosum, arteriosumque; genus, ac cor ipsum posse reple-  
 ri, ad huiusce febris continentis differentiam, cuius materies  
 densa atque; humida, sed tamen per calida existens vapores, putre-  
 scens, subleuat, qui ægre resoluuntur: unde venis interim, arterijsque;  
 ac corde valde repletis, ut spiritus alteretur, sedeturque. ( vitalisque;  
 facultas non parum laboret ) necesse est. eademque; ratione, cum  
 calor putris quodammodo suffocatus remaneat, sic accensa materia  
 digeri libere nequens, ab incluso calore agitur, ac in se deuolua-  
 tur, ut necesse sit ab hac cōturbata & per vesicā transmissa ( urinas  
 reddi crassas, ac turbatas ) quod non accidit in febribus a sincerabili-  
 le



le pēdentibus. quādoquidē per calida ac sicca hæc existens, flāmas accensa nitidas liberaſq; de ſe emittit, quæ nil tenebroſi, ac craſſi, imperfēteq; deuoliti relinquunt: ſicuti enim magnus ex Galeno ignis exiguā materiā deurit prius, quā ſumū excitat 3. de humor. com. 13. ita quoq; euenit, ſi quidem calida hæc & ſicca exiſtat, & propterea in febribus hiſce bilioſis vrinæ non turbatæ, non craſſæ, ſed tenues, ac lucidæ reddantur. hinc cum calor harum continentium quodāmodo halituoſus, & non colliquare natus ſit; bilioſarum eſt acerimus, & colliquare natus.

Exanthemata) ſeu periculæ, quæ ſunt cutis vniuerſalis abſceſſus, huius continētis febris ſunt propriæ ac peculiareſ. eruptionis cuius abſceſſus tēpus non eſt vnū, ſed varium, cū ſoleant pro materiæ qualitate intra ambitum quartæ ac ſeptimæ diei comparere. harū generatrix materia non alia eſt, quā pars vitioſi ſanguinis ichoroſa, cui propter tenuitatem datur in cutem penetrare, & has efformare maculas. quod reliquum vitioſi eſt ſanguinis præ craſſitie, attenta penes vaſculorum cavitatem, in venis pro qualitate ſubſtantiæ magis, aut minus altis cōputreſcit. tranſponitur autē in cutem hæc ichoroſa pars non vt qualis ſe offert per periculas conſpicienda, ſed vt mirum in modum à calore febrili extenuata; quæ, vbi in cutem peruenit, per ambiētis aeris frigiditatem ruruſ cōpacta, denſatq; maculas effingit rotundas, oſculorum cutis figuræ ſequentes, ſed habent latitudinem eſſatū dignam, in colore, magnitudine, numero, ſitu: quas omneſ differentiaſ facit materia tenuis, vel craſſiuſcula exiſtens. tenuis minus damandas, immo laudandas, craſſa deteſtabileſ. laudandæ ſunt rubræ, exiguæ, plurimæ, ſuper cutem ſedenteſ. Rubræ oſtendunt prauum ſanguinem, parū vitij in ſe habere. exiguæ tenuitatē materiæ ſui productriciſ ſignificant, cuius maior pars, vbi in cutem peruenerit, ſit in aerem digeſta; porcione ad reſolutionē minus apta, inibi relicta. plurimæ vitioſum ſanguinem ichoriſ plurimum in ſe habere arguunt. non inficior tamen paucas eſſe melioreſ plurimiſ, ſanguine vitioſo in paucitate (equali data tenuitate) ipſiſ reſpondente. Super cutē ſedere; arguunt nullam materiæ craſſitiem adeſſe, quæ alioquin liberum eidem aditum in cutem prohibere valeat. ad differentiā, quæ ſub cuticula deliteſcunt, vel obſcure apparent. Quanto ab hoc bonitatis conſinjo in vnaquaq; differentia magis recedunt, & ad conſinium accedunt maioris prauitatis, ita deteſtabiliores ſunt. vnde cum in conſtituta vniuerſali hac febre laudabiliter cōparent, inditia ſunt ſtatim minus pernicioſum, miniuſq; vulgare eſſe. ex aduerſo pernicioſiorē, vulgarioremq; tu tamen ſcias quod dāandæ

per



per statum leuiorem : laudanda per grauiorem in quibusdam com-  
parent; quando natura hominis, eiusque victus fuerit ad subeundam  
austriam iniuriam magis consentaneus, vel in hoc vitiosus san-  
guis coacernatus quam primum putrescit: in illo non prius putre-  
scat, quam prauiore a tempore contraxerit naturam. eadem  
quoque ratione per statum grauiorem elucescunt in quibusdam pau-  
cis abscessus, qui proprii duntaxat sunt status pestilentissimi: vt  
papula vndequeque damnanda, carbunculi, bubones, adeo vt hinc  
triplicem liceat mihi statuere austrinum morbosum, ac sine pluijs  
statum. Primus sit febrium vulgarium continentium cum peticu-  
lis laudandis parum vulgaris (habita ratione locorum affectuum  
nec non hominum statui subiectorum) parumque exitiosus. Alter  
febrium cum maculis damnandis, vulgarior, exitiosior. Postremus  
febrium cum maculis vndequeque detestandis, nec non carbunculis,  
ac bubonibus, maxime vulgaris, perniciosissimusque, de quo in se-  
quenti capite. & sicuti febres primi status malignae proprie sunt:  
ita secundi pestilentes: postremi pestilentes exacte, aut pestiferae  
merentur dici. quemadmodum autem peticulae sunt harum febriu  
propriissimae, ita in biliosis exquisitae febribus minime locum ha-  
bent; quoniam flaua bilis ichore carere solet, etsi aliqualem in se  
contineat, is etiam consummitur a febrili igneoque calore. si quan-  
do tamen bilis sero multo diluta sit, vt pallida in pituitosis, pars  
serosa in grandiori febris efferuescentia maiorem in modum atte-  
nuata ad cutem amandatur, hinc efferae, vesiculae: cum alioquin  
flauae bili aditus in cutem minime sit datus, sic Gal. 14. meth. 1.  
& alibi. sic experientia docentibus. Est contagiosa ex propinquo  
nata inquam inficere, qui aegrotanti inferuiunt, vt astantes, mini-  
stros, domesticos: non autem qui a fomite longius sunt: propterea  
quod contagiosa corpuscula ex vitioso, ac putrescente hoc sangui-  
ne sublata non valeant ius rotius substantiae diutius conservare:  
sed celeriter transcant, & in aerem digerantur. ad differentiam  
eorum, quae a venenosa attolluntur materia, quae aduersa de causa  
contagii important temporaneam, ac distantaneam. Sed haec res de co-  
tagio in sermonis processu explicatissima fiet. verum non oēs haec fe-  
bres contagiosae sunt, sed illae duntaxat, quae a prauiori pedet sanguine.  
(Pernitiosa) non quod omnibus perniciem afferat: sed quod in  
vniuersum omnes in discrimen vitae adducat, ex hisque occidat alias  
paucos, alias vero multos, pro vt prauum, vel prauiore agno-  
scit sanguinem. Est tandem (maligna, vel pestilens vulgaris)  
ad contra distinguendam hanc febrem a maligna, ac pestilenti,  
quae quandoque hominem priuatim inuadit.



Cuius priuatę febris, vt istius vulgaris emulę (quādo iā sit de hac sermo absolutus) germana causa iam paucis statuenda, cum in hac inuestigāda tant opere laborauerint medicinarū scriptores, & adhuc in tali re nondū cōperta fluctuet iure merito medicorū animus. Si prius breuissime, quid circa hanc rem ij senserint in medium afferamus. etenim quidam malignarum febrium priuatorum proximam, in qualitate loci referunt, qui boni moris febrium venas, malignarum pręcordia, aut loca cordi proxima sedem esse volunt. si sic esset, sequeretur quod accidentia vitalem facultatem maxime laborantem existentia semper consequerentur: quodq. interitus quamprimum adesset. Quidam alij harum causata statuerunt, materiam esse venenosam. at ista non malignam, sed pestiferam accenderet febrem: effectusq. venenositatem semper redolentes pareret. Febrem alij malignam adstruunt esse, cum accensa in tota sanguinea massa est putredo: sed hæc febris, quę synoca est, propria nomenclatura non est fraudanda. Maior scriptorum pars harum causam non à qualitate loci, non qualitate humoris, sed qualitate putredinis à Galeni doctrina sic excerptam petunt. quam putredinem sordidam alij, & profundam, multi excellentem, & insignem constituunt ex hac malignitatem, prauitatem, symptomatica, & quamcumq. aliam differentiam, propter quam hæc ab aliis febribus distinguuntur, suboriri asseuerant, humoribus iisdem existentibus, & speciem propriam seruantibus insinuantes bilem, veluti, flauam alias putrescere benigno, alios maligno modo posse.

Sed hæc quoq. cōmunis ac maxime recepta opinio, quę nulla, vt mihi videtur, fulcitur ratione: quę non explicat, quam ob causam humores vario putrescant modo, qua ratione hoc fiat, in quo hæc excellens putredo consistat, in quo differat ab alia putredine, qua de causa tam malefica existat, cur hæc, atq. illa symptomatica, hos atq. illos effectus pariat, reiicienda mihi videtur: idem enim humor non poterit non semper producere, quę sui essentię propria ac peculiaria sunt, quę eius specifica mixtio, quę eius natura fert. effectus varii à variis sunt petendi causis. Vnde discere hinc licet, differentiam malignarum ac pestilentialium à febribus boni moris pendere, non à qualitate putredinis, sed materię, quę harum non alia est, quam quispiam ex quatuor siue naturalis, siue præternaturalis humor, illarum sanguis quidam improbus, vitiosus, qui si per cōmunem causam ortum habeat, febres producit malignas vulgares, si per prauam victus rationē, aut aliā causam priuatam in hoc, vel illo homine fuerit genitus, priuatas accendit, & vt plurimum ob qualitatem ciborum eodem modo



gignitur, quo & sanguis viciosus, ob natiui calidi iniuriam. Sed q-  
cuti ciborum ægre alterabilium qualitas non vna est, ita sanguine  
viciosum inde productum non vnius naturæ, non vnius substantiæ  
contingit esse, vnde modo huius, modo illius humoris naturam  
quodammodo consequitur; & minus prauus esse solet sanguine, qui  
per innatum calidum seque redditum producitur, cum hic ex den-  
sis, ac percalidis duntaxat ciborum partibus, ille vero ex promi-  
scua materia quouis modo ægre alterabili generetur ( dummodo  
tamen ex cibis improbi plane succi, vt in maximis penurijs non  
creetur, vt vsauenit in pestilenti statu, de quo Galenus in lib. de  
bonit. & vit. suc. cap. 1. ) & ob id febres ab hoc putrescente san-  
guine pendentes contagio carere, & in vniuersum minus perni-  
ciosæ esse solent.

*Qua mala à malefico humore pro-  
ducantur.*

*Cap. X V.*

**E**T si hic humor, qui carere venenositate haud solet, videatur  
venenatos effectus statim producturus, ab ipsa venenosa na-  
tura primum contracta: nihilominus potentia talis degit, nec ho-  
mini officit, priusquam tota sui substantia moueatur. ex hoc putri-  
motu quatuor suboriri maxima mala comperi. febrem, sympto-  
mata, abscessus, & contagiosos effectus. quamuis febrem in duo-  
bus casibus abesse obseruauerim: alter, & est saluber, quando ab  
inchoato primum humoris putri motu, natura statim eliminat, &  
in externam quampiam partem, vel glandulam totum noxium  
humorem amandat, vt non sit locus febris in venis accendendæ.  
hoc vsauenit cum idem est paucus, sufficienter compactus, nec  
valde prauus, qualis in senibus quibusdam gignitur. Alter est  
perniciosissimus, quod fit, cum humor noxius venenum sincerum  
est, citra cuiuspiam alterius materiæ commixtionem, qui putrens  
fumos quosdam igneos subleuat, à quibus corrupto, ac consumpto  
vitali spiritu, mors citra febrem celerima adest. Quo casu fit,  
vt, interim quo homo per quendam totius corporis languorem  
male se habere sentit, vrinx & pulsus minime mutentur, vt saltem  
febrem adesse significant; ideo quod venenum in igniculos totum  
abiens, natum non sit lotium mutare, atq; non debite carnes ex-  
cale-



calefacere, ut inde febris innascatur. Quæ res iam soluit illud indiscussum problema, cur per pestem vrinæ, & pulsus similes sanis in nonnullis appareant. vterque hic casus per quam raro visitur.

Ceterum febris, quæ hunc putrescentem consequitur, etsi futura videatur esse ad sensum acutissima, molestissimaque ratione insignis caliditatis, quam huic humori assignauimus: attamen non valde calida, non valde ad sensum acuta, ac molesta existit. ratio est, quoniam fumi inde sublatis, densi sunt, & aliquod ius torius substantiæ sibi asciscentes. vnde nec quæunt in carnes penetrare, nec calorem acrem incutere, quemadmodum fumi, qui à ceteris humoribus præsertim vero biliosis attolluntur. etenim biliosorum calor, ubi corruptionem, quæ est illorum putredo, subit, illico tum actiuatur, tum inquam ex contemperato minime temperatus euadit, tum percalidum, ac valde acrem se præbet: quoniam qualitates elementares eisdem contrariæ adeo sunt in eius respectu remissæ, ut ei ipsi nequeant aduersari: quin imo ab ipso præpotentiori trahitur simul earum subiecta materia in naturam igneam, maiorem in modum rarefacta: & ob id fua bilis sincera non solet fumosi, nec aquosi quicquam relinquere; quando sit ipsius miscela percalida sicca, ac rara. Propterea enim à quopiam putrescente humore (& hoc obiter adaperiatur, cum ab antiquis non fuerit explicatum) febrilis producit caliditas, quod per putredinem humoris dissoluantur ad inuicem constitutiue eius qualitates elementares non amplius commixtæ, ac contemperatæ, proprio, ac natiuo calore, qui alioquin erat illarum gubernator, ac moderator corrupto ad Philosophi doctrinam in putredinis definitione. quod sit ut qualitas ignea nullatenus contemperata, ut omnium actiuissima, se talis subiectis carnibus præbeat, comunicetque, qualis est: hinc homo ab hac percussus, atque supramodum excalefactus, ut febricitet necesse est. Verum à putrente malefico succo caliditas neque insignis, neque acris producit, quod calor eius proprius, ac naturalis in transitu ad putredinem non satis adeo dissoluatur, ac seiungatur à suis contrarijs, quin aliqualem eum ipsis commixtionem, ac contemperationem seruet. ideo enim fit hoc, quod sicuti ad eius corruptionem debetur prius rarefactio, & tandem à qualitatibus sibi contrarijs separatio: ita & contrariæ qualitates easdem prorsus passionibus sunt sibi subeundum: ut propterea cum malefico huic humori substantiæ densitas respectu plurimi ignei fuerit assignata, fit, ut qualitas ignea non prius seiungi possit à suis contrarijs, quàm per plures ac multiplices rarefactionis gradus transuerit. vnde

interim



Interim quamprimum cum qualitatibus contrarijs conseruans com-  
 mixtionem, ac contemperationem nequit soluta, & intemperata  
 se carnibus morboſi animatis offerre: vt alioquin diuerſa de cauſſa  
 flauæ bili ſinceræ euenit, cuius qualitas ignea, vbi corruptionem  
 ſubit, trahit ſtatim ſubiectam aliarum qualitarum materiam in  
 ſui naturam, ne dum contemperationem ab ipsis accipit: ſed cum  
 de motu venenorum putri tractabitur, innotefcet clariuſ id, cuius  
 ſermonem paucis perſtrinximus: hac igitur de cauſſa febris pe-  
 ſtifera parum acuta, ac moleſta exiſtit. hinc puto Hippocratem 3.  
 in 3. febres illas ardentes vulgares per tex. 34. non acutas ſta-  
 tuiſſe: nempe non ex ratione fuiſſe calidas, ac moleſtas: vt pro-  
 pterea referat febricitantes illos non admodum fuiſſe ſitibundos:  
 vigeſbat autem in iſſdem, vt ſpeculari licet, huiuſce ferme nature  
 humor, ſed idem magis dilutus. Quiuſ autem ſit iſtius febris  
 calor, maior in penitioribus eſt, quā exterioribus partibus: ideo  
 quod ob inſignem craſſitiem protrudi longe ſe minime permittit  
 humor. in multis tamen moleſta eſſe ſolet, qualiter febris, de qua  
 eſt in ſuperiori capite actum, non ratione humoris, qui ex ſuſcepta  
 omnimoda ſecretione iā venenofus eſt: ſed illius partis, quā ſecer-  
 ni, præueniente putredine, aut alia de cauſſa, datus nō fuit locus.

Symptomata, quæ putrem iſtius humoris motum ſequuntur, ad  
 cerebrum per conſenſum, & ad vitalem facultatem ſpectant: ce-  
 rebri, ſunt dolor quidam extenſiuus, ac magna in ſomnum deſa-  
 tio, à qua (ſiquidem mors non præueniat) deliria maxima, aut  
 coma vigil. ſequuntur illa, cerebri inductam à denſis, ac craſſis  
 fumis repletionem: hæc vero idem ſupra modum ab iſſdem rare-  
 factis excalefactum. cui affectuum ordini conſentit quoq; putren-  
 tis materiæ qualitas: cum in primis raræ, & impuræ: poſtmodum  
 denſæ ac percalidæ eius partes putredinē ſubeant: quā ſicuti eſt  
 fumus attollere calidiores, ita illarū craſſiores, ac tenebroſiores.

Coma vigil duplici de cauſſa (maxima imbecillitate, atq; calo-  
 ris extinctione per Galenum 1. in 3. tex. com. 7. omiſſis, ſi tamen  
 ab his cōplicatus hic affectus produci poſſe concedendū eſt) locū  
 haber, altera quando fumi denſi, tenebroſiq; ſunt, ſucceſſiveq; tales  
 aſcendunt, vt in materia ab inſigni caliditate deſſectente. ſit enim,  
 vt, cum cerebrum valde repleatur, ac ſimul non mediocriter exca-  
 leſcat, ab illo ſomnolētus affectus, animali ſpiritu immoto ac quie-  
 ſcente reddito; ab hoc vero vigilantia quædam innafcat. ex qui-  
 bus affectibus medius quidā inſurgit, qui eſt coma nō ſomnolentū.  
 Altera quando iſſdem nitidi, igneiq; ſunt, vt in humore exquiſite  
 malefico: hi enim cerebrum ſurſum lati inſigniter excalefacientes,



spiritumque animale corruptentes, dissipantesque, vigilantiam per illud, somnolentum quid, per istud inducunt. unde interim coma, vigil suboritur, sub quo certissimus celeri festinat pede interitus. unde non mirum si, qui hoc complicato affectu detinentur, simul dementes sint. & longe magis, qui hoc secundo modo, aut saltem hac de causa affecti sunt. hinc intensissimi quidam dolores, hinc furentia, atque horrenda deliria. & quid mirum, cerebrum ipsum proprie comburitur. Venerandus Pater Elæazarus ex Pio Capucinorum Grege publico peste agrotantium loco à Publicis sanitatis Urbis Moderatoribus Præfectus ministrorum constitutus, dum pestis Brixianum solum dire exercebat, testatus mihi est, plures ex his sic affectis sectos comperisse, quorum cerebrum totum combustum, nigrum, arefactumque erat. Quapropter tum recte Galenus in lib. d. com. & 1. in 3. tex. com. 7. ab hoc affectu frigidos, & humidos abdicauerit humores; non tamen recte sensisse mihi videtur, quando 3. in 3. t. com. 16. & 45. scriptum reliquit, coma, cui vigilie, ac dementia adiuncta sunt, pendere à frigidis, & humidis succis, atque acredine ex eorum putredine suborta. coma ex iisdem, vigilantiam, ac demetiam ex acredine eorum produci. etenim præterquam quod implicat quandam contradictionem, quod eadem pars à frigiditytate, ac simul caliditate acrimoniaque afficiatur à talibus etiam frigidis humoribus, quamvis putrescentibus, acrimoniam quampiam produci posse, ratio minime consentit, maxime in cerebro natura frigido: quæ enim acrimonia orti à materia potest, quæ frigidis duntaxat constat partibus? à qua proinde cerebrum postquam refrigerari, insinuat nobis idem auctor, dum in frigidos humores cerebrum refrigerantes comatis causam refert? nequit igitur concurrere ad hunc affectum efficiendum causa frigida postquam, cum fiat, ut licet passim ab Hippocrate colligere in acutis, ac phreniticis, in quibus morbis frigidi humores locum habere nequeunt.

Vitalis facultas in pestiferis febribus iisdem de causis, quibus & cerebrum duplici patitur modo. etenim si sumi crassi tenebrosique fuerint, spiritum vitalem per vasa arteriosa diffusi perturbant, sedant, conspurcant: corq; valde replentes magnum facultati vitali laborem incuriunt, hinc pulsus vndequaq; prauus, at tenuis, atque ignei eundem spiritum corruptunt, sanguinemq; tenui, ac spiritali substantia priuant, ut non detur locus nouæ spirituum generationi, hic mors celerima adest. Si tamen inter utramque naturam ambigant, morbus in prauitate, & acutie medio se habet modo.



Abscessus sunt papulæ, seu pericula, carbunculi, bubones. quo ad papulas, etsi virulento huic humori crassities effatu digna assignata sit, per quam excludi videtur harum eruptio: attamen non totus talis esse solet, sed qui ut plurimum retinet adhuc tenuem quandam partem, quæ ad cutem missa papulas efformat, sed toto genere à laudandis differentes. Sunt hæ nigræ, aut violaceæ, aut virides, seu quæ productricis sui causæ colorem retinent. Magnæ quoniam quicquid in cutem transmittitur, præ densitate, ac crassitie indissipabile, inibi totum remanet. Pauca quod portio, quæ tenuis est, & ad peruadendam cutem apta, existit paucissima: quæ quandoq; adeo crassiuscula est, ut sub cuticula, vel altius delitescat. hinc maculæ subobscure, vel nulla ratione apparentes. Quod si humor ex toto crassus sit, maculæ minime locum habent, sed collectitij duntaxat abscessus, de quibus antequam loquamur, aduertat quod pro papulis vnde quaq; damnatis, laudatæ quoquomodo aliquando comparent, quibus minime fidas: quandoquidem efficiuntur, cum maleficus humor sanguinem vitiosum socium in putredine, habet, cuius tenuis pars ad cutem amandata maculas pro sui ratione efformat. at inter has quædam ex damnatis insidere, ac quispiam collectitius abscessus comparere ex coagmentata materia solet.

Papulas, quæ sunt vniuersæ cutis abscessus, sequuntur carbunculi, ac bubones, qui sunt abscessus collectitij: atq; ideo fiunt in his pestiferis, & non alijs febribus, quod, ut visum est, maleficus hic humor nō sit per vasa diffusus, sed in vnū collectus, ac coagmētatus, crassusq;: hinc natura, cū mouetur stimulata, vni motui inclinans, intendensq;, non potest non etiā in vnū collectū transmittere: hinc transmissus ad cutem efficit carbunculū: bubonē aut glādulā.

Est tamen qui carbunculum efficit minus crassus, qui bubonem crassissimus: qua attempta minori crassitie carbunculus, qui & anthrax dicitur, subordinatur papulis. ut qui cutaneus sit abscessus: & sæpe ad instar maximarum macularum comparet. & quidem eius efforix materia ad cutem peruenire haud posset, si ex toto esset crassa. hinc propterea in statibus pluiijs in 2. ap. sec. 1. & 3. in 3. ut in quibus geniti humores quandam retinebant tenuitatem, carbunculi sunt visi, minime bubones. non tamen in gradu quodam qualitatis substantiæ limitata materia est carbunculos efficere nata, sed nunc minus, nunc magis, crassa existens non vnius semper formæ per statum efformat carbunculos. namq; per pestem iam grassatam obseruati sunt in quibusdam maximam, ac latissimam quædam maculam referentes in primis prærubro, ignitoq; colore,

mox



mox violacei, ac nigri effecti, citra quampiam vesiculam, citra quampiam eminentiam. transmissa nimirum ad vascula musculo-  
 x, cuteq; obiecta carnis virulenta materia, præ crassitie repere  
 ulterius nequiens, sed è vasculis excidens in carnem abscedebat,  
 diffundebaturque, quæ in primis, totam sedem conflagens, igneo  
 inficiebat colore: mox eius calorem corrumpens, violaceam red-  
 debat: ac tandem eo corrupto, nigra sedes efficiebatur. hæc si  
 interim homo non consideret, sed protraheretur, ubi maturatio-  
 nem qualem eius qualitas ferebat, accepisset, facile tota integra  
 succidebatur, iuxta illud Hippocraticum in 2. pro. rex. 9. quæ  
 nigrefacta sunt, casura necesse est. mirum dictu est, quantu carnis  
 quandoq; caderet pro carbunculi magnitudine: adeo ut succisa  
 caro ad tres, quatuor, & quinq; libras ponderata ascenderet. idem  
 Venerandus Pater Elzearius testatus mihi est, à quodam languen-  
 te molem quandam carneam fuisse sublatam, ponderis librarum  
 septem. & quid mirum? cum referat 3. in 3. tex. 25. Hipp. per  
 sacrum illum ignem, multis brachium, vel totum cubitum deci-  
 disse: non nullis totum femur, & tibiae fuisse denudatas, pedemq;  
 totum? sed huiusmodi carbunculi fiebant ut plurimum in parti-  
 bus abunde carnosiss, ac sufficienter distantibus. & ut qui totum  
 in se exciperent noxium humorem magni efficiebantur, salutemq;  
 agrotanti sæpius afferebant: at cum intus quicquam præ summa  
 crassitie, aut alia de causa relinqueretur, intus extremam lan-  
 guenti ruinam procurabat. parvi tamen sunt magis probandi,  
 dummodo humorem totum, quantus iste sit, in se includant,  
 quoniam ut arguunt de istius paucitate, sic melius semper est  
 paucum, quam copiosum esse. At si crassior, compactiorque  
 humor existat, qualem solent agnoscere bubones, non æque lati,  
 sed angusti, coactique, altius tamen in carne fixi efformantur car-  
 bunculi: qui & cum quadam vesicula, vel per exiguo, seu morbillo  
 in esceram sæpius finiente comparent. & huiusmodi solent effici  
 frequentius circa thoracis ac colli, aut circa viscerum natura-  
 lium regionem; ideo quod natura præ grandi humoris crassitie  
 non sit sui iuris ad partem distantem transmittere: hinc maxime  
 expuncta, ac sollicitata ad proximam, sed ut plurimum imper-  
 fecte, sarcinam cogitur deponere. hi autem, atq; illi hoc habent,  
 ut non extuberent: puta hoc fieri ob maximam humoris crassitiem,  
 nec non ob corruptionem sedis, in quam abscedit, nequeuntis ob  
 id ultra trudere.

Porro, cum insignem comparauerit hic humor vitiosissimus  
 crassitiem, bubones extollit: propterea quod, cum natura trans-  
 mittere



mittere tam crassum, adeoque coactum humorem à maioribus ad minora vasa nequeat, conatu quodam ad glandulas sub alas, aut sub inguina adiacentes protrudit: videntur hæ glandulæ à natura fabricatæ, vt quæ in vasis inter axillas, & inguina sunt infensa excipiant, cum aliunde nequeant transmitti. multa intereat cariora naturæ viscera pluribus muniri emunctorijs, plura ipsis assignari cloacas. & quoniam naturæ haud sunt tam crassa excipere excrementa, sit vt etiam si ex toto humor inibi transmittatur, glandula tamen pro ratione magnifici, & intumescere nequeat, sed effingat de se eminentiam paruam ad instar oleæ, vel nucis dolorificam, portione tenuiori duntaxat ebibita. quod reliquum est materiæ inibi transmissæ, in adiacentes glandulæ partes dispergitur. quamobrem tota glandulæ, & præsertim inferna regio dolore, atque inflammatione afficitur: hinc dolor, qui pleuritium interdum æmulatur, si quidem quampiam occupauerit thoracis regionem humor, vel qui coxas obsidet, cum sub inguina fuerit transmissus.

Non inficior quod in paucis quibusdam ad liberalem, ac perfectam extuberationem haud perueniant, fortasse cum humor paucus, idemq; minus crassus, ac maleficus: quibus quidem similes mihi videntur, qui priuatim quandoque hominem corripunt: hi autem tum minorem includunt prauitatem, tum minus exitiales sunt, quam vulgares: in genere tamen maligni sunt, dico qui in febribus putridis comparent, quæ ratione non sunt, vt simplices tumores attendendi, sed vt signa, & germina prauarum collectionum sunt audiendi. quemadmodum illos agnouit 2. in 6. t. 10. coronatus senex: quibus idem respiciens in 4. aph. 55. scripsit in adearum tumoribus febres omnes malæ præter diarias. quoniam etsi ad glandulam pars quæpiam de materia morbifica transmittatur, maior tamen pars in vasis retenta præ copia, aut alia de causa, febrem succensa putridam efficit.

Non raro etiam visi sunt per præcessam pestem tumores iuxta aures facti, sæpius in mulieribus quibusdamq; pueris: in quibusvis autem fierent, etsi tantam materiæ crassitie tantam prauitatem, quantâ qui sub inguina, aut axillas non præferrent, quippe ex his plurimi carbunculosa induebantur natura, atramen non minus exitiosum erant, quam isti, indicantes non ob aliud fuisse excitatos, quam ob vim impense igneam, in visceribus naturalibus vigentem, quæ potuit crassos sursum ferre humores. in paucis etiam quibusdam visi sunt bubones in alijs partibus corporis glandulosis, sed, vt qui essent vt plurimum germina venenosæ collectionis, exitium portendebant.

Et

Et quamvis ex qualitate substantiæ pravi istius humoris videatur vel unus tantum carbunculus, vel unus bubo expectandus: nihilominus sæpius in homine præsertim saluando plures comparere solent: fit hoc, cum in visceribus, aut non una, sed multiplex, aut eadem substantiæ diuersa est collectio. hinc alter carbunculus in partibus supernis, alter in infernis, vel alia corporis parte pro commodiori naturæ sede excitatur: vel hinc bubo, & carbunculus: aut bubones & carbunculi in eodem languente efficiuntur. Quandoq; fit, ut non in externam, sed internam quampiam partem humor abscedat; quo casu languens magno afficitur cruciati, sub eodemque quamprimum opprimitur.

Hæc cum sint mala, quæ à validissimo, cum vacuitate pluiarum statu austrino, producuntur, ac pestem exitiosissimam efformant, iam puto hanc apte nos posse definire, quod sit morbus maxime vulgaris, perniciosissimus, contagiosissimus, per febrem pestiferam, atque abscessum quempiam valde prauum elucens, à malefico, per statum genito, ac putrescente humore productus.

*Quos morbos vitiosi humores per pluuium austrum geniti pariant.*

Cap. X V I.

Quamuis humoribus istis generalis quædam tenuitas, atque insignis caliditas, acrimoniaq; fuerit ascripta; ut ob id videantur morbi vnius speciei, vnius naturæ suborturi: attamen cum limitatæ in quodam gradu minime sint qualitates istæ pro hominum differentijs, ac præsertim pro breui, aut diutina status perduratiōe, quæ copiam desuper eorum minorem, aut maiorem importat, propterea ut morbos, qui ex his producuntur, distinctè colligamus, statum hunc in breuem, ac diutinum diuidemus. breuem, quem æstate duntaxat, diutinum, quem per totum annum dominari contingit. Priori modo expectandi sunt cutanei abscessus non solum quod excrementa tenuia, simulque percalida in venis contenta ad cutem tanquam proprium emuctorium amandentur: verum etiam quod æstius calor aduocet, trahatq; hos ipsos in externam corporis circumferentiam. præter rationem, atq; experientiam, extat in 4. acut. tex. 1. auctoritas. caufon



causam fit, cum venulæ exsiccatæ acres ac biliosos ichores æstiuo tempore ad se traherint, accedit quod cutis, ac corporis circumferentia inter alia membra status istius maleficientiam perferat: scimus autem ex Hippocraticis Galenicisq; scitis ad sedes debilitatas, ac male affectas excrementa potissimum amandari.

Qualitas horum abscessuum ex qualitate excrementorum est coniicienda, cum enim calidissima fiat, fieri minime poterit, quin quendam combustionis sensum abscessa inferant: adeo ut homo, cui tale quid contigerit, videbitur sibi sub cute vri. Pluribus fient etiam carbunculi, sed ijs quorum calor mordax existens, potens est excrementa, vel quasdam excrementorum partes, assumpta quadantenus humiditate, incrassare, ac cogere, ambientis aeris caliditate operi manuum porrigente. quibus omnibus par est febrem adiungendam, essentialem, aut symptomaticam: illam, cum venosum genus haud probe expurgabitur: hanc ex inflammatione, atq; efferuescentia pendentem. de cætero non alius morbus, non alius abscessus decumbendo, aut effluendo est expectandus: propterea quod ubi status brevis, ibi excrementorum paucitas, cuius ratione transmittenti naturæ, quo vergit, de facili, attenta tenuitate, obediunt.

Exemplum æstiuæ huius constitutionis præclarum habemus in 3. ep. sec. 1. ubi sic habetur, carbunculi in Cranone æstiu, pluebant in ardoribus aqua larga: contingebat hoc per totum, & maxime ab austro. subnascebantur in cute sanies dum autem concipiebantur, calefebant, & pruritus inducebant, deinde pustulæ velut ab igne exustæ excitabantur, & sub cute vri sibi videbantur. ecce pluvia & austrina constitutio, cum æstate coincidens; ecce vtriusque fortis abscessus.

Posteriori modo alios, sed parum diuersos expectabis morbos: quorum qualitatem, ut cum ratione colligamus, noscere prius oportet, constitutionum diuturnitatem facere ad copiam excrementorum: unde supposito anno austrino pluuio de maxima excrementorum tenuium, eorundemque percalidorum, ac in pluribus impense acrium congerie est arguendum. Rursus naturam in tali congerie, quo tempore ab his putrescentibus stimulari contingit, ad plura transmittere emunctoria: maxime ad ea, quæ proximiora sunt, sibi ipsi commodiora, & ad eadem excipienda magis parata. transmittit, si sane nihil prohibet, quod inter cætera excrementorum crassities est. unde cum in nostro casu tenuia hæc sint, varios attendes abscessus, ad aluum, ad vesicam, sed præsertim ad cutem: talia enim ut percalida, atque



acria facile permittunt se ad hoc vniuersale emunctorium amandari. ad aluum, & vesicam, ea præsertim concurrere scias, quæ ex sui natura ad hæc emunctoria vergunt, ea inquam, quæ ut liquidiore, minus quoque calida, sed ponderosiora sunt: ut ex hoc intelligamus, abscessus, qui per effluxum fient, non magnam caliditatem, acrimoniamque: qui per decubitum in cutem, summam caliditatem, maximam acrimoniam, subindeque exulcerationem, & exesionem esse importandos: adde tu quod maiorem caliditatem excrementa concipiunt conclusa, quam per latam viam dilabentia. conclusa dices, cum euasculis excisa, dilapsaque in carnes infiguntur: ad differentiam cum per intestina, & vesicam effluunt. ut hinc, si magis specificè omnes huiusmodi abscessus sint definiendi, dicendum sit, qui in cutem excitabuntur, non alios fore, quam sacros ignes, vlcera inquam putredinosa, serpentia, carnem depascentia. qui ad aluum, erunt dysenteria, fluxiones biliosa, pingues, tenues, crudæ. qui ad vesicam vrinae potum excedentes, vitiosa, turbata, vel tenues. multis etiam fiant herpetus, nec non carbunculi, in ijs scilicet, in quibus excrementa incrassationem, & sufficientem chagmentationem comparauerint. & propterea estate potissimum grassabantur istiusmodi abscessus. vnde morbosissimi istius status aspectus fulgebit præsertim per cutaneos huiusmodi decubitus.

Non aberrabis autem si tam ijs, qui inquam effluendo fient, quam his abscessibus febrem ednices aliquam, quando profundum corporis probe non expurgabitur: quod tunc præsertim vltu venire putabis, cum natura tenuiori liquidiorique parte per aluum euacuante, crassiores noxij humoris retinere in se cogetur: quo modo agrotus feret laboriosè morbum, à febre & alui incommodo valde fatigatus, & sub quo tandem deficiet: cum alioquin abscessus in cutem, si totum illum in se excipiet, dummodo non retrocedat, certam homini salutem afferet.

Et quamuis congestæ austrinae superfluitates, ob copiam, atque earum tenuitatem huc, vel illuc abscedere natae sint, in multis tamen, fortasse contrarijs de causis, in venis retentæ febres varij generis, præcipuè vero ardentes, attenta insigni illarum caliditate, generabunt. Quatum ardentium focus, cum soleat esse penitiora vasa, ratione aut obstructionum, aut præsertim crassitie illarum, intelligimus has potissimum inuasuras illos esse, quorum calor, vegetus, ac mordax existens, poterit redundante consumpta humiditate, superfluitates incrassare, vnde contraria ratione, arguimus pueros, atque im puberes ab alui incommodis esse molestaturus.

Cuncta



Cuncta autem hæc erunt difficilis iudicii, à vigente constitutione excrementorum copia, nec non carniū discrasia pendentis.

Habetur hæc morbosissima constitutio 3. in 3. per statum illum austrinum pluuium. si quis istius historiam, morbosque vagatos legere voluerit, facile comperiet, quæ cuncta cum ratione nos excerpissimas, cum experientia, effectūq; ipso plane congruere.

Si quis quæret, cur per statum æstiuum pro sacro igne combustiores illæ effectæ sunt. is sciat ratione temporis æstiu maxime humores contraxisse caliditatem: at ob status breuitatem, non potuisse humiditate exui æque, ac qui per annum statum geniti sunt. vnde hi, vt crassiusculi, & acriores potuerunt serpens vlcus, illi vt liquidiusculi efferuescentiam, ac combustionem inducere.

Vnde hic firmissimum intensissimæ caliditatis venenosi humoris, per statum sine pluuijs austrinum geniti, elicio argumentum, etenim si per pluuium 3. 3. calidissima; atq; acerrima producta fuit materia, quæ potuit carbunculos, herpes, & deposcens morbos parere? si rursus per statum 2. ap. sec. 1. alia materia breui admodum tempore fuit genita, quæ carbunculos, atq; combustiones inducere potuit: etiam si ratio exposcit, vt istarum materiarum caliditas à pluuijs esset non parum castigata, quid superest nobis excogitandum de venenoso humore, veneno dico per statum citra pluuias genito? sane infici minime potest, quin in extremo quodam caliditatis consistat, cuius ratione, venenorum verè æmulum, in animantibus venenosos producit effectus.

Quamobrem non video quo iure, quauē ratione medicinarū scriptores à Galeno edocti, causam carbunculorum, qui tantam abscondunt prauitatem, qui tantopere exitiales sunt, qui ignem vndeque expirant, qui statum pestilentem designant: quorum effectus per summam elucet putrefactionem, in vnum crassum, & vltius excoctum, vel feruentem melancholicum sanguinem referant. sed hæc reiectanea omittamus.

Interroganti autem, fuerint ne contagiosi deposcens illi morbi, an non. Dico fieri nequaquam posse, quin extiterint contagiosi per immediatum contactum, non autem ad distans: ideo quod materia illorum extitit calidissima, atq; acerrima. consistit autem contagiositas in calida, atq; acri materia. & forsan ex hoc contagio agrotarunt illi de quibus in tex. 22. sic dicitur. multos quidem sacer ignis, cum occasione ex quibuslibet, & admodum paruulis vlcusculis in toto corpore accidebat. Non ad distans, quoniam istius contagij productrix materia vult alioquin crassa, ac densa, non rara, atq; humida esse, vt suo loco videbimus.



Et cum non aliud sit, quantum ad nostrum institutum attinet, quod ad explicationem pestilentium constitutionum faciat, huic capiti, ac simul huic libro finem imponemus. Si tamen prius visum fuerit, quæ extiterit germana pestis iam grassatæ causa.

Austris dominantibus, in rebus, quotidianis præsertim incendijs expiatis, domorum sublimioribus vitam degere; cibos, nullam penitus acrimoniam in se habentes, oleribus reiectis edere seraciumq; sub inguina in coxa, vel coxis inustum gestare, saluberrimum sentio. interim pijs prinatis, ac publicis precibus, penitentijq; qualiter de Ninive in Sacris chartis habetur, Cœlum placetur, quandoquidem pestilentias Cœlitus datas pie agnoscimus.

*Quæ causa extitit Pests, per Italiam immaniter grassatæ causa anno 1630.*

*Et partim 1631.*

### Cap. XVII.

**E**X cunctis, quæ de austrina constitutione Superius sunt definita, iam strata via mihi videtur, quæ cognosci potest, quæ fuerit tam immanis pestis causa. hanc etenim à maxima temporum mutatione, quæ annis 1629. & 1630. prædominata est, petendam esse constanter affirmo. non me latet, pestis istius causam vulgariter, & quod magis est à pluribus Medicis vni portato contagio fuisse assignatam verum videntur hi mihi in angustum se redigere, & minimum Hippocraticam Galenicamque doctrinam curare, quæ vult communissimum morbum communissimam causam agnoscere, hanc autem tempora esse maxime mutata. Non alia igitur extitit hæc maxima temporum mutatio, ob quam tot mala euenerunt, quam diutinus, ac summe validus status austrinus. compertum est enim, æstatem anni 1629. pluuiam, atq; calidam extitisse, at pluviæ cum calore iunctæ statum austrum æmulum efformant; hinc Urbes quippe in quibus calor, ob ventorum transpiratum minime liberum, maiorem in modum polleat, à malignis; nec non pestilentibus quoq; febribus eadem æstate vulgariter correptæ fuere: quæ etsi pestilentes exacte minime fuerint, in quibusdam tamen visæ sunt maculæ nigre; hæc carbunculi prorsus siluere, ut etiam Bergomi; sed hoc præ-

nuntio



cautio minime animaduerso, de hisce nullus abiit rumor: qui abscessus certissime testati sunt, austrum quoddam simul dominium tunc temporis habuisse.

Hæc æstas sicuti causa extitit, ut multi maligne, ac pestilenter agrotauerint, quandoquidem non pauci interiere, ita potuit cæterorum animantium corpora disponere, ut facilius ab austro sine pluuijs subsequuto, ac contagiosissimæ postmodum pestis causa, afficerentur. Etenim arcturo statim oriente, atq; ipso autumnæ calores accessere, qui comitem habuisse austrum indicarunt, ut non de more aborti; hyems lexis, quædam conitrus. non nixit, parum pluit. rursus ver calidum austrinum: circa medium quædam pluuiæ: æstas feruens austrina, pluuiæ perpauca; in qua nihilominus ob austri humiditatem quamplurima insecta præter morem genita; frugesque, ac cerealia grana putrefacta, linumq; ac segetum moxescantiam quandam sunt perpeffa. illud etiam certum est, quodque à non paucis fuit obseruatum, quod interim venti Stesæ, qui alioquin in vigore æstatis spirare soleat, siluere: aerq; summæ serenitati minime respondit, qui caligine non nihil videbatur conspersus, quod est Hippocrati in lib. de sac. mor. dominantis austri effectus. autumnus calidus, & ab æquinoctio pluuiæ lenes.

Hæc cum fuerit series austrinæ sine pluuijs constitutionis, morbus hyeme 1630. eluxit: & primum Palatioli erupit: vere maiorem in modum creuit: quo tempore Hospitaleum de eadem lue fuit notatum. Brixia, ac vndiq; per Brixianum solum, cum eodem tempore omne morborum genus sileret: nihilominus cuncti ob impendentem, ac pullulantem iam pestem trepidabant, ferme certissimi aduenturam. visæ tamen sunt sparsim in paucis quibusdam febres pestilentiam redolentes, à quibus inter alios correpti duo egregij viri Franciscus Cuccus I. V. Doctor, & Thomas Sandrinus Picior, sublati sunt. nempe huiusmodi febres in ijs primum excitatae fuere, in quibus ex occasione humores concreti à putredine correpti antea fuere, quam coagmentationem, ac maleficientiorem naturam contraxissent: qua postmodum à statu, & mora in multis comparata, æstate ineunte pestifera elucescere, cum vitiosissimis papulis, ac collectitijs abscessibus: ac in pueris, veluti in quibus humores coagmentatam crassitiem comparare haud soleant, raro collectitijs, sæpius papulæ vicebantur. & hoc sit tibi maximum insignis sine pluuijs austrinæ potestatis argumentum: quando propriissimum sit in pueris succos liquidiores esse, & eb liberalem ichorem sibi associatum in eundem exuberando



rando variolas; non petiulas præsertim vicioſas; crassietel eorum argumentum, efformare.

Cunctis autem hæc febres fuere mortiferæ, præsertim iuuenibus, ac ætate florentibus maxime autem omnium infantibus, ac pueris; qui si non prius, intra ambitum tertiar, & sextar tollebantur. sed & ex ijs quosdam celerima, atq; inopinata mors opprimebat, induc[t]a à venenosis igniculis cita spiritalis substantiæ, corruptione: ex his autem, qui ulterius protraherentur multi illicò, cum nil tale putarent, à liuore, & quodam rigore correpti opprimebantur, spiritum maxime fetentem expirantes.

Interim praua elucescebant symptomata, præter, ea, quæ in decimoquinto capite sunt enarrata. etenim quibusdam præsertim fæminis circa viscera dolor maxime molestus fiebat. An quod excitabatur à densis, ac iugibus fumis, qui ob densitatem sui resolutionem non inuenientes, retenti viscera maxime extendebant. An quod à crassis, ac maleficis succis transitum per iecur obnixè quærentibus dum nitebatur natura profundum corporis expurgare, & nocentia à se repellere.

Quibusdam mortiferæ, ac sæpe incessantes sanguinis effusiones per nares, per aluum, vesicam, ab utero. An quod hic erat sanguis ex toto prauus, qui accensus ob vim impense igneam exitum sibi efficiebat, quo exitum faciliorem comperiebat. quidam, cui secta fuit vena, cum sanguis sisti minime potuisset, animam pro pecunia barbitonfori erogauit. quibusdam tamen paucis in processu morbi contulere. Mulieres vero, quibus ab utero sanguis excernebatur, dum abscessus fiebant, omnes tollebantur.

Multis tractus vomitorij. An quod fiebant ob maleficum succum ventriculorum lancinantem, qui tamen ob crassitiem, ac ponderositatem subuehi non valens, intus retinebatur. pueris tamen quibusdā etiam per vomitum nigrorum excretio sub mortem facta est.

Ex omnibus hi, quibus lingua fiebat sicca, aspera, & nigra: quibus maculæ nigræ, aut virides: quibus vrina crassa turbata, aut prauis coloris, præsertim tollebantur. certam quoq; ferme mortem portendebat, cum quis in morbi principio extendebat se, qualiter solet homo, qui à sommo expergiscitur; aut cum quis per morbum sibi nares confricabat. Pessimi erant bubones violacei, aut nigri igniti. carbunculi in eminentia perforati, si quidem sanguinem, & aquam emittebant, bonum: si exsiccabantur, & duri fiebant pessimum. Ex his, qui à carbunculis corripiebantur non pauci si quartam pertransibant, saluabantur, sed in



quarta deliria fiebant maxime. erant ex delirijs multa deambu-  
latoria.

Cum igitur hæc esset prima morborum facies, mox per conta-  
giosa communicata corpuscula morbi alij excitati sunt: unde  
simul & eodem tempore horrendam, ac vastam effecere cladem:  
ut nemini dubium esse possit, quin contagium in hac peste ma-  
xime viguerit. qua de causa ex morbis, qui postremo sunt gras-  
sati, plurimi per contagium producti esse arguebant, in ijs maxi-  
me locis in quibus studium separandi sanos ab infectis, atque vel  
tollendi, aut expiandi fomites minimum habitum fuit.

Sed cur, quo tempore pullulabat, sæuebatque hæc pestis;  
morbi duntaxat pestiferi visi sunt. An quod cum auster domina-  
tur, ut calidus & humidus, viscerum maxime vero jecoris tem-  
peries ad nullam intemperiem mutatur, ex qua alioquin exupe-  
rantes humores, morborum feraces gigni possunt, ut alias usu ve-  
nire solet: unde una duntaxat malefica colluvie suborta, morbi  
hanc unam sectantes geniti sunt. Si quis enim humorum, qui per  
anni tempore redundare solent, generatricem causam recte per-  
pendat, inueniet hos sub statu austrino locum habere non posse.  
flauæ enim bilis generationi obstat austri humiditas: pituitæ ca-  
liditas, & melancholiæ caliditas & humiditas: unde prauum &  
horrendum signum, cum spirante austro morbi omnes silent, ut  
vsuuenit cum pestis ista imminebat, cum pullulabat, cum sæue-  
bat. tu vero hinc colligas, si fera hæc à comportato producta  
fuiſſet contagio, alii quoque morbi essent visi. & qui concreti fuere,  
non extitissent austrini. Etenim si conferas hos, cum iis, qui in  
2. sec. 1. & 3. 3. ep. sunt grassati, facile comperies minimum in-  
ter se dissimiles fuisse, & differentiam, quanta ista fuit, statuiffe  
materiam non naturæ, sed qualitate substantiæ paulo differen-  
tem, ut quæ unam agnouit sui productricem causam.

Comprobat hoc vulgaris lues, ac clades, quæ sæuijt inter bo-  
ninum genus, ut alia omittamus animantia: at hæc sicuti testa-  
tur aerem maxime mutatum, ita excludit comportatum conta-  
gium. alioquin qua ratione mulier hæc atque illa, quæ è domo  
egrediebatur numquam: illa atque illa familia, quæ intra suos lares  
admittebat neminem atque ex suis exire quempiam non permit-  
tebat: illud oppidum, illa Vrbs, quæ occultatissima nullum adue-  
nā excipiebat, à morbo primū fuissent correptæ: nihilominus innu-  
merabiles sunt casus inuasionis morbi, & hos potissimū pullulante  
peste in considerationē voco, quos tamē nulla de excepto cōtagio  
suspicio vindicare potest. Vñ nobis, si excitari pestis per unū cō-  
tagium

ragium posset: æque enim esset affirmandum, per quam minimam  
 infecti filii particulam, vel vnum duntaxat ægrum, totum peni-  
 tus terrarum orbem coinquinare posse, ex hoc vno in plures, ex  
 pluribus in totam ciuitatem; ex vna hac Ciuitate in Prouinciam;  
 ex hac tandem in totum Terrarum Orbem contagio communi-  
 cato. Etenim, & vt vnusquisque illud sciat necesse est, quod

ex ijs duntaxat corpuscula attolluntur contagiosa,  
 in quibus venenum genitum est: adeo vt quos

ex his infici contingit, alios inficere

minime valent, vt suo loco

demonstrabimus.

alioquin

re vera numquam cessaret contagium, vbi

semel incepisset, sed continuatim

serperet, propagareturq;

ad vnum ferme

hominem.





# LIBER SECUNDVS

De Pestilentibus, ac Venenosis  
Morbis.

*Quid actum, & quid agendum sit.*

*Cap. I.*



Vm sit iam modo de austrina cōstitutione quā  
tenus causa, ob quam in animantibus vene-  
num aliquandiū generatur, pertractatum; in  
secūdo hoc libro occasione istius veneni iam  
potentialiter constituti; quidditatem statue-  
mus venenorum omnium; eandem ad actum  
reducemus, & vndequa; examinabimus in  
genera, ac species distinctam.

*Quomodo præternaturales, ac venenosi humo-  
res citrà noxam in animantibus diū  
degant, & quando putrescere  
eos contingat.*

*Cap. II.*

**A**Ntequam ad id, circa quod primario versandum est, deue-  
niamus, paucis est huic vtriq; propositioni satisfaciendū.  
Prior est, quomodo tūm præternaturales vt flaua bilis, tum præ-  
fertim venenosi humores in venis sine animantis noxa diū de-  
gant. Etenim quibusdam eruditissimis viris, inter quos fuit etiā

N doctissi.

doctissimus, ac vir in medicina maxime insignis Thomas Minodorus, quem olim præceptorem audiui, in suo de febre maligna tractatu, visum est, venenum propriè tale generari nequam posse, deesse materiam ex qua generari, deesse causam, quæ generare possit. Et genitum cur non statim mouetur? vires in animans non exerit? quid feriatur? sed cum his quæ priori loco dicuntur abunde sit satisfactum, reliquum est, vt ostendamus quomodo venenum in homine iam concretum diu, ac quandoque diutissimè citra vllam sui notam delitescat. Nihil autem habet difficultatis res ista: ad hoc enim vt humor quispium, aut venenum officiat, necesse est vt ad actum perducatur: ad actum vero tunc perducitur, cum per putredinē dissoluitur. Quamobrem intelligimus humores præter naturales, nec non uenena quo ad à putredine uindicantur, & propriam seruuant consistentiam, hominem minime lædere. Sic aconitum, arsenicum si manibus contrectentur non officiunt, quin nec si per os assumentur, donec non fuerint a calore animantis actiuata, sic uiridem, & atram, & isatodem bilem absque ulla prorsus sui mora in homine per multū sepe tēpus latitant. Casus, Nobilis Vidua Brixienſis ex familia Zanibona tpe, quo praxim facitare ediscebam, nocte capit conflictari, mane languores ingrauescebant, vomitus materiæ qualis amurca olei est, circa horam diei vigesimam secundam, dum duo præclari, Medici de proroganda imminente morte consulunt, affligentibus adhuc vomitibus, efflauit animā, naturæ excretæ copia profectò ad pondus librarum sex ascendebat, facile indicans longe collectā fuisse, & tunc solummodo infensum se obtulisse, cum est motū putrem hæc. Debent igitur, ad hoc vt officiant, puta natura-les humores putrescere, totane moueri substantia.

Vnde posterior insurgit propositio, quando putrescere illo contingat, pro cuius cognitione reminiscendum est, putredinem in re quapiam propterea eccitari, quod ab extraneo calore agente eius rei proprius, ac naturalis ad Aristotelis doctrinā, corrumpitur. hoc stante, cōsiderandum nobis est, nullum aliū calorem in corpore nostro integra fruente sanitate vigere præter natium, vt iam satis constare putem, excrementitius humores, cum à putredine corripuntur, ideò corripì, quod à calore hominis repercussi supra propriā temperiem, adeò excalescant, rarefiantque, vt inde calore eorum proprio ac naturali corrupto putrescendum sibi ipsis sit, verum etsi res sic se habet, sit tamen vt plurimum, vbi iam geniti sunt, vt diu à putredine via dicen-



dicentur, idèd quod non satis excalescant, vt motum putrem sint contracturi, quod beneficium agnoscere potissimum à sanguine comperio: quandiù enim cum ipso fuerint permixti, aut per eiusdem disseminati, & abunde diluti, non solent a corruptione apprehendi: quoniam hac ratione calorem experiuntur uaporosum, ac minime sufficere. at cù secreti inpermixtiq; sunt facti, putredinem, abunde excalesfacti, subeunt: quod illum excipiant acrem, & sine medio in se agentem.

Attenta igitur hac humorum cum sanguine permixtione, aut inpermixtione, quæ illorum ineptitudinem quandam, aut aptitudinem ad putrescendum important; seu maioris caloris natui hominis impotentia, vel potentia ad excitandam in eis putredinem, iam liceat de tempore putredinis quicquam definire.

Etenim cum verè, & incunte æstate venæ sanguine abundet, humores si qui sint, aut gignantur reiectanei, a putredine, abunde diluti, facile arcentur: hinc ver hac præsertim de causa saluberrimum. æstate postrema, & autumnò, quod paucus sanguis sit, putredinem non ægre subeunt: hinc hisce temporibus plures febres.

Huic rei respicientes, intelligimus tunc quoque ad putredinem subeandam fieri paratos, cum calor hominis adauctus, aptus iam est ad eorum corruptionem, velut cum qualitate est maior factus, vt æstate media postremaq; maxime si feruens extiterit: hinc solet tempus hoc febribus maxime abundare, occasione sibi præstita, quod tunc biliosi in redundantia generentur humores. Aut cum vigorosior, ac luxurians est redditus, vt per largiores cenas, ac liberalem vini generosi potum: hac de causa quidam in morbum incidunt, & hoc est quod Hippocrates in 1. & 3. ep. multos, & relatis egrotis ex occasione igne correptos fuisse scribit. non enim causa morbi proxima extitit liberalis ille potus, sed humores iam antea geniti, & ex occasione copiosorum poculorum accensi. Ac rursus, cum per prohibitam transpirationem euadit fuliginosus: qua ratione non solum præternaturales, sed etiam naturales putrescendi locum nanciscuntur.

Addamus quod, cum humores motu locali moueri cōtingit, motum etiam putrem fortiri solent, agitati, excalesfactique vt per solutium minime conueniens: itidem si à vasis magnis in parua fuerint transmissi: quoniam etsi in magnis vigeat magis calor, in paruis tamen circumferentiæ acutiorem experiuntur,



vt impermixti, & minime irrigati. hinc sub ætati feruenti frequentes tertianæ, quod biliosi humores ad corporis circumferentiam quodamode auocati concurrere, vt ex 4. auct. tex. 1. Id etiam cum vsuueniat ob validas exercitationes, fit postmodum, vt homines in morbum incidant, & putent ob laborem à morbo fuisse correpti, nescientes quod genita per antea erat causa: morbi inquit Hippocrates in 1. d. diat. sensim colliguntur, & acernatim apparent. cui rei respiciens, in 6. idem auctor vnde quædam admirabilis, si impurgatus, dixit, laborauit, vlcera erumpunt.

Ve ex his liceat tibi inferre, quod si quando præternaturales humores, æstate, & autumno geniti, à putredine vindicantur, potissimum vindicari sanguinis beneficio, a quo veluti protegentur: hinc ceteris paribus, qui sanguine abundant hisce temporibus salubrius degunt, quam biliosi: sed ex aduerso verè obnoxij sunt cutaneis quibusdam abscessibus, quos in 3. aph. 20. recenset Hippocrates: quorum generatricem materiam, si quis rectè attendat, comperiet non aliam esse, quam biliosam, aut atrabilanem superfluitatem non vere, sed æstate, aut autumno superiori genitam: & vere subsequuto, ob sanguinis redundantiam, nec non temporis qualitatem, ad cutem transmissam.

Quo sane tempore, si contingat, vt continens quæpiam febris hominem inuadat, non errabis si talem febrem mortiferam pronunciaueris: inditium est enim, productricem eius materiã crassissimam, eamque multam esse: ob quam propterea crassitiem amoueri à cæcis vasis, & aliunde transmitti minime poterit: cum alioquin humores à sanguinis copia id beneficii accipere soleant, vt diluti in hanc, vel illam partem faciliè transportentur. vrinas in his obseruabis, quæ quasdam densas, & vitiosæ coloris gestant nebulas, ad interitum vsque agrotantis, si materia extiterit valde lenta, perseverantes vel quæ grandiores, si illo lentore caruerit, successiue factæ tandem totum occupantes vrinam turbatam, & crassam, obscuramque reddunt. quam vrinam, illustrationem accepturam, minime putes: quoniam præterquam quod talis materia difficilis est resolutionis, multa etiã est, vt prius sit sibi languens, viribus resolutis, succumbendum, quam ex toto sui consumptionem, aut alia ratione digestionem adipiscatur: cuius multitudinem hinc arguere licet, quod adeo de se venas oppleuit, vt potuerit, nullatenus irrigata immediato calorem sui corruptum excipere.



Vt ex his omnibus, computo quodammodo facto, iam colligamus, præternaturales humores natos esse quocunq; tpe putrescere, maxime aut postrema æstate, atq; autumno: minus verè, ac tandem hyeme, quoniam hoc tempore in vasis magnis delitescunt, in quibus, etsi maximus vigeat calor, attamen facillè obsistant abundè irrigati, dilutique à sanguine, qui in his multis semper inest: non inficior tamen quod hyemis non sit longè, non febrium saltem essentialium, sed aliorum morborum ratione, verè morbosior.

Sed quomodo, obijcies, venenosi humores poterunt vnquam à calore nostro ad putredinem induci, ob densam illorum substantiam; ob quã propterea locũ in nobis sibi vendicarunt. Dic, quod, quo tempore ob densam sui substantiam locum in animante inuenerunt, cõsiderandi veniunt non ut succi uenenosi, sed ut partes cibi vitiosæ: quæ etsi, ob innatum calidum seque factum, inuidet remanserint, ab alia tamen, in alto subiectæ materiæ existentes, fuerunt humoralis materia, quo minus actuationem reciperent, tutatè. at cum iam in humores concretos faceßerunt, non egre calori hominis ab extra agentis cedunt, tum quia illum experiuntur immediate in se agentem; tum etiam quia eorum substantia, ut calore abunde facta rarefieri luxuriat, ubi sufficienter sit concalefacta: quemadmodum uenena, quæ inter assumpta, uel ab extra incussa à calore hominis, etiam si comparatiuè remisso, illicò actuationem accipiunt.

*Quomodo venenum tũ in homine concretum, tũ cetera illi occurrentia venena ad interitum transeant. Vnde quidditas veneni ad actum reducti, et Hippocratica materia turgentis natura in lucem prodit.*

*Cap. III.*

**N**on alia, ut sentio, de causâ uenenorum ad actum perducendorum natura, atque agendi modus Philosophos omnes, ac Medicos latuit, quam ob eorum consistentium non perfectum calidissimum temperamentum, ac modum, quem feruant

uant ista ad interitum tendentia, & quamuis ex his quidam legitima non fraudarint natura, nihilo secus modum eorum corruptiuium, in quo uno summa rei, cognitio inquam nature eorumdem actuatorum, agendique modus consistit, minime perspexerunt. & propterea putantes percipi hæc ab homine per philosophica principia nequaquam posse, naturam noluisse mysteria hæc in se occultare, in vnum cuncti conuenere, quæ, qualisq; de his haberi potest scientia; illam esse ab occulta petendam proprietate, ab arcana qualitate. Sed hoc quod philosophia detrahit, medicina deturpat, omisso, est modo quaestioni propositæ satisfaciendum. Supposito in primis, concessoque venena omnia calidissimo esse prædita temperamento; talia vero esse, quamprimum ostendetur, & ex dicendis in sermonis processu clarius patebit. velim tamen vt, cum hæc cuncta calidissima esse statuimus, tu calidissimi appellatione ea non fraudes, quæ ab extremo satis distant: quod temperies hæc calidissima latitudinem habeat efflatu dignam.

Hoc sic præmissis, tibi est reminiscendum, nullum venenum, quemadmodum & nullum medicamentum in corpus nostrum agere, nisi ad actum perducatur, quod est, nisi subeat, sui que ipsius admittat dissolutionem: hæc enim ratione facultas, quæ virtualiter in veneno inest consistente, in eius dissolutione actualis efficitur, quæ ab illo potissimum prouenit elemento, quod, cum in mixto prædominabatur, in eius dissolutione alia quoque superat. Quamobrem cum venena calidissima sint, sit vt eorum facultas nequeat non esse impense calida. sed opere pretium est audire, quomodo hæc se habeat; quandoquidem facultas calida in alijs mixtis, infra calidissimum temperamentum calidis, attenditur, vt pura qualitas, quæ cum inesset in mixto consistente potentialis, in ipsius ad actum reductione, in ipsius inquam dissolutione, actualis efficitur. verum considerata in venenorum interitu, non se habet vt qualitas calida, sed vt tota quadam substantia actu calida: ideo quod venenum, in transitu ad corruptionem, non resoluitur. secedatq; in substantias elementares, sed ius retineat totius substantiæ ad exactam, vsque corruptionem, & nouæ formæ productionem per maiorem successiue adeptam sui extenuationem, vt iam iam explicabitur. quæ verò ratione insurgat interim tota quadam substantia actu calida, iam enodandum venit, cum in hoc vno ratio, atq; actio veneni ad actum reducti consistat. sed prius mente voluendum nobis est, venena propterea esse calidissima, quod de igne plurimum



mum, de aqueo, & terreo minimum assummant; Sed de igneo plurimum assumere non possent, nisi densa essent substantia: alioquin si corpora igneo aduersantia, aqueum, & terreum, rara mixtionem venenosam ingrederentur, utique illud coercere, ac castigare, & in proportionem, quæ veneni importat temperamentum, retinere minime possent. Quæ res excludit quò minus in hac venenosa mixtione aereum corpus detur, ut summe rerum: cum etiam terreum in paucis quibusdam venenis pollens, in ceteris nimirum habeat locum: idemq; in veneni transitu ad interitum calidam subintret, mutuetq; naturā: adeo ut in præsentia ad clariorem præsentis quæstionis intelligētiā, venenum ex igneo, & aqueo duntaxat conflatum considerabimus: verum in subsequenti capite, ac de cætero non solū hæc duo corpora, sed etiam terreum ad quam minimum usq; pondus perpendimus: examinabimusq; in vnaquaq; veneni differentia horum omnium affectiones.

Igitur, ut sciatur primo necesse est, igneum, aquemq; potissima veneni constitutiva, in eorum ad corruptionem transitu, in aerem tandem simul, & semel transmutari transformariū: adeo ut veneni ab homine assumpti, aut ipsi exterius incussi exactus interitus importat non aliud, quam aereæ formæ productionem cum autem maxima substantiæ densitate, consistētis veneni constitutivæ ad aeream formam, quæ summam quādam dicit raritatem, plures, ac multiplices intercedant tenuitatis, ac raritatis gradus, fit ut venenum, in transitu ad corruptionem maiorem successivè acquirat tenuitatem, ad gradum usque raritatis extremum à quodam inquam summo densitatis recedendo, procedat per maioris successivè tenuitatis, raritatisq; gradus ad aeream formam, adeo ut in tali transitu efformat de se nunc quidem tenuem, nunc vero tenuissimam, nunc & præ tenuitate insensibilem, & cum aerea terminantem substantiā, ex eo quod calidum, & frigidum, veneni constitutiva, ab invicem separentur nunquam, sed ex aquo insimul, commixtimq; recedant a summo densitatis, & ad extremum contendant raritatis, quæ de causâ in quovis tenuitatis gradu venenum non simpliciter substantia, sed proprius tota substantia venit dicendum.

Fit autem hæc tota substantia, cum sufficientem comparaverit tenuitatem, actu calida, idè quod aqueum pro sui extensionem, ac rarefactionem dependat primum de propria potentiali intensiōe, mox & natura, ac sensim trahatur in naturam

ram calidam ab igneo præpotenti, quod, etsi per coadæquatam rarefactionem de potentiâ itidem emittat intensiōem, actua-  
lem tamen intensiōem successiue magis acquirit, successiue  
se magis supra suum contrarium eleuando, vt fieri nequeat,  
quin interim vna tota substantia actu calida coalescat. Quæ  
varia in intensiōe in hoc transitu se præbet, propterea quod,  
vbi incipit esse calida, tunc aqueus humor aliquid de propria na-  
tura adhuc retinet; & igneum præ quadam humoris aduersan-  
tia, nondum absolutè in actuali existit intensiōe; quàm tamen  
successiue comparat maiorem; quoniam ex coadæquata vltè-  
riori attenuatione aqueum successiue magis de sua natura amit-  
tit, & igneum minorem aduersantiam à suo contrario inue-  
niens, de intensiōe magis acquirit. Cum primum igitur hæc to-  
ta substantia actu efficitur calida, remisse talis est, humore aqueo  
de propria natura quicquam adhuc retinente, ac quadantenus  
contemperante; mox calida effulget, ac successiue calidior ad  
terminum, a quo postmodum humor nulla amplius ratione ob-  
sistens, ac contemperans, naturam mutat, subitque calidam,  
cum igneo æqualem; vt iam substantia ignea pura existat, quæ  
deinceps per gradus maioris successiue raritatis, & remissionis,  
tandem in esse formale æereum desinit. vt propterea statim  
veniat venenum ad actum redustum, non aliud esse, quam to-  
tam quandam, eamque tenuissimam substantiam actu calidam,  
seu manis substantiatam caliditatem. vnde qui in primis vsus  
est dicere, venena tota substantia agere, venenorum naturam  
subodorasse videtur.

Modus venenorum correptius iam explicatus perquam ve-  
nuste nobis designat, quæ sit materia turgens ab Hippocrate in  
1. aph. & alibi nobis proposita, ac iure merito ab eodem tanto-  
pere damnata, quandoquidem turgere aliquid, aliud nō sonat,  
quam extenuari, rarefieri, & intumescere, ex densaq. ac parua,  
in raram, ac grandem abire molem, vt pateat, virum hunc natu-  
ræ miraculum venenorum naturam cognouisse, & per turgentis  
materiæ denominationem nobis insinuassee; quamuis, nutu  
hoc minimè perspecto, vnusquisque auide acceptauerit, quod  
de materiæ turgentis natura Galenus scriptum reliquit, quod  
tamen respondet menti Hippocratis nulla ratione, qui propte-  
rea, cum ex tali materia nullam prorsus coctionem expectan-  
dam esse, atque ex eius tracta in corpore mora perniciosissimos  
suboriri posse effectus animaduerneret, sancit sapientissimus  
hic medicinæ legislator, quam primū esse e corpore deturbandā.

Illud



Illud verum est, quod materia turgens apud ipsum latiori modo intelligenda venit, quatenus ad quasdam quoque toto genere praternaturales collectiones, densam ac crudam substantiam habentes, adaptatur, siue turgeant, velut quando in intestinis visceribus continentur, quo casu dolores quosdam extensiuos, ac simul suffocatioos, aliaque lethalia inferunt symptomata: siue turgere nata sint, non tamē turgent quod a calore hominis nativo non satis excalescant, ob densum crudumque quo sunt referta, aqueum, hinc mortiferi vomitus, huiusmodi sunt bilis isatodes, rutacea, eruginea, atra Hippocratica.

*De Differentijs actuati veneni, quæ quatuor potissima esse statuuntur eadem ad summum excutiuntur, unde contagiosi veneni ratio undequaque elucet.*

#### Cap. IV.

**E**tsi veneni cuiusvis sit in via ad interitum in totam quādam substantiam actu calidam conuertitur, nihilominus proveniendi consistentis diuersitate tota hæc substantia varia exoritur. Quot igitur, quibusque modis hoc usu ueniat, est in hoc capite inuestigandum. verum quia hæc consideratio immediate pendet à commixtionis venenorum consistentium qualitate, propterea ante alia vniuscuiusque veneni ratio examinanda, & constituenda est, quod tamen foret impossibile, ne dum difficilimum obtinere, nisi a nobis venenum omne in sua actualitate speculatum prius, ac deinde cum eodem consistente collatum fuisset.

Ut autem in hac re tanti momenti ordinata procedat oratio in primis venena omnia in sua genera diuidemus; examinabimusque ynumquodque genus in suas species distinctum. deinceps eadem arte, eodemque ordine, quam, qualemque substantiam de se actu calidam in transitu ad corruptionem producat, inuestigabimus.

In quatuor genera, summasue differentias liceat mihi venena diuidere, sic a qualitate mixtionis eorum insinuatæ; quatenus hæc capit præter plurimum igneum, de terreo, & aqueo minus, aut magis, hisque coctis, aut crudis; raris, aut densis: qua-

ratio-



ratione enucleabitur non solum actuati veneni intensio, vel remissio: sed etiam qualitas: quatenus hæc dicit tenuitatem eiusdem, aut crassitiem: densitatem, aut vanitatem: extensiuam dimensionem, aut contractionem, iuxta quas affectiones huic, vel illi hominis membro venenum existit peculiariter insensum.

Primum genus ijs, a signo, quæ a multo, in genere, terreo, aqueo paucio, & excocto, atque igneo, quod in cunctis longè præualeat, plurimo efformatur, quod genus in tres seco species, à quantitate, & qualitate terrei, & aquei specifica desumptas, etenim quædam præter igneum præpollens, de terreo multo, eoq. crudiusculo, aqueo valde, paucio, & sufficienter concocto capiunt, vt arsenicum, resigallum. Alteram speciem statuunt cantharides, quarum substantia ignea plurima est, terrea pauca, aquea paucissima, eaq. valde cocta. Sunt alia pro tertia specie, quæ de terreo non multum, de aqueo plusculum capiunt, vtroq. sufficienter cocto, igneo longè prædominante. huiusmodi sunt putrefacientia venena, vt Salamandra, Lepus marinus.

Ascribatur ijs alterum genus, quorum igneum plurimum est, aqueum valde paucum, idemque in genere crudiusculum, terreum paucissimum, ac valde coctum, vnde sicuti quæ igneo aduersantur, in paucissima ingrediuntur quantitate, ita genus hoc omnium calidissimum existit, vt ob id humor aqueus crudiusculus, ac subinde densiusculus debuit esse, cum alioquin si coctus esset, tanti ignei non posset esse subiectum, quod coctio raritatem, densitas cruditatem nostro modo importet, vnde quod ex hoc genere humorem aqueum coctum includit, illud etiam minus intensum est. quæ humoris affectio cum non vna sit, propterea genus hoc plures includit differētiās. etenim quædam venena si venena merentur dici, humorem quem excipiunt paucum, adeo excoctum habent, vt vix sufficiat igneum castigare, ac coercere, vt venenum segtalæ, amphiebanæ, inter quæ vult quoque adnumerari venenum vesparum, apum, & huiusmodi bestiarum, quod per aculeum homini incutitur. Sunt quamplura serpentia, nec non quædam feræ vt bufones aquatici, quorum venenum non admodum intensum est, quod eius igneum sicuti non aqueum multum, ita aqueum parum densum. eleuatur multum supra hoc, quod igneo maxime præualeat, & aqueum habet densius, sed id paucissimum, terreum vero iam definitum, vt venenum viperæ, Dirijni. Superat hoc in igneitate venenum aspidis, chelidonij, basiliscij, quod de aqueo densissimo tantum duntaxat capiat, quantum sat est ad coercendum,



ac temperandum igneum, quod in hoc veneno in summo quanto existit.

Vult in hoc genere adnumerari venenum, cuius igneum non agre multum, ac in his, de quibus iam modo dictum est, & aqueum paulisper magis copiosiusculum, pariterq; crudiusculum. est hic venenum, quod dominante ad summum austro in homine quaaadoq; gignitur, vt in priori libro visum est. cui subordinatur venenum, cuius ignotum est quoq; minus quantulum, & aqueum quadantenus coctum, & rarum, & est sanguis quidam maleficus, pariterq; austrinus: seu satius, quædam huius sanguinis particula reliquo sanguine calidiores, ac densiores.

Tertium genus statuunt venena, quæ ex superante igneo, aqueo magis copioso, quam alia cuncta, sed eo valde cocto ac pingui, paucissimo terreo, similiter probe cocto constant. sunt hæc venena nuncupata soporifera, quod inter alia accidentia soporem homini venenato inducant. in quo sopore, ac quibusdam alijs accidentibus inducendis paulo inter se euariant, quod aqueum minusculum, aut maiusculum sit, idemq; magis, aut minus coctum, ac purum: vel de igneo magis hoc, illud minus excipiat. etenim opium tum de aqueo non nihil minus continet: tum vero illud magis coctum, ac purum est. iusquiamum ac mandragora ex agro ferre commixtionem sunt sortita, quæ cum plusculum de aqueo capiant, illud etiã est minus coctum, minusq; purum. sed iusquiamum de terreo non nihil plusculum assumere videtur. cicuta, cum supra hæc non mediocriter sit calida, de aqueo partim probe elaborato, partim imperfectè cocto, atq; impuro includit.

Postremus locus datur ijs, quæ præter igneum præpollens (quod tamen in genere minus omnium quantum existit) aqueum assumunt non aque paucum, ac crudiusculum, vt venena secundi ordinis, nec aque copiosiusculum, & coctum, vt venena in tertio loco posita, sed quod in qualitate, ac quantitate inter aqueum huius vtriusq; generis ambigit: verum de terreo plusculum capiunt: adeo vt cum in ijs minimum habere locum ex effectibus videatur, in his manifestam sui notam præbet; tres derivant ab hoc genere species sunt enim ex his quædam, quorum mixtionem aqueum, ac terreum in quantitate iam definita ingreditur, sed vtrumq; in suo genere maiusculè coctum, atq; elaboratum, cuius sortis venenum est scorpionis, ac phalangiorum. tarantulæ autem virus, quod



sub hac specie pariter militat, præter quam quod utrumq; hoc corpus crudiusculum, ac sufficienter densum includit, videtur etiam de utroq; non nihil plus assumere. sunt alia pro secunda differentia, quæ præter terreum iam definitum, de aqueo paulo abundantius excipiunt: sed hoc idem est valde elaboratum ad instar quod est soporiferorum, quibus tamen in caliditate prævalent, ut herba quædam à Plutarco relata de qua suo loco, & sardonias: sed hæc minusculam terreæ habet. Vltimæ differentię satisfit venenum canis rabidi, quod præter calidum corpus supereminens, ex pauculo aqueo, ac terreo non parum elaboratis, est conflatum. Alię quoq; insunt in vnaquaq; specie magis specificę differentię, sed hæc cuiq; facillè innotescunt, ubi de venenorum effectibus, horumque causis speciatiim agitur.

Sic vnoquoq; veneno in suo esse potentiā constituto, quam substantiam de se actu calidam in transitu efformet, iam speculandum, statuendumque Arsenium, resigallum, & huiusmodi prioris sepeçiei eo primo ordine constitutiva, alterata ignescētem, atque acrimam de se producant substantiam, sed eam multatenus turgidam, & extensam in qua enim sedē ab homine assumpta firmari contingit, in eam noxam inferunt potissimā. Chantarides alteram speciem efficientes, ubi actuantur, in quādam igneam, eamque acrem substantiam abeunt, nō densam, sed raram, ut amuletur quadantenus calidissimum, atque acerrimum fumum, sed sicuti non eque terrea, ut de qua modo dictum est, ita non æque acer, atque activa, velim autem ut, dum venena ad actum reducimus, tū eadem tunc temporis ab homine assumpta, aut ab extra inchoata consideres, quæ supersunt ex hoc genere venena, cum dimota e propria consistentia transeunt, quandam non segniter calidam quadantenus extensā, minimumq; acrem in primis: non vero secundum terreas partes actuata, acrem præferunt, non æque tamen ut alia, ratione paucioris terreæ, & humoris copiosiusculi.

Venena secundi ordinis, & ex his illa, quorum humor paucissimus, elaboratus, ac rarus est, ubi primum corruptioni subijtur, in igneam statim, puram potius, quam substantiā caliditatē conuertuntur. His succedanea, quam de se efficiunt, substantia sicuti non impense calida, ita est parū densa, nec multū extēsa. est vero calidissima, maxime extēsa, eaq; subtilissima tota substantia, in quā commigrant venena, quæ supra illa in intensione eleuantur, & ea maxime, quæ sunt in summo ignea, quanto enim venenū copiosior est factū igneo, & de aqueo crudiusculo m-



nus assumunt, tanto in subtiliorē, eāq; magis extensā substantiā abit, & idcirco incredibile loci spatium occupatē, ex eo quod supra aqueū polleat maxime igneum, vbi venenū, vel minimū in tota alternatur substantia, continentissime, ac celerrime ad extremū properat tenuitatis: igneo in suū contrarium maximē imperante, crimenteq; e contra venenum remissū tum minus calidā subtilēq; de se efformat substantiā, tū & parū extensā, lentēq; transeuntem, in aqueum igneo non multum pollente.

Venenum austrinum prout successiue secundum partes venenosas putrescit (in paucissimis enim sincerum concrevit) successiue in quādam quamminima commigrat corpuscula, quæ defestunt ab illa insigni caliditate, qua cetera huius generis venena pollent, ob copiosiusculum, idemque respectiue crudiusculum aqueum: cuius ratione inquinamenta hæc ex ipso producta, etiam si insensibilem sint adepta tenuitatem, saepe tamen non adhuc actu calida sunt: & non solum sunt tardi transitus, sed etiam in medio ipsius consistunt: adeo ut vbi à proprio fomite sublata, & e morbo corpore effluxa, in externam venerint regionem, quam acceperunt tenuitatem retinent, non valentia vterius rarefieri, & ad exactum contendere interitum, impedita ob humorem, qui sicuti in alijs venenis, ut paucissimus in respectu sui contrarij, longe insuper potentioris, minimum obsistit, calidamque quamprimum subit naturam; ita in hoc contrarijs de causis igneo adeo repugnat, ut perquam tenuissima facta cogantur pedem sistere, vsque quo externum quempiam nanciscuntur calorem, à quo vterius concalefacta extenuari, & perfectum actum comparare valeant: par tamen est, ut sicuti ambiente nos aere frigido existente quadantenus compingantur: ita eodem calido, aliqualem vterius attenuationem acquirant: sub quo tamen ad exactam haud perueniunt rarefactionem, alioquin estiuo tempore, quo ab hisce producit, cessaret contagium; cum nec ab animantis calore, à quo ea intus excipi contingit, hoc ipsum patiantur, à quo duntaxat paululum magis rarefacta ad actualitatem perducuntur, alioquin si digeri ad summum, ac dissipari se permetterent, vtrique nullam homo ferret noxam. Ideo autem quod in transitu consistant, exitiosissimum statuunt contagium: temporaneum inquam, ac distantaneum. scimus enim per fomites, seu subiectam horum materiam diutius, ac diutissimè conseruari, & ad loca transportari maxime distantia.

Qua

Qua propter corpuscula hæc, cum proprius nesciam, definire posse mihi videntur, quod sint quam minimi igniculi, non nihil lenti, totius substantiæ rationem habentes, actu calidi. libuit igniculos vocare, quoniam in actu corruptio, fermentosouè considerati, ignis quidam sunt, & ob id venenosi, quatenus ius insimul totius substantiæ retinent: sed eque contagiosi, & fermentosi merentur dici, quod officiant, quem contangunt, & sanguinem fermentando corrumpunt. sunt autem ita perexigui, ut nec tactu, nec visu percipi ab homine valeant. & ratione qualitatis aquei humoris sunt vel quam minimum lenti, ut rebus facile adhærescant.

Differunt paulo, qui à malefico sanguine putrescente, eiusuè maleficis partibus producuntur, quod hi quadantenus sint rariusculi: propterea ubi, e morboſo corpore eruperint, continuatim ad aëream tendunt formam, igneo in humorem, aere quadantenus fatum, agente, superanteq.

Quæ tertium statuunt genus soporifera, cum ab homine assumpta, e propria dimouentur substantia, vaporosam, eamq; igneam mutant. sed quæ ab opio efformatur, nitida, splendens, ac tenuis: à iusquiamo, à mandragora crassiuscula, tenebrosa, & minus ignea. est tamè paululum acer, quæ iusquiami est. Quæ à cicuta atollitur partim tenebrosa, secundum partes non probe coctas, partim maxime ignea, ac subtilis existit.

Quæ tandem quarti sunt ordinis, alterata substantiam de se efficiunt, nec plane densiunculam subtilem, ac calidam, ut quæ venena secundo loco posita: nec vaporosam ut soporifera, sed quæ inter utramq; medio se habet modo: adeo ut definire posse mihi videtur quod hæc sit in genere subtilissimus quidam fumus, sed alio fumo longe calidior, acrior, ac densior. Qui tamen ex phalangiorum, ac scorpionis veneno efformatur, rariusculus aliquantisper, qui ex tarantulæ viru, densiusculus: & ad actuationem difficulter perueniens, aqueo, ac terreo in transitu non parum aduersantibus. Qui vero cardoniæ est. & herbe Plutarchi vaporosiusculus, ut amuletur quadantenus vaporosam, quæ à deleterijs soporiferis efformatur, substantiã: qui tamen violentior, ac mordacior se præbet, ratione intensioris caliditatis, ac maioris terreſtreitatis. Rabientis canis virus, in percalidam, alternatum abit, atq; acrem substantiam, sed ob terrei, atq; aquei coctionem, minime extensam, unde, & tenuissima, & ferme pura existit. qua de causâ in qua parte, recipit actua-



actuationem, in eadem figitur. cuncta hæc cuiq; fient notiora, vbi recenserebimus vniuscuiusq; veneni symptomata, atq; effectus, horumq; causas explorabimus.

Hæc cum sint veneni ad actum reducti differentię essentialis: cumq; iuxta has hoc vel illud vniuersale humani corporis mēbrum oblatatur, propterea de cætero inuestigandum est, quot, quæq; sint membra ista venenis obnoxia: cuiq; ex his sit hoc, vel illud venenis genus peculiariter infensum: & quomodo eidem in vniuersum, ac deinceps quomodo speciatim officiat, quosq; interim producat effectus, quorum etiam causas trademus. vnde nil, puto, desiderabitur, quod ad naturam, & modum agendi venenorum spectat: sed antequam ad hæc deueniamus expedit in medium afferre, quæ venenorum temperiem calidissimam esse satis probare possunt.

*Temperiem Venenarum omnium Calidissimam esse probatur.*

*Cap. V.*

**S**I, quæ sunt de venenorum actuatorum natura, ac differentijs pronuntiata, vera ac stabilia sint, utiq; superuacaneum videtur, velle horum calidissimam temperiē rationibus demonstrare, quando actualitas hæc ita ferat, vt venena nullam aliam habere temperiem valeant. verum ad tollendum omnem scrupulum, & placandum legentium animum, libeat hic in medium afferre, quæ hanc temperiem maiorem in modum declarare, atq; illustrare faciliē possunt: præsertim cum antiquam ac communem, e medio tollimus, dum nouam hanc opinionem configere curamus.

Seclusis igitur in præsentia tabefacientibus, ac suffocantibus quibusdam venenis, ad institutum nostrum minime spectantibus, quorum tamen naturam, atq; interficiendi modum in processu operis obiter insinuabimus, dicimus primo propositioni huic fauere admirandos. à quam minima, eaq; tenuissima veneni mole, & cum maxima celeritate productos effectus. manifestum est enim, quod multa ex his in insensibili mensura hominem sibi oblatum perdunt; vt apud Aponensem in suo de ven. trac. cuius naturæ sunt etiam contagiosi igniculi tenuitatem illorum testatur venenum, quod à Drijno vibratum, pedes medio



medio calceorum excoriare facit : sicuti , & illud , quod per stapedes illinitas hominem enecat, ocreis non obstantibus . quod si Basiliscus venenum, quo animantia iugulat, ab oculis ne dum per sibilum vibrat , non ne tanta in hoc arguitur tenuitas, vt maior imaginari nequeat ? etenim si sic est, venenum hoc non aliud esse declarat, quam virulentissimum quendam spiritum, tum sensum nostrum fugientem, tum, & totius substantię rationem sibi osciscentem . celeritatem agendi , & homines quamprimum interficiendi , compertissimam in quam plurimis habemus : sed maxime in veneno ab eodem basilisco vel vibrato, vel per vulnus incusso, à quo statim hominem interire scribit Aetius. Ioānes Leo scribit, reperiri in Nubia quoddam veneni genus, quod ad pondus grani vnius propinatum decem homines iugulat spatio quartę partis horę : quodq. statim perimat, qui totum assumit . sic illico exanimatus concidit Britannicus à locusteo veneno, iussu Neronis ipsi tradito apud tacitum. hæc autem certissimè restantur, venena non ab aereo elemento, quod homini familiarissimum est, non ab aqueo, quod vtilissimum . non à terreo, quod citrà vllam noxam pertractatur, sed pendere ab igneo. cum sit etiam rationi maxime consonum, vt nonnæ venenosæ sint ab illo elemento petendæ, quod per se acutissimum est, quodq. tam genti est infestissimum, sed hoc est ignis.

Si quis præter hæc vnius cuiusq. veneni effectus, ac symptomata inde producta examinare velit, arguet de maxima illorum caliditate . etenim à reptilium venenosorum morsu vt à Dioscoride, Galeno, Auicenna, Aetio, & alijs scribitur excitantur pustulæ circa demorsum locum, exulcerationes, carniū depastus : corpus totum aut turgescit, aut tabescit. iecur inflammatur, sanguis effernesceat, corrumpitur, effunditur, totius virescit, aut flavesceat color, ac sepe à veneno, dico ignea vi dissipatis, fugatisq. spiritibus, vel alia ratione corruptis, nativo calore emoriente soporosi, ac funebres effectus in conspectum se ferunt. & quid sane aliud hæ feræ spirant quam ignem ? vt declarant incessus superbi, micantes oculi, furentes aspectus, aggressus celeres, ac rabidi, & cum calidissimæ sint, propria sunt eorum habitacula percalidę regiones.

Non me latet, quod qui serpentes omnes existimant esse, frigidus, in medium afferant ad sensum frigidus esse, pauci cibi, hieme sine cibo degere, in latebris terræ se condere, paucum habere sanguinem, & frigidis abundare, humidisq. hominibus

Hiscē



Hicce in ordine dicimus, quod hoc ferè natura cutis eorū, quæ dura, quæ densa, frigidaque est. & iure tali amictu indui debebantur, ad prohibendum, quo minus effluere calidissima eorum corpora possent. sic natura donauit spiritibus dura conceptacula, arterias inquam, ne alioquin illustris, ac tenuissima hæc substantia extra effluens consumeretur, cuius qualitatē cutis ratione, vt quæ amicta à se corpora minus fluxilia reddit, non multò egent alimento, maior enim vel minor cibi indigentia prouenit à maiori, vel minori effluxa, adeò vt scribat Galenus in 2.d.alim.& alibi, & nihil nostro corpore efflueret, nihil opus esset alimento, quæ quoque de causâ hyeme sine cibo degent, quod ob circūstans frigus corpora eorū nullū, vel minimū habeant effluxum hinc tum hæc, tum plura alia animalia, etiā si ab esca se abtineant, pingua sunt in latebris terræ se condere, argumentum certissimum est non frigide, sed calidissimæ illorum naturæ, cui frigus inimicissimum est, quæque à simili cooptat conseruari, recessum effugiens, paucum autem sanguinē habere contrarium infert, alioquin vespe, apes, & similes bestię calidissimæ, essent frigidissimæ statuendę. Lepus vt plurimi sanguinis, calidissimus, frigidis, & viscidis abundare succis sensui repugnat, & quamuis Galenus in 2.d.loc.aff.cap.vlt. sentire videatur viperam frigidam esse, aspidemque perinde ac cicutam frigidam esse scribat, in lib. quod anim.mo. cap.3. motus fortasse auctoritate Dioscoridis, qui lib.6. venenum cerastę, aspidis, & basilisci sanguinem in uenis gelare scribit, vt propterea scriptores ferme omnes opinati fuerint, omne serpentum genus frigidum esse, nihilominus contrariam habuisse sententiā inferre licet, idè quod in 3.de humor.tex.com.3.& alibi scriptum reliquerit à morfu ferarum sanguinem hominis flauescere, icterumque succedere, flauities autem apud ipsum caliditatis effectus semper extitit, sed quamuis sententiam habuerit Galenus, Auicennas, cui hoc ferarum genus, seu cui propter regionem notum valde esset, legitima non fraudauit natura.

Examinet quispiam effectus in humana corpora per morsum, per ictum lethaliter incussos, dolores, inquam loci affecti, ac cruciatus statim productos, inflammationes, stomaci erosiones, carniū putrefactiones, animi deliquia, interitum præcipitem, velut ruberæ, scorpiones, aranei muris, pastinacę marinz, scolopendræ, inueniet profectò igneam duntaxat vim redolere.

P Quod



Quod si sopores, uertigines, temulentias, faciei atque oculorum ruborem, mentis turbationes, alienationes, singultus, carnium liuorem, ac tandem natui calidi mortificationem, peculiare opij, mādragoræ, iusquiami, ac eicutē effectus recte perpendat, non sane à frigidissima, sed à calidissima causa productas esse facile intelliget. & quoniam in vulgatissimam abiit sententiam, hæc omnia deleteria frigidissima esse, idè expedit latius demonstrare hæc eadem calidissime esse naturę, exemplo opij, velut quod in dies opera medicine salutariter ingreditur,

*Opium natura esse calidissimum ostenditur.*

*Cap. VI.*

**O**pium frigidissimum esse ita inualuit cunctorum opinio, ut cum aliter res se habeat, ad hanc heresim tollendam valida sint afferenda rationes, quamuis non me lateat, in nonnullis ita alte radices habere fixas, ut apud istos ratio sufficiat nulla, hoc unum exclamantes, docuisse hoc, statuisse Galenū, à quo recedere pro maximo haberēt piaculo, nulla proinde de re, que pertrahatur, examinatione facta. Alij quod tantum sectantes magistrum, si cui alteri adhererent se proprię existimationi valde derogaturi esse putarent: peior conditio est illorū, qui recte sentientem, sed à Galeno dissentientem scriptis acriter oppugnant; et perspecta rei veritate hoc autem faciūt, ut videri velint se aliquid scire, sed quicquid de his sit, opij temperiem calidissimam esse, vel sine ulla hesitatione cōstatem affirmo. quæ autem id demonstrare valent, ita manifesta sunt, ut nō sine dedecore eorum, qui opium frigidissimum esse statuerunt, ac non sine rubore, qui id temporis hoc ipsum sentiunt audiri minime possunt. hoc in primis iacto fundamento, quod rerum proprietates, atq; effectus naturam suorum principiorum redolēt, quo innuere volo causam effectuum opij peculiarium, derivare à principiis illius cōstitutiuis, & propterea non esse, nec posse esse occultā, sed manifestā. hoc sic stante eius qualitates, atque affectus seorsim examinandi, ac perpendendi veniunt.

Et primum sese offert odor opij grauis, qui naturam eius calidam facile testatur, quando odores omnes à calido sint Arist. in l. d. sen. & sen. 3. Gal. in 4. sim. 2. & experientia docentibus, cū ex aduerso frigida nil redolēt, ut nix, glacies, saxa, ferrum. &



alia metalla, etenim quod expirat, calorem habet mouentem: Nec valet quod odores prauī ab inconcoctione proueniant, quoniam et si hoc non tollat, quo minus quodpiam incoctum possit esse calidum, nec rursus inferat opium esse incoctū, odor tamen opij non est prauus in suo esse, sed bonum, ceu qui designat propriā opij formā, quæ omnem excludit incoctibilitatē.

Clarius hanc opij calidam mixtionem declarat pinguis, atque inflammabilis eius substantia, cuius ratione lucernæ admotum non caliginosa, inquit Dioscorides, ardet flamma, atqui si frigidissimum esset, quomodo exardere, & abire in flammās posset? illud enim certum est, quod si sic esset, de terra, & aqua caperet plurimum, qualiter glaucium, quod ex Galeno 6. sim. propterea frigidum est, quod ex terra, & aquea substantia mixtionem habeat; hæc autem duo corpora ignem extinguere, ne dum in ignem abire nata sunt.

Scio, quod ad euitanda hæc scopula, machinatū non sine Aristotelicæ doctrinæ iniuria à quibusdā scriptoribus fuit, opiū frigidū in quarto, & calidū in tertio tēperiei gradu esse; & nō esse vniuniformis, sed difformis naturæ: quā præterquā quā mixtio phisica figmenta hæc reijcit, hoc dānaret eius tēperamentū, si alioquin frigidissimū: tēperamentū. n. alicuius mixti intensum, ppea intensum existit, quod mixtum corpora illa excludat elementaria, à quibus alioquin corrigi eius natura posset, & illa includat ppe quæ tale, vel magis tale est: vnde si opium caperet, quæ frigidum in quarto, & quæ calidū in tertio nata essent, mixtū quodpiam efficere, utiq. ex his phisicè commixtis, nō insurgeret aggregatum in temperie difforme, sed mixtum vniuniformis naturæ temperatum; quando non dicat aliud mixti tēperamentum, quam primas qualitates esse ad mediocritatem reductas; & cū sit quædam dispositio, per quam forma in materia cōseruetur, sit ut mixtum nequeat duas importare formas.

His sapor accedit opij amarissimus, qui, vel ipso teste Galeno calidissimā rei naturā designat: quæ in opio tanto nobis certiùs ostenditur, quāto quod post amarorē, quē sensorio infert, si paululū magis quā par sit in ore detineatur, et linguæ vesiculas inducit, teste Matheolo, quod concordat cum eo, quod Gal. scribit. 7. sim. de papauere conuto, quod, inquit, vlcereb. oppositū purę quæque carnis non nihil eliquere valet. hoc autem opus insignem in medicamento statuit caliditatem, & putrefacienti veneno efficit simile. atqui si papauer cornutum id efficere valet, cur non & opium, cum liquor, qui ex cornuto papauere



re extrahitur, alterum opium existat, qui propterea in cibo, potu sumptus eosdem quos opium producit effectus, atque iisdem curatur remedijs, apud Dioscorid. lib. 6. cap. 60.

Addas ingentem pruritus, qui ab opij assumptione excitari solet, Nicædo, Dioscoride, & Aetio testibus, qui adeo molestus est, ut quandoque agrum alto pressum sopore expergifieri necesse sit. hic autem pruritus, torpori contrarius, non ab alio excitatur, quam ab opio actuato, & in flammeam quandam eadem acerimam substantiam conuerso, quæ ad vniuersum corporis ambitum diffusa carnes mordicus expungit: qua etiam de causa corpus venenatum opij odorem spirat, iisdem testibus.

Vnde cum hæc omnia opij temperiem calidissimam esse arguant, opiumque vndequeque calidissimum declarent, non video qua ratione in 7. sim. Galenus ex quarto, & ultimo refrigerantium ordine sanciuerit esse, quo factum est, ut, cum quicquid à tanto viro scriptum est, pro irrevocabili scito sit à Medicis habitum, postmodum in communem, atque acceptissimam abiit sententiam, nulla facta consideratione, nulla de eo facta examinatione, opium natura esse frigidissimum.

Quod autem Galenum ad hoc existimandum mouit, extitit primo Dioscoridis auctoritas, qui in lib. 4. cap. 64. opio refrigerandi vim assignauit: mox vero sopor, somnusue profundus, qui ab opij assumptione ut peculiaris effectus suboritur: quem cum à causa valde frigida provenire velint, quicquid hominem in hunc tantum somnum inducere valent, existimarunt frigidissimam habere temperiem.

Verum etsi somnus iste proprius ac peculiaris sit opij, atque aliorum, deleteriorum, quæ soporifera vocantur, effectus, pace tamen tantorum dixero, non bene causam istius somni intellexerunt, ad cuius intelligentiam expedit quædam de somno naturali, ac præternaturali definire. Est somnus naturalis causatione consideratus, quædam spiritus animalis quies, ac cessatio à proprijs munijs, inducta a vaporibus cerebri meatus opplentibus. etenim dum concoctiones naturales celebrantur vapores quidam temperati, demulcentes, ac tenues sursum attolluntur, qui in cerebro natura frigido multiplicati animalem spiritum amice, ac seu quadam blanditie a se obsecsum, quiescentem reddunt, ut cum inde nequeat organa perlustrare, homo, principibus facultatibus otiantibus, & sensibus ceu deficientibus, in quadam placida totius corporis constituitur quiete, quæ somni



ni formam delineat, qui noctu potissimum locum habet, ideo quod homo id temporis ab operibus cessare solet, quodq; animantis corpore præ frigidiori Cælo noctu minus perspirabili existente, vapores alioquin effluxuri retenti multiplicantur, qui propterea abunde sursum lati, mirum in modum cerebrum opplent: vnde quam apposite definitus mihi videtur somnus ab ijs, qui apud Galenum in lib. d. vtil. nesc. dixerunt, somnum esse quamdam parvam epilepsiam: quoniam sicuti epilepsia efficitur ob spiritum animale valde obsessum, ob meatus cerebri obstructos; ita somnus ab eodẽ spiritu à vaporibus quiescente, & otioso reddito, suboritur. verum tamẽ iure parua dicta est: quoniam epilepsia efficitur, cum vel à crassa materia, vel vaporibus admodum crassis, densis, ac tenebrosis, meatus obstruentibus spiritus redditur planè immotus, vt sensus, & facultates principes otari penitus necesse sit: somnus vero naturalis, cum à tenuibus vaporibus, à quibus propterea spiritus non immotus detinetur, quin quodammodo oberrans animales functiones, motumq; ac sensum per omnia quadantenus excitat, talis somnus inducitur cū vapores naturaliter se habent.

Verum si acres, & densi ascenderint, vt in quibusdã febris, somnus efficitur inquietus, interturbatus: Altus vero ac difficilis, si frigidi crassiq; extiterint, quales attolluntur à similibus humoribus, vel à frigidarum, atque humidarum partium cibarijs, vt portulaca, lactuca copiosè comesta.

Altiores inferunt quædam medicamenta, quæ assumpta in quosdam admodum densos, vel pingues, ac veluti Oleaceos abeunt vapores, quippe in caput sublatis maiorem quoq; in modum spiritum animale obsident, atq; immotum detinent: cuius sortis sunt anethum viride, feniculum agreste, semina papaueris, atq; alia multa: quamuis non me lateat à quibusdam magni nominis viris hunc cerebri affectum assignatum esse opio, atque alijs soporiferis, quæ narcotica nuncupant, verum hæc alia ratione, quæ iam iam ad aperta fiet, soporem inducunt.

Ci igitur somnus non aliud dicat, q̃ quædam spiritus animalis quietem, ob quam principes facultates, nec non sensus omnes feriantur, iam intelligimus hos non minus feriari posse, ob eundem spiritum deficientem per corruptionem, vel dissipationem, quam à proprijs munijs celsantem, per quandam quietem: quod cum sit per se manifestum, non eget probatione. hoc statim assero, cum per opij, aut alterius soporiferi assumptionem somnus inducitur, non quidem induci propter animalis spiritus otium.

ac



ac quietem, sed propter eiusdem consumptionem, vel corruptionem, a flammea deleterij caliditate illatam, & proinde cum plus importet spiritum animale[m] esse corruptum, vel consumptum, quam quietum, & oriantem, fit vt somnus, si somnus meretur dici, qui ab opio, mandragora, vel iusquiamo suboritur sit profundissimus, cum stupore insensibilitateq; , sepeque cum morte ipsa tandem coeat, quando de deleterio plurimum assumptum fuerit: quandoquidem diu in corpore prædominans, vasteq; se diffundens non solum animale[m], ac vitale[m] spiritum corrumpit ac dissipat: nullumque relinquit locum spiritum reparationi, sed etiam natium animantis calidum extinguit, hinc tandem liuores, ac corporis denigrationes.

Est autem opium ad spiritus dissipandos, ac fugandos agens valde proportionatum, quippe quod ex partibus impense calidis, ac subtilibus constet, vt hinc lucernæ admotum in claram, ac splendentem abeat flammam: sunt rursus spiritus ad hanc corruptionem excipiendam patiens maximè dispositum; sunt enim vel ipso teste Galeno 12. Meth. cap. 5. substantia dissipabilis, exhalabilis, & quæ de facili digeritur; vt mirum minime sit, si sopor sit opij peculiare accidens. Sic non alia de causa inducitur in homine à vipera, cenchro, & aspide feris calidissimis vulnerato. sic propterea aspidem sine dolore occidere scribitur. & quis sanè dolor spiritibus consumptis innasci potest. Plut. in vita Marci Antonij de aspide hæc venuste habet. Comperit aut Cleopatra solū ferme aspidis morsū sine vlllo dolore vitā extinguere, grauatoq; ex sōno capite, & leui sudore p facie diffuso, sensibus paulatim deficientibus, nec secus excitationē grauiter ferentibus, quam solent ij, quos placidus, atq; altus sopor tenet.

Vnde ex aduerso non video qua ratione sopor, si quidem opium frigidis constaret partibus, inferri possit illud enim certum est, quod si in cerebro insignem refrigerationem, quam soporis causam statuunt, inferre deberet, intolerabilem simul capitis dolorem induceret, quando per Hippocratem in lib. d. l. in hom. magna ad calidū, vel frigidū introduci mutatio nequeat, nisi etiam pars, in qua mutatio exercetur, valde alteretur, & corrumpatur: attamē ab opio assumpto nullus excitatur dolor.

Nec excuso, quod ab homine non sentiat ob quādam obstupescationem, quoniam hanc saltem dolor præcederet: sicuti & consentaneum rationi esset, vt sensibilem prius refrigerationem naturalibus visceribus inferret, vt ex Galeno 3. de temp. 4. nihilominus nullus ne dum minimus frigiditatis sensus ab eodē assumpto per sentitur. Si enim lactuca per Galenum loco cita-



ro comesta refrigerando alterat; si pituita per corpus mota sensibile inducit frigus, eodem teste in lib. de inaq. int. & alibi, edo-cto ab Hippocrate in 1. de nat. hum. t. 32. si per aqueum humo-rem per ossa volutatum rigor efficitur, per Hipp. in 4. d. mor. cur per praesentiam frigidissimi obiecti in ventriculo, aut iecore, aut yenis refrigeratio haud sentienda est? Si venena quae putata fue- re frigida ab homine assumpta non prius propriam explicant facultatem ex Gal. 3. sim. quam ex toto comminuta sint, & hanc comminutionem Galenicam experiantur in officina co-ctionū, cur non haec prius regio sensibiliter, quā cerebrū refrige- randū est? Quin nec subest ratio, pp q̄ opium vt frigidissimū pue- nire in cerebrum possit, quā n. sursum euehuntur, ppea euehun- tur, quod à natūo hoīs calore alterentur: at sic opium alterari nequaquā posset. quin imò inferas potius partes peteret, atq. affi- ceret, vt frigidum. n. frigidis constaret partibus, quā imum pete- re, nec sursū repetere nata sunt. de succo papaveris altero opio loquens Galen. loco nuper citato, dixit, substantia eius à nobis non alteratur, immo potius nos alterat, & mutat: idcirco nec à nobis quicquam recipit caloris, & pro sua natura eas afficit, itaq; cū frigidus natura sit, & nos utique refrigerat.

Quemadmodum igitur non videtur sopor ab opio in frigido provenire posse, ita nulla subest ratio, ob quam per opij applica- tionem in externo quopiam dolente, atq; inflammato mēbro dolor, atque inflammatio tollatur. Non me praterit, causam istius ablationis doloris ab his, qui ipsum insignem refrigeran- di vim obtinere putant, assignari euidam partis affectū obstu- pefactioni, à frigidissima huius qualitate inductā. atqui si sic ef- fer, non ne longe magis prava affectio in parte efficeretur? talis .n. obstupescatio non aliud importaret, quam quendam partis mortificationē: adeo ut pars vel deinceps corrūperetur, vel intē- periret, atq. inbecillitatē insanabilē cōtraheret. quo simul fieret, vt, dū pars violētā hāc alterationē ferret, maiore adhuc ī modū dolore cōflicteretur, ab vno ad aliud extremū celeriter mutata.

Rursus in vehemētissimis dolorib. internis, à flatib. crassis, sedē extendentib. excitatis, opiū offerre salutariter solemus: num, si refrigerandi potestatem haberet, non ne magis eos perniciosos redderet, calorē hoīs refrigerādo, status maiore in modū increas- sando, oscula carniū cōstringēdo, & refrigerationē sedi maximā inducēdo? Amplius venena expugnare, aliosq. salutares in me- dicina valde expetitos effectus edere natū ē, quorū cā nullo mō adinueniri posset, si frigidissimā obtineret temperiē à qua alio- quin frigiditatis effectus elucerent: nihilominus quicumq. ab opio



opio producuntur, calidissimam redolent naturam, qua proinde donatum, insignem discutiendi vim obtinet, tum quidem solum assumptum, cum Erasistratus apud Dioscoridem aduersus basilici morsum impermixtum propinabat: tum praesertim correctum iis, quae quispiam de pingui eius humore tollendo, transitum ipsius ad corruptionem breuiorem, ac celeriore reddere nata sunt. qua ratione non solum venenosa vi spoliatur, sed expeditius, ac facilius in venenosas, atque alias tenues substantias sibi oblatis agit; & aequae per totum corpus diffusum, quicquid noxii, ac discipabilis est, facile tollit. hinc iure summo veteres cum opio admiscebant origanum, piper, rutae semen, atque alia huiusmodi percalidarum, atque tenuium partium; & contra ipsum ut proprium. ac peculiare alexipharmacum apposuerunt castoreum, quod apud Galenum calidarum, atque subtilium impense est partium.

Hoc itaque pacto opium propinatum saluberimum sit medicamentum; vigilantibus enim quam belle somnum conciliat, acerbis quibusdam fumis dissipatis, intemperiem cerebri calidam idducentibus, in maximis quibusdam externis inflammationibus, ac doloribus, dissipatis, ac fugatis tenuibus, ac vaporosioribus ebullientis, atque inflamantis sanguinis partibus, in colicis atque intensissimis doloribus, flatilius valenter discussis: nunc, & animali spiritu quadantenus digesto ac fugato, quo modo somnus quoque inducitur. in haemiplegicis, sanguine tardo ad motum reddito, per subtilioris illius partis, quae alioquin eum magis mobilem facit, resolutionem, in magnis autem confectionibus, contra has, vel illas contumacissimas affectiones excogitatis, ac fabricatis, adeo expetitur, ut nulla ferme ex his sic, quae opij quantitatem essatu dignam non assummat; atque ab hoc praesertim medicamento facultatem propriam non agnoscat: quando etiam venenato homini salutem expeditissime afferat, venenosa, discussa, ac fugata, auras haec atque alia admirabilia opera facit.

luberimam hoc medicamentum, ut calori-

fica atque insigni discussoria pollens fa-

cultrate, edit: adeo ut, sic deficere

contingere, medicinam

factiuiam quodammodo

maneam dicere pos-

semus.

Qua-



*Quatuor constituta venenorum genera, quatuor partibus nostri corporis constitutivis seorsim sunt infensa. Quæ sint ista. Quæque veneni genus sit, huic, vel illi parti peculiariter infensum.*

Cap. VII.

**V**identur quatuor iam constituta venenorum genera, ab vno veluti parente procreata, propria potētia hostilia cōtra humanum corpus arma inter se diuisisse, etsi enim ad istius perniciem cuncta in vnum conspirent: attamen vnumquodq; seorsim ex his genus hoc habet, vt vni membro sit peculiariter infestum, adeo vt cum quatuor sint, quatuor quoque constitutivis illius membris singulatim sunt aduersa solidis indifferenti, sanguini, spiritibus, & nervis, nervosisque partibus.

Obiectum noxæ venenorum prioris generis, solida sunt, & eorum præsertim, quæ primam, ac secundam statuunt speciē: quandoquidem sanguis, & species à postrema istius generis differentia æqualem cum solidis ferunt noxam non tamen immunes prorsus ob offensa illorum spiritus, nimium concalescenti secedunt.

Sanguini venena, quæ in secundo sunt ordine constituta, peculiariter sunt aduersa solidis: autem non officiunt, nisi quantenus, quæ de terreo in affatu digna quantitate capiunt, neque spiritibus, nisi vel fuerint impensissime ignea, vt venena aspidis, basilisci: vel quampiam contineant partem, quæ vt magis cocta, sic in vaporosiusculam abire substantiam nata sit.

Quæ uaporosam substantiam, cum actuata præferant, quæ tertium obtinent locum spiritibus peculiariter officiunt: non sanguini, quoniam obsistit, ut densioris substantiæ, nisi de deleterio plurimum fuerit assumptum: tunc enim secundum tenuem patitur partem: & solida postremò mirum in modum percalescentia, putrefactionem subeunt.

Quæ in postrema sunt reposita sede, nervis sunt specificè obnoxia: non solidis, quoniam terrestriora, ac calidiora: non sanguini, quoniam subtiliora, ac calidiora: non denique spiritibus, quod vaporosiora, ac simul calidiora esse vellent fortasse verò quæ

Q

hisce



hisce venenisue siccis, ac calidis minime datum est per uasa spariari, succis referta eorum naturæ aduersantibus: quam belle autem, ut exquisitissimi, sensus nervis sunt obnoxia, uiru in vno primum neruo inflicto, cunctis per propagationem communicato, sed insinuata horum omnium maleficia exacte sunt de cætero examinanda.

*Quot, quibusq; modis solida obledant venena ijs peculiariter obnoxia.*

*Cap. VIII.*

**Q**uemadmodum veneni actuati varietas in caussa est, ut membra, quæ constituimus esse venenorum maleficijs subiecta, non indifferenter, sed peculiari noxa lædantur: sic quæ inest in vnoquoque genere facit, ut singula eadem membra non vno, sed pluribus afficiantur modis: Quod in primis experimur in venenis, quorum scopus est solidis peculiariter officere, etenim erodunt alte, quæ terra magis sunt, erodunt in superficie, seu excoriant, in quibus de terreo, eoque valde elaborato parum inest. putrefaciunt verò, quæ præter igneum de terreo minus, de aqueo magis assumunt. Quamobrem triplici afficiunt maleficio venena solidis aduersaria; erosio fit, quod venenum, ubi ab homine fuerit ingestum, vi sua ignea, ac terrea sedem, in qua firmari contingit, corrumpit, calore eius nativo prius corrupto, eliquat successine; ac tandem terrestrium partium vi summe abstergit, quod importat erosionem: ut propterea venena ista iure fuerint erodantia uocata; sunt in horum numero arsenicum, resigallum, & alia.

Idem autem quod minus terrea, sed magis ignea sint venena hisce subordinata, excoriant tantum sedes, quibus adherere contingit; cutem nimirum membrorum, quæ pertranseunt, in ignea inflammant, mox corrumpunt, atque abstergunt: unde sicuti hæc minus alte erodere, ita magis inflammare nata sunt. & ob id aditus per quos acri, ac permolesta afficiunt caliditate, ut cantharides: quod facinus perpetrat quoque aqua caustica, vi qua pollet ignea ac terrea.

Obstat terrea aqueum, quo minus eliquare, atque abstergere sedes, in qua procumbit venenum tertiæ differentię constitutum.



uum. corrumpit tamen ac mortificat illas calida, atq: acri, quæ insigniter præstat potentia: hinc ex eo quod corruptum idem sit seu putrefactum, iure hæc putrefactiua uenena fuere dicta: quorum maleficia extenduntur quandoq: ad sanguinem magis, ac spiritus, si quidem uenenum minus terreo, magis aqueo polleat.

*Quot, qualesque inferant sanguini noxas uenena ei specificè infensa.*

Cap. IX.

**E**St triplici pariter sanguis lethali subiectus maleficio, ubi in uenenum incidat. suæ naturæ aduersarium corruptioni sine proprii coloris amissione: corruptioni totali: & corruptioni fermentationique simul: adeo ut, cum ad hunc peruenit terminū, uenenosus, ac fermentosus iam est. hanc triplicem maleficii differentiam statuit uenenum minus, aut magis calidum, subtileq: uelim autem per corruptionem te intelligere non eam, quæ putrem dicit sanguinem, sed quæ citra quampiam putrem corruptionem, formæ sanguinis importat destructionem. ubi enim sanguis propria natura ac forma spoliatus est, & corruptionem, uenenositatemque in se admittit, nō amplius formaliter sanguis, sed massa est toto genere præternaturalis. cum autem huiusmodi uenena homini occurrerunt, uelut per ictum uiperæ, aut aspidis, statim per quam tenuissima facta non solum per uenas, & sanguinis ambitum diffunduntur, sed in ipsius etiam concalefacti ac rarefacti porositates, citra absurdum penetrationis corporum, se insinuant.

Igitur quantum ad primum maleficio, ut luculentior, ac clarior sermo euadat, quædam alia leuiora subnectere hic prius placet. etenim trahitur sanguis in quandam igneam inflammationem, cum obuiam sit sibi uenenum, si uenenum meretur dici, cuius humor paucissimus est, idemq: coctus, ut uenenum styiale, amphisbene, pareæ, apum, uesparum, & similium: ideo quod illico actuationem subit: igneam, inquam, statim mutuatur substantiam puram, humore nil suo contrario reluctante, sed in eius naturam transeunte, unde non solum affectæ partis sanguinem, sed ipsam etiam partem inflamat, ut propterea eadem ab impensa statim caliditate, rubore, ac dolore corripiatur.



Sed id maleficiū sicuti venenositate carere videtur, ita quāpiam redolet, cum sanguis ab obiecto veneno turgescit, at quāprimum suum esse naturale recipit, veneno ex se ad summum rarefacto, ac soluto. gestant huiusmodi venenum quēdam reptilia minimum venenosa, ac quidam parui bufones; quod sicuti defleat ab illa caliditate, qua cetera præstant, ita nō admodum densa est substantiæ; vnde remissa caliditatis ratione, etsi sanguinem venenati hominis excalefaciat rarefaciatq; vt illum turgere necesse sit: remissa tamen hoc perperrat, vt propterea lāsū a fera membrum, quod ad sanguinis turgentiam, intumescendam sibi est, parū intumescat, eademque ratione sanguis citrà corruptionem turgat, & veneno in aerem digesto, suum pristinum esse summit: ac demum lento pede venenum transit, a quo humore crudiusculo, ob ignei paucitatem sufficienter obsistente: vnde sicuti membrum affectum paulatim intumescit, sic paulatim decrescit. At ratione raritatis (respectiue) substantiæ virus parum loci spatium occupat, adeo vt intumescencia, inflatione, quæ sanguinis turgentiam consequitur, in manu vel pede a fera percussio terminetur. quod sanguis turgidus, tumenque factus quandoq; incorruptus remaneat, ob seruamus in ijs, qui ab huiusmodi veneni occurſu inflati, sine quopiam consilio, paucis diebus sanantur: didicimusq; a circulatoribus, qui ab epoto, vel alio modo in se excepto veneno valde intumefacti, quamprimum a super assumpta antidoto pristina corporis formam recuperant.

Subordinatur huic venenum, quod sanguinem non solum reddit turgidum, sed etiam corrumpit, colore proprio seruatō (quod est primum ex insinuatīs maleficiū) ideo quod in caliditate magis eleuetur, vt obsistere nequeat oblatu sanguis; quasi per vltiorem incalescentiam, aliqualem in se admittat corruptionem. qua de causa cum maior veneni intensio maiorem importet substantiæ densitatem, fit, vt largius longiusq; diffundatur in sanguine venenati membri, adeo vt inflatio, quæ alioquin per venenum, de quo iam modo, occurrens in manu remissa, terminaretur, per hoc eodem, eadem veneni quantitate data, totum brachium intensa occuparet. hinc fit quoq; vt celerius percurrat, & inflatio, quæ per illud ad sui maiorem magnitudinē dies exposuit, per hoc si non horis, saltem contractiori tempore perficiatur; igneo in suum contrarium magis impetente, & a sanguine leuiorem inueniente obsistentiam. Sanguis hic secundum eam, qua deprauatus est, partem, quandoq; resoluatur, aut rursus



coquitur ad alterius symetriad , si quidem levis sit corruptio: alioquin, vbi in suppurationem abiit , per plura à membro affecto expurgatur vlcuscula.

Succedunt in ordine venena , quæ vt impensius ignea , sanguinem insigniter à se percalefactum , rarefactumq; mirum in modum reddunt turgidum , sauiusq; excoctum naturali ac proprio dimouent colore , vt pro veneni differentia flauus aut croceus , viridis aut liuidus , vel niger efficiatur . & hæc sicuti magis ignea existunt , sic vbi occurrunt , per quam citius actionem admittunt , & longe amplius diffundantur : adeo vt non in vno duntaxat velut ictu crure , aut brachio terminatur , sed per totum celerime diffunditur corpus . inditium istius rei est totius corporis intumescencia; hinc , si celeriter alexipharmacis non occurratur , interitus sepius adest.

Consequuntur alia quæ sicuti cuncta in caliditate superant , sic maleficium , quod in homine perpetrant , pessimum omnium est : non enim trahunt in turgentiam sanguinem sed vi , qua pollent impensissime ignea , tenuibus illico , & aquosis orbaturum partibus totaliter corrumpunt , & venenosa simul induunt natura , vt iam venenare sit aptus . venenosum posse fieri sanguinem , declarant apertissime noxæ , quos lethales contrahit homo , cui , bouem à veneno per ictum feræ inflicto interemptum , excorticare contingit : maxime si is cultro se venenoso sanguine insperfo vulneret , quandoquidē eius caro sine noxa tangitur , comediturq; . Sicuti autem manifestum est , non alia ratione fieri venenosum , quam per quandam cum veneno commixtionem , & ipsius corruptionem : ita capta videtur difficilimum , quomodo venenum , quod est tota quædam ignea substantia , possit cum sanguine misceri , ac vnā efficere mixtionem venenosam , cum intersit inter venenum , & sanguinem proportio nulla . circa hæc sic sentio . sanguis , vt sanguis non potest esse veneni , seu formæ veneni susceptiuium : at vbi sit per corruptionem materia veneno proportionata , potest euadere alterum venenum . euadit autem , vbi ab obiecto calidissimo in se agente , orbatur ac otioribus , ac calidæ naturæ aduersantibus partibus , naturamq; desuper comparat calidam , ac veneno coadæquatam , tunc enim veneno quodāmodo saturato , & in materia sibi consimili reddita , conquiescente , vnum quid coalescit venenosum . cuncta hæc sanguinis maleficia licet facitanti medico in regione , quæ venenosa nutrit reptilia obseruare , atq; inter se distinguere .

Com-



Commixtio hæc, ac sanguinis corruptio parum dissimilis mihi videtur à commixtione fermenti cum pasta, quæ per fermentum remanet corrupta, & fit fermento coadequata, vnde vna formaliter massa fermentosa coalescit. agit autem fermentum proprio acore in pastam, per humiditatis consumptionem, ac sui ipsius introductionem, vt placet Hippocr. in 2. de diet. qui proinde panem fermentatum leuem esse asserit: sic vinum quo magis accessit, eo magis decrescit, quoniam interim resoluuntur partes aquosiores, & acori contrariæ, quemadmodum enenit, & sanguini à veneno pertractato.

Perpetrant hoc maleficium venenosissime quædam fere vt aspis, chelidonium, basiliscus, quorum virus vbi per vulnus, aut alio modo homini occurrit, illico actionem accipiens, celerime per vasa cuncta velut aura factum spatatur. ad differentiam veneni contagiosi, igniculorum inquam contagiosorum, qui æque valent sanguinem corrumpere, ac fermentosum reddere sed non per sui diffusionem, vt qui præ exiguitate sint insensibiles, & non æque ignei, densæq; substantia, ac harum ferarum venenum; sed modo fermentatiuo per partem post partem. sanguinem nimirum, sanguinisue particulam primo obuiam sibi factam, introducetes se, in quodam calido, atq; acri esse ponunt, ad cuius esse tota deinceps sanguinea massa idem esse sensim contrahit, fermentaturq; cum sit illud certum, quod per exigua massæ fermentandæ pars fermentata se habet vt fermentum in totam: vnde sanguis, qui primo venenum in se admisit, exceperit; quantus iste sit, se habet vt fermentum in subsequentem sanguinis partem: & hæc rursus in succedaneâ, ac sic successiue, quousq; tota sanguinis massa est fermentata: ignea namque vis, in sanguinem primo introducta, non otia- tur, sed agit, vt quod contangit reddat sibi simile, quæ vbi complete introducta est, ab actione saturata cessat; vnde vsuuenit, vt quo tempore sanguis, qui primo venenum in sinum proprium abscondit, fermentatur, proximior quoq; à fermento exercetur, sed differenti fermentationis gradu: namq; dum ille in tertio, sanguis proximior in secundo, & huic succedaneus in primo acoris gradu pertractatur, adeo vt vno, & eodem tempore reperitur in homine, in quo fermentans venenum introductum est, sanguis, qui non à fermento est tactus, qui parum, quique multum, & qui fermento est expletus, & hic percalidus, atq; acere existit: non tamen æque, ac contagiosus igniculus, cum à sanguine primum excipitur: quoniam sicuti tunc temporis valde



valde calidus est, ab humano calore per maiorem adeptam extenuationem ad actum plene reductus, ita successiue amittit de propria caliditate vltius rarefactus, vsque quo ad gradum caliditatis sanguinis, supra modum à se concalefacti, descenderit: tunc enim ambo vnus facti naturæ, in vnum commixti coeunt. Idem quoq; euenit sanguini, cui sit obuiam venenū diffusiuum: non enim prius cum ipso miscetur, quam ab ipso fuerit, modo quo dictum iam est, insigniter concalefactus; & ipsum venenum per vltiorem rarefactionem remissius factū, peruenerit ad coadequatum caloris sanguinis gradum: hinc sanguis venenatus longe minus calidus est, quam venenum, à quo: quod non euenit fermentato pani, qui reducitur à fermento ad eundem gradum, si nihil obstat, in quo ipsum est: quoniā cum militent ambo sub vniformi substantia, subiecta quoq; acoris materia, vt longe admodum venenorum caliditate inferior, non agnoscit quampiam in actu proprio rarefactionem; sed quem acoris gradum retinet, illum in oblatam sibi pastam exerit: & propterea interciditur non alio modo fermenti acor, quam per crudi panis in clibano appositionem, mirum in modum subiecta eius materia rarefacta, atq; exsiccata.

Ideo autem quod in venenato hominis corpore sanguis nō æqualiter fermentationem accipiat, & cum sæpe in altero duntaxat illius latere fermentum vegetet, ad alterum nondum peruentum, sit vt noxæ in affecto quoq; duntaxat latere elucescant, vt suo loco explicabimus. hinc quoq; puto, vsuuenit vt, cum duo contangunt sanguinem venenati à fera bouis, & ex his alter duntaxat afficitur, & alter illesus remanet, propterea illum affici, quod sanguis obuiam sit sibi factus venenatus, alteri minime talis. sed modus, quo fermentans venenum percurrere per sanguinem docuimus, tardus valde est, ad differentiam diffusini.

Vnde queritur hic quoto temporis spatio fermentosum hoc venenum manifestetur, à tempore inquam, quo primum occursum est homini, ad tempus, quo fermentatus sanguis à putredine correptus febrem, aut abscessum facit, & quidem si decretum publicum, de suspectis lue pestifera probandis, attendatur, videtur summum temporis spatium esse quadraginta dierum; sed ad hunc vsq; terminum numquam peruenire arbitror, sed propterea à sapientioribus sancitū fuisse, hominem de lue contagiosa suspectum per quadraginta dies esse probandum, vt in re tanti momenti caute ageretur, quoniam mihi ipsi



ipsi persuadeo per raro ad diem vigesimum peruenire; sed maiori ex parte infra hunc diem elucescere, ratio est, quoniam longius tempus debet proportionaliter respondere tempori, quo noxę citissime elucent; hę autem sunt mors repentina, quę citra febrem nonnunquam euenit, ac si venenum de genere extitisset venenosorum reptilium: adeo vt attenta hac aliquandiũ percurrendi celeritate, coniiciendum est, cum tarde repit, noxas esse semper elucescendas intra ambitum vigesimę diei. Faciunt ad celeritatem, vel tarditatem maior, vel minor veneni caliditas, dispositio sanguinis patientis, atq; tempus anni calidum, vel frigidum. etenim obseruavi in quibus suspectis obseruadi fuit mihi studium, astate ut plurimum in prima, hyeme explicari venenum, intra secundam, aut tertiam hebdomadam.

His sic circa venena sanguinis corruptiua cum ratione statutis, quis à me quęret, cur, cum venenum sit quid igneum, venenose agit, flamma tamen ignis haud venenosus, sed combustiuos parit effectus. sit responsio: propterea quod flamma quid simplex est, citoque mirum in modum rarefacta labens, non venenum, quod, quia substantiatus est ignis, moram trahit in transitu, & permiscetur subiectam materiam per corruptionē reddens venenosam; quod flammę haud quaquam cōcessum est. sic pasta, sic uinum fermentantur, non si flammis offerantur, sed ex fermenti, & aceti permixtione.

Nec quis miretur quod à quamminima, ac sepe insensibili veneni mole per morsum, aut ictum in affecto membro relictı, possit adeo diffundi, ac dilatari, vt totum venosum, arteriosumque genus de se expleat: quoniam hunc scire velim, venenum præsertim impensissime igneum, tantę esse densitatis substantię, vt rarefactum incredibile loci spatium de se replere valeat; vt argumentari licet ex immensa fere flamma, quę ex pauca olei, per elichaium accensi quantitate, elenatur vt, si oleũ, quod in respectu venenorum frigidum est, accensum, adeo est sui ipsius diffusiuum, quid arguendum superest de venenis, quę ignis quidam sunt insinuat hoc ipsum Ioannes Leo, dum scribit in Nubia, reperiri quoddam venenum, quod ad vnus grani pondus decem homines propinatum iugulat. quia immo Petrus Apponensis de uenenis, tantam esse scribit uenenorum agendi potestatem, ut in insensibili quoque mensura homines interimant.

Quo-



*Quotuplex, ac Qualis sit noxa, quæ à venenis spiritibus, ac nervis speciatim aduersis inferitur. Cap. X.*

**E**T si, quæ peculiariter spiritibus sunt obnoxia, æque vitales; ac animales obledere sint nata; attamen offensa uidetur peculiaris animalium, ideo quod substantia, in quam abeunt, actuata, uaporosa, ac rara existens, sursum ex sui natura repit, quæ ubi in cerebro sedem iam sibi statuit, duo huic tenui, atq; illustri substantiæ grauissima infert mala. etenim si uenenum tenue splendescensque, & incoctis orbatum partibus extiterit, ut opium actuatum spiritum animale quambelle dissipat, ac fugat, ut hinc suboriri sopor necesse sit tenebrosus, sed nihilominus percalidus ut mandragora, ut iusquiamum, eundem spiritum confundit, supra modum excalefacit, ac successiue corrumpit, unde & sopor, atque alia graua symptomata cerebri simul repletum, & concalefactum consecretur. idem perperat cicuta in primis secundum tenebrosas actuata partes: ac igneis, tenuibusque explicatis, uitalem dissoluit ac dissipat spiritum.

Venena unis ferme malefica nervis, triplici afficiunt maleficio, lancinando, uellicando nervos; motus conuulsuos excitando: & calida acrique eos afficiendo passione: ex quibus postmodum affectibus varia, atque admiranda suboriuntur symptomata.

Mordicat, ac vellicat virus, ubi homini recutrit, phalangiorum, scorpionis, ac tarantulæ: sed differenti modo: illorum circa nervorum superficiem dispersum versatur. tarantulæ in eorum etiam profundo figitur. est enim virus illorum quadantenus rariusculum, ob aqueum coctius; & quod minus acre sit, ideo quod de terreo nonnihil minus capiat, minorem infert molestiam. At densitas ueneni tarantulæ, resultans à qualitate aquei, facit ad penetrationem, & æqualem in loco diffusionem. plusculum eius terreum, ad maiorem lancinationem: aquei uero, ac terrei, quanta ista sit, cruditas, effecit quò egre perfectam subbeat actuacionem, qua aquei, ac terrei quantitate, ac qualitate attenta, uenenum hoc magis inferas, quam superas corporis partes occupat, atque affligit.

R

Come-



Comesta herba Plutarchi, ac Sardonis, seu qua in vaporosam, eamque impensa igneam acremque substantiam commigrant, sursum repentia, maxime sunt cerebro infesta, & terrestrium partium vi, motus excitant conuulsivas, sardonis in cerebro, infra herba Plutarchi, ut quæ plusculum de terreo capiat; secundum quam partem vel in cerebro haud peruenit, vel inibi peruenta, rursus declinat in subiecta membra.

Virus canis rabidi noua quadam neruos induit natura, sicca, inquam, ac calida, non per sui diffusionem, sed per partem. post partem, rependo modo fermentatiuo: qua de causa non solū neruos, sed neruosas etiam, ac spermaticas omnes partes coafficit: neruus enim, neruosaue pars primum sauciata à veneno calida, & sicca, qua ualet potentia, in quodam calido. atq. sicco acri esse ponitur, quo & ipsa proximā coafficit; cōmutatq; & in eo esse ponit, in quo ipsa est; & hæc subsequētē, ac sic succelsiue, quo usq; per propagationē totū aequaliter secūdum totam sui substantiam neruosum, spermaticumque genus, quemadmodum sanguinem fermentari docuimus, ad naturam ueneri est commutatum; quod fit ita paulatim, ac sensim, ut nulla tristis subsequatur sensatio: adeo ut non prius sui notam uenenum det, quam per totum sit spatiatum corpus, & in sublimi arce constiterit: quo tempore mira, ac lethalia deteguntur symptomata, ut suo loco videbimus: est autē virus hoc neruis spermaticisque membris ita specificè aduersum, ob complexionem, atque exquisitissimum eorum sensum, ut si per morsum rubra tantum caro fuerit vulnerata, nulla subsequatur offensa, temperatura carnis humida, nec non sanguineo succo, quo semper est referta, aduersantibus.





# LIBER TERTIVS

De Pestilentibus, ac Venenosis  
Morbis.

*Quid tractatum fuerit, & quid nunc  
tractandum sit.*

*Cap. I.*



Um sit de natura uenenorum ad actum perdu-  
ctorū, differentijs, eorumdemque effectibus ge-  
nerice pertractatum: modo de iisdem speciatim  
agemus: quę nimirum symptomata, quos unū-  
quodq; ex notioribus uenenum in homine ve-  
nenato producat effectus, ac qua ratione hæc  
fiant, iam sumus explicaturi: quo fiet ut, quę admirabilia, ac  
capiti impossibilia arbitrata fuere, eadem, ut rationi vndequa-  
que consona, cuiuscumque plana, ac perspicua fient.

*De venenis solida Ledentibus.*

*Arsenico, resigallo, calce, sandaraca,  
auripicmento.*

*Cap. II.*

Q Vemadmodum in complexione, ac natura parum inter se  
euariant uenena hæc, ita mala ab his illata parum dissimi-  
lia inter se sunt, & sola intensione, aut remissione differre ui-  
dentur. sunt autem ex Dioscoride, Aetio, & alijs dolor ven-  
tris venenati hominis, & intestinorum, cum graui morfu, &  
erosione: quibus malis accedere consuevit estuatio, sitis.  
Ideo enim quod præter igneam ex crassa terrea consistit

R 2 sub-



substantia, non datur ipsis ad iecur, maxime si in arida ingesta fuerit substantia ascendere posse, sed vel in ventriculo, vel intestinis, aut utroque loco firmata, vi ignea, qua pollent accrima, proprię sedis calorem mortificant, ac successiue illam corrumpunt eliquant, atque exedunt, ut subsequi acutum dolorem, grauem morsum, & æstum necesse sit.

### *De Cantharidibus.*

#### *Cap. ij.*

**C**antharidum mala recensens Dioscorides li. 6. cap. 1. inquit, accidunt his, qui cantharides hauserunt ut ab ore usque ad vesicam erodi illis videantur, picis. aut cedrino liquori simile aliquid in gustu obseruatur. inflammantur his dextra præcordia, vrinæ angustias patiuntur, sapius per eam sanguis fertur, quin etiam excernuntur per inferna eis qualia intestinorum difficultatibus excerni solent, defectibus animæ, ciborum veluti ex repletione fastidijs, & vertiginibus laborant, mente tandem alienantur. addit Aetius, vrinam suppressi. (Ducuntur, ubi sint ab homine cantharides assumptæ, ad vesicam, interim ductus omnes, per quos, impensa sui caliditate ignefaciunt, & insigni ob terreas partes acrimonia quadantenus abradunt, eademque de causa dextrum inflammant præcordium, ventriculoque à quibusdam earum particulis tunica eius adhærescentibus lancinato, cibi fit fastidium, ac si valde esset repletus. at secundum partes earum tenuiores, ad cor translata animi inducunt deliquium, vitali spiritu fatiscente, & sursum effumantes, picis saporem, atque odorem de se præbent, sic eorum substantia non dum prorsus alterata ferente. & ubi in caput peruenerint, spiritum turbant animale, ac deprauant, temperiemque cerebri corrumpunt, ut hinc vertigines, visus obscuritates, & mentis alienationes consequantur.

Sed hic duo scitu digna discutienda veniunt. primum est, cur, cum cantharides ad ciendam vrinam valde polleant, in usumque medicorum sæpe numero veniant, scriptores tamen referant difficultatem, immo & suppressionem eiusdem parere. An quod per assumptas cantharides, causa difficultatis vrinæ; suppressionisque eadem est, quæ & expurgationis, sed modo  
vrinam



Vrinam prouocari, modo supprimi contingit, pro ratione quantitatis, in qua assumptæ fuerint. etenim expurgant per vrinam; si qui sunt, qui aditus impediunt, fundendo humores, serumque attenuando, vbi commixtæ correctæque, & in pauca, congruaque fuerint assumptæ quantitate: at cum in copia assummi contigerit, vbi ad renes peruenerint serum, ceterosque humores non solum subtiliant, sed etiam ad se aduocant, & sanguinem liquant, vt is sepe numero excernatur; & propterea confertim, nulloq; ordine descendentes vrinæ difficultatem, aut etiam suppressionem inducunt.

Alterum est, cur cantharides sint vesicæ peculiariter infensæ, vt inter alios scriptum reliquit Galenus lib. d. ther. ad Pis. c. 4 & 10. 3. sim. c. 23. 1. d. com. med. pergen. cap. 1. & ipse noui hominē, qui ab assumptione medicamēti, in quo cantharides ab infesta sibi vxore superiniectæ, vbi cetera accidentia fuere sedata, morsum ac dolorem in projectione vrinæ, quæ frequentissime cernebatur, ad interitum vsq; passus est. Galenus a tota earum substantia prouenire scribit. phisica ratio est, quod etsi transitus, per quos, acrimonia, atque aliquali abrasione afficiant, æque forsitan ac vesicam; nihilominus offensa videtur, & est vesicæ peculiaris, quod medicamenta, quæ ad tollendas has noxas offeruntur ad vesicam vel non perueniant vel saltem imbecillima, & a lotio, de quo inibi semper inest, quodque pro exsiccatione sedem affectam humectet, correctæ, vt fieri nequeat vlcusculum quodpiam difficilimum in hoc membro inducatur: præsertim quod inibi decumbunt, firmaneturque secundum pōderosiores, ac propterea acriores partes. Sed cur, intestinis hoc non vsuuenit? Dic quod vbi ad regionem iecoris peruenerunt, per naturales ductus ad vesicam cum sero amandantur. Est autem ipsis, vbi ab homine fuerint assumptæ, iter à ventriculo ad iecur ob loci caliditatem, quæ cum attrahere nata sit, ipsarum etiam actuata substantia suo simili vniri velut appetit.  
& ob hæc euenit hoc ipsum cæteris etiam venenis.



*Dleporo Marino.*

**D**E hoc animali loquens Dioscorides lib.6, cap.30. sequitur, inquit, marini leporis potum sapor virosus similis in gustu corruptis piscibus: procedente tempore alius dolore vexatur. supprimitur vrina: & si quando erumpit, purpureo est colore. auersatio aliorum piscium sudor grauis odoris. biliosus vomitus, & aliquando cruentus. Nicander, Aetius, Auicennas addunt inter alia subsequi etiam icterum, & carnem paulatim contabescere, pudendi inflammationem, & tumefactionem, sputumque cruentum: tale autem sputum videtur comprobare, quod in lib.d. Eher. ad Pis. c.4. & i.d. com. m. per gen. c. i. scribit Galenus, leporis marini proprium esse pulmonem offendere. Caro huius animalis etsi terreas quasdam partes, ob quas erodendi vis illi inest, cum igneo multo iunctas in profundo abscondat: maiori tamen ex parte ex humidis ac percalidis constat, secundum quas ab homine assumpta in primis actuat: vnde virosus, teterue in primis, ac similis putrefactis piscibus sapor inducitur, propterea quod animal hoc in ceno degit, ex Eliano lib.2. d. hist. an. cap. 45. accedente percalida, atque humida carnis qualitate, putrefactioni potius, quam coctioni subiecta: qua de causa stomachatus homo ex hoc abominando sapore postmodum auersatur ab aliorum piscium esu, & sudor, qui manat, generatricem habens hanc humidam, & calidam, atque incoctam materiam, grauis est odoris. hinc successiue terrestrioribus, ac calidioribus partibus explicatis, alius dolore vexatur, vellicata. supprimitur vrina, ob tumefactum membrum, vt placet Aetio: vel quod sanguificatrix facultas pre ignea violentia sit sublata, aut corrupta: quo casu neque feri subsequitur separatio, ac successiue nulla redditur vrina, qualiter postremis diebus, cum iecur secundum sui totum corruptum, vel refrigeratum est, hydropicis vsu venit. hinc quod sanguis supercoctus, biliosus euadat, icteritia, carniū contabescencia, & biliosus vomitus locum habent. pudendum inflammatur, ob virus eo maxime decumbens: sagax enim natura ad emunctoria, quo ad sibi est, reiectanea amandat: vt mirum haudquam sit, si virus inibi confluxum sanguinem ad se trahat, qui, si excernatur, purpuream reddit vrinam.

Reliquum est, vt ratio afferatur, propter quam ex Galeno marini  
rini



rini leporis proprium sit pulmonem exedere, vt inde sputum cruentum subsequatur. circa quod ita sentio, si de hoc quidem animali plurimum fuerit assumptum, non minus hoc, vel illud membrum offendi, quam pulmo, vt propterea vis erodendi in genere fuit ipsi assignata; in tali enim casu omnes prope corporis partes veneni violentiam sentiunt. verum vbi parum, & cum alio cibo comestum sit, ita vt exigua hæc quantitas transeat sub nomine cibi, tunc dico maleficentiam ad vnum peculiariter pulmonem spectare, ob id, quod sanguis, qui ex carne marini leporis, cum alio cibo commixta & ingesta gignitur, per calidus, biliosus, ac subtilis est, talem autem cooptat, talemque trahit pro sui nutrimento pulmo, teste Galeno in 4 de alim. & alibi cum autem sanguis hic à pulmone allectus nondum sit ex toto confectus, non totus probus, sed quasdam in alto terreas, atque igneas nondum victas partes, vt calori natiuo pernicaces, abscondat, sit vt vbi probæ in alimentum sint consumptæ, improbæ, & inalteratæ supersint, quæ, ad actum tandem reductæ, pulmonem exedunt.

### *De Ephemero.*

**P**RURITUM, inquit, Discorides, lib. 6. c. 5. toto corpore sentit nec aliter quam si scilla, aut vrtica vreretur, si quis ephemerum, quod colchicum, siue agrestum bulbum aliqui nominant, hauserit: erodentur præterea illi interanea, & cum ponderosa gravitate stomachis ardores adsunt: inualescēte deinde malo cruenta aliquando stricmentis carnis mixta per aluum feruntur (ephemerum præter quasdam tenues, atque impense calidas, quasdam etiam terreasque calidas includit partes. illæ igitur ad actum prius reductæ, ac per corporis ambitum diffusæ pruritus, atque vitionis sensum inducunt: dein verò terreæ, in conspectum se ferentes, interanea exedunt, & ardores circa stomachum cum sensu gravitatis (ob spirituum partis resolutionem) excitantur. successive maiori in ventriculo, & intestina erosione facta, cruenta, ac ramentosa per aluum feruntur.

*De Salamandra veneno Putrefaciente. C. IV.*

**S**alamandra ex Dioscoride loco citato cap. 4. assumpta lingua in primis inflammationem, & cum torpore, resolutionemque quapiam tremorem, ac sermonis impedimentum affert. liuescunt etiam in orbem quadam corporis partes, permanēteque veneno sapius corruptae decidunt. quāvis hac abominanda fera prater igneas terreis primū, atque aqueis polleat, non secus tamen tenuissimas alias summe calidas assummit, quae quamprimū actuatā linguę in primis inflammationem, ac mox resolutis, qui huic mēbro inseruiunt spiritibus, torporem resolutionemque, a qua sermonis impedimentum inducunt. inde sedes, ad quas secundū crassas terreas, igneasque partes virus decubere contingit, putrefactae liuescunt: etsi quidē non profligetur, sapenumero ad summū mortificatae, & ab alia separatae decidunt. sunt alia in hoc genere venena, quorum symptomatum, effectuumque causas poterit vnusquisque hac eadem arte facile adinuenire: neque enim singula in vnoquoque genere sunt nobis persequenda, ne ad nauisam succrescat.

*De Venenis sanguinis corruptiuis.**De veneno viperae Cap. V.*

**C**um insinuatum sit, uenena uenenosorum reptilium sanguini esse peculiariter aduersa, iam modo uidendum, quae mala in animante singula hac a se uenenato pariant; sumpto autē vipera, ut fera notiori, exordio, a cuius morsu Dioscorides, Aetius, & alij hac potissima mala subsequi tradiderunt, exire primum a vulnere sanguinem, deinde singultum sanie sanguinolentam, & oleosam. tumorem subrubrum; feruidum, deinde liuidum, ac denigratum. pustulas ambustis similes, depascens, vlcus: ardorem corporis, inflammationem circa iecur: os exiccatum exolutionem, tormina, biliosum vomitum, singultum: spiritum & anhelitum celerem, capitis grauitatem: tremorem, soporem, urinae difficultatem, colorem plumbeum, frigidum sudorem. Non mirum si sanguis, qui primo fluit ostendat nullam suscepisse corruptelam, ut qui statim exeuendo veneni vim ceu effugerit. verum qui venenum in proprium excepit sinum, corruptionem sui facile ostendit, exiens non qualis ex natura est, sed ut sanies sanguinolenta, & oleosa tumet,



tumāt, rubescitq; locus, à veneno inflammatus: mox liuidus, ac niger efficitur, calore eius nativo corrupto: in quo etiam pustulæ vt ambustis similes excitantur, quippe virus igneum quid est, idemque carnem depascens, ratione terreæ igneque simul partis, quæ ad diffusionem inepta, in sede affecta, remanet. corporis ardor, iecoris inflammatio, oris exsiccatio, sequuntur venenum secundum eam potissimum partem, quæ magis cocta, & elaborata est. exolutio à sanguinis corruptione, & spiritali substantia labescente venit. tormina sunt intestinis, aut lancinatis, aut extensis, à flatibus in cruda materia percalefacta à viru excitatis. & bilis, si quæ inest, euomitur, ventriculo contra noxia se mouente. quæ quoque de causa efficitur singultus. anhelitus celer, corde estuante, & refrigerio admodum indigente. capitis grauitas, tremor, sopor, spiritus animalis lethalem sequuntur offensam: à qua etiam vrinæ venit difficultas. color tandem plumbeus, ac frigidus sudor, natui calidi extinctionem, sanguineæque, ac spiritalis substantiæ corruptionem testantur.

### *De Veneno Dipsadis.*

**D**E dipsade, quam Aetius viperæ speciem facit, loquens Dioscorides, cum quo ceteri sentiunt, hæc habet. vrget à morfu dipsadis statim intolerabilis ardor, sitisque tanta, vt nec expleri, nec intermittere possit: potionesque copiose infusas quidem hauriant, eadem tamen semper sitis sit: nec aliter sentiat, quam si à principio nihil hausissent: neque ex continuo poculorum haustu aliquid sitis decrescit, sed idem semper & equalis totius sitis habitus est, quam ob causam ab vrendo prester, & ab ardendo causus dipsas etiam dicta est. subdit Aetius duobus igitur pereunt modis, aut ob multam sitim exusti, si potum non assumant: aut ob multam repletionem distortus rumpitur venter.

Venenum hoc, quod impensissime igneum est, ideo quod aqueum, ac terreum, quantula hæc sint, in eo remisso assummat cruditatis gradu, qui remissior esse nequit, sit vt vbi homini occurrat, tum illico aduersionem accipiat, tum & non minus caribus, quam sanguini ad instar veneni amphisbenæ, & vesparum, mordacissimum se offerat: non enim harum humiditates absummit solum, ichoremque omnem dissipat, sed eas quoque ignefacit, vt ardorem intolerabilem, nec non ardentem, & inexplebilem sitim consequi necesse sit: adeo vt languentes al-



cera ex duabus ab Aetio significatis de causa interitum subeant : accedant huc, qui omne serpentum genus frigidum esse putent, & videant, num effectus isti frigidam redoleant causam.

### *De Veneno Hamorrhoi.*

**Q**ui ab hamorrhoo vulnerantur scribitur à Dioscoride, & Aetio graues dolorum vexationes sustinere : breuia angustaque reddi penitus eorum corpora : & vndeque sanguinem profluere ex cicatricibus, si quæ sint : cruentaq; egeri excrementa : pro vrina cruentum in grumulos sanguinem destillare : eicique per tussim, per vomitum sanguinem. de femina hamorroide addit Aetius angulos oculorum sanguine manare, & gingiuas dentium & vnguium radices : & subdit, vt simpliciter dicam per omne corpus sanguinem efferre contingit.

Venenum istud, quod igneum in quodam summo est, ob id quod plusculum de terreo, quam alia in suo genere venena assummat, fit vt actuatam venenati à se hominis sanguinem adeo subciliet, atque agitet, vt oscula venarum dirumpi, atque reserari necesse sit : vnde ceu tortis ac diruptis visceribus, grauissimi consequuntur dolores : & sanguis feruefactus attenuatus, impulsus, atq; agitatus ab omnibus corporis emunctorijs, & cunctis partibus erumpit. vasis autem inanitis, euacuatis, atq; arefactis, non possunt non breuia, angustaque reddi venenatorum corpora.

### *De Viru Dryni.*

**A** Morfu dryni, iisdem scribentibus, sequuntur percussi loci dolor, vehemens, pustulae repentes, ac tandem mortificatio ipsius, à quo aquosus aliquando humor fluit : subinde corporis siccitas, vomitus, vrinae, suppressio, tremor, vocis interceptio, stupor : quorum omnium causa facile potest colligi ex ijs, quæ de veneno viperæ sunt declarata. rursus à Galeno, Aetio, & alijs traditur, supertransuentis hominis pedes excoriari, & tumorem ingentem circa crura induci : (Excoriantur pedes, cute à virulento corrupta spiritu, qui in penitiora se condens, & valde turgidum reddens sanguinem, crurum inducit ingentem tumorem : rursusq; aiunt curantis ægrum manus excoriari : ) sic nimirum contractu calidissimæ, atq; acerrimæ rei ferente



## De Aspidis veneno.

**P**unctura similis ex Dioscoride, & quantum fieri potest exigua, & sine tumore est aspidis morsus: sanguis non multus verum exiguus, & niger destillat. hebetatur quamprimum oculorum acies, totoque corpore multiplex sed mitis, nec sine voluptate dolor: mutatur color, virescitque, frons continue contrahitur: sine sensu palpebræ veluti conniunt: & inter hæc mors adest nec tertia diei parte dilata. Sed non erit inuenustum hic adijcere, quæ de punctura huius feræ scribit lib. 9. d. hist. anim. Elianus cap. 61. morsuum inquit vestigia ita per purum apparentia aspis imprimere dicitur, ut indicia vix oculorum acie deprehendantur: cur vero sint tam obscura, ignotaque causam hanc esse audio ipsius veneni ad transmittendum peracutum, mirabilique celeritate ad intima transitionem faciens: cum enim hæc ipsa morsum efficit, venenum non eminet, & apparet, sed sub cutem subiens intra meatus bene penitus subest, atque sic ad intimam delabitur, ut nihil extet, atque emineat, quare ab Octavianis Cleopatraz mors non facile oculis comprehensa est, nisi tandem sero admodum ex duobus punctis difficilibus ad videndum, ac comperiendum animaduersis mortis obscura significatio deprehensa est: alioqui aspidis tractus vestigia manifesto apparent his, qui historiam horum animalium teneant.

Est venenum aspidis in extremo igneum: sed quoniam eius aqueus humor non est æque coctus, seu est quadantenus magis crudiusculus, quam qui diptadidis, propterea venenum hoc actuatam intra limites totius calidæ substantiæ, omnium, excepto veneni basilisco, tenuissimum est. & non versatur circa solida, ut venenum diptadidis, sed circa tenuem, ac spiritalem substantiam, qua celerime perrepens sanguinem priuat, ac venenat. cui spiritui & sanguini sic tractato respiciens in lib. 6. cap. 70. Dioscorides dixit, venenum aspidis sicuti, & basilisci spiritum, & sanguinem in venis gelare. hinc etiam locus ab aspide punctus non tumet, nec inflammatur, sanguisque niger non quidem exit, sed destillat, ut crassus & ab exiguo effluens foramine: colorque mutatur ad virescentem: oculorum acies hebetatur: palpebræ sine sensu fiunt: conniunt vero ob frontis contractionem, ob nervos calore & animali spiritu priuatos subortam. ille autem per totum dolor multiplex sequitur: nervos passim a viru disperso expunctos, sed leuiter, ac ob id mitis est, nec sine voluptate, ad instar titillationis, quæ inducitur non sine aliquali hominis molestia, ac simul delec-



tatione. interim præceps adest interitus, à sanguine venenato, ac spiritibus labescentibus accitus. vnde non mirum si aspidem sine doloris sensu occidere scribitur. testatur id ipsum Plutarcus in vita Marci Antonij in casu Cleopatræ, & affert historiam Elianus loco cit. cap. 62. de quodam circulatore, inquit, cum Pompeius Rufus Romæ ædilitium munus obiret quinquatrijs, ut solet in Romano foro fieri circulator, alijs permultis, qui eandem, quam is ipse artem facitaret, circumstantibus ad suam ipsius ostendendam sapientiam, simulq; ex artificio suo specimen dandum, aspidem ad brachium admouet, & ex impresso morfu malum exuggit, cum postea non aquam, quam sibi præparauerat exorbuiisset, quod ea esset subducta, ex insidijs nimirum vas fuerat euersum, veneno non exhausto, neq; eiecto, secundo post die sine doloris sensu, cum sensum, & pedetentim pernacie veneni illapsa eius os, ceteraque membra extabuissent, vita priuatus est. (vbi sanguis corruptus est, ut tabescant membra, & animalis spiritus dissipatus, ut mors sine doloris sensu subsequatur necesse est.

### *De veneno basiliscæ.*

**P**ercussos, inquit Aetius, ab hac fera totius corporis ardor committatur, itemq; liuor: defluunt capilli à corpore confestim, & in instanti mors sequitur. (Ardor totius corporis effectus est veneni impensissime ignei, quod propterea natium calidum extinguens liuorem inducit; vnde alimento, & radice pilorum corruptis, eisdem defluere necesse est. & cum venenum hoc in intentione cuncta alia superet, interitum, per quam celerime totum hominem percurrens, subitaneum affert.

### *De Rana rubeta, mutaq; palustri.*

**H** Austæ inquit Dioscorides rubeta, vel muta palustris rana tumores corporis cum eo pallore faciunt, ut buxo similes videantur. super accedunt spiritus angustia, animæ, & spiritus fetor, inuoluntariusq; seminis fluxus. (corporis tumores turgentiam sequuntur sanguinis: color buxi, eius corruptionem. respirandi angustia, tumorem turgentiamq; consequitur: aut sedatum à virulentis vaporibus cor, vitalemq; spiritum esse arguit. quæ etiam de causa spiritus exit fetidus. singultus fit ventriculo mouente se ad excretionem absurdissimæ rei: qualiter & vasa spermatica siue stimulant, siue à tumore compressa, semen à se trudent.



*De veneno contagioso, seu contagiosis  
fermentosisq; igniculis.*

*Cap. VI.*

**Q**ui de contagio tractarunt scriptores, erudite, ac luculenter, quantum rei obscuritas ipsis permisit, naturam, ac causas explicauere: at nixi in falsis principijs non bene contagiosorum seminum, ab ipsis sic vocatorum, rationem explicarunt: vnde & quomodo semina hæc hominem inquinent, quæ qualioq; mala producant, vel subtraherunt, vel male collegerunt. hoc est, quod in hoc capite simpliciter exaggerandum. & quoniam visum est, horum esse sanguinem corrumpere, ac fermentare, superest vt iam videamus, quæ mala ex hoc corrupto, ac fermentato, quaq; ratione excitentur. Sed prius vnumquemq; scire velim hos igniculos cum homini obuiam fiunt, non minus intra corpus excipi per vniuersæ cutis poros, quam per inspiratum, qui per os efficitur, vestimentis non obstantibus, cum facile hæc permeent, à calore carniū attracti: inde à cutis poris excepti venosum, aut arteriosum quodpiam vasculum ingrediuntur, successiue ratione anastomasis, in plura diuificantur vasa. cum vero per oris inspiratum excipiuntur, quamprimum ad vasa cordi proxima perueniunt, atq; inde amplioribus successiue, sanguinem corrumpendo, ac fermentando comunicantur. Quod si quis quærat sensum ne inferant, dum in carnes se insinuant: dico fieri prope non posse, quin aliqualem, seu stimuli sensum inferant: at cum amuletur forsan pruritus, vel stimulus quempiam leuem, ac cito euanescentem ab homine non obseruari.

His sic prælibatis duo potissima mala ab hoc contagioso, ac fermentante veneno, medio corrupti, ac fermentati sanguinis produci comperio, febrem & abscessus, silentio tamen non est prætereundum aliquandiu contingere, contagione in gentem sauiente, vt quidam ab excepto in se veneno ex improviso concidant. cuius rei causam, duplicem autumo: An quod, liquores, qui in cordis ventribus sedent, & vitam ex Hippocrate in lib. d. cor. homini conferunt, ab intromissis per oris inspiratum abundanter igniculis à primo ferme impetu corrumpuntur. An quod, cor venenato prius sanguine, obsideri contingit, quam putrescentiæ sanguinis deor locus: quod tunc vsu venire rationabile est, cum venenum per vtramque inspirationem liberaliter introductum, totum

quam



quamprimum corrumpit sanguinem, ut sequi interitum necesse sit. sic à corruptione sanguinis inducta à viru venenosa fera febris non solet sequi, interitum ob sanguinis corruptionem præueniente, priusquam corruptus putrescat sanguis. huiusmodi interitum quidam ex ministris experti sunt in publico ægrotorum loco Ciuibus Brixienfibus adaperto, & inter alios Medicus Gallus eidem loco deputatus.

Vbi igitur sanguis fermentatus iam est, febrem, concepta in se putredine, facit, fieri nequit, inquit Galenus 9. meth. 5. quin sanguis, putrescat, vbi naturalem bonitatem semel amiserit, cum etiam quæcumque præter naturam in calido, & humido consistunt loco, ut putrescant necesse est 1. agn. t. com. 42. Hæc autem alias magna, acutaque, & penitioribus partibus valde molesta: alias parua, atque alteri aduersa. cum intestina præsertim vasa febris focus sunt, illam attendes. propterea enim quod intestinus hic focus supponat fermentationem vigere in amplis vasīs, atque hinc celerius fermentum percurrat, fit ut, cum febris incipit, fermentatus iam sanguis multus sit. vnde ratione copiarum febris magna, ratione loci fit acuta, atque interna.

At cum per extrariam corporis superficiem fermentatio serpit, parua tenet febris, contrarijs de causis. verumtamen si quispiam interim abscessus non elucescat, qui vitiatum sanguinem perfecta in se excipiat, aut copiosus sanguinis fluxus non superaccedat, corruptione vltierius repente, & in penitiora condente se, æger, qui leuiter prius ægrotare sibi videbatur, tandem ex hac longe, lateque spatiata, viribus ad summum resolutis decedit.

Quandoque tamen parua se habet etiam si fermentatio in absconditis sit ausis diffusa, cum feedatus sanguis non totus, ratione puto, frigida eius naturæ, sed tantum quædam pars, quæ scilicet prius fermentum in se excepit, putrescit: quo nihilominus casu mors celerima adest, non quidem febris, sed corruptionis diffusæ ratione. quoniam causa, ob quam sanguis non totus simul, sed per partem post partem putrescit, eadem est, ob quam à putredine tarde corripitur: vnde cum febris primum accenditur, corruptio iam vaste spatiata est. hinc fit, ut homines, quibus tale contingit, antequam ægrotent, decolorati graciles, ac ferme sui dissimiles fiant: adeo ut, qui in suspicionem excepti contagij talem faciem gestant, hi ut quamprimum lethaliter ægrotent, est expectandum, quibus solet superuenire quispiam imperfectus, ac mortis nuncius abscessus.

Eiusdem est fermentati sanguinis bubones, ac carbunculos, nihil à pro-



à proprio veluti parente degenerantis, efficere. Scuti enim veneni in homine concreti est, huiusmodi abscessus procreare; ita & sanguinis, ubi iam sit veneno isto fetus. etenim ex ijs, qui ex fermentante veneno laborant, multi ab his abscessibus corripuntur: cuius rei causam duplicem agnosco; alteram corrupti, ac fermentati sanguinis acorem, à quo natura stimulata ad expellendum, quod molestat insurgens abscessum facit: alteram locum particularem, quem idem sanguis ut plurimum occupare solet: quandoquidem siue per cutis oscula, siue per os venenum fuerit introductum, per vnum vas, aut quidem plura, sed sibi proxima ac cognata proserpit; unde naturæ tempestive expunctæ datur facultas, eundem in vnum ferme coactum, in vnum amandare, ac collectitium facere abscessum: quod datum haud sibi est, ubi diffusa per corpus sint, præsertim si acrimonia careant excrementa.

Contingit autem, ut alias febris abscessum antecedit, alias vero in vnum ambo coincidunt; nūno vero abscessus præcedat, aut stet pro toto morbo. Quandoquidem igitur vitiatu sanguis putrescat, prius quam natura stimuletur, iam scis tunc febrem præcedere: quod vsu venire putabis, cum fermentum in amplis spatietur vasis; ut quæ tardius ab acore fermenti tangantur, ob insignem eorum caliditatem, in aeris præsertim homine caloris; nec non quod vasa hæc minus expedite valeant, ob amplitudinem, reiectanea, ac nocentia à se repellere; unde febris per diem, vel dies affligit, antequam abscessus fiat, quod prauum semper obseruamus.

Febris & abscessus vno & eodem tempore elucet, cum ab inchoata putredine, quæ febrem importat, explosio simul sequitur; & perseverat donec vitiatu sanguis in abscessum totus corripuatur: partem etenim cum, ut plurimum non possit totus, ubi primum efficitur abscessus, in partem transmittit, relinquitur in venis pars, quæ, ut fermentosa serpendo, & sanguinem corrumpendo nouam materiam febre parat, unde si naturæ conatus præueniatur, ut homo tandem succumbat, necesse est: si autem naturæ conatus euincat, sanguine vitiatu probe tandem expurgato, salus accedit.

Præcedit febrem abscessus, quando acris stimulus præuenit putredinem. etenim etsi ator proprie explicetur, cum fermentatus sanguis putrescit: attamen aduatur quoque quadamtenus dum à fermento exercetur, cum fermentatio quædam sit ex Plutarco putrefactio lib. prob. prob. 107. maxime ubi sanguis quandam



dam incallescere, quæ dispositionem ad putredinem subeundam dicit, fuerit adeptus. sed hoc vñ venire putes ijs non qui mordaci videntur calore, sed quorum calor ratione ætatis, ac temperamenti vt puerorum, pituitosorum, quamcumque acrimoniam molestant habet. in his igitur natura ab acore, quantus iste sit, tempestive expulsa, sanguinem, vel sanguinis partem fermento expletam trudit: febre postmodum subsequente ex putredine eiusdem in sedem amandati: vt plurimum enim in hoc casu, nil de fermentato in venis relinqui solet. hinc semper bonum est, abscessum præcedere febrem.

Abscessus stat pro toto morbo, quando ante putredinem, totus omnino sanguis viciatus in partem abscedit, cum paucus est: ideo autem paucus, quod fermentum lento pede serpsit per quædam ambitus corporis vasa: & propterea euacuato penitus fermento, abscessus salutis securitatem afferat.

His sic de bubonibus, ac carbunculis in genere præmissis, seorsimam de vtriusque sermo est absoluendus. Quandoquidem igitur fermentum in vasis amplioribus dominetur, solet sub axillas, aut sub inguina bubo, aut bubones in vtraque parte attolli, sed vt plurimum exigui, imperfecti: ideo quod, cum natura trudit, solet semper multum de sanguine esse viciatum, qui a natura non potest apte in vnum cogi: adeo vt, si latius fuerit fermentatio spaciata, si quidem quicquam abscedat, papulas efficit: quæ si super erumpant post bubonis extuberationem, sunt vastæ corruptionis indicium: quo casu bubo, vel bubones, qui prius erant magnitudine conspicui decrescunt, aut euanescent, quoniam sanguis, qui erat ad glandulam missus ab intestino incendio rursus intra venas aduocatur, quod in quibusdam quoque malignis, vel pestilentibus febribus euenit nonnumquam: quod sicuti est prauum, ita a sene ad omnia intento fuit in 2. ep. sec. 3. damnatum, cum dixit, tumores glandularum deteriores, qui in acutis ab initio decrescunt. attamen & in hisce partibus, vt perfectas in quibusdam salutaribus conspeximus: quos etsi non inficior potuisse effici fermentatione in intestinalis vasis vigente, vt plurimum, tamen factos sentio eodem in extrariz regionis serpente venis, cum excipi venenum a vasculo quopiam glandulæ cognato, vel proximo contingit: hinc quosdam bubones sub inguina factos obseruavi, qui in ob longitudinem effatu dignam, atque admirabilem efformati erant: arguentes sedatum sanguinem ab vno potissimum vase per carnes distributo in glandulam corruare, atque successiue sede in carne occupata præposterum fieri.

Solent,



Solent, qui in Salutem terminantur, bubones saepius suppurati rarius insensibiliter resolui. suppurantur, cum deprauatus sanguis, e venis in copia excisus, & in grandulam, & circum, adiacens spatium illapsus, a se ipso conculcatur, obruiturq; vnde sede valde repleta, & extensa, & poris tantimode stipatis, putredinem conclusus concipit, a qua sedis inflammatio: interim idem sanguis effervescebat, tandem pus efficitur, quod pus est sanguis, non quidem exustus ac veluti cinis, vt sentire videtur Galenus 2. aph. 47. sed tamen suffocatione quodammodo elixatus, idemq; fit coloris albi, si probe commutatus, & alimentitius extiterit. & ideo fit coloris albi, quoniam vbi per hanc sanguinis corruptionem sine alia substantiales qualitates amissa, remanent chilosa: vnde numquam persuadere mihi potui, vt crederem fieri album ob conceptaculorum tunicas, neruos, membranas, cartilagines, ossa, vt idem auctor insinuat i. preg. t. com. 42. spectat enim inflammatio ad carnem praecipue musculosam, quae ipso teste lib. 1. tum. num. ca. 2. sensu vndequa; consentiente, rubra est. vnde pus non album, sed ob rationem, in quo ipse nititur, fieret rubrum.

Resoluantur bubones, quando sanguis in partem illapsus, paucus, nec compactus est; quae de causa a calore partis, qui in hoc casu conseruatur, mirum in modum rarefactus, in vaporosam, atq; insensibilem digeritur substantiam. hinc hi minus duri, calidi, ac dolorosi existunt.

Contigit quandoq; vt bubones retrocessi, per copiosissimum sint soluti sudorem. modo duobus affligentibus, alter duntaxat repurgatus alterius quoq; materiam excepit: vel alter supputationem, alter resolutionem est sortitus; vel si carbunculum bubo comitem habuit, euanescebat, per hunc interdum euacuabatur.

Carbunculi contagio in gentem seuiente frequentes visuntur, quorum productrix materia est modo venenum in homine concretum, modo fermentatus sanguis. & de illis quemadmodum, & de pestiferis bubonibus suo loco dictum est: hos autem fieri sentio maiori ex parte, cum in vasis circumferentia corporis serpit fermentum, qui sicuti cum leuiore erumpunt febre, minori; inflammatione, nec altas habent radices, & minimum depascuntur, ita pestiferi, cum vndiq; ignem expirent, nigri efficiantur, profundius insideant, & late depascantur, grandiores, nec non frequentiores sunt.

Porro, & illud non ignorandum est, quod sicuti vnus carbunculus, vnus bubo perfecte abscedens indicium est venenum vnam duntaxat corporis partem occupare: sic plures carbunculi, plures bubones



babones arguunt vt plurimum, plures illud idem obfidere partes, aut in medullis stationem habere: vtroq; modo salubrius est, plures efflorescere obfessus, id quod satis comprobatum fuit in superiori peste.

His sic de fermentante veneno statutis. vnum superest discutendum, cur per fermentantes igniculos, quicquid austrino putrescente sanguine pestilentium quarundam febrium causa atolluntur, abscessus in correptis non contingunt, sed febris duntaxat continens, eaq; valde lethalis. An quod natura tunc collectaneum efficit abscessum cum stimulata est, materiaq; in vnum coacta. vtrumq; autem abest in hoc casu: cum enim acrimonia parum valeant, per oris etiam inspiratum duntaxat excipiuntur, quæ res sicuti declarat sanguinis corruptionem spectare ad sanguinem in amplioribus vasis insidentem, ita scimus non à leui hæc tangi acrimonia, vnde vna citra abscessus locum habet febris.

Quod igniculi isti per oris inspiratum tantummodo ab homine intermittantur, inde arguo, quod nequeunt, vbi, e morbo corpore effluxerint, ius totius substantiæ diutius gaudere: vnde si ab homine iuxta ægrotum stante per oris inspiratum non fuerint excepti, ad aeream quamprimum properant formam: idcirco vagantibus huiusmodi febribus domestici, ac ministri ægrotum duntaxat inficiuntur: contagiumq; istud nequit alienis offici, & ad distantem locum per fomites comportari.

*Circa contagij communicationem Auctoris sententia, vbi difficilima sed præclara quædam aperiuntur, vnde, & obiter legitima Magnetica attractionis causa in lucem prodit.*

*Cap. VII.*

**N**E quid tractationi de contagio desit, propriam aperiā circa istius communicationem sententiam, vt Reipublicæ, sanitatisq; moderatores, atq; vnusquisq; sciat, quomodo gerere se in pestilenti, ac contagioso statu debeat. circa quod vt prius sciatur necesse est, ad hoc, vt quis contagio afficiatur, requiri, vt contagiosum quod-



quodpiam corpusculum excipiat introq; admittat, vnde ægrotare habeat. quare tria in communicatione contagij concurrere conspiciamur. corpus, à quo corpuscula hæc eleuantur: medium per quod: & corpus ad quod, quod est subiectum susceptivum. hæc, quæq; ad hæc pertinent in præsentī capite consideranda, atq; examinanda veniunt. Corpus, à quo, vel est vivens, idest homo, vel cadauer. corpus vivens, quod est in potentia ad contagium communicandum, tribus modis considero: aut quatenus sanum, sed quod venenum, vel viciatum sanguinem per contagium communicatum in se habeat, vel quod ex hoc, aut illo humore putrescente ægroter. postremo, cum citra morbidam causam internam, vestimenta habet hisce inquinamenti fixata.

Primo modo nequit expiratu, aut contactu inficere quempiam? requiri, ad hoc vt inficiat, vt à se morbosū quicpiam effluat: ac liquido constat, nil morbidi posse effluere improbis succis secundum rotam sui substantiam quiescentibus: hinc Arist. prob. 4. sec. 7. dum quærit qua de causa morbus est contagiosus, sanitas vero non, quoniam, inquit, morbus consistit in motu, sanitas in quiete.

Obicij potest luem veneream quandoq; ab homine infecto communicari famiæ, etiam si ille idem nullam sentiat noxam. igitur, & pestilens contagium. & firmatur quoniam eadem lues communicari solet ab homine, vel femina nulla febre detentis. Dico fieri nequaquam posse, vt morbus siue causa morbi communicetur, nisi à subiecto, à quo subiecto, ad quod morbosum quodpiam intercurrat, impertiaturq; vnde morbus sit producturus: adeo vt, cū lue venerea quis viciatus, etiam si sanus, luis causam mulieri in concubitu communicat, non efficit hoc spiritaliter, sed morboſi, ac fermentati seminis medio, in muliebria pudenda ei aculati, à quo postmodum mulieris sanguis quandam comparat fermentationem: potest enim quis luem veneream, fermentumue luis venereæ in se habere, eandemq; communicare, etiam si nullam sentiat noxam, etiam si nesciat ipse tale fermentum in se gestare: puta hoc vsu venire illi, qui acuto mordaciq; gaudet calore, supra quem in acutie gallicum venereumue fermentum minimum, aut parum eleuatur, vt hinc semen, & sanguis istius hominis, qui in temperie, ac fermitate calori eius nativo responderet, & subiectum istius fermenti est, leuem adeo suscipiat fermentationem, vt nulla inde illi accedat noxa. Hac de causa quidam in iuuentute gallicum morbum minime sentiunt, etiam si illius in se gestent fermentum, at, cum ob vltiorem ætatem, calor diminuitur, & sanguis frigescit, manifesta elucet incommoda. qua etiam



ratione fermentum variolosum non solet iuuenibus, ceterisque vterioris aetatis hominibus esse infestum, sed pueris, ac quibusdam adolescentibus, ut qui blando, suauique praediti calido, acrimoniam omnem habent aduersam. verum illud idem venereum fermentum, quod respectiue ad natium hominis calidum, minimum acre quandoque est, supra mulieris calorem eleuatur, ut muliebre sanguinem, medio virilis seminis fermentosi, corruptionem efflatu dignam suscipiat, corruptio enim ac fermentatio, quae tum in alio, tum in sanguine perpetratur, eatenus perpetratur, quatenus agens corruptiuum in acutis caloris calorem sanguinis oblatis sibi animatis superat, non alia ratione sanguis viperinus humanum sanguinem corrumpere natus est, quam quod calore acriori supra humanum praestat. sic mulier morbose menstruata, aut morbida vetula amplexari a se pueruli, sanguinem acri, ac malefico expiratu quandoque sedat, fermentatque hinc pueruli corpus, ob defloratum, ac fermentatum sanguinem debita nutritione fraudatum, marcescit: quae affectio, perperam causae supranaturali assignata, fascinationis nomenclaturam est adepta. sic phthisis communicari solet iunioribus ab aduultioribus, per putres atque acres vapores a pulmone sanioso sublatos, non vice versa: quoniam habent aduultiores calorem in aerimonia putribus vaporibus, vel respondentem, vel vincen-

tem. Ad confirmationem, dic diuersam esse rationem communicationis contagij pestilentis, a communicatione gallici morbi: quandoquidem pestilens per igniculos inter communicantem, ac communicatum intercurrentes, gallicus vero communicetur per immediatum contactum corporis deturpati cum sano, medio concubitu, qui communicationem importat fermentantis seminis, aut alterius acris humiditatis: unde ad differentiam illius, qui venenum in se habet concretum, non est necesse, ut febricitet ad alterum sedandum, qui gallica lue tenetur. est enim non iecur, ut alioquin in medicina est receptissimum, sed sanguis venerea noxa subiectum: qui ubi ab acri fermento est sedatus, multiplicium existit causa morborum. etenim ubi genitale membrum sit a tali fermento contactum, & eius sanguis viciatus, statim eliminatus, facit illa vlcuscula, quae, caroli, vulgariter dicuntur: vel goneream acrem, si quidem peruenerit ad vasa spermatica fermentum: vel si ulterius processerit, & iam venosum genus infra iecur occupet, ex corrupto, & abscesso sub inguina in glandulas sanguine, tumores fiunt, qui bubones dicuntur quod si fermentatus sanguis usque adhuc non abscedat. fermento maiorem in modum se diffundente, & repente supra iecur,



cent; ex vitiato tandem sanguine, & in hanc, vel illam partem decumbente, abscessus, variosq; morbos, symptomata, ac febres produci necesse est. velim autem tu audias, sanguinem ab hoc fermento non adeo fadari ac fermentari, vt prorsus inutilis totus euadat: quoniam eius est fermentatio adeo leuis, vt pro maiori parte alimentitius sit: scilicet vbi dulcem eius membra attraxerint partem, repudiant acrem, quæ postmodum superstes diuersorum tandem existit causa morborum. ad differentiam sanguinis ab acrimo pestilenti corrupti fermento, qui altam adeo suscipit noxam, vt totus inutilis ac præternaturalis euadat. sed cum sit gallicum pestilenti fermentum longe minus acre, ita superat in acrimonia variolosum, cuius propterea obiectum ætas duntaxat existit molli. Quamobrem vt ad disputationem redeamus, pestilens venenum communicari nequit, nisi venenosi succi putrescant.

Verum hic vnum quoq; admonitum volo, vt, peste austrina seueniente, caute agat, solusq; si sibi concessum sit cubet: quoniam solet venenum ex improviso moueri, & homo primam morbi inuasionem subtricare, vt leuem, aut æmulantem quampiam aliam sui familiarem affectionem, aut præ timore, cum etiam maximopere verear, ne venenum tota moueatur substantia per horas, vel dies, antequam homo sentiat se esse læsum, quod ijs duntaxat vsuuenire scias, quorum venenum vnum est exquisite tale, quod motu suo putri non inferre febrem, sed totum in contagiosissima pyridia abire natum est.

An autem, cum ægrotat homo (quod est secundum considerandum) contagiosus sit, distinguendum venit, ægrotet ne ex angustia se procreato, ac ex vitiato, ac putrescente, per communicatum fermentum, sanguine. Quod priori modo sit, nulli dubium est: dubitatione minime caret, an altero modo contagionem expiret si vulgi ac medicorum quorundam, qui superiorem pestem ob vñ contagium vagatam esse arbitrati sunt, opinionem attendamus, dicendum, quod sic. Sed vt paucis nos expediamus, nulla ratio est hic homo proprii morbi communicatus. quoniam, cum sanguis fermentatus non obtrineat illam caliditatem, qua alioquin opus esset ad subleuandas fermentosas faditates: caret etiam illa substantiæ densitate ac lentitia, quanta ista sit, quæ ad eos efformandas exquireretur. alioquin pestilens contagium foret perpetuum, & vbi ab vno incepisset cunctis successiue mortalibus communicaretur. sic propterea gallica, ac variolosa febres, à quodam alio fermentato sanguine pendentes, contagione omni carent. Sic, circa hoc firmissime sentio. rarum quoniam arduum est pestilenti huiusmodi



huiusmodi tempore distinguere; ægrotet ne homo per venenum; an per contagium, propterea salubre est, ab omni recedere ægrotato, usque ad eum terminum, quem Christiana charitas dicitur.

Postremo potest quis alium coinquinare, cum vestimenta habet contagiosis halitibus sedata, seu quod ægrotis ministraverit, seu alia de causa: proinde saeviente peste rutilum nequaquam est, extra proprios lares quempiam contingere. hæc de corpore vivente.

Cadaver venenum in se habens triplici pariter modo, aut in triplici tempore considero; vel, ut de recenti tale est, quo tempore carnes ad sensum adhuc calidæ sunt: vel spatio quodam tempore transacto, quo tempore existunt frigidæ, vel cum totum putrescit. Priori modo potest inficere non minus quam si adhuc vivens esset homo; inquinamenti successive ex ipso effluentibus, cum tali tempore humores adhuc sint in motu: cum vero refrigeratum est, & humorum putredo cessavit, ratio vult, ut nil morbo si expiret: quod cum à libitinarijs publico egrotantium loco ministrantibus fuisset tandem animadversum, immunes postmodum pro maiori parte à contagioso veneno evasere: cum alioquin superiores cuncti fuerint sublati. quamvis, & hoc iure assignari possit ægrotorum qualitati, cum ij, qui primo ægrotarunt, ex veneno ægrotaverint, & mortui sint: qui postremo, ut plurimum per communicatum contagium. quomodocumque hoc se habeat, ab omni cadavere abscedere, bonum est. tertio modo cadaver rursus contagiosum existit: putrescentibus enim carnibus, rursus, si quieverint, humores putrescunt. hinc iure optimo. Prudentes statuerunt, ut nulli pestifero tempore cadaveri in vrbe detur tumulus, nisi certo scietur, ob morbum citra pestem hominem esse defunctum. neque fides est habenda cadaveri, quod signum pestiferum gestat nullum, quando longitudo temporis præcessi morbi non suppleat, quoniam istud est magis extimiscendum, quam quod bubone, vel carbunculo est signatum, indicium est enim venenum, vel retrocessum esse; vel præ insigni crassitie non potuisse à centro amoveri; vel præ venenositate, homine quamprimum defuncto, locum abscessui datum non fuisse, utcumque se habeat, pessimum in uniuersum tamen hoc habent præmortuorum corpora, ut videantur secundum dorsum præsertim extremum fuisse flagellata. verum, quibusdā seruatis, optimatum cadavera tuto in vrbe perhumari possunt. Erat secundum considerandum instrumentum, seu medium per quod sordes contagiosæ à morbo corpore sublatae ad aliud deferuntur, hoc est, vel quoduis corpus, vel aer. inter cetera nata sunt hæc excipere, ac conservare indumenta, ac suppellectilia pellicea,



pellicea, atq; lanæ, mox lineæ, ac lignea, quæ, vt sedata, vocantur fomites: hæc, si contrectentur. homo itidem sedatur, vt agrotare necesse sit. Aer, qui est vrbis, vel alterius loci ab austruina peste confecti, extimiscendus est, præsertim illius domus, vel cubiculi, in quo æger iacet, vel iacuit: quoniam contagiosa corpuscula, vt leuissima, per aerem facile volitant, aere præsertim calido existente, & spiritu aliquo flante. quapropter cura adhibenda est, vt egri ab ipsa primū morbi inuasionē sint vel ex vrbe exportati, vel, domestici omnes præter ministrum ab egro illico separentur.

Circa subiectum susceptiuum, quod est postremū, vnusquisq; contagioso huic veneno obnoxius est: adeo vt fieri prope nequit, quin homo morbidus fiat, vbi venenum hoc in se admiserit. quosdam tamen attendi chirurgos empiricos, qui pro miraculo à cunctis, quos curauerē languentibus incolumes discessere. quibus, si venenum obuiam factum est, vt credibile maxime est, dicendum, ex purulenti sanguinis, carnisq; putridæ contrectatione hos validam in se excepisse vim alexipharmacam, quæ potuit sanguinem eorum à veneni postmodum intromissi noxa vindicare. est enim venenum remissum exterius illitum, ægregium alexipharmacum, qualiter scorpio contusus ex Dioscoride, & vulnere à se illato super impositus hominem à morbo liberat. sed hæc rem habebimus in subsequenti libro vndequaq; apertam.

Vnde hic vnum enodandum venit, cuius difficilimæ resolutionis speculatio per plures dies intellectum meum exercuit, & est, Cur multi ex his, qui à contagiosa venenosaue hac lue semel euaserunt, curæ, atq; administrationi peste laborantium fidentissime se offerentes, illæsi, vt plurimum ab iisdem discessere. An quod in sanguine istorum relicta est ex priori fermento acris quædam qualitas, ob quam venenosi, fermentosiq; athomi sanguini postmodum obuiam facti discutiuntur, resoluunturq; etenim cum sanguis, vt iam visum est, per partem post partem fermentetur, (vt fermentatur pariter, qui à putrescente venenoso humore bubonum, ac carbunculorū salutarium productrice causa, tangitur) sed adeo, vt vno, & eodem tempore detur pars sanguini, quæ exiguum acorem, pars alia, quæ effatu dignum: alia quæ fermentum plene in se excepit, sit, vt natura, cum abscessum excitat, repellat à se, eliminatq; sanguinem, qui acorem ad sui stimulum potentē excepit, superstitē, qui lenem, ac contemnendum contraxit. hic igitur successiue serpens, & totum Sanguinem in suo esse, quantus iste sit, acri ponens, se habet, vt alexipharmacum contra contagiosos igniculos postmodum sibi aduenientes, vt sanguis hoc acore

sicuti



sicuti, & acore putrefacti veneni peritus, de cetero a corruptione vindicetur: qualiter quispiam theriacæ, vel alterius antidoti potentia munitus, ab auris venenatis, atq; venenis ebibitis præseruari a venenositate solet: qua etiam de causa Mithridates Rex, vt ferunt historiar, a venenis, sed minime vnquam potuit. Sic Marsi citra noxam serpentes comedere consueuerunt: quemadmodum, & vetula apud Galenum in 3. sim. cicuta nutriebatur. eademq; ratione puella illa venenorum esui assuefacta non venenari, sed venenare poterat. Elianus in sua de animal. hist. lib. 16. cap. 27. de Psyllis ex Agathartide scribit, neq; phalangiorum mortiferis vulneribus vt ceteros homines affici, neque scorpionum aculeis lædi solere. & rursus in cap. subsequenti ex Calliæ historia de hisce sic habet. cerastas pestiferu morsum infligere solere, etenim bestias ratione carentes, & homines interficere, nisi libicus vir natione Psyllus ad curandum accesserit. hic sane siue auocatus, siue fortuito aduenerit, & plagam adhuc tolerabiliter dolentem viderit, sola salua dolorem mitigat, & perstringit: si perculsum offenderit ægerime dolentem, intra dentes per multam aquam haurit, & os suum primo ex illa colluit, post vero eam in poculum eiectam vulnerato exorbendam tradit. quod si veneni acerbitas acrius inualecat, hic ægrotanti nudus accumbit nudo, & proprio suo corpore morbi vim frangit, & malo hominem liberat: ad quod probandum amplius testis est Nicæder Colophonius, qui testatur Psyllorum gentem quam syrtis pascit non modo non lædi ictibus serpentum, sed alijs mortalibus ictis auxiliari. hæc Elianus. ex quibus patet, quibus officere venena non possunt, intus Habere quoddam fermentum, quod se habet vt quædam facultas alexipharmaca, quæ occurrentis sibi veneni vim frangit. diluitq; atq; adeo quandoq; validam esse, vt humanum corpus, talem effundens qualitatem, potens sit venenum, in alio agens corpore, a se amplexato, profligare.

Sed hic. maxima oritur difficultas, quandoquidem non videtur qualitas alexipharmaca, fermentumq; in humano sanguine vegetans, venenum in se adueniens superare posse, cum sit venenum intensus calidum, atq; acre; alioquin videretur actio a minori provenire. Solues hanc, si dices, quod calida alexipharmaci vis, ad venenum æquatum comparata, vt plurimum est in caliditate veneno intensior, quod hæc præferat igneum putum solutumq; venenum, vt tota quædam substantia, illud idem ab humore (sætem comparatiue tali) quadantenus reusum. Dic rursus, quod alexipharmaci facultas non versatur in oppugnanda calida veneni qualitate, sed in veneno, quod est substantiata caliditas, discutiendo, ad  
sum-



summumq; resoluendo, quod vi sua calorifica obtinere solet. in hoc enim consistit veneni profligatio, ut suo loco videbimus.

Quod autem sanguis acer, ac fermentosus, qualis est factitius, ex assueto aliqualis veneni esu, ut qui Mithridatis, Marforum, vetule, puellę, Psyllorum, quique a veneno fermentante, nec non putrefacto veneno fuit contactus, venenum quodpiam præsertim fermentosum euincere sit potens, quo minus quampiam ferat noxam, discas si mente agites, quod venenum, ubi sanguini occurrit, non explet illum ab ipso primum contactu de se totaliter: sed sensim, & per gradus: qua enim pollet calida atque acris potentia, sanguinem sibi oblatum acrem in primo, mox in secundo gradu efficit, ac sic successive per multiplicatos actus in eo esse acris ponit, in quo ipsum est, modo si sanguis, cui venenum hoc obuiam fieri contingit, fermentoso acoro sit factus, non sinit ratione acris sui evaporatus venenum venenosam in se aduenientem potentiam in suum peruenire, sed pro ut in se explicatur, successive eam frangit, diluitque rationem maioris retinens. est hic acer evaporatus, seu expiratus in quibusdam ut Psyllis maxime validus, atque efficax, ut etiam a toto corpore undique promanet. forsan autem isti pro sui alimento serpentibus, aut similibus utuntur feris, ut nequeat fieri quin fermentum istorum aut venenum quodpiam, aut validissimum existat alexipharmacum. Viget, & in humano sanguine fermentum variolosum, variolarum causa, quod posteris successive per semen genitale fermentosum communicatur. sentiunt hoc dumtaxat pueri, ac quidam adolescentes, ut qui præ calidi innati mititia, ac suauitate acrimoniam quoque remissam habent infestam. de cætero etiam si in sanguine istorum superstes degat, ubi per variolas eruperit (extuberat enim is solimodo, qui putrefactus alias fætiditates habet comites) nulli notam sui dat, ideo quod postmodum eorum calidum per maiorem humidi radicalis consumptionem acrimoniam comparans fiat acori fermenti adequatum. Quidam etiam gallicum venereum intus gestant, quod per concubium immediate contrahitur, adeo, ut communicatus homo noxam huius veneni quamprimum sentire consuevit videtur hoc in acrimonia variolosum superare: quandoquidem cuiuscumque ætatis hominibus sit infestum. utrumque hoc fermentum sentio in humanis corporibus primum fuisse contractum, qua planè ratione in præcessa nostra peste relictum est quodpiam fermentosum in sanguine hominum, a morbo, tum ex veneno in se concreto, atque in abscessibus putrefacto, tum vero ex com-

V municato



municao contagio resurgentium : sed , longo temporis tra-  
ctu remissius factum , non valet alexipharmaci vicem gerere : vn-  
de vereri debet , ne per fermentum iam de recenti contractum sa-  
uiat in posteros pueros maiorem in modum variolosa affectio, quæ,  
cum antiquioribus temporibus grauior, atque acutior esset, vt pro-  
prio principio proximior, adeo vt apud Arabes pestis nomen fue-  
rit consequuta, ante superiorem hanc pestem mitiorem experieba-  
mur. sic lues venerea, cum primum comportata dirior esset, hac  
tempestate tum minus grauis, tum minus vulgaris existit.

Magnes at quomodo, quis inquit, humanus sanguis, qui sit  
fermentoso acore præditus, potest reagere in venenum, in sui in-  
ficium perniciem, cum actio phisica à re pendeat, proueniatq;  
ad actum reducta, ad interitum sui tendens, qualiter agunt humo-  
res, & venena in hominem, & medicamenta in humores, & alexi-  
pharmaca in venena, vt alia omittamus agentia naturalia. at san-  
guis, acorem, & alexipharmacam vim spirans, cum, dicitur  
venenum profligare, propriam seruat consistentiam. igitur uidetur  
falsum, quod facultatem hanc obtineat saltem æqualem. Dic,  
quod ex phisicis actionibus aliæ pendent à rebus ad actum redu-  
ctis, aliæ ab iisdem consistentibus, de quibus tamen nulla fuit à  
philosophis habita. nulla tradita scientia, sed, ut non cognita, &  
admiranda, admirata. Ex his igitur, quæ agunt intra limites  
propriæ consistentiæ, sanguis existit fermentans : qui tamen di-  
uersimode agit à mixtis inanimatis, agit enim ut vitæ cuiusdam  
particeps, medio cuiusdam acris expiratus, seu acris halitus à se  
producti, & effusi, motum localem, & discessum à proprio subie-  
cto dicentis : mixta vero inanimata aut, ex his, quædam, agunt  
per quemdam emissum in sui extrariam superficiem spiritum : sed  
hic non discessum, nec separationem à proprio subiecto, at stabi-  
litem, & mansionem sui dicit, prodiens ceu per irradiationem,  
& non ut effectus, sed vt pars ipsius mixti eleuatissima, alioquin  
si, quod effluit, veluti à magnete ( ad hunc enim lapidem ferro-  
nem dirigemus, quandoquidem mira est in summo eius actio )  
per modum euaporatus, efficeretur magnes cadauerosus, in deflu-  
uia tandè totus digestus ; quemadmodum tractu temporis muscus,  
& aromata : & vim potius abigendi, quam attrahendi ad se ferrum  
haberet.

Nec negarunt quidam ex antiquis, vt Epicurus, & Democri-  
tus hæse effluxiones, effluere scilicet à mixtis censebant corpora  
quædam, quæ atomos vocabant, quibus tantum tribuerunt, vt  
hisce quoq; principium attractionis ascripserint.

Fraca



Fracaſtorius egregius philoſophus, ac medicus, dum in lib. de ſym. & antyp. cap. 5. & 7. attractionis cauſam inueſtigat, ad hos effluxus confugit, de quibus, cum doctè diſputet, colligit tandem hos eſſe tenues, ac ſuperficiales formas, craſſarum materialiumue repreſentatiuas, vt ſimulacra, vt ſpecies, vultq; vt propter harum ſimilitudinem fiat rerum attractio, fiat inter duo corpora vnio, videtur igitur, inquit, mihi in cap. 7. ſimilia eſſe oportere, & eadem ſpecie, quæ ſe ſe mutuo trahunt. dico autem ſpecie aut actu, aut proprio ſubiecto. voco proprium ſubiectum id, à quo emittitur ſpirituale illud quod trahit, quod ſæpe in mixtis latet propter mixtionis deformitatem, per quam ſæpe aliud ſunt actu, aliud potentia. hæc Fracaſtorius. verum præter quamquod horum effluxuum naturam minimè explicat, imperfektam etiam attractionis cauſam aſſignat, alioquin vbi ſimilia iuxta ſe debite applicantur, attractio fieret: adeo vt vbiq; ſimilium attractio atq; vnio conſpiceretur. propterea circa vtrumq; hoc paululum diuagari liceat: quo fiet vt attractionis magneticæ cauſa, cuiusq; vt puto, plana, atq; ad aperta efficietur. Recipiendum igitur, vt iam ſtatutum, à mixtis quodpiam emitti modo explicito, & in eorum ſuperficie veluti effloreſcere, ſe attollere, ita ferente operis naturæ perfectione. quandoquidem natura rerum omnium architectonica, cum quodpiam efformat mixtum, non efformat, vt mixtum ſimpliciter ſit, vt quodpiam, inquam, materiale; velut lapidem, vt lapideus ſit globus; ferrum, vt ferrea ſit moles; ſed vt propria donatum compareat forma: quæ ſicuti materia eſt longe nobilior, ita in hac perficienda maxime eſt natura intenta: & propterea ſubiecit hanc in partibus compoſiti magis proportionatis, magis dico elaboratis, tenuibus, & in ſuo eſſe purioribus.

Videtur huius naturæ arcanum ars chimica, ac medica per experientiam cognouiſſe, cum per deſtillationes, infuſiones, atq; has, vel illas coctiones rerum animam, medicamentorum, inquam, facultatem, in tenuiſſimis, ac puriſſimis in ſuo eſſe partibus implantatam elicit; craſſis, atq; impuris repudiatis. etenim ſi deſtilles vinum; cinamomum, aut gariophilos in aqua ardenti; infundas, chinam, aut guaiacum de quoquoque, tenuiſſimas, virtuales, & omni ſacæ expertes tibi comparas partes, reliquas vt exanimatas, vt cadaueroſas proiciſ.

Ita tamen partes iſtæ tenues, atq; præſtantioreſ, in quibus mixti formam natura voluit eſſe inſitam, contemplandæ ſunt, vt non ſint in conſiſtente mixto à craſſis ſeparatæ, ſed permixtæ: non



differentes inter se per terminum quendam terminantem, sed continuum, & coordinatum per successiuos crassitiei, ac tenuitatis gradus. neq; enim quæ crassæ sunt partes, crassæ secundum vnum, & eundem gradum omnes sunt. nec quæ tenuës in vno existunt omnes tenuitatis gradus: sed ex ijs hæ magis, hæ vero minus existunt crassæ: & successiue ex tenuibus istæ tenues, illæ vero tenuiores: adeo vt à summa in suo esse materiæ crassitie per successiuos, ac coordinatos tenuitatis gradus, ad quasdam tenuissimas ac purissimas deuenitur partes, in quibus primariam ac peculiarem formam obtinuit sedem.

Sed hæ puriores, atq; excellentiores totius substantiæ mixti partes non huc terminantur, sed à natura vigorefatæ, per quandam veluti luxuriam, alias de se identificant, quæ sicuti purissimæ, atq; eminentissimæ omnium existunt, ita censendæ sunt à materia prorsus eleuatæ, quæ à proprio erumpentes subiecto, cum alioquin à materia sepeliri minime ferant, in rei superficie, earum basi, se attollunt, & per has mira quædam moluntur opera, quibus sine frustraretur subiecti agentis potentia, quando actio fiat per contactum. taliter istæ partes coalescere mihi videntur, qualiter animam educi de potentia materiæ sensisse, quamuis perperam, videtur philosophiæ genius Aristotiles: adeo vt, id, quod ex hisce in vnum commixtis, atq; efformatis resultat, vt quid animæ proportionatum, semianimata quodammodo essentia dici possit: vel spiritualis, ratione extremæ subtilitatis, ac substantiæ puritatis: vel forma præstantior, aut exterior, aut vltima, quod nobilior sit, quod ab extra vigeat, quod post interiorem coalescat: considerata autem quatenus sit actiua, vis aut facultatis nomen sibi arrogat.

Sicuti autem debuit perfici, & non intra limites propriæ latitudinis terminari coordinatus hic processus, ab vno primum crassitiei ad extremum tenuitatis, & cum spiritali terminantis substantiæ gradum: ita iustum fuit, vt id, quod est in composito perfectissimum, atq; eminentissimum, sui notam daret, vt innotesceret nobis, naturam, quæ in suis operibus vni perfectioni intendit, & in cunctis, si quid obstat, perfectissime, pro proportionem subiectæ materiæ operatur, potentiæ suæ confinium ad spiritualitatis vsque terminum extendere. alioquin si vltra partes formæ interioris constitutiuas, sublimiores aliæ harum sobolis non identificarentur, utiq; cum non sine quadam rerum turpitudine vacuum quoddam, sublato hoc complexu, daretur, natura quoq; vt defectrix conspicaretur.

Manife-



Manifestum autem est, quod sicuti interior forma naturam, ac proprietatem mixti sequitur; sic, & exteriorem, ab interiori identificatam, consequi eandem proprietatem necesse est. unde etsi vnaquæq; harum, ratione partium, ex quibus immediate coalescit, sit alteri affinis, & vnam in genere omnes efferant substantiam: attamen ratione proprii subiecti differentes natura inter se sunt: adeo ut quali natura mixtum est donatum, tali pariter, & spiritualisantes hæ substantiæ: quatenus natura hæc dicitur non caliditatem, aut frigiditatem: siccitatem, aut humiditatem, sed complexionem mixti, ut mixti: tantum calidi, ac frigidi tantum humidi, ac sicci taliter, ac taliter vicissim affectorū, & contemporatorum in se habentis: unde hæ variaz suboriuntur, variamq; ac nonnunquam inter se dissidentem, nunc vero & consimilem effertur naturam.

Etenim contemplor alias esse densas, raras alias. important illæ, partes sui ipsarum constitutivas confertim, atq; in abundancia effluere: quod sicuti arguit mixtum earum subiectum partibus in vniuersum optime elaboratis, ac puris in suo esse, redundare, impurasq; minime, aut harum minimum in se habere, ut aurum, adamas: ita contrarium arguitur, cum raræ effluunt, quales à materia ferrea nullatenus elaborata prodeunt, qua de causa minus raræ sunt, quæ ab eadem defæcata, atq; elaborata: minus successiue raræ, quinimo potius densæ, quæ à ferro defecatori, puriori que in suo esse ad summum reddito: & rursus densiores, quæ à magnete eruantur.

Sed veriusq; his adiuncta est alia qualitas, quædam nimirum, aut læuitas, aut asperitas, insurgit præstantioris formæ læuitas, ex aqueo primum superante, ad nostrum sensum, terreum, mox, & ex optima insimul confectio, quam præsertim importat terreæ puritas, talem præfert aurum, & argētum, sic, & es, auriculcum, stannum, ac plumbum, & quamuis istorum terreum minus elaboratum, minusq; purum existat, læuis tamen est eorum forma, ob prævalens aqueum, maxime quæ plumbi, & stanni est. asperitas veros ex vincente aqueum terreo: quod si purissimum sit, ut in diamante, & ambra, minima est, ob optimam commixtionem: tantum scilicet horum formæ asperitatis sibi vendicant, quantum fert terreæ supra aqueum exuperantia. si vero terreum impurum, eademq; ratione cum aqueo male confectum, aspera valde est, ut ferrea: minus aspera quæ est magnetis, quod tum minus impurum, tum illud coctum, & elaboratum satis sit.

unde



vnde hac ratione laues, contemplor esse quodammodo pingues, & asperas, quodammodo graciles.

Attenta hac insuper aquei supra terreum<sup>1</sup>, quanta ista sit, praualentia, atq; cum eodem aquali commixtione: aut terrei supra aqueum exuperantia, nec laui commixtione innascitur hisce formis lauib<sup>2</sup>, atq; asperis quidam appetitus, quo scilicet illae amant quodammodo, & inclinant extendi, diffundi, atq; a proprio principio maiorem in modum elongari: haec vero ubi eructatae sunt, inclinant rursus versus suum principium, contra proprium processum recurrere, & cogi cum proprio principio, ut ob id asperis duplex veluti motus, quemadmodum quoq; planetis, affigari posse mihi videtur, alter quodammodo violentus, qui sequitur proprii subiecti effluxum; naturalis alter, naturam consequens partium has formas identificantium: qui importare quidem mihi videtur non aliud, quam quandam harum formarum vncinationem, vnde cum melius explicare nesciam, contemplor has in se, ac circumquaq; habere velut quosdam quam minimos recurrentes vncinos, ad instar serrae, aut limae, cuius dentes, & incisoriae asperitates secundum earum cauum ad vnam omnes conuersae sunt partem, dorso ad oppositam conuerso. ratio istius rei est, quod ingentum est aqueo, ut alieno terminetur; terreo, ut proprio termino. sed hunc appetitum recurrenti, istamue asperitatem vncinatum obtinent praesertim, quae a subiecto emanant, cuius partes constitutivae, praeterquam quod impurae, crudae etiam sunt, ut quae sunt ferri propriae, ideo quod terreum, quo minus a natura confectum in mixto, eo ad germaniorem sui naturam accedat; & propterea hanc constitutam asperitatem ferri forma in summo obtinet, minus quae magnetis, minimum quae est ambrae, & diamantis. hinc quod naturalem appetitum importat cogendi se cum proprio subiecto, illud pariter importat vim adstrictoriam, quam saepenumero in praxi medica expectimus excellenter a ferro, vel calibe, non alijs metalis. cui autem haec quambelle naturam terrei dominantis commonstrat: ad differentiam lauitatis lubricitatisq; quae est aquei praualentis indicatiua. Sunt aliae, quae grandem, aliae, quae paruum de se statuunt orbem, seu quae valde, & quae parum a subiecti superficie elongantur. in vniuersum quarum aqueum supra terreum praualens est diffundi longius ratio dicat, quam quarum ratio est differens. ex his etiam aliae magis, minus aliae, nunc, & quaedam nil supra subiecti extremitatem eleuantur. quarum rerum cum aqueo coctum, elaboratumq; est, magis diffusae sunt; quoniam calor, qui ad cocturam, ad earum quoque impulsionem videtur



videtur accurere : cuius naturæ cum sit magnes , propterea semina-  
nimata , quam de se spirat , forma , maiorem præ cunctis alijs , in-  
tra quæ operatur , constituit spheram ; & vegeta , vehemensq;  
existit : hinc lapis hic ex Conciliatore , & Porta deuoratus , sur-  
sum effumans , lunaticum , ac melancholicum reddit , & à ferro  
confrictus non solum sui ipsius efficitur magis diffusiuus , sed etiam  
sinit quasdam à se subtilissimas partes secedere , quibus ferrum  
conspersum magnetica vi exultat . quin immo aliqualem etiam  
comparat , vbi in sinu eius duntaxat infederit , ex eodem Porta ;  
quæ res certo arguunt magnetem , ob summam quandam partium  
formarum identificantium elaborationem , in quodam esse mixto-  
rum euaporatiuorum confinio , vt muscus . Quæ vero à diamante ,  
& ambra eructantur , longe minus elongantur , ratione maximæ  
supra aqueum terre præpollentiæ : quæ cum minor in ferro depu-  
rato conspicitur , autumandum quoq; est , maiusculam eius exte-  
riorem formam de se hisce efficere spheram.

Ex aduerso , vel non in superficie erumpit , ne dum attollitur ,  
vel minimum illius compositi forma , quæ terreis duntaxat , ac  
minime elaboratis redundat partibus : tale quid purandum est in  
vulgari lapide.

Ex his tandem extrarijs formis quædam diuersam , atq; inter  
se dissidentem efferunt naturam : quædam sunt inter se specificè  
assimiles , etiam si à diuerso prodeant subiecto , vt quæ ambre est  
cum paleari , & magnetina , cum ferrea : quamuis inter ferrum ,  
& magnetem paruum statuunt scriptores differentiam , vt etiam  
velint lapidem hunc , quampiam habere in se ferri portionem , &  
propterea non aliunde inueniri , quam in mineris ferri : hinc  
Porta de mirab. mag. cap. 2. magnetem vocat , & ferreum lapidē ,  
& lapideum ferrum . si danda est hæc materiæ similitudo , dicen-  
dum potius est , magnetem esse ferrum purius coctiusq; , ratio au-  
tem istius similitudinis formæ in dissimili composito est , quoniam  
possunt partes elementales huius , & illius mixti constitutiue , si non  
in quantitate limitatæ , saltem in qualitate , atq; affectione habere  
inter se similitudinem . hæc autem essentiæ sequuntur præsertim par-  
tium qualitatem , ac proprietatem sui constitutiuarum.

His sic de istarum natura , ac differentijs statutis , videndum  
iam quomodo hisce medijs fiat rerum attractio . & quidem similitu-  
do vult in hac re magnam habere partem : stat enim illud vulgatum ,  
similia appetere sui similia , adeo vt coniiciendum sit , vbi duo  
subiecta inter se similia sint iuxta se debite posita , fieri formarum  
eorum vnionem , in vnum complexum , secundum apices , vel illas  
partes



partes, quæ se se mutuo contangunt. Sed nondum constat, quomodo concessa hac exteriorum formarum, similitudinis gratia, vnione, tractio subiecti insurgat. igitur ad tractionem aliud quoque requiritur. ita quidem: huc est autem formæ constituta asperitas, cuius gratia vbi duæ inter se consimiles formæ, subiectis in debita distantia iuxta se positæ, vt magnete, & ferro vel parum secundum apicem ad inuicem vniuntur, successiue per appetitum, quem habent vniendi se se, vteriori, atq; arctiori se nexu apprehendunt, circumamplexantur, atq; secundum totum sui ipsarum processum vniuntur. quandoquidem sicuti iuxta suum principium magis vigorosæ sunt, ita viget maxime in hac parte appetitus, adeo vt non cessant vteriori se implicari nexu, donec secundum totum sine coitu saturatæ. sit autem vt dum simul vniuntur, & arctius ad inuicem constringuntur, & coarctantur, subiecti realis fiat motio, quæ motio est accidentalis, finalis est amicitilium formarum vnio. est igitur asperitas hamata causa motionis, causa nexus rei proximior: adeo vt potentia, quam vniendi se se duæ consimiles formæ ad inuicem habent, nunquam reduceretur ad actum, nunquam saturaretur earum appetitus, ac consequitiue tractio subiecti realis non fieret, si leges, lenes essent, cum alioquin non haberent vnde comprehendi se se, ad inuicem colligari, & mordicus teneri. sic homo non potest arborem leuem planam atq; inoffensam ascendere, si non habeat vnde comprehendat se se.

Non dissimili ratione trahunt, ac sibi vniunt formæ similitudine animantium membra etiam longinqua, cognatum sibi, e venis sanguinem: sic terræ nascentia humorem alliciunt sibi consimilem, & proportionatum, teste in lib. d. nat. puer. & in 4. d. mor. magno Hippocrate, cui humana viscera, cui naturæ abdita adaperita fuisse videntur. quorum finis sicuti est vel nutritatus, vel augmentio, aut sui ipsorum propagatio, sic est harum sublimiorum formarum vltimus finis, aut fini earum quid proportionatum.

His sic de attractione in genere visis, facile nobis erit particularia circa hanc rem intelligere, quæq; intercurrere possunt difficultates soluere. etenim non mirum si inter magnetem, ac ferrum maxime eluceat attractio, adeo vt hæc quamcumq; aliam offuscat, hæc sola admirationem præbeat: quandoquidem nil vtriusque eorum, ne vltimis formis deest, quod ad attractionem attineat, quod attractionem insignem reddere valeat. etenim etsi magnetis forma non admodum aspera, & vncinata sit: & quæ ferri est, non valde densa: nihilominus stante consimilitudine, quæ inter vtramq; intercedit, quam belle in vnum coeunt, expeditissime vniuntur: quoniam



quoniam magneticae formae luxuries supplet raritati ferreae; & asperitas ferreae supplet imbellicae asperitati magneticae: adeo ut, si utraq; vel una ferrea asperitate, vel una magnetina densitate gauderet, utique attractio nec tam expedite, ac sollicitè, nec tam, & longinquo fieret. hinc propterea attractio maior, ac vehementior & inter magnetem, & ferrum, quam inter magnetem, & magnetem, & attractum ferrum mordicus magis retinetur, quam magnetis fragmentum. Qua de causa statuerunt scriptores maiorem esse ferri, & magnetis amorem, quam magnetis cum magnete. hinc inter ferrum, & ferrum vel nulla sit attractio, vel, respectu, exigua. nulla quando fit applicatio ferri iuncta ferrum, ratione raritatis formae resultantis ex ferreis excrementis. exigua inter calybem, & chalibem, ulterius tamen elaboratum atq; attemperatum, quo modo se habent instrumenta ferrea, quae circa ferrum exercentur. haec enim, vel ex his saltem aliqua, non solum limaturam chalibis, sed etiam chalybis corpuscula rapiunt: ideo quod ferrum sic pertractatum, defecatus ulterius fiat, addensenturq; magis eius partes, ac consolidentur, ut iam identificata forma sufficienci gaudeat densitate.

Nec mirum, si cum inter electrum, & paleam intersit similitudo nulla, attrahatur tamen palea ab electro; quoniam praeterquam quod formis ultimis una est generica ratio, haec quoq; sequuntur, ut dictum est, non quantitatem, sed affectionem partium mixti constitutivarum, quas in duobus compositis inter se diuersis posse esse aegre qualificatas non est inconueniens. stante igitur consimilitudine, qualis, ac quanta ista sit, inter exteriores huius utriusq; subiecti formas, sit paleae in debita distantia iuxta posite ab ambra attractio. & quamuis in palea asperitas conspicitur nulla, attrahitur nihilominus ratione leuitatis, ob quam vel minima quauis asperitas sufficiens est, vel porositates paleae pro asperitate suppleant. qua potissima de causa non attrahit palea aliam paleam, etiam si praeter exiguitate formae insensibilem.

Cui asperitati nos respicientes intelligimus propterea inter aurum, & aurum; argentum, & argentum, aes, & aes; plumbum, & plumbum, & alia ferme innumera, etiam si debite aplicite, nullam consequi tractionem, quod formae earum extrariae laeues ne dum asperae existant. & quauis quae a diamante, & ambra effluunt aliqualem obtineant asperitatem, haec tamen haud est sufficiens, qua res densa, ac ponderosa, qualis est diamans, & ambra ad inuicem rapiatur. Sic si quae alia forma exterior detur, quae aliquali gaudeat as-



peritate hanc vel minime esse qualem vel quantam, ut alioquin deceret, aut quid simile ad attractionem necessarium sibi deesse putandum.

Quemadmodum autem similitudine primum mouente, & constituta asperitate actuante, fiunt per debitam iuxta positionem rerum attractiones, ita dissimilitudine, atq; aduersa natura intercedente, fiunt rerum ab inuicem auersiones: hinc cum cucumis, ac cucurbita maiorem in modum versus aquam iuxta se positam ut natura sibi ipsis consimilem elongentur, ab oleo tamen natura sibi aduerso quadantenus auertentes se, recurvantur. sic calidum a frigido, & frigidum a calido auersatur, & per circumstantiam sui contrarij cogitur in se, & densatione magis intenditur.

Sed quod maximam, ac pene insuperabilem facit difficultatem, cuius propterea causam ausus est inquirere nemo, est quomodo magnes, qui ex altera parte ferrum amicabile natura ad se allicit, ex altera idem ferrum, odio quodammodo in ipsum flagrans, respuat abigatq; hoc enim non potest alia ratione operari, quam aduersa, ac dissidenti natura. quo sequitur statim dicendum ab vno, & eodem subiecto duas produci, & emanare naturas, penitus inter se diuersas, quod est a philosophia reiectum.

Circa huius rei causam, quam cognosci videtur supra caprum hominis, sentio magnetem, ut qui præ cunctis alijs sui ipsius est diffusius (quod, & de alijs mineralibus affirmari quadantenus posse sentio) saluis philosophiæ decretis, ab altera parte effundere de se quid diuersum ab eo, quod ab altera parte effundit, ratione diuersarum partium constitutarum, quæ, etsi in vnum commixtæ vnâ uniformiter naturam, ac formam interiorem constituent: atramen ex ijs particulis, ex quibus coalescunt, & identificantur externæ formæ, quædam a natura hoc habent, ut effluant non per quamcumq; sed statam partem, propter inclinationem, quam habent versus sui consimile, & amicabile obiectum. quædam aliæ ut per oppositam huic partem erupant, ob auersionem, quam habent cum eodem obiecto natura sibi aduerso, & amicabilitatem simul, quam habent cum altero obiecto sibi consimili, ac conueniente.

Scis enim magneti ingenitum esse, ut inclinet, ac vergat secundum alteram horum partem versus boream; & secundum alteram versus austrum, quod provenit a diuersa partium formas exteriores identificantium natura: quæ enim sunt frigidarum, & affini-  
frigi-



frigidarum partium soboles, in lapidis efformatione à natura adeptæ sunt, ut versus boream vergerent, cum quoque conspirationem haberent, quæ vero calidarum ac affinium calidarum, cum non possent, cum hoc gelato spiritu consentire ac conspirare, auersæ à natura compararunt, ut versus austrum natura sibi convenientem inclinarent, ut cum ab infesto obiecto destrui alioquin possent, ab amico sinu exciperentur. Qua igitur parte lapis cum borea conspirat, eadem consimili natura ferrum attrahit, ac sibi vnit: quæ vero cum austro, aduersa ac dissidenti reiecit etenim quæ magnetis est, ut præpollens impellit in ferream: & hæc magnetinam habens aduersam auertit, ac cogit se, ut ferrum in exigua mole applicitum retrahere se cogatur. Et hinc argumentari liceat, magnetem non esse ex se primario sympaticum, aut antypaticum ferri: sed quod, cum fuerit ipsi ingenitum, ut ex altera parte cum borea, ex altera cum austro conspiraret, contigit, ut ex illa amore ob convenientiam, ex hac odio, ob inconuenientiam, in ferrum quodammodo flagraret.

Considerandæ autem sunt partes interiorum formarum constitutiua, non quod hæc in parte domicilium habeant magnetis boreali. illæ vero in parte australi, & ob id partes eminentiores ab his identificate pro sitis ratione per diuersam effluant magnetis faciem: sed quod hæc omnes æque, ac commixtim per totum lapidis corpus diffusæ sint; boreales tamen particulas à toto venientes, ab australi usque superficie per faciem borealem, propter ingenitam ab efformatrice natura cum frigido hoc spiritu consimilitudinem, ac convenientiam; australes vero à toto venientes à boreali usque superficie in faciem australem corruare, propter dissidentiam, quam habent cum borea, ac simul ob convenientiam, quæ cum austro sibi est. Quandoquidem istæ, eo ipso, quo aduersantiam in lapidis efformatione cum borea, ut alicui sui destructiuo, adinuenerunt, eo etiam simul inclinationem ac conspirationem cum austro natura sui consimili adeptæ sunt: ut borealibus quoque vsuuenit; unde inclinationem versus austrum congenitam australes æque habent, ac partes boreæ amicabiles versus boream. videntur tamen partes boreales præualere, & ob id magnes est arctici præsertim poli indicatiuus: quæ quoque de causa quidam lapides vilioris prætij, ut ab Agricola scribitur, attrahendi tantum, non abigendi vim habent; & attrahens vis valentior semper existit expellente, experientia, & Porra testibus.

Nec quis hæsitet circa harum, partium à quibus exteriores formæ idèti ficantur, duplicem effluxum. quoniam hunc scire velim, hæc, ut



à materia prorsus eleuatas, sui iuris esse, se ab inuicem diuidere, & seorsim per partem, ad quam natura vergit, & à qua velut alligantur, effluere: & adeo obtinēt hanc in lapidis conformatione à natura inclinationem, & effluxum, vt magnes attrahat, & abigat ferrum, etiamsi secundum faciem borealem respiciat austrum, & secundum australem conuersus sit ad boream. ad differentiam illarum, à quibus interior forma suum esse agnoscit: ad quod esse, commixtim, atq; vniformiter concurrunt: de cætero quæ sunt istarum soboles, pro differenti natura, atq; inclinatione singulæ versus consimile, & amicabile suum obiectum diuisim effluunt.

Attento igitur hoc dupplici effluxu, magnes habet duos oppositos polos, borealem, & australem: alioquin vtroq; vel horum altero sublato, sicuti neutrius, vel alterius tantum esset indicatiuus, ita nulla subesset ratio istius indicationis. quemadmodum quoq; possibile haud foret, vt magnes sympaticus, & antypaticus ferri esset. Ex eo autem quod partes boreales, parteq; australes à toto lapide veniant, & ab altera vsq; superficie descendentes per alteram effluant, sit vt, si lapis per transversum frangatur, vtraq; recens superficies hæc borealem, illa vero australem polum ostendat: quoniam ædem, non ferentes à materia sepeliri, in apertis prodeunt, & super extremam lineam diffunduntur. hinc propterea non mirum si magnes contrariam vim suæ faciei ferro tribuat, teste Porta: adeo vt ferrum adfrictum septentrionali magnetis puncto ad austrum vertitur, & australi ad boream: quoniam per confricationem affiguntur ferro quædam superficiales particule, quæ cum magneti iunctæ essent boream respiciebant: postmodum ferro affixæ, ad austrum vergunt: ideo quod hæc etiam si insensibiles, vtrumq; polum gestent: & rursus intelligimus, cur non sit stabilis polaris eius linea, velut cum lapis per longam sciaditur, linea quæ prius per medium lapidis ab altero ad alterum punctum extendebatur, postmodum eodem scisso per medium vtriusq; lapidis discurrit: semper enim ipsi est perpetuum, vt mediū lapidis obtineat, & per medium effluat: sic natura dictante, vt spiritualis partes exterioris formæ identificatiuæ partes, ad maiorem sui custodiam, ac robur, lineæ centricæ adhæreant: Quarum partium eminentissima, ac supra sensum subtilissima, exterioris formæ ab his constituta substantia attenta nemini dubium videri debet, si magnes tabulæ lignæ, argenteæ, & muri quæq; medio vim suam exerceat, in summa hisce stantibus, nullius amplius poterit rei causa, circa magnetis attractionem, aut reiectionem tolerare, nihil erit de cætero, quod tibi-



tibi admirabilitatem parere valeat, & si sic, utiq; licet, puto, de istius doctrinæ, ut rationi vndequaq; congruentis, veritate, ac stabilitate argumentari.

Sed ut vnde oratio est digressa reuertamur, dico non esse præter rationem, quod sicuti mixta quædam inanimata agunt, propria seruata consistentia, ita sanguis alexipharmaca vi præditus agat, ac simul consistat: maxime cum agat ut vitæ cuiusdam particeps, acri nempe quodam expiratu, quodamue halitu, quo, aduenientes in se veneficas auras, fermentosumque venenum sepenumero soluit, atq; euincit. quo pacto Psylli expiratu proprio venena in alienum corpus incussa, & iam eiusdem perniciem molientia diluunt, ac fugant.

*De Venenis spiritibus Infensis, & primum de opio. Cap. VIII.*

**Q**ui opium, ultra quantitatem debitam, assumunt ex Nicandro, Dioscoride, & Acrio inter alia, in quæ incidunt mala, à sopore capiuntur, atq; ingenti pruritu, à quo quandoq; excitari illos necesse est. redditur etiam à toto corpore opij odor: languidus item, & frigidus, e gutture anhelitus exspirat: summa corporis cutis friget; inde liuor vnguium, visus offuscatio, obtortus nasus, mortem adesse, non procul annunciant, & tandem conuulsio cum morte coit.

Opium ut calidarum atq; tenuium insigniter partium, cum ab homine assumptum ad actum reducitur, in quandam flammeam substantiam abit, quæ per venosum arteriosumq; genus primo, ac per carnes successiue dispersa, pruritum intensum mordicans inducit: hinc per extrariam exiens superficiem odorem refert qualem ipsius substantia, ipsius natura fert. subinde in cerebrum rapta animalem spiritum dissipat, ac fugat, ut veterum subsequi, necesse sit; quam iniuriam cum spiritus quoq; vitalis ferat, cordis sequitur refrigeratio, vnde languidus, & frigidus, e gutture anhelitus venit, ac summa corporis cutis frigescit. hinc viru, maiorem in modum successiue inualecente, calidi innati sequitur mortificatio, à qua vnguium liuescentia, atq; visus offuscatio. & tandem præ conuulsione ex neruis, ob igneam vim exsiccatis, nasus obtorquetur, cum qua iam exacta æger perimit.



*De Mandragora.*

**S**equuntur inquit Dioscorides haustam mandragoram quamprimum sopor, languor, & inexpugnabilis somni necessitas, nihil à morbo, qui lethargus dicitur, differens. & Conciliator in lib. d. ven. cap. 24. addit sequi etiam faciei, atq; vclorum ruborem.

Sopor, & inexpugnabilis illa somni necessitas prouenit à veneno mirum in modum in cerebrum euaporosante, atq; inde animalis spiritum obsidente ac corrumpente: ob quam spiritus animalis offensam, cum nerui germanam illustrationem excipere nequeant, corporis exolutio, & languor suboritur. faciei atq; oculorum tumor quondam sanguinis sequitur inflammationem.

*De Insquinario,*

**D**euoratum ab homine deleterium hoc, ex Dioscoride, Aetio, Conciliatore, & alijs, alienationem mentis similem ebrijs inducit: præterea, & corporis iactationem cum distorsione; quibus succedit animi exolutio, pruritus, ac inde tremor, & ægri putant se flagris cedi.

Cum paululum calidus, terrestriusq; mandragora sit venenum istud, propterea excalefacere magis, agitare, ac lancinare natum est. vnde non mirum si, sursum raptum, temperiem cerebri, animalemq; spiritum quodammodo corrumpat, vt, & delirare, & tremore corripere necesse sit, animoq; insuper exolui. Sed hæc partibus præsertim calidis perpetratur: at terrearum partium vi velligans, & nervos per carnem dispersos lancinans, iactationem cum distorsione parit, atq; illum sensum, quo ægri putant se flagris cedi.

*De Cicuta.*

**C**icutæ potus ex Dioscoride caliginem; vertiginesq; oculis tantas offert, vt nec minimum videre liceat. mentis alienationem, singultum, & extremorum corporis partium perfractio- nes. postremo strangulantur ægri, cessante à motu omni in arterijs spiritu.

Quamuis cicuta cætera in hoc genere deleteria in caliditate superet,



peret; habet tamen quosdam humiditas, sed, & simul impense calidas partes, quæ ad actum prius reductæ, & sursum raptæ maxima afferunt cerebro incommoda: nempe mentis alienationem, quæ temperiem eiusdem cerebri corruptam sequitur: vertigines, atque oculorum offuscationes, à spiritu animali agitati, conspurcato, ac corrupto procedentes: mox calidiores, ac puriores cicutæ partes per arterias se diffundentes, ac cor petentes, spiritum vitalem corrumpunt, ac dissipant, ut inde extremorum perfrigeratio sequatur. hinc etiam præ carentia eiusdem spiritus, motus arteriarum cessat, ut cum ægri inspirare & expirare nequeant: strangulentur. singultus autem sequitur quandam ventriculi vellicationem, ab acriori, ac terrestriori veneni parte illatam.

### *De Aconito.*

**D**E aconito loquens Dioscorides lib. 6. cap. vij, à potu, inquit, statim cum adstrictione aliqua linguam edulcorat, & ab edulcatione vertigines præsertim in assurgendo, & oculorum humiditates facit. facit item ad pectoris præcordiorumque cum frequentiore pedum redditione grauitates.

Non me latet aconito vim putrefactivam à Galeno in 6. sim. fuisse assignatam fortasse quod exterius appositum carnes putrefacere natum sit. verum, etsi res sic se habet, non tamen statim putrefaciens venenum cencendum est, quoniam intus assumptum accidentia parit non putrefacientium venenorum, sed spirituali substantiæ infensorum propria. & propterea inter venena huius generis adnumerare satius iudicauimus. quod autem exterius admotum carnem putrefaciat, est non minus huius, quam plurimorum venenorum proprium: adeo ut soporifera omnia, & plurima eorum quæ sanguini sunt aduersaria, si ab extra applicentur, sedem sibi subiectam putrefaciunt. ut igitur causam accidentium ab aconito productorum probe intelligamus, consideranda primum eius mixtio, eius complexio est. etenim præter igneum præpollens, terrei nonnihil plus habet, quam venena soporifera: sed id crudiusculum respectiue est: minus tamen aquei assummit, quam illa; quod, sicuti in superficie huius herbe valde elaboratum, ac temperatum, tenueque existit, ita in profundo crudum: interim tamen quoddam inest, quod nec æque coctum ac tenue, ut illud, neque æque crudum ac crassum, ut istud, sed in ancipiti existit natura. hac aconiti complexione stante, non mirum si ab assumptione



ne statim linguam edulcoret paribus elaboratis, attemperatisq; ad aquam primo reductis, hoc tamen facit cum quadam adstrictione, ob cruditatem terreatum partium. hinc secundum mediam naturam partes in cerebrum evaporans, vertigines inducit, animali spiritu ab hisce conturbato agitatoq; a quo symptomate venenatus homo magis afficitur cum assurgit, quam cum sedet, propterea quod nervi, non satis ab eodem spiritu illustrati, laborem magis sentiant homine surgente, ac stante, quam sedente. qua etiam de causa pectoris, ac praecordiorum grauitas locum habet: ubi enim nervi munus suum haud probe obeunt, motus partium, quibus inserviunt ut diminuaturs aut deprauetur necesse est. hinc iure subdit Aetius, capite de aconito, quod si diutius perseueret malum, etiam tremor, ac concussio totius corporis sequitur. ille autem peditum frequentiorum exitus, sicuti materialem agnoscit causam status in crudis materiis, a viru excitatos, ita effricem intestinorum continuum a mordaci viru stimulum, ob quod etiam stomachus, ex Aetio, morsu afficitur; humidi fiunt oculi, humiditate in ipsis a deleterij calore liquefacta: qua quoq; de causa ex Aetio turbatior, ac subruenti fiunt.

### *De Veneno Torpedinis.*

**V**ult torpedo inter haec pariter venena adnumerari, at quae spiritu quodam a se emissio piscatorum manus, si quando tridente, vel fucina, vel rete attingatur, torpidas repente reddi, ex Gal. 6. d. loc. aff. cap. 5. nempe spiritum quendam tenuissimum effundit, qui per hastam, aut funem ad piscatoris manus perueniens, spiritalem substantiam, insigni qua pollet caliditate, nervis seius inservientem belle dissipat, aut alia ratione corrumpit, ut torporem aut tremorem subsequi necesse sit.

### *De venenis nervosum genus ladentibus, & primo de veneno Phalangiorum.*

#### *Cap. IX.*

**R**vbeo ex Dioscoride, & veluti punctis distinguitur a phalangiorum morsu locus: non tumet tamen, nec adeo calet, verum mediocriter quidem rubet, & ex aduerso perfriktionibus horret



horret. sequuntur toto corpore tremores, & circa poplites, inguinaq; conuulsiones. rigoribus similes. sequuntur etiam circa lumbos adstrictiones, et ex his pellendæ vrinæ pruritus, & multa ex aduerso in pellendo difficultas. frigidus tota cute sudor pariter fluit, & cum lucis hebetatione aliqua lacrimosi fiunt oculi.

Duplici de causa ictus locus nec tumet, nec multum calet, altera ob virus paucitatem, cui suffragatur etiam Galenus 6. d. loc. aff. cap. 5. & ex vulnerato quoq; loco arguitur, est enim ex Aetio vulnus adeo tenue, vt minime conspici possit altera ob eiusdem qualitatem, cum satis calidum. haudquaquam sit, vt locum in tumorem, atq; inflammationem eleuare valeat. & propterea, etsi rubet, mediocriter tamen rubet; & ex aduerso horrescit, calore nativo intus cogente se, ob nervosæ partis in loco affecto morsum. etenim inter alia, ob quæ nativus hominis color cogitur in internas confugere, sedes relinquens externas, ex qua horror, rigor, & refrigeratio consequitur, nervosæ cuiuspiam partis est mordicatio. sic rigor in acutis quibusdam febribus superuenit, vasorum tunicis à putrescente atque acrimo humore stimulis atq; expunctis: vnde locus affectus propterea punctis distinguitur, quod sanguis concursus in punctos, seu minimos quosdam globulos, propter loci refrigerationem, cogatur. tremores totius corporis sequuntur nervos inordinate mouentes se, ob susceptam à viru iniuriam. rigores circa poplites, conuulsionibus similes, inducunt nervi, in parte hac extarnea, ac frigida, ob coactum in interna calorem, valde refrigerati, atq; obdurati. eademq; ratione inguina in consensum trahant. hinc etiam lumbi refrigerati constringi quodammodo videntur. vnde etsi ex aliquali inde nervorum contractione, ac subinde vesicæ coangustatione desiderium quoddam vrinæ excernendæ oritur, difficultas tamen in eadem pellenda consequitur, expultrice eadem ratione quodammodo impedita. sudor fit, per quandam humiditatum expressionem, ob carnes veluti conuulsas, à nervis, qui sunt per eas dispersis, & ex refrigeratione quadantenus contractis: qui propterea sudor frigidus est, extrema cute à calore derelicta; lacrimosiq; fiunt oculi eadem, qua, & sudor efficitur de causa: vnde, & simul cauos fieri ex Aetio, & eorum acutiem hebetari necesse est.



## De Veneno Scorpionis.

## Cap. X.

**D**ioscorides de scorpione hæc habet, inflammari quàmprimū à scorpionis morſu locus incipit, duratur, rubet, & cum dolore ſupra modum riget: nunc feruor nunc perfrictio viciffim occupat: adeſq; ſtatim dolor, qui, & viciffim nunc decreſcit, nunc augetur. Accedunt præterea ſudores, horrores, tremores, & extremarum partium perfrictiones. Inſurgunt hiſ inguina, exeuntq; per ſedem ſtatus; rigent pili: diſcolor cutis fit: & dolor tanquam ex pungente acu per vniuerſum cutem ſentitur. Galenus 3. de loc. off. 7. de hoc dolore loquens, inquit. Cum iſtus quidam fuiſſet à ſcorpione, videor mihi videre dixit, quod à grandine percuſſus ſim; eratq; omnino frigidus, ſudore etiam frigido accedente. idem Galenus 6. d. loc. aff. cap. 5. ſcribit, ſcorpionis iſtum breui admodum tempore grauiffima inferre accidentia, & præſertim eum ſenſum, ac ſi homo acu pungeretur, & vniuerſum corpus veluti grandine percuſi videatur.

Scorpionis iſtus cum penetret ex Galeno in 3. d. loc. aff. 7. vſq; ad venas, & nervos, fitq; eius virus calidius, ac terreſtrius veno-phalangiorum, fit vt locus inflammatione corripitur; ſubindeq; concomitetur ab accidentibus inflammationes conſequentibus, duritie, dolore, rubore. obſidet autem locum modo vigor, modo feruor, pro vt ad interna cogit ſe, aut ad extra funditur calor: vnde interim dolor adaugetur, vel remittitur; nempe in perfrictione augetur, in feruore remittitur. fit hæc innati caloris in loco vulnerato viciffitudo, quod, vbi intus coegit ſe ob nervorum ſtimulum, denuo confugiat opem loco laturus, vel ab inflammatione reuocatus. rurfuſq; eadem de cauſa cogit ſe, & rurfus redit. ſunt ſudores, humiditate à carnibus per vim quandam expreſſa. horrores conſequuntur caloris natiui ad interna concurſum, quemadmodum, & extremorum refrigeratio; ſed horrores quàmpiam inſuper teſtantur acrimoniam: tremores vero nervorum offeſam, quæ deprauatum motum importat. inguinum ſublacio non à quopiam tumore, ſed à neruis quadantenus contractis, atq; inde à loco cauo ſe attollentibus pendere ſentio: quàm etiam ob cauſam inteſtina quodammodo contracta ſtatus, ſi qui inſit, exire cogunt.



cogunt . rigent pili , cute extrema frigefcente ; quo plane modo  
 vfu venit nudis , & expositis acri frigido corporibus : qua stante  
 frigidi sanguis ad interna concurrens , cutem discolorem red-  
 dit . & tandem persentit homo dolorem , ac si acu per vniuersam  
 cutem esset expunctus ; vel vt inquit Galenus , esset grandine  
 percussus ; ideo quod nerui per carnes dispersi trahant in consen-  
 sum , afficiantq; illam cutis partem , cum qua colligantur , dum  
 contrahentes se euitare , aut trudere virus à se contendunt : vnde  
 cute , hac ratione dispersim oblata , videntur homines ab acu ex-  
 pungi , vel grandine percuti . hunc expunctionis per vniuersam  
 cutem sensum obseruaui in quodam graui viro à scorpiunculo se  
 incio vulnerato ; sed fortasse præ ætatis paruitate , erat , enim  
 non cimice grandior , remisse venenoso , non alia est passus acci-  
 dentia : à quo sensu , postquam per duos dies fuit molestatus ,  
 siue quopiam consilio est liberatus . & tunc incidenter animadu-  
 uertit se habere in pectore scorpiunculum demortuum ; sed in  
 carne ita fixum , vt cum difficultate , & non sine aliquali sanguinis  
 effusione pars animalculi profundius defixa euelli potuit .

## *De Tarantula Veneno .*

### *Cap. XI.*

**A**Ntequam huius animalculi effectus , atq; proprietates ,  
 quæ non solum vt admirandæ , sed pro miraculo ferme  
 habentur , in medium afferamus , expedit prius quædam de  
 hoc ipso non ignorare . Huius feræ , etsi non vna sit , regio , quæ  
 tamen in Apulia nascitur , solūmodo venenosa videtur ; non ta-  
 men omnis tarantula , in hac regione degens , venenosa est , sed  
 illa sola , vt audio , quæ ab Ofanto flumine versus meridiem , vt  
 regionem calidiorem peculiare domicilium habet : quæ enim  
 ab Ofanto Boream versus habitat , minime venenosa existit .  
 iure autem à scriptoribus in numero phalangiorum reponitur ,  
 quoniam vt fertur , araneus quidam est : cuius color non vnus ,  
 cum aliæ sint viridis , aliæ subaigri vel alterius similis coloris , in  
 lædendo autē valde calida videtur , cū vel dormiētes carpat , vel ita  
 sensim expungat , vt homo , lædi se , non animaduertat forsan autem  
 quod aculeus , quo hominem pungit . ita paruulus sit , vt nullum  
 inferre



inferre valeat dolorificum sensum . est enim punctura tarantulę adeo parua, vt minime conspici possit : adeo vt cum primum homines a morbo corripuntur, vt intelligo, nesciunt, se a tarantula fuisse ictos : vnde cum tarantula hominem pungendo fallat, nec interim ab opere deturbetur, arbitror veneni quantitatem effatu dignam in vulnere euomere.

Hoc ab affecto primum neruo, ceteris per propagationem perquam subtilissime distributum, congruo tempore ad actum reducitur . est autem hoc, non aliud quam astium, quo tempore per horas tres, quatuor aut plures magis feruidas, tribus vt plurimum diebus coguntur egri saltare, quę affectio, singula quęq; estate reuerrens, pluribus annis perdurat . sed antequam saltationi se dent, afflictionem quandam per dies, inquietudinem, ac velut concussionem per totum sentiunt . quę omnia sedantur vbi sudauerint, & saltationem compleuerint, discussa per motum . quę affligebat causa ; verum primis annis violentior, postremis existit remissior, a quodam alio audiui non tribus dumtaxat diebus, sed tota feruidiori estate saltare horis tantum meridianis.

Est autem saltatio ista non vera, ad differentiam, quę musico concentu exercetur, sed est quedam humani corporis laxi motio, saltationis quę arte, & harmonia fit, quadantenus amula, a neruis, a viru stimulis, ac lancinatis insinuada : pro qua motione, & corporis agitatione lenienda, interim musicis vtuntur instrumentis : ita tamen vt musicus concentus consonet tarantulę hominis commotioni, qualiter hęc vel illa saltationis species, arte factę, peculiarem habet concenticum sonum, sui ducem . interim, vt audio, ex his quidam apprehenso a se gladio, inter saltandum frequentes iaciunt inanes ictus, contra musica instrumenta . & vbi per quasdam horas saltationi huic se dederint, delassati quiescunt . & si quidem venenosa vis adhuc yrgeat, rursus saltant : si vero iam torpescat hominem in molli lecto quiescant.

Hęc sunt quę de tarantula a viris fide dignis relata mihi fuere . ex quibus intelligimus multa, quę de hoc animali, de quę hominibus tarantularis feruntur, falsa esse . & illud in primis quod dicitur, hominum a tarantula ictum singulo quoq; anno ea peculiari die ad saltandum incipere, qua fuit vulneratus, quodq; dicitur eundem perseveranter die, ac nocte saltare, quam vanitatem predicauit quoq; grauis quidam de plantis scriptor : sicuti, & illud, venenum hoc non alio modo sanari, quam musico concentu, rursus, & illud falsum esse, hominem non prius sanari posse, quam

taran-



tarantula, quæ hominem vulneravit, intererat.

Cæterum pro cognoscenda huius peculiaris saltationis causa, reminiscendum tibi est, terreum atq; aqueum huius veneni cum igneo constitutiva, respectiue esse crudiuscula, quæ de causa non singulo quoq; anni tempore, sed æstiuo duntaxat, venenum ad actum reducitur: hoc enim tempore innatus tarantulati hominis calor ab ambientis aeris calore qualitatiue adauctus, fit potens illud idem adeo excalefacere, atq; rarefacere, ut inde actuitur. & ideo hoc usu venit horis præsertim meridianis: adeo nempe venenum illud, etiam si acriter calidum, frigidum tamen quodammodo est, ut si paulisper minus calidum esset, vel non existeret venenum, vel homini inflictum nullam actionem saltem nocuam acciperet: quod facile arguimus ex tarantula ab aënte versus frigidum ventum degente, quandoquidem, ut minus calida, venenum haud sufficiens calidum gestat. videtur id firmari, quoniam ut intelligo aduenæ regionum, Apulia minus calidarum, ibi degentes, ut Bergomenses, nullam à viru istius feræ ferunt molestiam. quod si verum hoc est, non ob aliud hoc provenire sentio, quam ob frigidam, comparatiue, horum temperaturam. id ipsam conijcimus ex modo nunc dum tempore, quo actuatur, neque enim cum primum æstate ad actum reducitur, totum reducitur, aut saltem totum reductum, totum discutitur, sed particula tantum parata, quæ ubi per motum saltationis est cum sudore discussa, afflictio cessat, torpescente interim veneno superstitite, donec per calorem subsequenter æstatis, rursus ad actum reducitur, aut saltem magis disposita pars; ac sic successiue donec totum discussum est. ut fieri prope nequeat, quin tandem ex toto solvatur affectio. quæ etiam attenta veneni complexione fit, ut, ubi homini occurrit, inferiora magis, quam superiora occupet, unde pedes, ac crura veneni onus peculiariter gestant.

Vbi igitur per nervos diffusum, ad actum reductum est, illos sic excalefacit, ac mordicus expungit, & vellicat, ut cogatur homo, pro lenienda molestia inde suborta, agitare se, ac præternaturaliter mouere. quemadmodum videmus subleuari, cum à doloribus conflictati, insuetis nos damus commotionibus, ac varias querimus corporis figuras. cognouit hoc, atq. edocuit nos 3. in 6. tex. 14. unde quaq. sciens, Hippocrates, cum dixit figuræ subleuantes: exemplum afferens hominis, qui sarmenta impletebat: unde non indifferenter in hæc, vel illam dolentes nos, in cuius bimus figuram, sed in illam, quæ nobis magis confert, ut



ictus à tarantula vsuuenit , qui se illi dant motui ; quem insinuat expuncti nerui , & per quem actuatum , tolerabilior persentitur affectio : ideo quod membrum , à mordaci obiecto oblatus , minus eius scuitiam sentit commotum , quam quietum : qualiter cutis scabie detenta , & ab acri humore lancinata , scalptra , ac confricata recreatur , quod causa molestans per motum discutitur , aut deturbetur.

Attenta igitur minori afflictione , quæ per hanc , vel illam specificam commotionem comparatur , omnes à tarantula venenati , & actualiter læsi , vna propemodum omnes mouentur motione , vt videantur saltare : adeo vt , si hanc peculiarem variant , magis affligerentur . hac de causa cum sonus congruus , & adaptatus hominem alliciat ad illam saltationem exercendam , quam ipse insinuat , sitq; saltationis dux , sit vt ægri isti , à concentu musicalium instrumentorum saltationi sui ipsorum adaptato valde iuuentur , non propter harmoniam , frustra enim est cum ad eorum saltationem minime adaptatur , sed quod propter harmonicum sonum congruum atq; adaptatum facilius , leuiusq; se in specificum neruorum oblatum insinuatum motum se exerceant : vnde qui citra harmonicum sonum saltant , maiori longe conatu agitantur , læuiusq; affliguntur . ratio tamen vult , vt à sono quadantenus simul recreentur , & tolerabilius transigant : quoniam anima veluti abstrahitur , concentui vt rei delectabili , & efformandæ saltationi à sono insinuatæ , intenta ; his itaq; de causis homines tarantulati primo duntaxat æstu saltant : & musicis instrumentis delectantur , iuuanturq;

Interim si quis gladium apprehensum habeat , ictus præsertim contra musica instrumenta passim inanes iacit , non quod temere id faciant , non quod in medio illorum , vt ferunt , tarantulæ imaginem conspiciant , sed quod propter tales ictus , & brachiorum motiones , obleniant molestiam , quam ex neruis eorundem læsis patiuntur , qualiter propter saltationem minus affliguntur secundum partes infernas .  
atq; hæc de tarantula , iuxta relata mihi , sint in præsentia satis .



*De Scorpionis Apulia veneno.*

**S**corpio qui in Apulia degit, vt a quodam non contemnendæ fidei narratum mihi fuit, eiusdem ferme naturæ venenum gestat, quod & tarantula. etenim qui ab hac fera percutiuntur, cuidam coguntur corporis agitationi se dare, quæ itidem saltationis est amula, in qua ægræque à musicis instrumentis iuuantur, ac tarantulati. sed sicuti saltatio ista diuersæ nationis est à saltatione tarantulata, ita diuersum, ac peculiarem sonū exposcit. vnde a peculiari hac saltationis forma argumentum capiunt non a tarantula, sed a scorpione hominem fuisse læsum: attamen qui sic affecti sunt, non æque diu consistantur, ac tarantulati, cum secundo vel tertio, vt audio, iudicentur anno. Pendet hoc a veneni natura, quod vt magis coctum, quam venenum tarantulæ, sic est minus agre resolubile, quippe quod accedit quadantenus ad naturam veneni scorpionum vulgariū. qua veneni natura stante etsi pedum ac crurum nerui afficiantur non tamen plus afficiuntur, vt alioquid in veneno tarantulæ, quam qui per corpus disperguntur: & propterea sicuti tarantulati plus cruribus fatigant, ita iecti à scorpione plus cetero dimouentur corpore: adeo vt videātur isti, vt ab eodē audio, inter saltandum sapenumero in terram ab altero, aut altero latere cadere velle.

*De quadam herba, quam refert Plutarcus  
commeſtam inter alia admirabile quod-  
dam accidens producere vbi obiter  
de ſardoniam herba.*

*Cap. xij.*

**P**lutarcus in vita Marci Antonij, dum scribit, in exercitum huius Imperatoris a Parthis redeuntem ingentem seuiſſe famem, de quadam herba, cuius esui milites se dedere hæc habet. tandem ad herbas ac radices conuerſi, cū nota consuetudine de-



deficerent, coacti sunt ignotas assumere. inuenta est quædam herba, quæ ad mortem usque per insaniam adduceret: quicumque illam mandebat. neque neminerat cuiuspiam; neque vllum agnoscebat, ad hoc vnum summe intentus ut lapides effoderet, versaretque ceu magna quædam res, & celeritatis indiga gereretur: erant cuncta plena annixorum humi ad lapides reuoluendos, traducendosque, & tandem bilem vomentes moriebantur omnes, quando vinum defecerat, vnicum ad eam pestem remedium.

Cum venenosa hæc herba præter calidas impese, & humidas partes, quibus ascensum in cerebrum facile adinuenit, terreis etiam non parum ualeret, factum est ut calidis ac uaporosis, cerebri temperiem, animalemque spiritum corrumpens, principes omnes facultates ademere, ut qui eam ingessissent, agnoscerent neminem, nec recordarentur cuiuspiam; terreis vero partibus, nervos brachijs, ac manibus inseruietes, potissimum obladerit, non in alio consistit nervorum noxa, quam in aeri quodam excalefactione, expunctione, & aliquali contractione: unde nerui, hoc modo molestati, excitant hominem, pro molestia demulcenda, ad manus defatigandas, enixeque exercendas; quod cum aptius moliri haud sibi datum esset, se depolutioni, ac lapidum traductioni, dedere. In summa enim nerui stimulati, lancinati, aut simili quopiam modo lassi lacescunt hominem ad sui ipsorum commotionem, atque exercitium. sic canes ab assumptione nucis vomica, ut quæ cerebro ac nervis maxime sit infesta, in irregulares quosdam motus, ac velocissimos quandoque cursus feruntur, ac tandem conuulsi moriuntur. sic meniacorum dentium stridor, quietis corporis impatentia, percutidndi ministros, & adstantes desiderium, roburque illud, non ab alio prouenit, quam a nervis nervosisque cerebri partibus supercalefactis, exsiccatis, nec non quadantenus stimulis, atque inde moueri, exerceri se appetentibus. sic mordendi desiderium in canibus ac hominibus rabientibus cum a quodam odio per corruptum quodammodo cerebrum concepto prouenire possit, actus tamen mordendi indignabundus a nervorum dentibus inseruientium, qui inter alios in hoc affectu læduntur, stimulo immediate pender.

Cur autem venenum hoc nervos brachijs ac manibus exporrectos potissimum affecerit ut milites illi non ad cursus, non ad saltationes, aut alias insuetas motiones, sed ad manuum exercitium ac laborem fuerint inde excitati, ratio est, quoniã vene-

venenum istud secundum terrestriores ac simul calidiores pē-  
stes vel peruenire in cerebrum non potuit, vel peruentum decli-  
nauit rursus ob earum pondus in subiectos neruos, non quidem  
remotos vt lumborum, ossis sacri, pedis, sed ceruicis, a quibus  
nerui brachij famulantes deriuantur, vnde hi inter alios lēsi  
excitarunt hominem ad lapidum fōssionem, versationemq:

Rationabile tamen est, vt nerui quoque thoraci ministrantes  
essent lēsi, veram illi soli iniuriam demonstrabant, ideo quod,  
concessa pari lēsione, nerui illi magis lēsi videntur, qui mem-  
bris externis, quam qui internis inseruiunt, & quorum munus  
est euident, quam quorum obscurum: quemadmodum vsuuenit  
in sardonio herba, quæ etiam si in cerebrum fortiter euaporans  
furorem inducat, mentem adimat, & conuulsionem pariat ex  
Dioscoride & Aetio: attamen in hac cerebri ruina, in hac con-  
uulsione, quæ declarat omnes cerebri neruos esse offensos, qui  
maxillis inseruiunt soli offensi videntur: vt hac de causa genis  
contractis, atque dentibus hinc explicatis, videantur hi omnes  
ridere.

Cum, dicet quis, non inducit sardonio accidens, quod herba  
Plutarchi. Dic quod sardonio minus de terreo capit: & id in ce-  
rebro explicatum inibi mala, & inter alia conuulsionem parit:  
quam non inducant soporifera, quod terreo minime polleant.

Quam recte autem poterant, per laboriosam lapidum tradu-  
ctionem, manuum blandiri dolori, & demorsu, & quapiam ner-  
uorum contractione suborto, etenim præterquam quod motus,  
ac labor membrorum, quibus oblasi nerui inseruiunt, afflictio-  
nem inde subortam tolerabiliorem reddunt, poterant etiā per  
talem enixum contracti, ac decurtati quadantenus nerui elon-  
gationem, ac naturalem extensionem comparare, ac simul ab  
illata iniuria vindicare se, qualiter motus quosdam conuulsuos  
noctu nos aliquandiu affligentes, per digitorum affecti pedis ad  
nos retractionem, quæ naturalem musculorum extensionem  
importat: intercipimus, soluimusq: sic vulnerati, si quando à mo-  
tibus corripiantur conuulsuiis, crura nituntur contracta contra  
motum conuulsuum elongare, quo minorem sentiant crucia-  
tum: adeo vt si defecissent lapides, & oblata fuissent arbores, iun-  
ctis in vnus manibus milites ijeas ad se trahere essent enixi: non  
profecto vt ad se traherent, sed ad molestiam ac motum conuul-  
suum demulcendum, intercipiendumque vnde illud uerbum  
(annixorum) maximum quendam declarat horum conatum, vt  
qui pro afflictione neruorum vellicatorum lenienda, eorum,  
Z demq.



demque naturali extensione comparanda, niterentur deuoluere, atque effodere non parua, non enim pro ratione fuissent, sed magnę molis lapides. verumtamen cum venenum nullatenus remitteretur, sed successiue magis obfessa membra alteraret, moriebantur tandem omnes, si non haberent vinum, a quo alioquin epoto discuti, ac dissipari halituosum venenum potuisset; bilem prius vomentes, quod ventriculus, in quo de bile semper inesse solet, a cerebro ad summum lęso, in consensum esset attractus.

### *De veneno Canis rabidi.*

#### *Cap. XIII.*

**C**anis rabidus non dissimilis mihi videtur homini maniaco: quemadmodum enim hic sicca, & calida cerebri affectione laborat, & modo audax in furorem agitur, modo męstus degit, ministros percutit, & crebro exigua sputamina alba, spumosa eijcit: ita canis propterea rabie furit, quod consimili cerebri passione agrotet, vt ob id in magnis ęstibus a rabie, vt plurimum corripiatur: vnde Aetius tet. 2. ser. 2. c. 24. sic habet cum canes natura calidi, & sicci sint per ætatem ex ambiente nos aere aliam caliditatem, & siccitatem aquirunt, & ob immoderatam intemperaturam insaniunt, & hæc insania vocatur rabies: sic igitur affectus canis in primis festinante pede audacissimus; postmodum lento męstoque pede incedit: obuios canes & homines quoscumque ferit aut ferire tentat. & cum expurgare se per sputa datum sibi minime sit, spumam in ore generatricem materiam habentem, ebullientes in eius cerebro, atque in os descendentes acres humores, abundanter colligit.

Cum autem passio hæc canina in intensione longe superet, quæ hominis est, ratione per calidæ canis cerebri temperiei, vt hinc intensior facta, maximum recessum ab intemperie cerebri maniacy calida, & sicca dicat, fit vt, spuma hæc canina, generatrice eius materia mirum in modum in cerebro feruefacta, atque ignea vi foeta reddita, per calidam, atque a core effatu digno referta sit. hac igitur qualitate donata, vbi in carne humana, cū carnis hominem mordet, relinquitur, nervos, nervosasque, atque spermaticas corporis partes insigniter excalefacit, atque exsiccant, vt  
e pro-

propria, ac naturali non solum deturbentur natura, & aliam asciticiam calidam, & siccam comparant, sed quandam insuper acrem fermentosamq; contrahunt qualitatem, cuius ratione, à neruo primum affecto, successue cuncti, & quodcumq; ex hoc genere est, nervosa scilicet, ac spermaticæ omnes partes conficiuntur, viru per propagationem modo fermentatio repente, atq; hæc occupante, quemadmodum contagiosum venenum per sanguinem repere, illūq; corrumpere, ac fermentare docuimus: quod fit ita paulatim, ac sensim à remissiori per gradus maioris successue intensioris procedendo, vt nulla interim tristis sequatur sensatio: quemadmodum vsuuenit in vicilagine, & partes per quas serpit, quasq; afficit, dum propria, ac naturali exuuntur natura, noua atq; extranea tanquam conaturali induuntur, non in circumferentia tantum, verum etiam adæquate in centro: adeo vt hæ partes, hæc membra, secundum sui totū, veneni caliditatem, atq; acrem siccitatem contrahunt, ac si naturaliter, atq; habitualiter hanc conciperent, & propterea fit, vt nō prius venenatus homo sentiat venenum in se gestare, quam in cerebro, eiusq; membranis, ac nervis sit intemperies effatu digna introducta: hinc enim, cum vndiq; praua elucescant symptomata, facile deprehenditur hominem rabie tentari.

Sed antequam ad horum symptomatum enarrationē, causarūq; explicationem deueniamus, opere pretium est, prius intelligere, quæ de causâ venenū hoc à prima sui introductione modo citius, modo tardius p symptomata à se pducta cōpareat: etenim, cū vt plurimū circa quadragesimum, quandoq; tamen ante vigesimum diem efflorescit. quin etiam scribit Aetius loco supra citato, quosdā statim vbi commorssi sunt aquam, & alios liquores timere. testatus alias mihi est medicus fide vndequaq; dignus, nobilem quemdam virum, cum à canicula, quam pro solatio in sinu habebat in facie fuisset vulneratus, sequenti die venenum per horribilia symptomata sensisse, & quamprimum, è vita migrasse, quod videtur quoque vsuuenisse duobus adolescentibus apud Elianū lib. XIII. cap. 19. & ipse testor de visu, quod estate anni 1633. cum à lupo rabido duo iuueni fuissent in posteriori parte vel leuissime vulnerati, quadraginta horarum spatio inflati, cum maximo rugieui interiere. e contra non prius interdum sui notam venenum dat, quam transactis quibusdam mensibus: quin, & aliquandiu per plures annos delirescit refert Galenus 2. proret. com. 17. se vidisse quendam, qui factus est hydrophobus post annum, & Auicena alium, qui post septem annos. Albertus magnus lib d. anim. 2. scribit se vidisse quendam, qui post annos duodecim à morfu accepto in hydrophobiā incidit.



Questioni huius sic respondendum sentio, venenum istud citius aut tardius quadragesimo die manifestari, prout magis aut minus in suo esse calidum, atque acre extiterit, accedente anni tempore calido, & sicco. verum tamen cum per annos delitescit rationabilius est. delitescere, quod in loco demorso diutissime torpescant, antequam ad actum reducatur, retusum fortasse a sanguine, ut quando locus est carnosus, & nervosis partibus expers: fortasse quoque quod debilem nasciscatur calorem, ut in vulnerato teneræ ætatis: sicuti enim remissus calor ægre valet excitare in re aliena putredinem, ita, & blandus vaporosusque qualis est ætatis puerilis quomodocumque hoc se habeat, si quando contingit, ut venenum hoc in animante, diutine occultatum, ad actum reducatur, rationabile est propterea ad actum reduci, quod venenum torpescens ad instar tarantulæ ex occasione sufficientem quempiam calorem ad sui activationem sit nactum. quo etiam casu tale venenum censendum in suo esse remissum.

His sic præmissis venenum hoc, cum cerebrum occupaverit, in temperiemque introduxerit effatu dignam, hæc suboriuntur symptomata, iracundia, tedium tristitia, contorsio, cuiuscumque decubitus displicentia, vigilia, somnus turbulentus, lucis aversio, rubor vultus, plura sputamina, corporis gravitas, articulorum stupor, abominatio imbris, parva bibendi cupiditas præter consuetudinem, mox vero patientes aquam, ac liquida omnia abominantur; adeo ut si quidem aquam videant, vel sonitum eius audiant, aut aqua ipsis offeratur bibenda statim tremunt, in furorem aguntur, ac interdum convelluntur, ut Democrates apud Galenum in 2. d. antid. cap. 15. tandem etiam delirant, ac convalluntur. hæc in primis remissiora, mox intensiora, & horribiliora: quidam ab his omnibus, nonnulli ab horum quibusdam duntaxat diuexantur: quorum omnium causa ab una potissimum sicca, & calida, totum æqualiter cerebrum occupante, intemperie petenda est.

Etenim iracundia, etsi quandam sanguinis circa cor in consensum attracti, effervescentiam dicere possit. in hoc tamen casu cerebri symptoma esse sentio: quoniam hæc animæ passio in homine rabiente non est vera iracundia, sed quoddam ad cuncta odium, & cuiuscumque rei oblata displicentia (hæc est enim velut rabiei forma) quæ sequitur intemperiem eius calidam, & siccam, quatenus hæc dicit dissonantium concentui aliorum principum membrorum aduersum. unde etsi homo hac intemperie utatur tanquam naturali, nec ullam sentiat dolentiam: nihilominus cum hæc cerebri intemperies, diuersum quid dicat a consonantia totius, fit et



homo sine manifesta causa, accedat præter rationem aquiescere animo, & corpore nequeat, sui ipsius impatiens sit, & iracundiæ effectus semper edat: unde non mirum si illum tædeat, tristetur, contorqueatur, meliorem querat decubitus: quamvis hæc omnia accidentia consequi alia ratione possint calidam, & siccam cerebri intemperiem. propterea quod huius qualitas non solum in quodam calefacto atq; acri esse ponit totum cerebrum, & nervos etiam per corpus dispersos, sed spiritum insuper animalem consummit: unde ex intemperamento suboriuntur vigilia, & somnus, quantus iste sit, non placidus est, sed turbatus, ob quendam vaporum sursum latorum acrimoniam, à cerebro supercalefacto contractam. plura sputamina facile indicant supercalefactas esse, atq; acore præditas cerebri humiditates, quæ in os dilapsæ excitant hominem ad crebro expuendum. rubor vultus quandam phlogosim dicit: fieri enim nequit quin loco præter naturam calefacto, locatum pariter quandam præternaturalem concipiat incallescantiam, à qua insuetus rubor. nausea, cum provenire possit à ventriculo ab eadem intemperie detento, rationabilius tamen est, induci ob consensum istius visceris cum cerebro, præsertim cum æger aquosum quodpiam apprehendit. contorsio autem, & omnis decubitus displicentia, nervos sequitur exsiccatos, ac quadantenus lancinatos, qui cum, ratione cum intemperantiæ sui ipsorum, tum, & animalis spiritus non possint satis ab eodem spiritu irradiari, sit ut gravitas corporis, & articulorum stupor locum habeant. ex consumptione vero, quæ paucitatem spiritus animalis importat, tedium, tristitia, ac levis auresio proveniunt.

Superest modo, ut causam afferamus per quam ægri rabie furentes aquam tantopere abominentur ut nec illius sonitus nec de illa loqui, ne dum illam tangere, aut gustare, ac sustinere queant: quod accidens veteres, atq; recentiores adeo admirati sunt, & æstimarunt, ut affectum rabidum, hydraphobiam, seu timoris aquæ nomine insignitum voluerunt. quod tamen non omnino quadrat; quoniam ægri non abhorrent proprie aquam, ut quid extimescendum metuendumq; sed ut quid sibi ipsis adversum: qualiter ab abominabili, vel sordida quapiam re, non tamen metuenda, visu, & auditu abhorremus. sed quicquid de nomine sit, huius accidentis germanam causam, cuius inuestigatio tantopere multorum ingenuit, atq; eruditissimorum virorum ingenia defatigavit, iam tempestivum est offerre. ad cuius exactam intelligentiam, recipiendum rursus: coassici à viru hoc canino spermatica omnia membra, eaq; adequate secundum totam sui substantiam, ac subinde



inde cerebrum ipsum ; quatenus non solum cerebralem substantiam, verum etiam membranas, nervos, & venosa arteriosaque vasa comprehendit. Scimus autem ex formali huius nobilissimi membri temperie, tanquam harmonico concentu, spiritum animale, qui ex aere, & spiritu vitali per Galenum generatricem habet materiam, resultare. utraq; nimirum tenuis hæc substantia, ubi à cerebri temperatura suis in locis præparationem, coctionem, ac perfectionem vniformiter accepit, animalis iam est spiritus, sui principij natura indutus, eiusq; formalitatem, ac characterem efferens : adeo vt quali temperamento vitur cerebro, tali quoque, & spiritus animalis, qui vitali in tenuitate, puritate, ministerio longe præstantior existit. hic est, qui, vt reliqua eius munia omittamus, rerum omnium imagines seu species à sensibus externis perceptas ad cerebrum tanquam censorem transuehit. sunt rerum species medium quoddam, per quod res cognoscuntur, has spiritus animalis occurrens, sibi vnit, atq; vi intelligenti, vt iudici, ac pro tribunali sedenti diiudicandas offert : hæc autem vnio non aliud dicit, quam spetierum, ac spiritus animalis in vnum quendam confluxum ; atq; consensum : vt ob id quidam eruditissimi viri spiritum animale spetierum promptuarii iure censuerunt dicendum.

Cum igitur in hoc affectu spiritus hic, naturæ sui principij consequitius, in quodam sit calido atq; sicco acri esse constitutus : cumq; hoc esse, contrarium, ac diffidens sit naturæ aquæ, sit, vt nulla ratione aquæ speciebusue aquæ quouis modo sibi oblatis occurrere, ac consentire valeat ; sed illico ab ipsa vt aduersis, ac sui destructiuis abhorreat, auertatq; se, simul, & semel trahens hominem in eiusdem auersionem quandoquidem homo auertit se, non quod vere sciat aquam sibi, affectio. i. se suæ natura esse aduersam : sed quod cogatur quodammodo spiritui animali auertenti se, ab imaginibus aquæ sibi oblatis, eiusq; displicentiæ annuere, ac consentire : vnde dum abhorret aquam nescit quæ de causa abhorreat. quod si inuito aquæ sonitum audiat, vel aqua ei offeratur bibenda, aut aspicienda, tremit, obstrepat, in furem agitur, & quoq; conuellitur, per præsentiam enim aduersissimi obiecti, cum spiritus in se conuertantur, retorqueantur, ac cogantur in proprio principio, maxima sit displicentia, adaugeturq; passio, quæ etiam si ad terminum conuulsuum non dum peruenerit, conuulsionem tamen auocat, teste Democrate apud Gal. loc. supracit.

Casus. Antonius Pirus Notarius de Herbusco narrauit mihi per agrantem se olim comitem habuisse quendam suum domesticum canem

canem, rabie sine spuma, seu ut dicunt, rabie sicca detentum. hic ubi peruenit ad foueam quandam aqua plenam primo tremens est factus, non ubi aliquoties in girum conuersus est, in se retortus, concidens iuxta aquam perijt. scilicet quemadmodum calor, & frigus per sui contrarij circumstantiam intenditur, sic passio hæc calida, & sicca, quæ aquæ auersionem importat, per aquei obiecti præsentiam maxime adaugetur.

Ex quo satis constare arbitror rabientem non abhorreere aquam ob ventriculum læsum, nec quod rationem habeat corruptam: quoniam quo tempore respuit aquam bene diiudicat; sed propter contrarietatem, & diffidium, quod inest inter naturam spiritus intellectiui, & aquæ: cuius diffidij ratione oblata aquæ imagines ab eodem omnimode abiguntur, ac respuuntur, ut ad cameras principum facultatum peruenire, ne dum intra cameras admitti ulla ratione queant. qua de causa illud oritur, quod æger abominatur aquam, ac potulenta omnia, sed istius abominationis causam adducit nullam, quod datum haud sibi sit aquam concipere ullo modo posse: alioquin cum de alijs rebus loquatur, ac bene diiudicet, pariter de aqua sermonem haberet, & de ea ferret iudicium.

Quis dicet, quomodo quispiam potest intemperie cerebri calida & sicca, quæ mutationem totalem temperiei eiusdem naturalis dicit laborare, ac simul mente constare? Dic, quod etsi intemperies hæc magna sit ratione extensionis, ratione inquam substantiæ totalis membrorum læsorum: attamen ratione intensiōis parua est, cum primum ab aqua æger abhorret: unde interim bene discernit: sic cum per quasdam febres patientis cerebrum præter naturam incallescit, non adhuc tamen delirium adest, sed cum maxime incallescit. verumtamen cum intemperies hæc in summo introducta est, iam quoque delirat homo, quod vsuuenire solet cum prope mortem iam est. hinc in definitionibus apud Galenum, cum definitur Hydrophobia additur postremo, & his superuenit delirium, quippe quod in primis non adesse solet, cum enim ab vno remissionis, per gradus maioris successiue intensiōis procedendo passio introducatur, sit ut accidentia, quæ primum elucet successiue intensiora fiant, & his alia superaccedant, hinc cum primum æger ad aquæ potum non valde contumax sit, postmodum aquam nullo modo sustinere valet. sic rubor vultus in primis remissus est, procedente tempore intensus, sanguine ab intemperie conceptaculorum intensiori facta, magis incalescente, qua etiam de causa iuguli inflat io circa ægri interitum superuenire solet, sic cum primum con-

vulsio



vultio nullum habeat locum, postremo nervis maiorem in modum excalefactis atq. exsiccatis comparet. quo etiam tempore oculi languentium valde prominent, igneiq. & micantes sunt, vt intuentibus magnum inferant horrorem.

Et quamvis statutum sit spermatica membra obiectum maleficentiae istius veneni esse: attramen rationabile est cor quoq; nec non iecur per quandam communicantiam compati; viget enim inter primaria membra consensio maxima; adeo vt etsi diuersam inter se efferant naturam, vni tamen insimul humani corporis concentui intendunt, in vnam conspirant harmoniam, est natura horum principium membrorum tanquā discreta symphonia, vt ex oraculo in 1. de dia. colligere licet, ad vnam totius harmoniam comprehensum has tres symphonias, per omnia penetrantes, in se habentem directā, ac coordinatā; vnde vna valde perturbata, perturbari, & alias, & totum corrumpere concentum contingit. sed hoc vsuuenire duntaxat, cum virus iam alte pedes impressit, credibile est. scribitur a quibusdam in quodam rabie interfecto, ac secto clara compassi cordis inditia illuxisse; pericardij humiditatem absumptam, pericardiumq; atq; cordis sinus tabefactus, atq. sanguine orbatus: vt minime mirandum sit, si pariter iecur aliqualem offensam simul patiatur, quo stante, non sine ratione proposuerunt quidam apud Elianum de animal hist. lib. 14. cap. 19. quibusdam comorsis a rabida canicula hanc eandem interficiendam, & illius iecur vt medicamentum appositum offerendum esse.

His sic de veneno canis rabidi statutis, difficultas quaedam tollenda. etenim si per intemperiem calidam, & siccam, cerebrum occupantem, homo abominatur aquam, videretur sequi maniacos atq; hecicos hoc identidem accidens esse subituros.

Maniacis, ac tabidis hoc non vsuuenit quoniam eorum membra laesa inaequaliter sunt, in superficie, inquam, & non in ventribus calefacta, atq; exsiccata: vnde cum in horum ventribus naturalis uigeat temperies calida, & humida, & haec coctionum effectrix sit causa, spiritus gignitur animalis, qui gestans temperiem, ac formalitatem productricis sui causae, in suo naturali esse consistentis, nequit ab aqua, speciebusue aquae dissentire. Nec quis dicat in haetica febre equaliter solida secundum sui ipsorum totum esse calefacta, atq. exsiccata, vt in medicorum schola sentiri uidetur, & propterea hecicos saltem abominationem aquae esse subituros, quoniam praeterquam quod eorum cerebrum minime ab hac tangi intemperie sentimus, in ventribus quoq. solidorum praesertim spermaticorum custodiri in hac febre ad interitum usq; humidum

humidum radicale, & innatum calidum, quantum istud sit, in sua formalitate, pro constantissimo habemus, quandoquidem iactura istius humidi, istius calidi non efficitur secundum formalem eius intentionem, sed extensionem, alioquin hominis natura mutaretur totaliter, & extingueretur quamprimum, quemadmodum per passionem calidam, & siccam in viru canino.

## LIBER QVARTVS.

## De Pestilentibus, ac Venenosis Morbis.

*Quid actum, & quid de cetero agendum.*  
Cap. I.

**V**iso iam, quæ sint pestiferarum, ac contagiosissimarum febrium causa remota, ac proxima: Quid sit in genere uenenum actuum; quot; & quæ eius differentia, atque agendi uniuscuiusque ueneni modus: quosque effectus ac symptomata in animante pariat, iam tempestivum est inuestigare, qua ratione, qualibusque præsidij uenena, uenenosique morbi profligari ualeant.

*Quid indicet venenum, ut euincatur. Vbi alexipharmacorum natura probe discutitur, explicaturque eorundem cum venenis colligatio.*

Cap. I I.

**C**um igitur uenenum actuum nil aliud sit, quàm tota quedam, eadēque tenuissima substantia, actu calida, ac quatenus talis, ubi occurrit, hanc, uel illam partem animantis constitutiua corrumpat, iam intelligimus, ad hanc totam substantiam euincendam, planeque profligandam, quamprimum esse

A a occu-



occurrendum ijs, quæ mirum in modum tandem rarefaciendo, discutere, dissipare, ac fugare valeant. Quamobrem medicamenta hæc calorifica vi prædita esse volunt. & non quauis, sed insigni nec insigni tantum, sed, & in partibus valde tenuibus, consistenti.

Supplici de causa pollere insigni facultate calorifica debent, altera ut valeant alterationem saltem totalem ventriculi effugere, & facultatem, quam retinent, in iecur, ac supra ipsum, quo in loco spatium solet venenum, deferre: ut talia enim sunt calori ventriculi perniciosa, unde inconfecta in iecur, ac venosum genus ascendunt, ubi à calore, qui inibi maxime viget, ad actum totaliter reducta, propriam in venum explicant facultatem, altera, ut illud idem valenter discutere, ac simul dissipare possint. constare itidem ex partibus valde tenuibus debent, ut vis eorum prodiens, & sui principij naturam efferens, valeat, ut tenuissima, fundi expeditissime per vniuersum corpus, per quod aura venenosa spatietur, & in hanc penetrare, ac simul, & semel mirum in modum rarefacta dissoluere. ut propterea statuendum veniat, quæ debellare venena nata sunt, medicamenta illa esse, quæ insigni pollent facultate discutitoria hinc quæ à veteribus, ac recentioribus per experientiam, ac longum usum comperta proponuntur, contra hoc vel illud veneni genus, si quis recte attendat, eminentem quandam discutiendi vim obtinere comperiet, non solum simplicia, sed etiam composita medicamenta, quæ alexipharmacæ, vel alexeterij nomen sunt adeptæ. unde sicut venena omnia vnâ in genere indicationem habent ad sui expugnationem, sic insignia quædam alexipharmaca, quæ, & antidoti nomine sunt donata, vnumquodque ferme venenum euincere, aut debilitare nata sunt: in quorum numero extat Mithridatica confectio, sed illa de qua Galenus in 2. de antid. cap. 9. theriaca auaritia nullatenus redolens, plurimæque alia, quæ apud Principes reperiuntur.

Qua natura alexipharmacorum sic stante, intelligimus, venenis hæc immediate subordinari, adeo ut ex his quædam validissima cum venenis remissis confunduntur, quo factum est, ut veteres quædam in antidotis immiscuerint venena, ut confectionem redderent præstantiorem, ut opium mandragoram, iusquiamum, squillam, carnem viperinam, cui rei intendens Erasistratus apud Dioscoridem lib. 6. cap. 71. aduersus basilisci morsum opium solum propinabat. Quo simul edocemur venenum remissum se habere ut alexipharmacum contra venenum intentum: & propterea viperæ caro attrita, & vulnere imposita, sic, & araneus mus confusus, nec non cocodrili adeps contra ipsiusdem venenum, ut alexeteria salutariter



salutariter adhibentur teste Galeno in lib. de ther. ad Pis. cap. 10. quo tam adaperitur illius adhuc indiscussi, & a Galeno eodem in loco propositi problematis causa, scilicet quæ noxia sunt, interdum prodesse queant. sunt enim horum animalium partes venena non simpliciter talia, ideo quod venenosum aliquod animal non solet esse venenosum secundum sui totum, vel saltem non eque secundum totum venenosum, vnde pars minus venenosa, ut minus intense calida, nata est se habere ut alexeterium in partem, quæ simpliciter venenum est. & quamuis quæ noxia semel sunt, videantur homini nocere debere, quodcumque exhibeantur nihilominus res secus se habet, dummodo venena, quæ, ut alexipharmaca, adhibentur, contra venena offerantur; quoniam eo ipso, quo venenum in corpus humanum agens euincitur, alexipharmacum efficitur, contra venenum, quod ut alexipharmacum fuit venenato homini exhibitum: adeo ut vno, & eodem tempore venenum patiens fit agens, & alexipharmacum agens fit patiens, & utroque hac ratione in aeream substantiam digesto, venenatum corpus expurgatur, defecaturque ab omni aura malefica.

Cum itaque ex alexipharmacis alia cum venenis confundantur, alia immediate, mediate alia ipsius subordinentur, fit hinc, ut tres insurgant alexipharmacorum differentie si enim ex his, quæ, & alexipharmaca, & venena simul sunt, postremam quandam speciem constituere velis, altera successive species statuatur ab his, quæ validissima, non tamen adhuc venena sunt. & ordinatim recedendo priorem ex his speciem constitues, quorum facultas existit non æque ualida. adeo ut si ab infirmioribus ad ualidiora alexipharmaca, & ab his successive ad venena in summo talia quis discurrere velit, longa sed ordinata serie, cuncta hæc inter se quodammodo connecti compertiet.

Sunt autem in genere medicamenta hæc, quæ contra venena exhibentur, non vnus, sed multiplicis substantiæ, aquosæ, & hæc infirmissima omnium sunt: aride: & inter utramque hanc substantiam medio modo se habentia.

Aquosa sunt aqua theriacalis, aqua vitæ seu ardens, aqua stillatitia ex carduo sancto, ruta, angelica, diptamo, tormentilla, scordio, floribus aranciorum, dactyla ligni guaiaci, salsa parilla, china, uinum album generosum, & alia innumera. sed circa aquam theriacalem, et aquam ardentem animaduertendum, quod etsi nata esse uideatur, ad ualide discutiendum, parua tamen pro ratione ex his contra venena ebibitis, resultat utilitas: ideo quod, cum percalidis, raris constant partibus, quarum ratione quamprimum assumpta actuantur, vnde



in venas debilem deferunt facultatem: præsertim vero aqua ardens, quæ in ore ne dum in ventriculo sui subit actuationem: ac idcirco etsi multum excalefaciunt, parum tamen discutunt. alia stillatitia aquæ ut minus calidæ, minus etiam pollent, proinde liquores congruentes sunt, quibus potentiora admisceantur alexipharmaca, ut diaphoreticam vim habentes: decocta non contra venena, sed ut plurimum contra quosdam crassos, ac frigidos: aut calidos sæpeque fermentosos humores quam apte offeruntur: ut aquosa enim diluunt; ut acria penetrant; ut calida successiue discutunt. quamobrem ubi sunt à calore hominis actuatorum, in vaporosam abeunt cum noxijs humoribus substantiam, quæ per vniuersum corpus exiens, sudorem efficit copiosum: vnde merentur hæc dici propriè sudorifica: quorum partes, quemadmodum & infestantium humorum, rariore primo, densiores, atque acriores postremo attenuantur, & per sudorem erumpunt. propterea recte statuerunt scriptores per spatium circiter horæ, ni quid obster, agrum esse sudandum.

Substantiæ sunt aridæ, aromata plura, & alia huiusmodi, quorum quædam celerius nempe in ventriculo, tardius alia, ut in venis, eadem ferme utrorumque intensione data, ad actum assumpta reducuntur. Quæ enim maiorem humidi proprii coctionem, maioremque præferunt raritatem, illa quoque facilius in ventriculo alterationem admittunt: quin immo vel paululum masticata quandam recipiunt in ore alterationem, ut testantur acrimonia linguæ illata, ut piper, cinamomum: nihilominus, & in venas effatu dignam gestant facultatem, maxime si in copia fuerint assumpta, ratione earum partium, quæ exactam demolitionem non sunt sortitæ. quorum vero humor est non aque coctus, densiorisque, nec aque aridæ substantiæ, sicuti masticata linguam minus expungunt, sic magis integram in venas propriam deferunt virtutem. hinc non mirum, si illud Aponense in peste præseruatium tantopere celebretur, quod ex nucibus duabus, ficis tantundem, & folijs rutæ viginti constat: abscondant enim nuces, quemadmodum & fici vim quandam calorificam, quæ in venis ad actum plene reducta virulenta auras discutere nata est.

Quæ inter utraque hæc substantiæ qualitate ambigunt, sunt velut allium, scordium, creticum, theriaca, mithridatium & alia: sub hac differentia iure locabimus balsamum, bezoar, extractum baccharum iuniperi, baccharum hedera, rosmarini, flos sulfuris,



Spiritus salis methallici, nitri, oleum cinamomi, gariophilorum, rosamarinum, sal theriacale pruelle, sal viperinum, truciſci viperini, iuſquiammi mandragora, opium, ſquilla, caro viperina. Sed hæc poſtrema correctæ eſſe volunt ijs, quæ humidum eorum primigenium coquendo, efficiunt vt actuata celerimè reſoluantur. Et propterea cum calidarum ac tenuium partium medicamentis ſemper commiſcentur. Sunt autem ex his plurima validiſſima, expeditiſſimeque opus ſuum perficientia, maxime ſi cum congruenti liquore, eoque calido offerantur, quæ omnia, cum caſus euenit non ſemel, aut bis, ſed quouſque veneni vim extinctam eſſe, comperies, ſunt exhibenda: octaua interim, aut ſexta, aut quinta, nunc & quarta quaque hora: ſcilicet pro minori vel maiori veneni acuiuit, & urgentia: Doſis non vna, pro medicamento qualitate, & hominis ætate. quorum ætas eſt florens, calorque natiuus mordax, ijs ſumma conuenit quantitas.

Hunc expugnandorum venenorum modum medicinz decus Hippocrates declarauit ſe vndequaque tenuiſſe, cum 6. in 6. tex. 5. dixit maleficorum lac, allium, vinum feruefactum, acetum, ſal: hiſce enim propoſitis medicamentiſus naturam venenorum omnium, ac curandi rationem reſpexiſſe videtur. Sunt namque (ſicet mihi rursus venena omnia generalius diuidere) quatuor ſumma genera, turgentia, quæ ſanguini, ſpiritibus, ac nervis ſunt inſenſa: putreſcencia atque erodentia, quæ ſolidis: tabeſcencia, quæ ad tabem hominem ducunt: ſtrangulancia, quæ eundem aſſumpta ſtrangulant. Sed de poſtremis quorum natura paucis nunc explicabitur minime eſt actum, quod præter inſtitutum eſſent noſtrum. lac igitur contra erodentia vtiliter exhiberi ſolet, quemadmodum & butirum, obtuſa eorum inſigni acredine, nec non ſede affecta refrigerata. Allium & vinum feruefactum, generoſum ſcilicet & multum (ſic enim omnibus venenis auxiliari ait Celfus) contra turgentia eadem diſſipando pollent. feruefactum iubet, quoniam ſic expeditiſſime in venas fertur. Sal mirifice abſtergendo validiſſimas venarum meſenterij obſtructiones, a ceruſa & gipſo aſſumptis inductas tollere poteſt; quæ alioquin obſtructiones prohibendo, quo minus pars chili vtilis ad iecur deferatur, homo alimento fruſtratus, inſueto quodam modo tabeſcens emoritur: adeo vt ſi poſtmodum ſeces cadauer, venas portam, ac cauam ſanguine comperies inanes; quando alioquin eadem epota fancibus non adhareſcant, quo caſu hominem ſtrangulant, quemadmodum & fibroſus fan-



sanguis e mactato tauro extractus, & illico ebibitus; cui casui accedum conueniens est: quod strangulationem pariter ex fungis per incisionem atque extenuationem lenta eorum substantiæ auxiliari natum est, praesertim vero si in eo tantillum squillæ inferbuerit.

Sed opere pretium est audire, quō fungi strangulent; etenim cum sint fere omnes frigida, & humida naturæ, ac densæ substantiæ, ubi ingestis datur in iecur ascendere, in succum quemdam lentum vertuntur, qui à caua exceptus, atque vltius elaboratus, tenuiorem, successiveq; vaporosam comparat substantiam, quæ ex sui natura sursum lata, ubi ad guttur, ac fauces peruenit, non vltius procedit, sed præ frigidiori regione rursus densate, maximas inibi facit obstructions, vt emori hominem strangulatum necesse sit. Casus Rusticus Adrensis, nomine Adrianus de Todeschis, ex copiosissimo eoque triduanoboletorum paululum elixatorum, ac rursus modico butyro quadantenus in sarragine elixatorum esu, capit affligi uidebatur sibi aliquod ad guttur ascendere, ab eoque ueluti strangulari, idque modico quoque temporis intervallo quod cum à gente fuisset compertum, conueniebant vndique homines, ac femine, ut quid hoc esset, curiose uiderent, dicebantque ei hoc esse padronum, qui ad guttur ascendebat; à quo potuisset strangulari: atque hac de causa, seu quod molestiam leniret, quæcunque strangulari se sentiebat, manibus guttur fortiter constringebat. vocatus ipse ad illam, ratusq; effectum hunc strangulatorium à fungis prouenire potuisse, percondatus sum, nihil quid fungos efisset: ita quidem respondit, sed omnes boletos in maxima quantitate; & cum apposita medicamenta parare ei facerem, derisus ab omnibus, quod esset homo facetus, quodque vt sanus, & erectus strangulari se assereret, secessit in Cœnobium Patrum Capucinatorum Coloniarum, quo in loco nocte strangulatus interijt. Secto cadauere, vasa iuxta guttur, quæ autumaui, succo viscido infarcta comperi. homo triginta annorum circiter, vigorosissimus, ac robustissimus: pectus gestans, quod osseam tabulam substantiæ soliditate aequalem pro costis habebat. hic est, cui alias semitægrotaui, ac cibū, ut ipse aiebat, fastidiente cōtigat, vt alius per quindecim dies reddiderit plane nihili. nterim autem mane, & sero duos effatu dignæ magnitudinis panes in panata digestos commandit: adeo ut postremo se sexaginta panes in uentre habere dixit.

Sunt tamen quidam fungi non præ frigida, sed impense calida natura



cura: noxij: hi sunt pedicularum incisi, quos si frangas lac guttatim effundunt, unde comesti acrem impense faucibus calorem, sthomaci erosiones, aliaq; praua. inferunt symptomata. consistit eorum prauitas, ac maleficientia in eorum lacte, adeo ut ex his quidam sint, qui unicadactis gutta fauces inflammando strangulare hominem ualent, quibus forsau respiciens Galenus in l. de bonis. & uitis succi. cap. 1. dixit ipse quosdam noui ex fungorum esu perijisse statim: sunt insuper multe aliae fungorum mortiferorum species, quorum esus pro natura uisus ac uarij, ac lethalia symptomata, sepius uero inferunt mortem. Hi si frigidi fuerint crebra theriaca, uel mitridatij exhibitione sunt oppugnandi: opportunissimumq; est oximel squillitium. ac diatriopipereon ad incidendam, digerendam, ac discutiendam crassam eorum substantiam. calidi pero strangulatorij, seu eorum, noxa, lacte, butiro, oleo amygdalino uel penidiorum est corrigenda. multis idem autem fungorum esu malis, & illis

Quamobrem ex propositis ab Hippocrate superius medicamentis norma non habes, quomodo unumquodq; ueneni genus expugnari possit: neq; cum casu se se offerente, tibi est unum lac, unum uinum, sal acetum exhibendum, sed alia, &c. alia quoq; horum singulorum naturam, ac facultatem praeferebant. & cum diuersa sunt uocari medicamenta haec antidota, & alexipharmaca, & alexeteria, quidam tamen apud Galenum in 5. sim. cap. 18. alexeteria, quae ueneno a feris inflicto, alexipharmaca uero, quae alijs deleterijs opponuntur, proprius censuerunt dicenda.

*Quibus praesidijs uenena solidis infensa  
oppugnanda sint.*

*Cap. III.*

**N**on differenda, sed ubi conspicuum fuerit hominem ab erodente uel putrefaciente ueneno esse detentum, illico remedia sunt addibenda. duplex se se offert curandi scopus, alter ut euacuetur, alter ut uis eius acrimonia reuindatur, ac simul patienti parti auxilietur priorem adimplebis vomitu, & clisteri vomitu (praesertim si non descenderit) lixiuio, uel affari, & raphani decocto, & hydromelite, aut aqua tepida cum butiro, non semel, sed pluries, si opus fuerit. clisteribus ex succo coctarum maluarum



rum, iuribus pinguibus, lacte, butiro, & similibus, cum pulvere zacchari, sale, nitro, & potissimum de veneno in intestinis adherescente notam habeas. sed quoniam his non obstantibus relinquitur in intestinis, aut ventriculo de veneno quicquam consuevit: propterea nulla ratione omitendus, sed adimplendus alter scopus, lacte, butiro, emulsione seminum frigidorum, ptisana hordeacea in iure facta, pinguibus iusculis; oleo pineorum, et dulci amigdali-  
no: insidendumq; in horum usu etiam per clisteres, donec venenosam vim, ex toto extinctam compertum habeas.

Sed ad maiorem maleficientię, & curationis erodentium venenorum cognitiorem, non indecorum fuerit, casum hic adijcere. Iuuenis quędam ad maritum de recenti ducta, cum vellet maritum tollere, paratum, quod habebat in quantitate, arsenicum, cum caseo trito commixtum, super panem brodio dilutum, inspersum obtulit. hic, & quidam eius consanguineus ubi cibum veneno conditum ingessissent, cęperunt hora iam transacta de dolore ventriculi, calore, & insigni afflictione conqueri. mox vomitibus, atq; alui turbationibus simul per multas horas affligentibus, non solum cibum ingestum, sed, & bilem flauam, & alias humiditates reiecerunt. his quiescentibus nihilominus cruciatus quodam ventriculi, cum sensu erosionis, calore, inquietudineq; , & circa renes dolore, nec non ardenti siti, vigilijsq; continuis detinebantur, ambo ab his omnibus: in consanguineo tamen omnia hæc erant quadantenus intensiora: hunc tertia vocatus adij, & cum ex insinuata mihi a domesticis illius suspentione, nec non ex enarratis accidentibus, pulsusq; paruitate, in certam de veneno assumpto deuenissem cognitionem, congruo languenti victu præscripto, inter alia medicamenta oleum amigdalinum de recenti extractum parandum curavi: sed nuntij medicamenta deferentis ( erat enim in aliena Terra ) obliuione, ac domesticorum ignorantia, medicamentum, quod per os assumptum salutem ægro afferre alioquin potuisset, nil attulit adiumenti, quod ad vngendum ventriculum adhibuissent: nec errore conscij prius facti sunt, quam denuo ad me misissent, languente iam ex summa accidentium intensione, atq; aliorum superaccesu, in extremis laborante: vnde de eius statu pernuntium certior factus, quid de eo futurum esset prædixi: attamen propinandum rursus amigdalinum iussi, a quo pauco epoto nil subleuatus subsequenti die, quę fuit octaua interijt, maximo cruciatus, ac sincopalibus accessionibus præcessis. a ventriculi regione ad fauces usq; visus semper sibi est, crustos habere; & post quartam crura sensu carētia facta sunt, postem motu priuata; ponderis enim ratione

ratione infernas magis quam supernas partes affligit hoc venenum: quo etiam tempore super sinistrum latus cubare minime poterat. quedam vesiculæ, processu morbi conspicuæ, in cadauere liuidæ factæ sunt cicatrices. explorato tertia die à notario maleficiorum cadauere, cui ipse præsens adfui, ventriculi regio tota nigrefacta comperea est: tota posterior liuida. cutis mollis, ac laxa. articuli omnes flexibiles. ungues, ac digitorum summitates liuidæ. caua iecoris nigrefacta, gibba colorem proprium seruante. cor secundum posticæ partis visum est quadantenus liuidum.

Maritus autem etsi quarta duntaxat die opem implorasset, euasit tamen, qui acceptam salutem agnouit potissimum à potu amigdalini pondere unciarum septem; ab hoc enim epoto ubi ardor, cruciatns, atq; acrimonia quadantenus leuata sunt, accessit desuper vomitus, à quo postmodum accidentia interna sunt sedata. verumtamen secundum manus, ac crura a genibus infra adhuc laborabat. etenim præterquam quod omnino debilitata essent, adeo vt primo nec manibus quicquam comprehendere, nec sine auxilio deambulare posset, videbatur etiam sibi habere semper in his membris velut pungentes acus ueneni particulis quibnsdā ad has partes demandatis: quin immo, & neruos ad pedes discurrentes quodammodo contractos: vt propterea cum deambulabat, hos ad altitudinem palmi subleuabat, quæ omnia præter pedum affectionē quinque mensium spatio sedata paulatim naturæ beneficio sunt. neque enim, ubi de vita certior est factus, vnquam passus est se subijcere medicamentis, quæ in hoc casu valida interius, & exterius discussoria, ac tractoria esse volunt. sed, et ipsa pedum debilitas, & punctiōis sensus, & neruorū contentio, cum in dies sensim remitteretur, tandem fatis duobus fere annis sedata ex toto sunt.

*De Ratione profligandi Venena Sanguinis corruptiua, & impressam in illo noxam tollendi.*

*Cap. IIII.*

**T** Urgentia venena, quæ nimirum sanguini, spiritalis, ac neruosa substantiæ sunt infensa, sicuti ad sui expugnationem vnum in genere alexipharmacum exposcunt, ita ratione sui ipsorum non

B b

zgræ



agere euincuntur, non inquam agere dissipantur, ac dissoluuntur, vnde quæ aura quædam, vt quæ ceu fumus quidam subtilissimus sint; verum illata in proprio eorum obiecto maleficia, sepe numero inemendabilia existunt, maxime eorum venenorum, quæ sanguinem non turgidum sed corruptum, vel fermentatum reddunt. Quapropter cum maleficium hoc locum habeat, cum præsidia tardantur, aut cum venenum ex perniciosissimis est, & ab ipsa incussione per corpus celerime repens, intelligimus nulla interposita mora, aut si datum sit, illico esse præsidij eidem occurrendum. igitur tibi primo curandum est, vt incussum extrahas à vulnere venenum: hinc, & illud ipsum congruis oppugnes, ac fuges alexipharmacis: mox vt collas, si quæ relicta est in sanguine, offensam. Extrahes loci affecti scarificatione, ac deinde cucurbitulæ vel cucurbitularum appositione: aut per salutarem cum ferro vel argento candentem vitionem: quandoq; & per partis vulneratæ amputationem, si quidem virus ex perniciosissima sit fera, & non dum ulterius proserpisse cognoueris. in vsum etiam veniunt vocandę partes illæ feræ, quę minus venenose sunt, & contusæ loco alligandæ. sed hoc alteram respicit intentionem, cui interim quo hæc peraguntur, intendendum simul est. amplissima est alexipharmacorum silua: sed tu quo venena ex tialiora sunt, eo etiam valentiora administrabis discussoria, qualia sunt, quæ in suo esse ex calidioribus, atq; tenuioribus constant partibus. theriaca, mithridatium in vsum multum veniunt; et vtiat confectioes has haberemus tales, quales Galeni tempore conficiantur, sed aut succedaneorum ratione cum in minori sint pretio, longe etiā minus pollent ideo ex his solet pars calidior, subtiliorq; chimicæ extrahi, quæ ad auras virulentas dissipandas, uidetur existere potentior. Excogitata etiam sunt multa alia perquam tenuium, ac calidarū impense, quę partium non minus antiquioribus præstatiōra existunt. Vbi igitur dissipandi virulētas auras expiandiq; sanguinem casus se obtulerit, valenti utendum est discussorio, ut extracto theriacæ, uel mithridatij, uel baccarum hederæ, aut iuniperi à dimidia ad dragmam, uel plusculum pro ratione ætatis, viriū urgentiæ: cui addere non erit in conueniens scrupulum medium uel integrum congruentis alicuius salis, ut feniculi montani gentiane rutæ capraræ, absintij, theriacalis, uiperini, & est, quod adhæret lebeti, postquā carnes uiperæ fuerint coctę. & exhibeas cum adaptato liquore, ut aqua angelicæ, cardii sancti, florū arantiorum, limonum, scorzonæræ, hordei, ubi multus feror; uel uino albo, ubi absit, uel remissa sit febris. bezoar quoq; egregium est diaphoreticum, & discussoriū malignorum quorundam vaporo-



vaporum sic laudabiles preparatæ margaritæ. & eadem intentione spiritus vitrioli in vsum multum venit in febribus malignis, ac pestilentibus. Si autem vnam corruptricem ac fermentosam vim soluere intendis, appositissime est aqua a theriaca, a Mitridatio (de quo in 2. de antidot. c. 4.) extracta, aceti stillatū, theriacale, & in quo chelidonium fuerit incoctum, ab vna ad duas vncias; cum quibus semper admiscebis guttas tres, aut quatuor circite. olei vel rosmarini, vel gariophilorum, vel cinamomi, aut balsami. huiusmodi enim, vt subtilissimæ, ac simul calidissimæ substantiæ de facili assumpta disperguntur, ac penetrant: impenseque calefaciendo, vim interdicunt, diluuntque fermentantem: qualiter interciditur vis in crudo pane, per appositionē in clibano, fermentum. nec semel, aut bis hoc, vel illud propinabis, sed vsquequo, de veneni extinctione notam habeas, & ab epoto medicamento, coopertus iaceat æger.

At vbi tibi offertur homo, qui de excepto in se contagioso veneno sit maxime suspectus, posset tentari venæ sectio, antequam actualiter egrotet: sed hac ratione, sentio, celebranda. ex utroque latere hauriantur vnciæ sanguinis sex, octo, decem, plusue aut minus pro ratione considerandorum. fiat autem incisio in vena utriusque comuni, antequam ab horum altero quicquam sanguinis exeatis: qua facta, modo à dextro, modo à sinistro per interpositas quietes esfluere sanguis permittatur. vel fermenti in sanguine vigentis, ac propagantis se, adaptatis alexipharmacis procuranda extinctio est; insimulque abscessio fermentati sanguinis diaphoreticis, & insuetis corporis laboribus tentanda. quo enim citius, quod corruptum est abscedit, eo res minori succedit cum periculo. verum quoniam non solet homo vendicare se à suspectu excepti in se veneni, sed morbum expectat actuale, antequam de salute propria curet: propterea tunc febre minime sperata, incumbendum, vt congruis alexipharmacis de quibus iam dictum est, vis extinguatur fermentatrix, ac simul vt natura abscessum, quem tentat salutarem perfectum efformet. intus diaphoreticis: extra frictionibus calidis lotionibus, illitionibus, emplastris, ceratis, cucurbitulis, inter quas non improbanda, quam in l. 56. Hero efformat, vt quæ sine igne attrahit. pullus columbinus, per dorsum sectus, & illico loco alligatus congruens maxime est.

Interrogati autem cuiuspiam, quomodo se à contagioso veneno preservari posset, dico ijs, quæ acorē quendam sanguini, atq. carnibus indere, & vim diaphoreticam, aut discussoriam quo-



dāmodo impertire nata sunt. tale quid, cum conspiciatus sim in adipe viperæ, eadem cum quarta parte olei gariophylorum, & ambre grani, inunctis gulæ, manuum, ac temperum pulsibus me singulo quoque mane, muniebam, quo tempore de contagij communicatione maxime verebar. Sed oleum ex sola eiusdem feræ chimice extractum longe efficacius futurum sentio. eadem ratione laudare pro pauperibus cogor allium, si ex hoc singulo quoque mane ieiuno stomacho caput fortis, debilis, & teneræ ætatis homo spicas comederit. hinc non improbandum illud quotidianum prasidium est, quod nuces capit duas, ficos tantūdem, & rutæ folia viginti. normam habes, tu plura excogitare potes.

*Veneno in homine genito, et malis ab eodem putrescente illatis quomodo occurrendum sit. Vbi obiter de vena sectione in malignis, peticulosis, & pestilentibus febribus.*

*Cap. V.*

**A** Vstrina peste grassante, bubonia inquam, ac carbunculosa non alius solet in animantibus praternaturalis redundare humor, quam venenosus, adeo ut cum quis agrotare incipit, ob hunc iam motum, ac putrescentem agrotare est arguendum, quando alioquin perexceptum in se contagiosum venenum, venenosi humoris sobolem, homo morbosus non sit factus. unde antequam ad istius malefici succi expugnationem deveniamus, expedit prius intelligere, agrotet ne homo ex veneno in se genito, an per communicatum contagium, quod tamen cognitu difficile non tantum ex se est, sed etiam ex accidenti, ideo quod sub hac peste non visum, ne dum tangi à medico solet ager, attamen conijci satis potest. in principio istius morbosissime constitutionis omnes prope ob venenum in se concretum laborant. de cetero modo plures ex veneno, modo ex cōtagio plures morbum subeunt, pro ut maior, vel minor habetur separandi egros à sanis cura. sic ex domesticis, qui in primis à morbo corripiuntur, hos ex concreto veneno à morbo fuisse correptos rationabile

bile est. euenit tamen, vt quidam, qui venenum in se habent conditum à morbo apprehendantur priusquam venenum moueatur, ab intromisso in se contagioso prauenti, quo casu moueri simul intestinum venenum à flammulis vrentis fermentatis sanguinis accensum, coniiciendum est. Qui ægrotant seclusa excepte in se contagionis suspitione omni, hos ex veneno ægrotare dices. sic ij, qui affliguntur magis secundum caput doloribus, ac delirijs, quam alij, & qui cum vrinis turbatis, crassis, & cum maiori labore morbum transigunt: & his papule, quæ erumpunt semper ex prauis sunt abscessusq; qui comparent cum imperfecti vt plurimum sint, magis quoq; vrentes ac mordaciores existunt.

Vbi igitur conspicatum fuerit à malefico humore morbum esse productum, curandum vt vel e corpore dimoueatur, aut in externam quampiam partem decumbat, ac simul vt sublatis igniculi, ac fumi, qui corrumpere spiritalem substantiam aliaq; lethalia solent mala inferre, discutiantur, diffidenturq;

Circa primum nascitur difficultas vtum humor iste sit medicamento aggrediendus: quoniam etsi sit materia turgens, quæ ex oraculo venit statim e corpore pellenda, crassus tamen, ac coactus sepe numero adeo est, vt videatur à loco amoueri nulla ratione posse, vt ex eodem quoq; elicimus, dum in libro de affect. dixit compacta fortia sunt, diffusa vero facile cedunt. circa hoc sentio, purgationem esse tentandam, quando potior ratio expurgationis (quod tamen perraro euenit) quam decubitus sit. idem auctor Hippocrates tradidit præceptum, quo crassi etiam humores obedientiores expurgationi sunt, cum in 2. aph. 9. dixit, corpora cum quis purgare voluerit, oportet fluida facere, humida inquam, lubrica, laxa. & modum edocet 5. in 6. tex. 29. inquiens, elleborum bibentem celerius purgare si velis lauare atq; comedere. non me lateat, quod Galenus in commentario præcitati aphorismi per corpora fluida senserit, Hippocratem respexisse humorum potissimum expurgandorum preparationem, per incidentia attenuantia, & meatus aperientia. verumtamen aliter voluisse Hippocratem verba ipsa ostendunt, dicens corpora non humores: per hunc enim aphorismum respicit non remotam, quam scilicet præcedit humorum expurgandorum præparatio, quæ plures exposcit dies, sed imminuentem, corporum inquam purgationem: alibi enim concocta medicari dixit, humores nimirum non esse prius expurgandos, quam à natura, vel ab arte fuerint parati. est præterea hoc præceptum vniuersale ad omnes purgationes saltem validas: alioquin si pro comparanda corporum lubricitate in humorum præparationem



ratione incumbendum nobis esset, utiq; scitum Hippocraticum ad materiam turgentem minime adaptaretur: est enim ex ipso eadem die eliminanda; non incidentibus, attenuantibus, & aperientibus preparanda. quin immo nec omnes, qui sunt expurgandi humores, fluidi sunt reddendi: quandoquidem indigent incrasatione tenues.

Valesius super aphorismum 13. sec. 4. qui dicitur ad elleboros, qui non facile supra purgantur, eorum corpora ante porionem pluri cibo, atq; quiete humectanda, respiciens Galenicam expositionem supra citatam, quæ sibi maxime arridet, & inuiolandum oppugnans Hippocratis decretum, dicit videri sibi præter artem multum cibi dare ei, quem purgare velis, cum victus tenuis magis conferat ad laxitatem, & apertionem venarum, proinde sic subdit, tanquam magnum arcannum aperturus, verum quod res habet dicam aperte, prodibitq; inde germanus loci sensus: multum cibi medicinalis, cuiusmodi serapia incidentia, & aperientia sunt, dari debent antequamcumq; purgationem. verum videtur mihi Valesius sensum hoc ratione pervertere, & loquutionem Hippocraticam, quæ clara quæ aperta est, obscuram reddere. vult auctor Hippocrates vere largius cibari ægrotos ante purgationem, quo corpora humectata facilius purgationibus cedant, quod, & balneo, & refectio, & quiete obtineri significat. hoc generatim docet in supra allegato aphorismo 9. sec. 2. hoc iubet in aphorismo à Valesio exposito: & 5. in 6. tex. 29. & alibi si bene memini in lib. de inter. affec. quando dixit præhumectare antea corpus ipsius oportet per fomenta quo magis pharmacis obediat: alia enim corporibus, alia debetur humoribus expurgandis preparatio: quæ sicuti hos definit futuros esse neque admodum tenues, ac labiles, neq; tenaces, ac compactos, valdeq; crassos: neq. feruentes atq. ignitos, sed in quavis harum qualitate moderate se habentes: ita vult expurgandorum corporum vias per quas, molles, laxas, lubricas, ac lenes esse, sic enim paratis permeant, ac labuntur facile educturi succi: & propterea in loco epidemiorum dicit (celerius purgare si velis, lavare atq. comedere) quod verbum celerius, sicuti obedientiores humores eiectioni insinuat, ita facilitatem eiusdem eiectionis includit. Nec est, ut Valesius alioquin scribit, refectio ante purgationem præter artem, sed est ex arte, ac ratione ad confirmandas, ac quadantenus adaugendas vires, quæ iam iam à medicamento quandam sunt iacturam passuræ, cum adimpleat etiam scopum, humectationem inquam, ac lubricitatem virum, quam præsertim intendit auctor.

Atque



Atqui purgatio Hippocratica non me supponit excrementorum, saltem non turgentium, coctionem? sed hæc morbi inclinationem ostendit, quomodo igitur non est ex arte, quem purgare velis largius tali tempore reficere? sed & illud animaduersione dignum mihi videtur, quod victus tenuis conferat ex ipso Valesio ad laxitatem, apertionemque viarum: cum munus hoc refectionis peculiare sit, humectando enim laxat, & emollit vias, alioquin a febre ac diæta præcessis exsiccatas, indeque succis per transeuntibus de facili cedentes reddit: vnde hic auctor rectius dixisset, tenuem victum exsiccando ductus constringere: nec demum illud valesianum semper admittendum, quin immo vt plurimum omittendum venit, quod antequamcumque purgationem scindentia, & aperientia sint adhibenda, cum plurimi ex morbis hoc prohibeant. fluxiones enim ex tenuibus, ex acribus succis, febresque biliosa sincera, astiue, nec non quæ à nulla pendent obstructione, tantum abest, vt huiusmodi medicamenta cooptent, vt contrarijs non occuramus. hoc idem respuunt turgentibus Galenico, turgentibusque Hippocratico modo humores. ad quid enim stimulus & incisio, vbi humor stare nescit loco? vbi motus, atque agitur? ad quid præparatio illorum humorum, qui ad benignum reduci nequeunt? qui ab incisione, & attenuatione prauiores contraherent naturam? qui cunctâ do in corpore grauissima afferunt mala? qui propterea eadem die sunt eliminandi? 4. aph. 10.

Recte igitur admonitum ab antiquo magistro fuit, corpora esse fluida facienda, antequam ad expurgationem ducantur, quod exequendum maxime est in nostro casu, vt crassi ac coacmentati in animante humores iterum, per quæ lubricitatem, atque mollitiem nanciscantur. hoc cum obtineri posse doceat duobus potissimum medijs, cibo copiosiori, atque balneo, intelligimus nos voti compotes tunc magis esse futuri, si vtrumque usurpabimus; præsertim si cibum humidum & pinguidinosum efferemus, qualis ius carniū vituli, atque hædi, & panatella vel ptisana in iure cocta. balneum cum vniuersale adhiberi possit per infusionem in solio, particulare tamen hypocundrijs, ac toti ventri usurpandum per fomenta, aut lotionem magis videtur.

Quamobrem vbi turgens, ad Hippocratis mentem, materia hæc mouetur, & vocatus sis, recte ages, si agro refectionem qualem ac quantam insinuat auctor, & fomentum aque tepidæ præsertim congruenter medicatum mandabis idque bis, ante  
cibi



cibi, & rursus ante medicamenti assumptionem ab agro vsurpandum curabis. quo etiam casu valde conducibile esset totum ventrem omento castrati repenti oleo amigdalino, liliorum alborum, nunc etiam violaceo, aut camomelino imbuto fouere.

Sed cur ad pharmacum statim non deueniendum, cum peccet humor turgens, qui eadem die purgandus in talibus enim tardare malum. 4. aph. discas hoc, si Hippocratici ingenii artem attendas, dicit enim purgare in valde acutis, si materia turget, non quidem eadem hora, sed eadem die, non oblitus se prius sanxisse, corpora expurganda prius esse fluida reddenda: præstare enim hoc haud quaquam posset medicus, si eadem hora medicandum sibi esset. itaque si mane vocatus sis, vult te adaptare purgationem ad vespertas, si vesperi pro sequenti mane: ad quid enim hora eadem medicamentatū præbere, & nihil proficere? proficies autem nihil ratione magnæ humorum turgentium crassitiei: quorum malicia cum non det præparationi locum, ductus, per quos educturi sunt, volunt saltem molles laxi ac lubrici esse.

Pharmacum eductiuum vult esse saris validum, vt electuaria scamoneata, cremor tartari, rabarbarum, scamonium, colocintis, eleborus niger, sirupus rosatus solutius cū aliquantulo mannae vt quod felicitare omne medicamentum præter experientiā edoceat Auicennas: & a medicamento assumpto superbibat statim æger amigdalinum de recenti extractum ad uncias quatuor, quinque, sex. hoc est enim mirabile crassarum materierum vehiculum. hinc si nigra aut prauī alterius coloris vel mixti educantur, tunc recte deiecisſe intelliges. enim vero etſi talia per se exeuntia reprobanda sint, cum medicamento tamen venientia laudare potius, quam damnare videtur in 4. aph. medicinæ Genius Hippocrates. hoc vno semper admonito, ne quis pharmacum offerat, nisi prius cognouerit, nullibi venenum inclinare: excipio decubitus iuxta aures, & ad cutem per papulas, hæ enim cum numquam iudicent, ille mortē consequit afferre. id ipsum suadere videtur bubo, cum inchoatus sub axillas nullum suscipit incrementum, & æger in deterius procedit.

His sic de purgatione statutis, inquirendū venit, purgandū ne sit, an decubitus ad partes inferiores procurandus, vbi nullū det venenū abſcedēdi inditiū, vbi in cecis flagrans incidet uasis. Non

hæſi.

hæſitanter ſentio , abſceſſum eſſe tentandum . cauſſa patens eſt ; quoniam craſſiſſima recrementa, qualia in caſu noſtro, in venis, maxime autem ſupra iecur exiſtentia , poſſunt quidem parum ægre per vaſa corriuare, & ab vno in aliud, ratione anafſtomatis, tranſfundi : verum ad inteſtina per medicamentum tranſlabi , ægerime . hinc cum in peſte præterita plurimi ſint ex abſceſſibus ſalutem conſecuti, neminem tamen per aluum vidi ſanatum . Quamobrem vbi ad languentem acceſſeris tali prædominante ſucco , & purgatio , veneniq; decubitus æqualiter tibi afferentur, niſi quid obſtet, niſi miniſteria deſint, fidentiffime decubitus procurato, aquæ primum tepentis vniuerſali balneo de more in ſolio, ad laxandas aq; emolliendas carnes, ac uenas rãgionis hypocondriorum, partiumq; ſimul inferiorum: mox friktionibus, ligaturis , cucurbitalis, ac ſimili ingenio virulentus humor ad inferna , ad coxas inquam alliciendus , auocandus, trahendus eſt : concurrunt enim de facili reiectanei humores ad ſedem calefactam, ac commotam teſte Gal. in 3. d. criſ. hoc in peſte 7. in 6. tex. 1. enarrata , vſuueniſſe fuit ab Hippocrate obſeruatum, & iſtius rei varia afferre exempla idem auctor in 5. epid. , & alibi. conſpicuum eſt. quod enarrat loco proxime citato part. 21. de adolescente, qui ex curſu factio dolebat pernam: tertia die locus totus nigrefactus: vigeſima à curſu mortuus . & illud ibidem de virgine illa pulcra , quæ à muliercula amica ludente lata manu percuffa fuit in ſinciput ; hæc cum à vertigine , mox à febre vehementi, doloreq; capitis correpta fuiſſet, tandem conuulſa mortua eſt nona die . & ruruſ notatu dignum quod loco cit. par. 29. recenſet de Herpali filio, quem ex luxatione magni digiti in pede inflammatio inuaſit, mox, & lumborum moleſtia, à qua apiſthotonos . ab hoc vero tertia periit . malignus nempe humor per ſtatum in animantibus gentibus , eo decubuit, quo auocaretur : ad eam inquam corriuauit partem, quæ mota, & concalefacta , quæ læſa fuit, ex quo haud admirari liceat , ſi ſub auſtrinis , iſſq; ſiccis conſtitutionibus frequentes compareant colle&itij abſceſſus . ideo quod humores cum de facili atrahantur , partem etiam, quam decumbunt , unam afficiuntur, vt coagmentati , vt in vnum coacti : ſiq; pars quæpiam percuffa, aut alio modo læſa morbum contrahat non qualem , ac quantum ferret offeſſa, ſed longe grauiorem grandioremq; alioquin qui cucurrit, & pulcra virgo, & Harpali filius nil eſſent perpeſſi, ſi quidem in eorum corporibus anguis non delituiſſet . ſic in peſte noſtra leue ex ſua natura quantumuis malum, malignum efficebatur . ſic propterea parturientes omnes ferme tollebantur. ſic plurimi ex occaſione ab abſceſſibus fuerunt correpti;



ti; hic scilicet, quod ex itinere esset defaticatus; hic onus subleuasset, hic vero pila lusisset, vel, sarcinam gestasset, unde paucis post horis in parte magis commota ac concalescēta suboriebātur bubones, vel carbunculi. silentio non est prætereundum, quod duobus vsuuenisse rusticis obseruaui, de repente enim utriq; sub inguina excitatus est bubo, ubi fratrem suum alter, alter vero herum magna voce contlāmaſſet, à quo etiam sublato.

Igitur si coagmētati per statum humores tam facile in partem, à qua alliciuntur, procumbunt, nemini dubium, quin adaptatis ingenijs sint etiam ad coxas, & crura confluxuri, inibiq; perfectum faciuri abscessum, siquidem auocentur alliciantur, trahantur, liberaliterq; excipiantur, & toti, profundo corporis relicto, in abscessam decumbant partem. ubi autem ex abscessus magnificentia, vel multiplicitate, quam remissio febris, atq; accidentium sequi solet, vacuefactas esse venas sis conspicatur, maturantibus est sedes tractanda, quam non debes prius amputare, quam ex toto sit corrupta, ac putrefacta: bubo cum non sit perforandus vsq; quo ad granditatem debitam non peruenerit: ita sub aliquali coctione qualis ista sit, sciendū est, vel totus, auferendus, vel si carbunculofus, amputandus.

Porro quæ de excitando, ubi austrius humor nullibi adhuc inclinat, dicta sunt, eadem belle adaptantur, ubi in quampiam iam vergit partem. contendendum scilicet omnibus uiribus est, ut trahatur, ut confluat totus in hanc, & sedes inter eas penitus relinquatur: balneis, fomentis, illitionibus, emplastris, ceratis, frictionibus, cucurbitulis. potissima pestiferi modi profligandi ratio consistit, ut profundum corporis virulento humore quam primum exoneretur, & totus humor in quampiam infernam partem auocetur, ac cogatur. in infernam inquam, quoniam bubones sub alas, & carbunculi circa collum, & thoracis regionem comparentes sæpe, ac sapius iugulant, ut imperfecti, & propterea ubi non pro ratione bubones se attollere conspicaris, scopus tibi sit peccantem in inferna trahere humorem.

: Ut autem in tanto xerotantis periculo cautius agas altera interim est adimplenda intentio, discussorijs, dico, sunt putres vapores, ac fermentosi igniculi repugnandi, qualia sunt in superiori capite descripta. nec deterreat quempiam horum qualitas percellida, quoniam præterquam quod præferenda. longe alexipharmacorum utilitas est eorum, si quod inferant, damno, pestiferarum quoq; febrium calor non mordax, non acutus, sed paruus solet esse. & ex propterea sub hoc pestilenti statu licebit tibi obseruare



seruare non paucus, qui cum de abscessu, aut dolore quopiam externo, nil tamen de febre conqueruntur: hinc propterea morbum facile ferentes non prius se grauius agrotare sentiunt, quam mors ex propinquo adsit. ex multis casus: Inuini quidam vigorosus adijt me gestans in vase proprium lotium, dicens tale esse cuiusdam sui consanguinei, quo a me inspecto, dixi illi, hunc talem esse mortuum. erat autem lotium crassum fuscum, quale se habet lixiuium. quomodo, respondit, mortuus est, si satis bene se habet; & recte obambulat? rursus mortuum esse affirmavi, tunc querens voce dixit, ego is sum, nec aliud mali sentio, quam dolorem circa humerum sinistrum, & sub axillam, contractum ex sarcina sublata iam tres agunt dies. proxima nocte grauius laborauit, & glandula sub axilla ad instar oleæ sublata, altera vero nocte concidit.

Fidenter igitur discussoria, de quibus supra, ter, ac etiam quater per diem adhibero, quorum opus si non frustetur, utique expectandum est, ut venosum, arteriosumque genus, nec non cor putribus inquinamenti expurgetur, & si abscessus pro ratione stet, ut ager ad salutis portum perueniat. interim tamen pro febrili calore, ac siti compescendis, ager accommodato tempore frigidis potionibus, aut alio ingenio minime fraudandus.

His sic de modo expugnandi per pharmariam venenum in homine concretum ac mortuum, quis sciscitabitur, conducibile ne sit in hoc casu venam secare: hoc enim voluisse Galenum aperte elicimus ex 3. in 1. tex. com. 26. in Critone quando dixit, unde mireris, quod causa fuerit, quo minus huic in initio morbi venam secuerit. in hoc autem agrotato maleficum redundasse humorem mors celerrima, pustula nigræ, & Galeni scriptura consentiunt: & propterea idem auctor 14. Meth. cap. 10. illam in carbunculo pestilenti secat. Quid igitur? Ego sentio nullatenus esse de venæ sectione cogitandum. Non fouet morbum, non peccat sanguis, sed humor sincerus, niger, crassus, qui neque cum sanguine propter crassitiem euacuari valet; quin immo sanguinis missio esset in tali casu nocua: alioquin enim eius copia exoptabilis, ad demulcendam, si quæ inest in peccante humore, acrimoniam, at præsertim ad eundem crassum ac compactum ad remota loca facilius transportandum. unde discas, si in Critone ad pedem non confluxit totus humor, sed persistens, putrescensque eius maior pars in venis, acutam excitauit febrem, non ob aliud hoc vsuuenisse, quam ob grandem eius crassitiem, cuius causa à loco totus amoueri nequiuit. non igitur, ut Galenus in commentario significat, totus confluxit, & postea recursum fecit, quod pes totum haud capere potuisset. quoniam si capax pes non erat, erus capax extitisset. quemad-



modum enim fluxio incepit ad pollicem, vt textus iudicat, ac peste totum occupauit pedem ad talum vsque sic a talo totum occupasset crus, si quidem fluxio perseuerasset: at quia non perseuerauerit, de recurſu non est arguendum: recurſum indicat membri detumefactio, ac reditus in pristinum statum, sed pes stetit, ex textu, cum contentione, & crus minime laborauit.

Non me latet, quod insigniores propemodum omnes scriptores Galenum sequuti, sanguinem mittant, plenitudine hominem tenente. Verum nec sic mittendum sentio, quoniam sanguinis copia in tali casu maxime iuuat ad arcendos, ac longe trasportandos, reponendosque maleficos humores: quare nil salutaris in febribus pestiferis est. Quoniam etiam si sectio fieret, retineretur nihilominus virulentes humor, ac sic nocua foret. quoniam istius humoris est non inflammare, & in efferuescentiam trahere sanguinem. sed vitare, corrumpereq; spiritalem omnem substantiam, ac vires; ob id cito proſternere. hinc propterea celer præceptq; interitus, qualem quoq; expertus est Crito rationibus adſtat auctoritas; turgentia namq; in quorum numero viperæ hic recensetur humor, consumatæ vnde quaq; experientiæ Hippocrates non venę ſectio, sed medicamento aggreditur 1. aph. 22. & 4. aph. 10. hinc idcirco vrinas talibus prædominantibus succis numquam sane rubras, sed semper, & in quocumq; homine damnandi, & mortis nuntij coloris conspicies; argumentum certissimum, venenosam duntaxat colluuiem in venis redundare.

Quis instabit, si venę ſectio haud conuenit, vbi hic humor impermixtus peccat, saltem accomodabit, vbi improbus sanguis malignarum, pestilentiumq; febrium causa peccabit sit. Circa hoc incedendum sentio: vbi prauus sanguis, qui latitudinem habet in prauitate non parua, vt suo loco visum est, plus vitij, quam bonitatis in se habet, a sanguinis missione abſtinet. cum enim sanguinis vitium non importet aliud, quam aliqualem sinceritatem, affatu dignam crassitiem, nec non improbitatis abundantiam, sit, vt si venam incidas, sanguis exeat probus, vt subtilis. improbus remaneat, vt crassus. vel si exire improbum contingat, probus quoq; effundetur vt percalefactus atq; attenuatus, nec non agitatus a putrescente: adeo vt, qui bonus est, totus prius effluet, quam prauus, vt crassus, vt multus exire desinat. vnde si talem tibi contingeret videre sanguinem, utiq; tibi esset dicendum, quod olim Galenus in lib. d. bonit. & vit. succorum cap. 1. de sanguine illorum ægrotantium, quibus vena fuit ſecta. dicant sit qui ſint, qui sanguinis missionem in tali casu per nostram pestem mandauerint, quid inde



inde tulerint adiumenti. quemdam scio, cui secta fuit vena, cum sanguine furente animum quoq; sub barbitonfore effudisse. tale quid ostenderunt alia incessantes, & lethum tandem afferentes sanguinis effusiones. ac vbi sanguinem parum vitij in se habere conspicaris, recte ages si sanguinem mittes.

Non erit autem exercitato medico difficile, hoc inter se distinguere. enimvero vbi primum tibi offertur febricitans, qui primis diebus decoloratus cum lassitudine sit, cum alioquin ex febrili calore rubrum colorem (quando aliter non ferat eius complexio) gestare deberet, argumentum tibi sit sanguineam massam valde esse vitiatam, & redundare in corpore maleficorum humorum colluiem: quam identidem testantur rigores, inquietudines, corporis iactiones: vitiosa vrina, turbata crasse, flavescentes, virentes, fusce, nigra; maculae similiter damnandi coloris, damnanda magnitudinis: quibus si adiungatur temperamentum a calido, & humido dessectens, nec non autumnus, quo tempore sanguis in humanis corporibus paucus, Hippocrate teste in r.d.nat. hum. semper inest, tunc certior sis de maiori sanguis prauitate: & ob id nulla ratione esse ad sanguinis missionem accedendum. tempus autem anni indicare, aut contraindicare sanguinis euacuationem elicimus ex obseruatione. Hippocratica per constitutionem illam 2. in 1. in ordine tertiam; scribit enim quod ex ijs, qui vere, & prima aestate vagantibus illis ardentibus egrotarunt, plurimi per eruptionem sanguinis narium salutem sunt consequuti: qui vero extrema aestate, & autumno, cum eruptio cessasset, horum etiam plurimi interiire. sanguinis nimirum affluentia cum ceteris paribus sanguinis molem minus prauam reddat, excrementa quoque in se dispersa minus vitiosa efficit, diluendo, & in proprium sinum comportando, cuius ratione cum sanguis per venae sectionem euacuatur, simul etiam excrementa in se contenta excernuntur, qualiter euenit quibus vere, & prima aestate sanguis profluxit: vnde cum signa compareant aduersa ijs, quae molem sanguinis maiori ex parte improbum esse arguunt, sicuti sanguinem parum vitij in se habere ostendunt, ita non parum quoq; preualere, ac propterea venae sectionem esse celebrandam suadent, ceteris quoq; annuentibus: adeo vt si memor sis eorum, quae in 14. cap. lib. 1. statuta sunt, utiq; in malignis febribus vt plurimum hanc conuenire, reprobate il lam pestilentes iam non ignoras, cum ille ex feodo; haec ex feodiori sanguinae ortum habet: et ob id illa decimoquarto, haec septimo die iudicari.

Sed solent. difficultas est, vtrum venae sectio, vbi caetera consensunt,



tiunt, conueniat, maculis aut elucescētib; aut iam effluxis. etenim quidam cum contrarium statuerint pro euitanda materię retrocessionē, factum est, vt cum comparent, aut comparauerunt ab ea medici se abstinēant, deterriti potius ob vulgi, ac muliercularum reclamationem, quam ob allatam rationem. irridenda, & vt mortifera detestanda opinio. quid est, quod reformident illius materię retrocessionem, quę excreta nulla ratione iuuat? quę non est qualis, quę si intus retineretur, aut per venę sectionē retrocederet, duplici esset de causa vtilis, ad fluidiorem, ac paratiorem ad exeundum per incisam venam sanguinem atq; ad calorem febrilem demulcendum, castigandum: insimulq; solida quadantenus contemperaanda. aliud enim materia pericularum generatrix non est, quam pars peccantis sanguinis, peccantis humoris liquidior, frigidiorq; (argumentum certissimum est, quod calorem, ac mordacitatē plane nullam cuti incutit) quę cum obsistat ob reluctantiem naturam calori febrili, si quidem hic non vrens atq; insignis existat, vt eam resoluat, in cutem deponitur maiorem in modum attenuatā, vbi ob frigidam regionem compingitur, & maculas pro materię peccantis qualitate efformat. quomodo igitur excreta potest iuuare, quomodo retrocedens nocere? cum alioquin in venis retenta febris sit infestissima, teste in 4. d. non. Hippocrate. hinc bilis pallida, bilis in quā multum diluta multo associata sero, vt apud Galēum passim, febrem tertianam, si quando putrescere contingat, placidam, ac mittem facit; cum a vitellina vt meracissima in 2. d. nat. hum. tex. ult. idem æternę veritatis auctor, mordacissimam, & colliquatiuam, expectet febrem. quibus sic stantibus, si quando eueniat, vt pericula compareant cum de sanguinis missione cogitas, quę non sit antecarum apparitionem actiuata (est enim tali tempore laudabilior) si cetera quoq; pro ratione stent, audacter mittito sanguinem, sprete mulierculę reclamationē, auctoritate te deterrente nulla, qui enim contrarium statuerunt, naturam earum germanam generatricemq; materiam prorsus ignorasse videntur.

At in quibus, ob quandam sanguinis prauitatem, venę sectio minime conuenit, blandis purgationibus, refrigerantibus, & interim putrium vaporum discussorijs beroarticis congruo tempore adhibitis: successiue incidentibus, attenuantibus, & per vrinam ducentibus, nec non sudorificis sunt pertractandi. ptisana hordeacea cum melonum seminibus facta, mane, & sero adhibita, congruens maximē est.



*Quæ, qualiaque præsidia sint adhibenda ad expugnanda Venena spiritali substantia nocua.*

*Cap. VI.*

**N**on ægre euincuntur maxime si in copia non effatu digna fuerint assumpta, vel noxam alte non intulerint venena hæc, & facilius quàm alia turgentia: propterea, cum aliud non dicat venenorum actuatorum extinctio, quàm eorum resolutio, & in aerem digestio, quod obtinetur per summam quandam à calorifica alexipharmaci facultate adeptam eorum rarefactionem, sit vt, cum venena isthec rara sint, ac vaporosa, ac velut in medio istius rarefactionis, de facili, si congruentia nanciscantur alexipharmaca, superentur. hinc a vino generoso, ad mentem quoque senis, venenati isti iuuantur. Vnde Plutarcus, dum de venenosa illa herba non minus spiritibus, ac soporifera venena, quam nervis infensa loquitur, aliud pro illa euincenda, ac eius noxa diluenda non videtur agnoscere remedium, quam vinum.

Vbi igitur se se offert venenatus homo, & compertum tibi sit, venenum nondum superam petisse arcem, sed aut in ventriculo, aut saltem infra iecur insidere, vomitu, atque alui deiectione eius est euacuatio tentanda: cum vero ex concursu symptomatum supra iecur conscendisse, & iam cerebrum obsidere sis conspicatus, ad discussoria te conferas. plurima à scriptoribus proponuntur: probatiora accipies diatrionpipereum, diacalaminton, Mithridatium, theriacam cum decoctione gentianæ, dictami, calamintæ, angelicæ, centauri minoris, aut vino feruefacta propinabis. si paululum aceti acerrimi, vel aquæ vitæ immiscueris, validiorem efficies potionem. aqua ex theriaca, & aqua vitæ pari pondere validissima est. ex repetita pluries huius vel illius medicamenti assumptione, si inualescere adhuc vim deleteriam animaduertas, ad ea confugas, quæ interdicerè, & extinguere nata sunt vim in sanguine fermentosam didicisti.

Obstat sæpenumero, quo minus exhibere medicamentū valeamus, os præ sopore, & stupiditate conclusum. tunc conandū,



vt per vim adaperto languens assummat; excogitarunt scripto-  
res varia remedia pro homine excitando frictiones, ligaturas,  
sternutatoria, sinapismata, vesicantia. sed huiusmodi saepe ac sa-  
pius nil conferre animaduertes; quoniam, vbi quis spiritibus ani-  
malibus ferme est orbatu, agerime valet expergifieri. propterea  
iuuat eo tempore, quo hac peraguntur ad olfaciendum prabe-  
re vinum maluaticum (cum alioquin per os assumere nequeat)  
feruefactum, eoque regionem cordis, & vbi manifeste pulsant  
arteriae fauere.

*Qua specificè alexipharmaca profligare  
nata sint Venena nervis  
infecta.*

*Cap. VII.*

**Q**Vorum noxa non in neruorum substantia internantur, vt  
alioquin tarantula, canis rabidi, sed per nervos dispergun-  
tur, vt phalangiorum, scorpionis venena, eadem minime diffi-  
culter a tempestiuis alexipharmacis sui discussionem admit-  
tant. Sed illud semper memoria tenendum, quod sicuti venena  
epota sui ipsorum per superna, & inferna euacuationem primo  
inducunt, vbi mesaraicas nondum pertransuerint: sic quae ab ex-  
tra per ictum, aut morsum insiguntur, euacuationem per eun-  
dem demorsum locum expostulant, vbi de recenti infixae, non  
dum per corpus sint diffusa. Hoc obtineri solet candenti ferro,  
scarificationibus, cucurbitulis, topicis medicamentis, quae non  
tam attrahendi, quam discutiendi venenum vim habent, vt  
theriaca: dilatandumque si opus sit, apertumque seruandum  
vulnus est. Similiter vnumquodque venenosum animal contu-  
sum, & superimpositum, vel saltem pars eius minus venenosa  
potest esse sui ipsius veneni alexeterium. Quo ad discussoria, illa  
eadem contra haec venena adhiberi possunt, quae iam modo con-  
tra soporifera adhibenda esse diximus.

Quod autem incutit venenum tarantula, videtur vsque adhuc  
fuisse inuictum. modo autem quod adaperta istius natura est,  
dabitur iam ingeniosis ad inuenire posse germanam rationem  
cui-

euincendi; ac diluendi tam perucax venenum: ne tamen hoc interim desideretur, subiiciam quid sentiam. Cum duplici tempore possit medicamentis tentari tarantulatus homo, afflictionis, ac quietis tempore, censeo hoc, ad euitandum estum, curationem esse instituendam: non tamen quocumque istius spatio, sed circa veris finem cum nondum calor viget, & autumnii principium. quod si medicamentis adaptatis nullatenus venenum cedat, afflictionis tempore tentanda eius est expugnatio; rationabile enim, minus ægre superaturum, ideo quod in quadam tunc est constitutum rarefactione, quæ est veluti quædam præparatio ad suscipiendam perfectam sui discussionem. Itaque mundato, si opus sit, interius corpore, vt puriora contra venenum se offerant medicamenta, non alia aptiora agnosco, quam decoctum guaiaci, vel salcæ parillæ per quindecim aut viginti dies de more vsurpatum. vt autem acutius, ac potentius euadat medicamen, commiscendum cum eo de aqua, vel aceto theriacali ad vnciam, nec non de oleo gariophilorum vel rosmarini ad guttulas, quod magis profuturum spero, si crurum interim, ac brachiorum artus spongiola aqua vitæ combustibili imbuta prius confricati, oleo scorpionum composito, vel de piperibus, aut petroleo: vel oleo viperino inungantur. laudare etiam cogor si iidem cum hydragiro de more confecto obliantur. vbi tamen per octo saltem dies decoctum fuerit ab ægro prius ebibitum.

His interualli tempore sic peractis si, quo tempore excitari in tarantulatis molestia solet, nil diuexetur, homo, non aliud superest moliendam. si vero nil subleuatus tibi videatur, tentanda est, vbi primum affligi incipit, curatio eadem; sed contraxiori tempore perficienda: quam si suspectam censes ob calidiora medicamenta, spiritus vel tolles, vel eorum demas pondus, & potu in aurora exhibito sudorem abundanter procurabis. ægro vt sufficiat de more nutrito, artubus interim ardenti aqua, in qua diu infusæ steterint plures tarantulæ, madefactis. Posset quoq; parari ex tarantulis adaptatum oleum, quod conducibilissimum in hac affectione censerem: de qua si omnimodam haberem scientiam. fortasse haud oprabilior exquireretur curatio.

Aggrediendum superest rabidi animalis venenum, cuius in primis adaptatis loco præsidij, qualia sunt superius memorata, & inter alia vulnerati loci candentibus ferris exustione, quo al fieri potest extractioni, discussioniq; insistendum; idemq;

D d

locus,



locus, si opus fuerit, dilatandus, & ex scriptorum sententia per quadraginta dies a cicatrice arcendus. Inter topica medicamenta proponunt Galenus, Dioscorides, & Aetius accommodata emplastra, salsamenta, allium, cepas, multa; alia laudata reperies apud alios. etsi compertum quidem tibi sit intentionem istam tempestive, ac probe fuisse adimpletam, non est quod hominem internis fatiges medicamentis: sin autem, ad discussoria quamprimum te conferas, ut venenum, quod pedes impressit adhuc non alte, intercidatur, extinguaturque congruentia mihi videntur, quæ ad extinguendum fermentosum venenum nata esse superius insinuauimus.

Quod si ad hac veniat æger, ut iam aquam abhorreat, alia exquiruntur consilia. Celsus lib. 5. cap. 27. laudat agrum inopinanter esse in aquam demittendum. hoc remedium Venetijs olim expertum cum hominis salute narrauit mihi medicus quidam Venetus. si salutare futurum concedendum est, tunc sentio, cum coactus est æger non solum ad nauseabundam repletionem aqua se implere, sed sub eadem quoque aliquantulum degere, ut iam (cum cautione) immineat sibi suffocatio: alioquin extingui tam fixam, ac profundam intemperiem, rationi minime consentaneum est. Quidam sanguinem canis rabidi potum hominem commorsum curare testantur: quod haud quam ratione caret: quandoquidem partes venenosi cuiuspiam animalis minus venenosas, viam contra venenum eiusdem, & similis animalis alipharvacam obtinere didicimus. propterea laudare etiam cogor iecur eiusdem canis, quod apud Aelianum de hist. animal. lib. 14. cap. 19. & Aetium eandem facultatem obtinere scribitur. Sed opere pretium est, adferre huc quædam alia præclara ex multis, quæ recenset ex Rufo, & Possidonio idem Aetius tet. 2. ser. 2. cap. 24. Mergi, inquit, quoque iecur assatum datum cum oleo, ac medico sale commodum est, aiunt enim ita efficax ipsum esse, ut æger, e vestigio aquam petat. sed, & Hippocampus marinus assatus commestus prodest: sanguinem enim ipsius amorem aquæ inducere dicunt, & formidini aquæ resistere: unde iterum, atque iterum hippocampum edere iubent: & ipsos hippocampos cum acris acriteritis vlceri imponunt, & hoc pharmaco rabiem superarunt, quin, & catuli coagulum cum aqua datum utilissime ab ipsis bibitur, & ubi semel ipsam acceperint assidue commouet ipsis potus cupiditatem, & bibunt etiam alios liquores intrepide. oportet autem catulum non multorum dierum esse, sed recens natum,



natum, & adhuc lactentem. prodest etiam leucanthemum heta-  
ba pota; tantam autem eius vim esse aiunt, ut si ex ea fundum  
poculi sublinatur, & exhibeatur, ipsi libenter potum acci-  
pian: prosequitur alia, sed hæc visa sunt adaptiora.

Fortè autem erit curiosis pergratum audire, quomodo auxi-  
liatur rabientibus hippocampus: quandoquidem, & eius ven-  
ter, et si venerosus, comestus ab homine mirum quoddam aquæ  
amorem inducit, quod didicimus ex Eliano loco supracitato  
cuius rei historiam huc transferemus, ut de quo sermo est, ger-  
manam noscamus causam. Rei, inquit, piscatoriæ bene periti  
homines dicunt hippocampi ventrem in vino decoctum, ac li-  
quæfactum si quis dederit cuiquam bibere, eum primo ex ea  
potione acerimo singultu affici, deinde tussire, & sicca qui-  
dem tussi vehementer torqueri, at eum nihil excreare: sed, &  
superiorem ei ventrem intumescere, & calidas fluxiones in sum-  
mum caput efferri, & vero per nares minutatim defluere, ac  
pisculentum odorem reddere, simul, & oculos sanguine suffusos  
ignei coloris flagrantia laborare, & eorumdem oculorum genas  
inflari, & vomendi quidem cupiditate ardere ferunt, verum  
nihil emittere. quod si natura euicerit, hunc tamen periclitata  
prius morte in obliuionem, ac dementia incurrere: sin in ven-  
trem inferiorem delapsus fuerit, ipsum omnibus iam membris  
captum, & vita excedere, ex morte vero qui euadunt mente  
capti aquam summo studio persequuntur: hanc enim ipsum idcir-  
co expetunt aspicere, eamque stillantem, & scaturientem audi-  
re quod sane eis ægritudinis leuationem afferat, & somnum  
conciliet. itaque ad perennes fluuios, aut ad littora, aut iuges  
fontes, aut lacus commorationes eis gratæ sunt, & iucundè cum  
tamen non magnopere desiderant bibere. sed, & ipsum natare,  
& pedes aqua alluere eis plurimum iucunditatis affert. sunt qui  
non hæc mala dicunt huius bestię ventrem creare, sed hippo-  
campum algam quandam acerbissimam, ex qua ita afficiantur  
depasce. verumtamen solertia veterani piscatoris, & ad res  
maritimas bene prudentis salutaris etiam repertus est hippo-  
campus. is, & cretensis erat, & filios admodum adolescentes  
piscatores etiam habebat. accidit igitur, ut hic piscator hippo-  
campus simul cum alijs piscibus caperet, & adolescentes a rabi-  
da canicula morderentur, cum eorum in Methyna Cretensi ad  
littus iacentium vicem dolentes spectatores interficiendam ca-  
niculam censerent, & illius iecur edendum iuuenibus dandum  
esse: alij consulerent à Diana Roccea salutem petendam, senex  
piscator



piscator eos de consilijs, quæ afferrent laudatos demisit, & hippocamporum exëterorum alias assos eos comedēdos dedit, alios in acetum & mel contriuit, ijsque morsus vlcera obligauit, atq; hominum adolescentium rabiem vicit, eosque ad incolumitatem tandem restituit. Hæc Elianus. ex cuius historia cum detur nobis assequi hippocāpi naturam probe posse, datur etiam causam intelligere, propter quam hippocampi caro rabiem tollere nata sit: constat enim ex partibus in vniuersum impenſe calidis, & quadātenus humidis, sed ijs perquam tenuibus, quibus facili in cerebrum aditum habet, vnde comesta, & actiuata, quam recte potest virus rabidi canis, fermentumue ab eodem in rabiente homine introductum, in membra se insinuans, diluere, ac soluere. Fortasse adinuētum alexipharmacū hoc fuit, ideo quod sanguis, & venter hippocampi, vt enarratum est, si ab homine assumantur, aquæ desiderium excitare valeant, vt pote calidissima: verumtamen in ventre maiorem, quam in sanguine conspicatur caliditatem, vt qui absolute venenosus lethalia symptomata, & saepe mortē venenato homini inferat.

Vnde hic curiosè quaritur, propter quid modo mortem, modo demētiam, atque obliuionem, nunc vero & aquæ studium pariat. An quod vbi in cerebrum plurimum euaporat, si quidem homo, qui assumpserit venenum ex sauitia symptomatū non intererat, obliuiosus ac demens efficitur, cerebri temperie altè corrupta. si verò in ventrem inferiorem delabatur siue ratione cibi, cum quò summitur, aut paucitatis, aut alia de causa, & in cerebrum non effumet, nisi perparum, & secundum quasdam subtilissimas easque igneas particulas, homo si mortem effugiat, mente quodāmodo captus summo aquæ studio afficitur, inducta in cerebro sicca quadam, & nonnihil calida intemperatura, resultante ex aliquali humiditatis substantificæ consumptione, non quidem aequaliter in centro ac circumferentia membrorum, sed in circumferentia, superficialiue tantum parte. ad differentiam venenati a cane rabido hominis, vt propterea sicuti hic aquam respuit propter dissidium, ita hippocampicus illam magno studio prosequitur, quippe qui ab obiecto natura affectui aduerso recreetur, leuationemque ægritudinis ex auctore, & ratione adstipulante sentiat; concilieturque ipsi somnus, quē in hoc affectu maiori ex parte abesse ratio dicat; scilicet aquæ abominatio in hydrophobo prouenit ex eo, quod cerebrum vellet in suo esse contracto calido et sicco



& sicco intemperato conseruari, non ab obiecto dissimili aduersari, ac destrui; quoniam hoc esse calido & sicco vitur vt naturale, & in eo quodammodo quiescit: studium verò aquæ idèd prouenit in hydrophilo, quod cerebrum vellet corrigi secundum partes intemperatas, & totum ad vnā symetriad deuenire, nequies in intemperatura sicca & calida, vt inæquali, atque improportionata quiescere, hinc aquæ desiderium, quod sane nou subit maniacus, propterea quod calida ac sicca eius cerebri intemperies resultat non ex substantificæ humiditatis consumptione, sed efferuescentia acris cuiusdam excrementi, quæ citra priuationem humiditatis substantifici importat deprauationem, & rationis corruptum; cum alioquin hydrophilus mente quodāmodo diminutus censendus sit. nec subit quoque hecticus, quoniam etsi sit secundum sui totum in quodam calido ac sicco esse constitutus: attamen secundum cerebrum temperie vitur naturali, à noxa vindicatum, siue quod totum sit membrum spermaticum siue ratione frigida eius complexionis. alioquin tabidi, præsertim qui prope mortem sunt, dementes omnino efficerentur.

Quibus sic stantibus iure scriptum fuisse intelligimus carnē, nec non sanguinem istius bestię assatum aquæ formidinem tollere esse nata: & propterea præstantissima esse alexipharmaca vbi rabienti homini pluries offerantur.


Nec ratione caret quod catuli coagulum rabiem superare valeat, cum omne ferme coagulum apud Dioscoridem vim habeat alexipharmacam, est enim teste Galeno 10. sim. coagulum omne calidarum ac tenuium insigniter partium, adeo vt lac coagulat per expeditam eius partium spirituosarum resolutionem, & coagulum dissoluat in ventre liquefacta eius aquositate, per calidam atque acrem, qua pollet, potentiam; quam in eo præsertim, quod catuli est, conspiciamus, quippe quod & præ multis alijs non mediocriter calidum animal est, & est coagulum quodāmodo pars minus venenosa ad venenū caninum. Quamobrem laudarem illos pharmacopulas, qui tum medicamentum hoc, tum ex enarratis plurima ad vsum parata haberent, vt, cum calus se offerat, languentes si non ab vno possint, a pluribus salutem consequantur.

Hiscæ alexipharmacis ad rabiem euincendam, pro hominis iam aquam renuentis salute comparanda, propositis, neq; igni, si ita res ferat, iuxta Hippocraticum consilium parcendum est: aggro igitur ligato inurendum mandabis candentibus ferramentis




mentis summitatem eius capitis duabus inter se intercidenti-  
 bus lineis, altera versus aurem utraq; altera a sincipite ad oc-  
 ciput se extendent. namq; etsi vstio hæc ad membranas, cere-  
 brumq; ipsum immediate non spectet, attamen vis igneæ cum  
 sit ulterius serpere, ac penetrare, ratio vult, ut se quoq; interius  
 comunicet: atq; si sic, rabidum fermentum turbet, soluatque  
 quemadmodum ex pudendo canis faminae inulto. vstio-  
 nis vim ad cerebrum ipsius quandoq; pervenire, & ra-  
 biem illi excitare fertur. Utinam cum hæc, tum  
 cætera contra enarratos morbos, ac venena  
 proposita præsidia optatam humano  
 corpori salutem, si quando ea adhi-  
 bere opus fuerit, afferant, ad  
 maiorem laudē, & Glo-  
 riam summi Dei, et  
 in TRINITATE  
 Viventis.

F I N I S.









# HIERONYMI OCHI RIZETTI

Medici Brixienfis

EXACTA FEBRIVM  
Per inferiorem agrum Brixiensem

anno 1649. diuagatarum

Enarratio, ac Curatio,

*Seu de febribus Malignis Vulgaribus  
Austrinis*

Tractatio Vtilissima

*Eaq<sup>3</sup> cumulatiflima. ac noua prorsus  
doctrina referta.*



IMMOBILIEN

UND

ANNO 1814

UND 1815

UND 1816

UND 1817

UND 1818

UND 1819

UND 1820

UND 1821

UND 1822

UND 1823

UND 1824

UND 1825

UND 1826

UND 1827

UND 1828

UND 1829

UND 1830



## AD LECTOREM



Accipe Lector hanc de febribus malignis tractationem, qua etsi ad specificas tantum directa esse videatur, vniuersalis tamen est ad omnes vulgares austrinas, quae vera maligna dici merentur: namque, etsi per alias quoque tempestates, per quas hoc, vel illud morbi genus suboritur, visantur febres quaedam, quae malignitatis nomine, insigniri ambiunt, illae tamen duntaxat malignae, vel pestilentes legitime videntur dicenda, quae ab austrina potentia, cuius est vel malignas tantum, aut pestilentes, vel pestem absque alio morbo generare, dependent. Nec solum ad malignas vulgares, sed etiam ad pestilentes, ac pestiferas etiam extenditur tractatio ista: quando obiter harum natura, materia, effectus, accurandi ratio, si non exacte explicata, saltem taliter insinuata sint, ut cuique ingenioso pro exacta regula inseruire possint. Accipe, inquam, et si de imperfectione quapiam notandam esse comperas, temporis angustiae, qua est confecta causa ascribas. sciasque, quod vel ipso Galeno iudice, fieri nequit, ut, qui homo sit, inuenta perficiat, in multisque non peccet. Vale.

## INDEX CAPITVM.

- P** *Ræmim Austrini dignotium Imperij.*  
*Quando inceperint febres istæ: Que loca infestarint:*  
*Et quæ qualesque existerint. Cap. I.*  
*De Causis harum februm. et primum, Quæ, qualisque fue-*  
*rit Remota earum causa. Cap. II.*  
*Quæ mediata, atque immediata existerit harum februm caus-*  
*sa, Et quo nomine sint insignenda. Cap. III.*  
*Virum febres istæ, constitutæ malignæ, contagium spirauerint*  
*nec ne. Cap. IV.*  
*De accidentium februm iam diuagatarum causis. Cap. V.*  
*Duo Problemata proponuntur discutienda. Primum est, Un-*  
*de nam stata harum februm, dierum quatuordecim per-*  
*duratio prouenerit. Cap. VI.*  
*Problema secundum. Cur ex febris istis, non pauca, ubi*  
*per septem dies afflixissent, cessarent, ac rursus per septē*  
*alios affligerent. Cap. VII.*  
*Quot, qualesque fuerint curatini scopi, qui pro harum februm*  
*ablatione ad usum fuere reducti. De primo, sanguinis*  
*euacuatione. Cap. VIII.*  
*De secundo scopo, expurgatione. Cap. IX.*  
*De Tertio scopo, qui circa refrigerantia versabatur. C. X.*  
*De Quarto scopo, qui ad expiationem venosi, arteriosi, ge-*  
*neris, nec non cordis sinuum erat directus. Cap. XI.*  
*De scopo quinto, qui ad victus rationem spectabat. C. XII.*



# PROEMIVM

*Austrini Imperij Dignotium, et occasio  
scribendi.*



Ebres, quæ anno iam proximi elapso passim per quasdam Italię partes sunt diuagatæ : pestisque quæ Hispalim, quæque Harbonensem Prouinciã afflixit, faciliẽ induxerunt me, vt opus de Pestilentibus morbis, quod per plurimos iam annos occultatum in tenebris veluti delituit, eruerem, animumque ad id excudendum applicarem. cum enim de pestilentibus constitutionibus, ac præsertim de austrinis, earumque morbis in eo sit pertractatum: cumque hos omnes maligne, ac pestilenter grassatos morbos, austrorum soboles extitisse certissimum sit, in hanc sententiã faciliẽ deueni, vt si luci publicæ exponeretur, fore, vt nebulas ac caligines tolleret, quibus austrinis morbis velut conspersis, factum est, vt germanæ illorum causæ minime vnquam à medicis potuerint, & intelligi, & cognosci. Etenim quo ad remotam causam spectat, in hac indaganda, eos veluti cæcutire animaduertis. hac autem ignorantia, quomodo potest adinueniri, cognosciq; proxima? & hac rursus minime cognita, qui à fieri potest, vt quis adaptata exhibeat medicamina? At non admiror quidem, nec vel minimum; quandoquidem austrorum ad nos accessus remota existit horum morborum causa, quem tamen nos planè fugere, & sensus ostendit, & animaduertit Galenus ab Hippocrate edoctus, lenis, inquiens, auster est, cuius motum in aere ac nubibus non sentias: adeo vt Hippocrates totum illum annum à ventis prorsus silentem statuerit, etiam si per totum eum auster dominatus esset. Vnde medici, cum malignarum, vel pestilentium quempiam morbosum statum in conspectum ferri vident, illico quidem ad cõmunem inuestigandam causam deueniunt, quam tamen, latente principio, a nemine vnquam à tenebrarum inuolucro fuisse detectam, & animantium luci ex-

positam, constantissimum est, resque ipsa ex se declarat. & si pestem quampiam ab austris dependisse uisum quibusdam fuerit, quam tamen qualitatem in subiectis impresserint hi animantibus: quod, qualeque inde excrementum, et qua ratione id ingenerarint, unde morbus exitiosissimus, ac contagiosissimus coalesceret, perplexi subricuerunt. Et profecto mente concipere, per unum, dominantem austrum, prauos, ac maleficos humores, nec non uenenum propriè tale in humanis ingigni corporibus, maximum quid est, & nisi Antesignanum haberemus Hippocratem, qui diuini sui ingenij acumine, normam nobis obtulit, impossibile fuisset, essetque id unquam posse comprehendere. Hic enim est, qui istius spiritus tantopere malefici tardissimum,

3. in. 3. & præ tarditate insensibilem nobis insinuanit morum. hic, qui  
 1. 1. maleficium, quo aerem afficit, insuetum, atque immanifestum, formæ eius mutationem importans, patefecit, dum ex  
 In lib. compacto liquatum reddere docet. Qui maximam, ac uastissimam istius potentiam expresse, dum austrum operari in terram, in mare, in flumines, fontes, ac puteos, & quæ ex terra nascuntur: solèq; ac lunâ, syderaq; multo hebetiora, quàm ex sua natura sunt, reddere scripsit. Qui per dictatam corporum dissolutionem, ab austro factam, arcanum detexit nobis quo intelligeremus, quò in his prauis, ac uenenosis humores, malignarum, ac pestilentiarum febrium vulgariter grassantium productum, generantur. Qui tandem pestem per silentem quidem, sed in throno aere sedentem, atque imperantem austrum, excitatam, per quam inter cætera, exesis à depascente viru egrotantium carnibus, ossa secundum totum affectum membrum denudabantur, ut multis etiam totus deciderit cubitus, ad uinum pictam nobis obtulit. ut propterea diuinum hunc virum, pro una hominum corporea salute celsituisse datum, summo quodam iure dici possit.
3. aph. 5. & 17.  
 3. in. 3. 25.  
 Ibid. 1.

Cum igitur opus de Pestilentibus allata de causa luei exponere decreuissem; atque idcirco, exporrectus, utramque censuram incolume, pertransisset, cum iam prælo esset paratum, subministratum mihi est, rectè me facturum esse, si de febrilibus, quæ iam superiori anno per inferiorem præsertim agrum Brixensem sunt diuagata, quæque ut productricem sui causam, austrum agnouerunt, tractarem, tractationemque illi annecterem. Quo postea à me statuto, tractationi statim accubui, perfectique maiori (cum superfluum tempus non extaret) qua potui celeritate. Et quidem ratio hoc exposculauit; quandoquidem etsi in illo de hisce febribus actum sit, breuissimus tamen sermo est.



est factus, & quod magis est, cum in eo curatio sit tantum insin-  
uata, in hac postremam visa est accepisse manum. in illo rursus  
quidquid de his definitum est, per contemplationem est defini-  
tum ( neq; enim per antea contigit mihi quempiam maligna-  
rum febrium vulgarem vidisse statum ) modo in tractatione ista  
ex praxi practicata, est actum vnde cum scientiam illam con-  
templatoriam, consentaneam huic practicæ vndequaq; esse  
compererim, in hanc solidam deueni sententiam, totum hoc  
efformatum de austrorum natura, ac maleficientia, deq; ipsis febr-  
ibus ædificium, in solidis, atq; inconcussibilibus iactum esse funda-  
mentis.

Accessit pro stimulo ad hanc tractationem, videre per agrum  
Brixensem passim elucescere, diuagari huiusmodi febres, gentem  
perterrere, cladem minariet quid mirum obseruatum abunde est,  
austrum ab arcturo oriente, vsq; ad occasum pleiadum, & successi-  
ue post hunc, propria in aere impressisse vestigia: & cum per  
paucos boreas accessisset dies, rursus vsq; ad æquinoctium ferme  
vernum austrum vibrasse aeris lenitas à maligno hoc spiritu identi-  
ficata, & austri velut repræsentatiua, commonstrauit: & nisi fauo-  
nio, qui adhuc spirat, & iam agit tertius supra decimum dies ( quo  
die hæc exaro ) tertio calendas Martij datus fuisset locus, grassan-  
tes hæ febres vastiorem proculdubio compararent locum. Sed  
utinam valuz iam sint insidioso spiritui obstructæ, verendum enim  
non sine ratione est, ne iam iam referatæ quadantenus intermissum  
recipiat dominium; quandoquidem cum eis mediteraneum mor-  
bosus semel accedit, diutinum in aere retinere imperium, experien-  
tia perpetuo edocuit. Hinc propterea cum iura sua dat, nunc.  
Prouinciam hanc, nunc illam occupat: modo regionem istam af-  
fligit, modo illam depopulatur: & dum Ciuitatem hanc depascitur,  
illam conficit. scilicet hoc perpetrat, pro vt huc vel illuc fluctua-  
re: huc vel illuc impellere contingit. In vniuersum autem, quo  
validior accedit, eo diutiori tempore perdurat, ac dominatur: ac  
successiue eo grandiore, ac vastiorem procreat pestem: æqualio-  
remq; in prouincia, in regione occupat locum. e contra, minus  
grauem generat morbum: inæqualioremq; vel saltē angustio-  
rem in regione perflata occupat locum. Hinc enerrantur quadam sa-  
missimæ pestes, quæ per plurimos perdurauerunt annos. Philostratus  
enim ex. ner. trac. de Pest. pestem tempestate sua subortam, vt  
tot alias longas omittamus, quindecim perdurasse annos, enarrat.  
Iacobus de partibus, pestem suo tempore grassatam quinque anno-  
rum curriculo perdurasse, & totum ferme terrarum orbem perua-  
gasse,

gasse, multotiesq; Vrbes ac vicos, villis penitus illæsis, à morbo fuisse correptos, scriptum reliquit. quod particulare vsuuenisse quocq; in Peste Brixienti anni 1577. & relatum mihi, & scriptum inueni. namq; cum Vibem seuissime deuastasset, totum illius agrum, præter Iseum, & quadantenus Lonatum, oppida domibus valde conferta, intacta reliquit, Sunt scilicet Ciuitates atq; loca domibus confertiora, sic ratione à nobis alibi allata, dominantì austro potissimum obnoxia. quod si piè interpretari hoc velis, dic iustius quodammodo in hæc flagella infligi: quandoquidem in Ciuitate peccare sit longè grauius, quam vbi legum inciticia, & Gubernatorum absentia, vt ob id fortasse non agro, non villis, sed ipsi Niniui subuersio à Propheta fuerit minitata. Rursus pestis, quæ anno. 1575. incipit, non prius cessauit, quam plures Italiæ vrbes effect depopulata, & cum anno 76. Venetias crudeliter depasceretur, Brixia Regina suæ, erga quam fide prorsus incontaminabili viuit, & ardet, mala grauissime ferens, atq; ingemiscens, immanissimæ feræ rabiem. veluti in se conuertit: namq; vt scriptum inuenio, quo tempore Venetiarum mala restrictionem acceperunt, Brixianis datum est principium. sic pestis quæ anno trigésimo supra sexcentésimum, nobiliorem Italiæ partem deuastauit, ætatem anni vigésimi noni, ex malignis, & pestilentibus febribus morbosam habuit prænuntiam.

Id Pest.  
m.  
10:c.3:

Vt propterea ex his iam firmetur, austrum, cum morbosè spirare incipit, non per annum, sed per annos cis mare proprii imperij iura, exercere. quo stante verendum est, ne febres iam grassantes vastiorem successiue quaritent locum, & iusq; in gentem efferent.

Velim autem te pro constantissimo habere, pestes à scriptoribus enarratos austrorum soboles extitisse: quoniam etsi non inficior, quod ab alia, quam austrina aeris affectione suboriri potuerint, rarissime tamen hoc euenire scias. &, si quando euenit, manifestissima, eaq; diutina in aere præcedit qualitas: austrina solam aeris lenitatem præsefert, cuius comes est calor quidam, & cuiusq; alterius venti vacuitas: quam propterea vbi diutius per annum vigere obseruabis, de morbis austrinis, præsertim si cæteri morbi stent, tibi suspicandum valde est. Quod si iam exiliant, & nullam manifestam præualuisse aeris qualitatem, tibi compertum sit, dic, illos ab austrino pendere imperio. hinc iure optimo Plinius obseruatum fuisse scribit, pestem à meridionalibus perpetuo in occidentales extendi partes, & Marcus Varo, cui à meridie omnem maleficientiam venire, notum erat, Corcyram Insulam se ab imminente peste liberaffe narrat, obstructis fenestris austrum spectantibus, & ijs, quæ

L. 7. c. 2.  
30.



quæ ad aquilonem vergebant, ad apertis.

Tali igitur pestiferi istius venti aggressu, vi, ac maleficientia stante, placuit hanc de malignis febribus austrinis conficere, ac superiori operi annexere tractationem, vt. latens, atq; insidiosus is aggressus magis conspicari, potentia retundi, ac maleficio, quoad humanæ vires dabunt, aduersari possit: quo enim maiorem austrini morbi intensiorem gestant, eo magis reluctari remedijs, certum est: adeo vt medicina in pestiferis obscuretur, vilescatq; morbis, non tam præ quadam eorum summa extremitate, quæ Hippocraticam superat extremitatem; quam quod summus, atq; optimus Deus permittat, vt, quæ Diuinitus ipse immisit, mala, artem omnem contemnant. Sicuti quippe bonorum bonis est Dator, sic Iustissimus malorum ultor. pestiferas enim tempestates, si quid aliud, cælitus esse datas, tum ad dignam nostri ultionem, tum ad morum correctionem, quando in his potissimum errores quisq; suos apud Confessarium detegat, pie agnoscendum est. quo fit, vt primaria pestiferi morbi curationis veluti intentio ab ipso in primis, à quo venit, Deo sit petenda. nam si percussi homines ad Deum humiles ac contriti non confugiant, sed irreligiose in humanis tantum præsidijs spem collocare velint, vanum esse omne tentatum ex morte celerime irrepente, experiuntur. Cælis igitur pestilentias minitanti- bus, ipsiusq; pestilentijs pullulantibus, vt humana remedia cum reuerentia postmodum erga Deum parentur, ante omnia expianda publice non ordinaria religione ciuitas est: expiandę priuatim domus, cunctaq; elucere in penitentijs debent: hac quippe ratione mors, alioquin instans, vt arceatur, sic de Ezechia Rege ægrotante in sacris cartis habetur; malaq; Diuinitus minitata vt disper- gantur, ut clarissimum Ninives præ-

buit exemplum, sperandum re-  
ligiose est. Sacrificemus Do-  
mino, dicebant Israeli-  
tę, ne forte acci-  
dat nobis  
pestis, gla-  
dius.

4. Reg.  
ca. 20.  
Io: c. 3.

Exod.  
cap. 5.



Exacta febrium per Inferiorem Agrum Brixensem.

Anno 1649. diuagatarum enarratio, ac Curatio.


Seu de febribus vulgaribus Malignis Austrinis

Tractatio vtilissima.

*Eaque cumulatissima, ac noua omnino doctrina referta.*

*Quando incaperint febres istae, quae loca infestarent, et quae, qualesque extiterint.*

Cap. I.



Um superiori anno quadragesimo nono supra sexcentisimum diuagatę sint per inferiorem agrum Brixensem, in terris scilicet iuxta, ac de super flumen Oleum, febres quadam minimę vnquam intermittentes: propterea harum formam ac naturam a me vnde quaque anatomizata, atque excussam, nec non earum accidentia enarrare, causasque exponere, nunc decreui, cum ad explendam curiosorum cupiditatem, tum vt germana harum habeatur curatio.

Primum autem Cremonę eluxerunt, statim atque Galli ab illius oppugnatione, quod successit tertio idus Octobris anni 1648. abscessere, ac mox eius agrum, huiusue habitatores molestarunt. Inde oleum flumen veluti tranantes, Vistianum primo ac Pratalboinum, postmodum Alfianellum, & Pontenicum ceperunt, hocque celebre oppidum frequentiori cede, insigni non obstante medici peritia, non parum afflixerunt. Successive vastitatis veluti cupide, Quintianum, Monticellum, Gabianum, Verolam



Verolam Alghisi, veterem, Bassanum, Sanctum Geruasium, Ma-  
nerbium, Cignanum, Cadignanum, Pederagnam, Orianum,  
aliaque loca hisce proxima occupantes, maiorem fortasse homi-  
num partem affligerunt.

Incipiebant omnes cum rigore, de cetero cum feruore sem-  
per incedebant. erat cunctis capitis dolor assiduus, praesertim  
primis morbi temporibus, qui & per dies, & per hebdomadam  
quoque quosdam, & per hebdomadas ante febris inuasionem,  
hominem corripuit. erat hic grauatius, ut hinc nonnulli plus  
de granitate, quam de dolore conquererentur. vigiliae non ad  
modum, sed somni turbati. & vigiles melancholico modo quie-  
scebant. sitis assidua, magna, cum linguae ariditate, ut hinc per-  
multis crustae faucibus inducerentur. calor eorum in cunctis  
erat equaliter expansus: attamen, ob putres ac densos vapores,  
in venis, atque arterijs inclusos, videbatur languens maiorem in-  
terius, quam exterius aestum perferre, & absque periodo affli-  
gebant.

Namque quae cum salute terminabantur, sic incedebant, qua-  
tuor primis diebus erant non magnae, mox ingrauescebant, &  
a septima ad duodecimam usque maxime affligebant, a qua pau-  
lulum declinantes, die decima quarta iudicationem accipie-  
bant. consistebat haec grandior afflictio, in maiori febre, inten-  
siori siti, delirijs, somnis turbulentis, quodam stomachi dolore, vi-  
rium languore: erat in summa tunc morbus vndeque gra-  
uis ac magnus, ijs praesertim, quibus vena aut non fuit secta, vel  
large sanguis non fuisset missus. hi enim praeter cetera vel a  
maximis corripiebantur delirijs, vel cataphoricis, aut comato-  
sis affectionibus.

Interim plurimi per aluum, vel per vomitum lumbricos ex-  
cernebant longos, saepius viuos. Urinae erant ut plurimum sub-  
rubrae, quae aut nebulosae, aut turbatae crassae redditae, tandem  
clarefcebant. at in morituris, deposita tandem crassitie, flauiti-  
em contrahebant, in quorum multis primo tenues decoloratae  
comparuere. in alijs quibusdam tenues, & subulescentes ex-  
cernebantur, crassae tamen haec non solebant fieri. qui aut viri-  
des, & subvirides reddiderunt, his lethum blanditum est. Suda-  
runt non pauci, sed sudor nemini fuit absolute decretorius, sed  
salutis nuntius, quibus sub declinatione contigit, aliter neque  
proficius. erupit quoque iuuenibus quibusdam sanguis, sed haec  
eruptio, quae admodum, & per venam sectam euacuatio, etsi mor-  
bum minus grauem, minusque lethalem redderet, non tamen



minus breuem efficiebat. adolescentibus tamen, quibus erupit, adeo profuit, ut de cætero morbus robur non haberet ullum.

Et quamuis in uniuersum grassatæ hæc febres, fuerint magnæ atque graues: æquales tamē in cunctis minime extitere: grauiorres quippe in quibusdam, in pluribus intensiue, & extensiue minus graues uisæ sunt. extensiue dico, quoniam in illis uigorem in decimam quartam usque diem seruauerunt. in his post undecimam declinationem quādam assummentes, decima quarta iudicabantur.

Obseruatißimum a me fuit, pauperibus in genere minus graues quam diuitibus extitisse. An quod in ijs uitiosus sanguis, harum causa, ob communem egestatem, minor quantitate extiterit, atque idcirco minor febris. sui propterea quibus large sanguis fuit missus, aut per nares effusus, ij cæteris semper paribus minus grauitè se habuere, morbum leuius transigere: cum alioquin grauissime, ac pessime se habuerint, quibus nihil, aut non pro ratione fuit haustus.

Erat autem morbi finitio non per ullam criticam excretionem, sed per solutionem, cuius terminus erat dies decimaquarta: in qua plurimi exacte refrigerabantur: in quibusdam enim caliditas quædam seruabatur ad decimam septimam, nonnumquam ad uigesimam diem; in ijs scilicet, quarum febris adhuc uigens quartam supradecimam assumebat. impossibile enim prope est, febre aliqua magna soluta, solui simul contractam carniū caliditatem. Sanati, omnes ferme, transactis quibusdam diebus, secundu[m] caput depilabantur.

Porro iudicium dierum quatuordecim adeo fuit harum febrium proprium, ut, si quispiam ante hunc diem indicaretur, ut multis usuuenit, rursus à recidua correptus talem diem tali iudicio absolueret. namque quibusdam decreuit morbus septimo, intermisit septem: repetijt, et indicatus est die septimo, quibusdam alijs post iudicium dierum septem intermisit tribus, nonnullis quatuor, redijt, et rursus septimo indicatus, et in genere prior morbus uisus, ut plurimum est cum intensiori, posterior cum remissiori uehementia incessisse, qui, & cum paruiori rigore inuadebat. Qui autem in huiusmodi reciduas incidere, sanati, ut noui, omnes sunt, præter unum chirurgobarbitonforem, qui septimo indicatus, ab intermissione trium dierum rursus à morbo correptus, quarto ex uehementi febre, & fluxu dysenterico mortuus immature est hic vir, peritia, & humanitate præstans. hinc cum tale recidua genus fuerit à scribente me-



dico obseruatum, reuersio plurimis iam primo iudicatis, finitioq; futuri morbi statim, non sine ægrotantium, ac domesticorum admiratione erit prædicta.

At quorum finis pernitiæ exitit, sicuti hic breuiori, vel longiori tempore contigit, sic diuersa horum fuit incedendi ratio: etenim qui septima, octaua, vel nona tollebantur, his praua statim elucescebant: febris vehemens, capitis dolor immoderatus, magna segnities, pulsus duri, angusti, vrinæ vt plurimum turbatæ, ac crassæ, quibusdam virides, repugnantia ad oblata (in salutaribus enim adhæc bene se habebant) & in quarta deliria aderant, septimaq; vel octaua, aut circiter comatosi moriebantur. sed paucissimi hunc celerem sunt experti interitum, sic constitutionis aeris qualitate importante. alios vndecima, duodecima alios sustulit; qui omnes sub eodem ferme symptomatum sœuitie militarunt. Pleriq; inter decimam quartam, & vigesimam interibant: qui ab vndecima vel duodecima signum pernitiæ certum præseferabant. erat hoc, morbi ingrauescentia, ab intensiori febre, virum lapsu, corporis grauitate, & stupefactione quodam delirio efformata: cum alioquin morbus in primis leuiter, & non sine spe incederet. adeo vt medico sepe imponeret.

Quibus autem fatum istud experiri contigit, hi in plurimum extitere atrabiles melancholici, biliosi. ex ætatibus in vniuersum, ætate consistentes maiorem cladis (quanta hæc extitit) partem, quin immo fere totam efformarunt. ex senibus pauci sunt a morbo correpti, sed ii fere omnes fuerunt sublati. perquam longe minus iuuenibus morbus fuit perniciosus. minimum, aut melius nil adolescentibus: minime prorsus pueris: adeo vt ex his, quorum plures egrotarunt, nullus. vt noui in tanto numero fuerit defunctus.

Hæc cum fuerint febres, quæ per agrum Brixensem grassatæ sunt, nemini dubium esse potest, quin fuerint epidemiæ vulgares: præsertim cum passim per Italiam eodem tempore visum huiusmodi febrium genus sit, pestifereq; in prouincia Harbonensi, atq; Hispali audite fuerint: quas omnes, cum vnâ communem causam agnouisse, certum sit, propterea iam tempestiuum est, vt ad causas iam inquirendas descendamus.

*De Causis Harum Februm. & Primum  
Qua. Qualisq; extiterit remota  
harum Causa.*

*Cap. II.*

**E**st modo harum februm causa remota, sermonis ordine sic ex-  
postulante, inuestiganda. circa quam inuestigationem non  
mediocri est opus diligentia. quandoquidem etsi ab actuato morbo  
causa hæc longæ absit, ipsa tamen est, quæ proximæ dat esse: quæ  
modum, quem tanti facit Hippocrates, quo creantur morbi, desi-  
gnat: quæ perfectam actuati morbi cognitionem, tibi affert; quæ  
rectam viam, vnde scopi curatui sunt desumendi tibi commōstrat.  
Hanc autem remotam diuagantium morborum causam quampiam  
aeris affectionem perpetuo obseruabis. ab affecto hoc vel illo mo-  
do aere morbi plurimi pendent. quod optime intelligens, maxi-  
miquæ æstimaans Hippocrates, epidemiorum libros ad nostram do-  
ctrinam delineauit: tertium de humoribus librum litteris consi-  
gnatum nobis reliquit: librum de aere locis, & aquis conscripsit,  
& tertium aphorismorum efformauit: vt propterea valde mirer,  
quod à scriptoribus, quod à medicis de affecto, ac mutato aere, ani-  
mantium corpora, calidumue ipsorum innatum afficiente, minima  
habita fuerit, habeaturq; cura, ad immediatam immediati accur-  
rentibus causam. & si quempiam pestilentem morbum, quempiam  
communem affectionem vulgariter grassari contingat, cum fieri ne-  
queat, quin ad aliquam confugiant remotam causam, in medium  
afferant contagem, veræ causæ ipsos latentis excusatiuam: adeo  
vt ipsius etiam pestis, quæ anno 1630. tam vastè dominata est,  
causa, non sine quopiam dedecore communiter à medicis contagio  
fuerit ascripta. Has insuper diuagatas febres a contagio ortū ha-  
buisse; per contagium spatiatas esse; contagiumq; vibrasse, non  
defuere medici, qui putarunt. Si morbos iste communis fuit, qua  
quæso ratione priuata causa potuit illum generare vñ nobis si  
contagium pro communi causa inservire posset.

Et quoniam prauam victus rationem communem aliquando  
posse producere affectionem, scriptum olim nobis reliquit Gale-  
nus, causamq; attulit, propterea videndum, fuerit ne istarum po-  
pularium februm quispiam improbus victus effectrix causa, an  
non, &

2. d. diē  
& alibi  
in lib. d.  
bon. &  
vit. suc.  
cap. I.



non: & quidem ratio dubitandi adest, quando antequam diuagatę sint, quoq; tempore sauebant communem egestatem viguisse compertissimum sit. verum nullum in harum edificio victum aliquem habuisse locum, pręter rationem, experientia edocuit. etenim et si cerealium penuria extiterit, non tamen ea fuit, quę gentem coegerit ad herbariorum esum: vt propterea non minus diuites, quam pauperes constitutionis istius maleficientiam experiri contigerit. Aeri igitur vt cunctis communissimo causa est assignanda.

Cum autem animantibus quadruplici in genere modo ex placitis nostris officere natus sit: sędatus: suffocans: ad quampiam qualitatem valde mutatus, & austrinus factus; ob id inuestigandum venit, quomodo in nostro casu se habuerit. At vt sędatum minime obnoxium fuisse, duo potissimum declararunt, quod defuerit causa, quę vitiare, ac coinquinare (saltem coinquinatione, quę communem alioquin posset importare morbum) illum potuerit; quoq; vagatę febres coinquinati aeris soboles minime extiterint. Sed nec suffocans, nec in quali mutatus obfuit, cum notum sit nec ante vagatas febres, nec quo tempore sunt vagatę, quampiam eflatu dignam, ac manifestam pręualuisse qualitatem, & propterea iidem nec suffocatiuę, nec siccę cum caliditate, aut frigiditate, nec humidę cum hac vel illa actiua qualitate iunctę, constitutionis naturę naturam redoluere. reliquum igitur est, aerem pręualuisse austrinum, austrinam constitutionem productricem istius morbo si status, causam extitisse, quam inter cętera diuagatę febres, vera, ac legitima austrinę maleficientię soboles, nec non dolor capitis. Hippocraticę grauatiuę apertę demonstrarunt.

Nec est, quod quis opponat, obseruatum fuisse, austrum tunc temporis minime spirasse, quoniam vt alibi dictum est, auster cum legitimus spirat, adeo lente mouetur, vt motus illius nos plane fugiat, 3. in. 3.  
t. 1. ad quod insinuandum nobis Hippocrates dum austrinum eumq; annum statum nobis proponit sic scribit, annus austrinus a ventis in totum silens: quo loquendi modo significare videtur, ipsum neque austrum spirasse, quamuis per totum spirasset, per totum dominatus esset annum. adeo enim est spiritus istius motus tardus, vt potius humiliter repere, quam spirare dici possit. hinc fit, vt valde polleat, insinuetq; se in animantium corpora, grandemq; breui tempore imprimat alterationem.

Dominatus igitur est ventus iste; eiusq; dominium partim pluuium, partim pluuijs vacuum extitisse, obseruatum abundę fuit. etenim post ortum pleiadum, & ante canis ortum anni. 48. multi accęssere imbres, quo tempore aeris lenitas obseruabatur, quę austeri

ad nos



ad nos accessum facile declarauit : post canis ortum vsq; ad arcturum orientem, ætas sine pluuijs, sine ventis transigit, & cum ipso arcturo oriente, et post ipsum adhuc pluuiarum vacuitas, atq; aeris lenitas vigeret, rursus plurimæ multæ quæ sationem distulerunt, cecidere, ac mox serenitas successit; quæ paulo post excepta à tempestate est, vsq; ad Pleiadum occasum, vtramq; naturam mutuo gestante, à qua postmodum multi imbres per quoddam tempus. ac de cætero hyems, sine pluuijs vsq; ad æquinoctium, transigit lenis.

Cum igitur anni tempora cum lenitate, ac ventorum vacuitate sic processerint, non potuit non argui de austri dominio, declarato insuper à serie cum vniuersali, tum etiam particulari, qua loca fuere à febribus capta. etenim cum Cremona in primis, ac mox eius ager morbum contraxissent: successiue is vastiorem versus Boream capiens locum, oppida, ac loca Oleo flumini quam proxima capit; mox alia his succedanea, vsq; quo Manerbiu corripuit. sic ab ipsa particulari serie, qua vnumquemq; locum morbus a præhendit, arguitur. regionem quippe seu uiciniam primo loci meridianam, successiue serpendo, borealem tandem capiebat. Quid plura, communes morbi, communes clades, quæ passim per Italiam, & per quasdam Galliæ, atq; Hispaniarum partes vt alias prouincias omitamus, vsuenerunt, austrum anno iam elapso 1649. grande in aere dominium habuisse, clarè fuit testatæ. Quos communes morbos, sicuti in prauitate, ac sæuitie inter se minimè extitisse æquales, ratio dicat, se variam vnumquemq; seorsim austri potentiam agnouisse necesse est.

Quo ad has spectat febres, sentio ab austro sufficienter valido fuisse productas, sed non multo tempore in subiectis locis præualuisse. quod validus extiterit, inde arguo, quod etsi non multo tempore sit dominatus, tam copiosam tamen produxerit in animantibus excrementorum colluuiem, vt necesse fuerit, venis inde repletis, quamprimum à putredine, frigido anni tempore minime obstante, corripì. quam rem firmat quoq. grandis egrotorum copia, namq. supra dimidiam, aut saltem dimidiam circiter ex subiectis hominum partem laborasse certissimum est. quod verò in locis seorsim non multo tempore sit dominatus, tempus perdurationis huius morbi breue, demonstrauit. morborum enim communium perdurationem, consequi constitutionis perdurationem, deducimus ex 3. de humorib. Et quamuis satis diutinus constitutus paulo superius sit status iste, non tamen semper præualuit, & ad subiecta loca semper accessit auster. etenim cum Cremonam, ac Cremonensem agrum prius affecerit, successiue loca Brixienis agri affecit vnde interim



interim quo Cremonenses austrini aeris sæuitiam morbosè experiebantur, Brixienſes bene ſe habebant; & è contra, cum Brixienſes (ſaltem qui poſtremo conſtitutionis maleſcientiam ſubiierunt) laborabant, Cremonenſes rectè tranſigebant. Sic Pontenicum ante Verolam, & Verola ante Manerbum morbum per multos antea dies contraxit, atque hac quoque de cauſſa factum eſt, vt Manerbum, Lignanum, aliaque loca poſtremo affecta, minus intenſiſſe, atque extenſiſſe laborauerint: morboſus inquam horum locorum ſtatus extiterit minus grauis, ac lethalis, minusque perdurauit: ad differentiam morboſi ſtatus Pontenici, ac Verole, qui cum fuerit grauior ac lethalior, diutius etiã perdurauit. Inchoauit morbus Pontenici poſt occaſum Pleiadũ, & ad ortum ferme earum, paulatim iam contabefcens extinctuſeſt. Verolæ poſt ſolſtitium hyemale primum elucuit, & poſt pleiadium ortum ſenſim elanguens expirauit. Videtur morbus in his duobus locis primarium ſibi ſtatuiſſe ſolium, ac veluti pro tribunali conſediſſe.

Firmatur id, de quo loquimur, ex quibuſdam malignis ſed ijs lenibus febribus ab auſtrina maleſcientia pendentibus, quæ in aliquibus locis, vt Offlaga, Bagnolo, alijsque vicis, affectis locis conterminis, viſæ ſunt; namque eſſi auſtrina hæc potentia ab oppidis, ac locis enarratis fuerit circumſcripta: non fuit tamen ita limitata, quin ad loca quoque hiſce finitima, quamuis deſſa ac debilis, perueniret, qua ſtante debili potentia, quæ ipſas etiam breuem perdurationem includit, valdè pauci morbum, cumque longe minus prauum, ac lethalem contraxerunt.

*Quæ mediata, atque immediata extiterit harum febrium cauſſa. & quo nomine ſint inſignenda.*

### Cap. III.

Non erit nobis difficile hanc vtramque conſtituere, quando res iſta alibi ſuſius fuerit pertractata, atque explicata. Percuſſit enim immediate innatum animantium calorem auſter, què

G g remo-



remotam causam esse statuimus, oblāditiq; infueto quodam modo, inibi declarato, cuius iniuriam paucis hic etiam perstrin-  
 3. aph. 5  
 et 17. gemus, ne maior lectori succrescat labor. delitescit autem ista sub austrina corporum dissolutione ab oraculo, dum austrinas recenset incommoditates, dictata. Sed quid dico delitescit, di-  
 cam sarius exprimitur, innotescit, pingitur: dū enim ab austris corpora dissolui, scribit Hippocrates, simul & semel calidum in-  
 natum, quod sedem ac domicilium in iisdem habet, dissolui do-  
 cet; simul & semel eiusdem dissolutionem quam opprimē no-  
 bis exprimit, ac repræsentat. Quid autem sibi velit hæc dissolu-  
 tio, indicat ipsa nomenclatura, quæ cum dicat quandam rare-  
 factionem, quandamque hinc compāginis ac toni fractionem,  
 aciei quoque illius obtusionem importat. qua ratione nativus  
 calor, vi, ac robore orbatus; nec non hebefactus tibi repræsentatur.  
 unde non mirum si corpora ita dissoluta, sint pigra, atque in-  
 firma; è directo aduersa, cum sint à borea alterata: calore enim  
 3. aph.  
 17. coactō à rectē compāginato corpora efficiuntur ex sene, firma,  
 valida, atque agilia. hoc igitur pacto nativus subiectorum ani-  
 mantium calor ab austrino statu iam delineato affectus, atque  
 hebetatus, non potuit, quin prauum conficeret sanguinem, ci-  
 borum partibus coctū atque alteratū difficilioribus, inalteratis  
 in sanguine remanentibus: quæ in dies cumulatiores redditæ,  
 in dies quoque copiosiores reddebant sanguineam massam; à  
 qua postmodum putrescente febres iam descriptæ fuerunt pro-  
 ductæ.

At cum dico, prauum, non intelligo, quod totus esset prauus;  
 ac duntaxat secundum partem; quam pravam partem quanto  
 copiosiore per sanguinem, & in sanguine esse contingit, tan-  
 to praviorem, & quanto pauciore, tanto minus prauum red-  
 dit sanguinem: cuius naturæ fuisse, qui hunc malignarum febriū  
 statam generauit, exitus demonstrauit. Fit tamen in huiusmodi  
 casibus compluries, ut quo longiori ab ortu tempore sanguinē  
 vitiosum à putredine corripere contingit, eò praviorem contrahat  
 naturam, non solum quod in dies quidpiam à cibis relinquatur,  
 si tamen ab austrina affectione naturalis calor detineatur: sed  
 etiam quod interim nutritura membra, probis attractis sangui-  
 nis partibus, prauas repudient: qui si adhuc non putrescat, ad hoc  
 postmodum, austrina perseverante potentia, venit, ut, alilibus  
 prorsus nudatis partibus, impermixta, ac sincera euadat mate-  
 ria, prorsus & vnde quaque malefica, de qua in 1. de Pass. m. vn-  
 de ab vno austro, pro leui vel valida eius intensiue, & extensiue  
 poten-



potentiâ, nunc prauus: nunc deterior: modo massa ex toto malefica proueniunt; quarum singularum materiâ communem est ex se statum, seorsim morbosum constituere.

Quod autem improbus sanguis in subiectis hisce animantibus prauauerit, id largæ in nonnullis sanguinis per nares eruptiones: id rubra exanthemata, sed præsertim salutares, atque tantopere proficua sanguinis per sectam uenam euacuationes ostenderunt. quæ res simul et semel nobis commonstrat, sanguinem istum ex probis atque utilibus maiori ex parte fuisse constatum partibus. alioquin sicuti non eque salutares extitissent sanguinis missiones, sic eruptiones non tam frequenter in genere uisæ fuissent. in genere inquam, quoniam etsi respectiue tantorum ægrotantium pauca quodammodo fuerint, frequentes tamen in genere extitere. uidetur quoque huic sententiæ suffragari Galenus, dum sanguinem vitiosum malignarum febrium causam esse statuit, edulia inquiens vitiosa, sanguinem vitiosum gignunt, & rursus eodem in loco, humor inquit vitiosus, ex vitiosis edulijs collectus, in venis diu latet, qui progressu temporis malignas accendit febres.

*In cons.  
3. d. ali.*

Cur autem deterior, prauiorue sanguis, qui pestilentium febrium causa, ex placito nostro, existit, per hunc statum non fuerit genitus, cum statutum superius sit, satis validum extitisse, ratio est, quoniam breui tempore, ut est demonstratum, dominatus est, ut nequiuert in subiectos homines grandem imprimere noxam, præsertim quibus plurimus esset calor, ut pueris, atque adolescentibus; consistentibus enim ac senibus, lethalis euasit, natiui caloris defectu, vi fractæ, atque acie obtusæ, accedente; unde ex prauiori noxa, prauior resultauit sanguis. hinc factum est, ut illis fuerint tantopere proficua sanguinis emissiones: non æque his, quoniam ut prauior, sic erat crassior, ac successiua, ad exiliendum ab incisa vena minus idoneus; unde pars prauior, a sectione relicta, ac perseveranter putrescens, non prius præ crassitie ad exactam sui consumptionem ueniebat, quam natiuo ægri calore ad summum deprauato mors in conspectum ferreretur. cuius etiam prauitatis ratione, arbitror, factus est, ut nemini ex his sanguis eruperit. Quibus sic stantibus iam intelligimus. mediatam harum febrium causam, non aliam extitisse, quam natiuum subiectorum animantium calorem ab austro, causa remota, percussum: immediatam uero, earum generatricem, sanguinem extitisse improbum; a quo postmodum putrescente efformata hæc febres fuere.

*Causa  
harum  
febrium  
mediata*



Quo autem titulo sint insignendæ, non est nobis difficile statuere, cum iam sit de earum productrice causâ, vitioso sanguine, determinatum; cuius esse, malignas accendere febres, vitiosioris pestilentes, maleficę vero materię pestíferas, decretum à nobis alibi est. Malignę igitur fuerunt febres istę, eademq; epidemię: at non iuxta Galenicam interpretationem, quę inter epidemium morbum, & pestem nullum alium pro medio morbum constituit: sed epidemię leues, respectu ad graues, quę sunt pestilentes non exatę, seu in prima specie. exactę enim pestilentes seu pestíferę, illę sunt, quę pestem constituunt: quę cum longissimę absint à malignis, ita decet inter has, atq; illas, alteras medias constituere: & erunt hę pestilentes: quę sicuti plures, & breuiori tempore occidunt, quam malignę: sic pauciores, ac longiori tempore, quam pestíferę: quę propterea pestíferę omnes ferē corripunt, plures tollunt: & id, si non prius, inter tertiam, ac sextam faciunt. Pestilentes, plures ex subiectis animantibus corripunt, multos perdunt & à sexta ad duodecimam id perpetrāt. Malignę multos, aut dimidiam circiter partem, ex subiectis constitutioni, apprehendunt, paucos enecant; quod inter decimam quartam, & vigesimam accidit, quę omnes singulę pro vt ad confinium minoris, vel maioris prauitatis accedunt, sic pauciores, vel plures; & longiori, vel breuiori tempore occidunt: adeo vt, has omnes, etiam si harum vnęque proprium seorsim producat morbi genus, inter se tamen quodammodo connecti comperies, si vniciq; latitudo trium veluti graduum, fuerit assignata. Nimirum, quod primus malignarum grandem statuat à pestilentibus longitudinem: moderatam secundus: quandam tertius connexionem cum pestilentium primo. Eadem de istarum gradibus in pestíferas sit ratio, quibus pariter latitudo equalis est concedenda; adeo vt, si quę in tertio prauitatis gradu sunt, ex centum ægrotis tollant octoginta quinque; quę in secundo tollent septuaginta, quę vero in primo quinquaginta quinque. rursus eodem ordine, si pestilentium tertium, ex centum, perdat quadraginta, medius triginta, & primus viginti perdet. Successiue malignarum postremus quindecim, medius decem, quinque primus enecabit. malignas autem quas plures supra quindecim occidere inuenies, vtro nomine, malignas in suo esse grauiores, vel pestilentes leniores voces, nihil moror: dummodo inter huius, & illius generis extrema nullam admittas differentiam. sic pestilentes, quę ex centum ægrotis ad internicionem ferē quinquaginta deueniunt, & pestíferas, quę quinquaginta circiter interficiunt, vtrius nomine, cum eadem additione, vocare tibi libet. quod autem de febribus



est dictum, id de statibus morboſis dictum puta.

Cum autem in hiſce diuagatis febribus vix ſeptem, ex ijs, quibus congrua fuerunt adhibita remedia, pro vnoquoq; centenario occubiſſe, obſeruatiſſimum fuerit, iure malignas fuiſſe definitas, & eſſe vocandas, ratio vndequa; diſtat. illas tamen ex grauioribus extitiſſe pro certo habendum eſt.

Vnde hic curioſus quæret, ſint ne malignæ, an peſtilentes dicendæ febres, ex quibus, ſi curentur, pauci: ſi non curentur, aut non bene, multi intereant. ego ſentio peſtilentes eſſe dicendas: quoniam hoc habent à natura, vt multos occidere valeant, quamuis ex accidenti fiat, vt præ medici peritiâ, pauci moriantur. debet quippe denominatio non ab accidente, ſed ab eſſentia rei deſumi alioquin ſepeliretur medici præſtantia. ſic e contra, morbus quiſpiam ex ſui natura ſalutaris, ſi quidem præ medici inſcitia mortem homini afferat, (cum alioquin non curatus, cum ſalute fuiſſet iudicatus) non ob id lethalis dicendus eſt.

*Vtrum febres iſtæ, conſtitutæ Malignæ, contagium vibrauerint, nec ne,*

*Cap. I V.*

**E**Rat ægrotantium numerus tam grandis, vt non ſolum cæteris omnibus, qui ſanitate gaudebant; verum etiam exteris terrorem incuteret. de qua re tanquam graui, atq; animaduerſione maxime digna, cum rumor in Vrbem perueniſſet, ex nutu Illuſtriſſi morum, atq; excellentiſſimorum Rectorum, diuina quadam in cunctis prudentia incedentium, à Sapientiſſimis, iſſq; perpetuo oculatiſſimis moderatoribus medici, non tam ſapientia, quam prudentia præſtantes, diuerſi diuerſo tempore fuere miſſi, vt quid hoc eſſet, caute viderent, ſedulo inquirerent, exactè intelligerēt, ac præcipue num quodpiam peſtilentię ſignum eluceſceret: contagioniſq; ſpiritum euomeret morbus.

Circa quam rem, quid ſenſerint doctiſſimi hi viri, quid renuntiarent, exitus declarauit: neque enim Prudentiſſimi nauis gubernatores, pretioſiſſimum hominis theſaurum, ſanitatem, inquam, geſtantis, ſemper vigilantiffimi, ne in quempiam incidat contagionis ſcopulum: & ne publica ſanitas, tanquam abſterſiſſimum ſpeculum, à quopiam malefico ſpiritu inſiciatur, ad hoc vnquam venerunt,

vt morbum istum declararent contagiosum, vt regionem istam de suspectu notarent: turpi, atq; sordida de contagio voce penitus sprete; etiam si talis vox à doctissimo quodam medico primum fuisset eructata, ac propalata. & quamuis ex delegatis medicis alij à longe, agrum interrogantes, starent non ob id, aliter sensisse mihi ipsi persuadeo: sed hæc prudens fuit cautio, & cautata prudentia: fuerunt enim non ad curationem, sed ad inquisitionem summendam missi, quæ non contactu, sed prouida indigebat, interrogatione.

Duo vulgi opinioni videbantur suffragari, languentium copia, ac series! qua plurimi ex diuersis familijs morbum subierunt, ab vno enim primum à morbo correpto, ceteros omnes ex vna, & eadem familia vnum post alium fuisse correptos, sæpe, ac sæpius experientia edocuit. Si morbum vniuersalis produxit causa, quid mirum si tot tantiq; laborauerunt? vniuersali quippe causa data, vt vniuersalis subsequatur morbus, necesse est. Quod autem vnus successitue post alium à morbo corripere, id quædam illorum inæqualis dispositio sic exegit; sicuti cum plures (vt vsuuenisse constantissimum est) vnus, & eiusdem familiæ vno, & eodem die, quin immo vna quoq; & eadem hora, à morbo fuere correpti, æqualis eorum ad subeundam affectionem, aptitudo extitit causa, & quid mirum, cum non.ogeneam, vt ita dicam, insimul ducerent vitam? quæ res excludit penitus, quod locum quempiam habuerit contagies. quemadmodum, & casus sequens. etiam notabilissimū apud me fuit, quod cum decimo quinto, & decimo quarto calendas Martij Euronotum plenis velis ad nos accessisset, qui dies inciderunt in duobus bacchanalium postremis: æstuq; quodam subiectorum hominum corpora impleuisset: postmodum duodecimo, vndecimo, & decimo calendas successiuis, tot, tantiq; in morbum inciderunt, vt, computo quodam facto, supra centum, & sexaginta præter pueros intra spheram duntaxat meæ ætuitatis ceciderint.

Si contagium fuit inculpandum, cur cunctos cuiusq; familiæ non tetigit, cum vnum solūmodo laborasse contigi? cur intra enarratos limites clausum? cur vastiorem, vt contagij est natura serpendo, sibi non comparauit locum? cuncti à contagio tacti non fuerunt sublati? cum morbus à communicato contagio sit perniciosissimus, statuamus igitur, has febres haudquaquā extitisse contagiosas.

Vnum tamen hic superaddere non indecorum fuit. & est, quod sicuti per statum pestilentium febrium quandoq; visuntur carbunculi, Pestiferi status proprii: sic per statum malignarum animaduerti solent quædam ex pestilentium grege, quæ in genere contagiū eiaculāt: vt propterea si qui medici, per has vagantes malignas re-

nuerint.



rint ægros visere, aliquale hinc habuerint, se excusandi causâ. nâq. & inter has, quasdâ, visas fuisse pestilentes, certû est. puta autem illas extitisse, quæ inter septimâ, & duodecimam interfecerunt.

At non te lateat, veim, non omnes pestilentes, esse contagiosas, sed illas duntaxat, quæ ex pravo pendent sanguine, qui acres in sua mixtione assummit partes: qui enim ex superfluitatibus nullam acrimoniam in se habentibus congestus est, contagione omni caret, cum acrimonia fermentationis sit ministra. Sed neque illæ continuatim contagiosæ existunt; non inquam ex acri putrescente sanguine corpuscula, atomiue, seu igniculi perpetuo attolluntur contagiosi, cum non sit secundum sui totum, sed tantum secundum quasdam partes acore fatus; sed eatenus, quatenus quampiam ex acribus particulis, cum alijs putrescere, & simul attolli contingit. igitur cum vsuuenit, ut atomus, vel atomi contagiosi per ægroti expirati erumpant, de facili sit, ut qui ægroti adstat, malefici inspiratus medio, lethaliter inficiatur, per sanguinis corruptionem, quo modo in 3. d. pest. m. lib. declaratum est. Qui inquam ægroti adstat, quoniam, qui paulo remoti sunt, nequeunt infici, ex eo quod igniculi isti nequeant iis totius substantiæ diutius retinere, ad differentiam quia veneno pestiferarum causâ attolluntur, sed e morbo cor-pore effluxi, quamprimum aeream, per maiorem successivè susceptam rarefactionem, formam assummant.

Fit tamen, ut, quo sanguis iste, quem pestilentium febrium productricem causam statuimus, pravius in suo genere extiterit, eo etiam copiosiores, atque densiores, subindeq; acriores euomat igniculos. quandoquidem, cum maior hæc prauitas insurgat tû ex cumulationibus superfluitatibus, quos priuatimè importat maior alibilibus partium paucitas, tum ex iisdem quoque magis insimul coactis, atque alteratis, fieri nequit, quin ex prauiori sic reddito, plures etiam igniculi contagiosi, densioresq; atq; aciores, ac subinde ad rarefactionem minus quadantenus tardi attolluntur.

Quod si insuper deterior hic sanguis, per constitutionis vim, atque vltiorem in homine moram alibilibus prorsus, atque aquosis partibus fiat expers, tunc ex pravis tantum quodammodo supercoctis, atque insimul alteratis ac fermentatis coalescit malfa, omnimodè praua: quam si ex percalidis, atque acribus duntaxat partibus mixtionem sumpsisse contingat, tota etiam, putrens, in igniculos, contagiosissimos abire nata est: quippe tota venenum proprie est, ex quo postmodum putrescente carbuncu-



Iosi bubones, & carbunculi vnde quaq; ignei, nec non mors ex spirituum corruptione celerima in conspectum feruntur: contagium autem quod hinc provenit, temporaneum, ac distantaneum est: ex eo enim quod, igniculi inde sublatis, atq; e morbo corpore in hanc aeream regionem per quamvis expirationem erupti, suum formale esse diutissime conservare, ac inde per fomites in remotissimas, ac distantissimas partes comportari valeant, temporaneum, ac distantaneum, tantopere exitiale, contagium efformant.

Ex quibus elicere potes, propter quid febres in hoc genere malignae, cuius sortis fuere haec de quibus loquitur, contagiosae, nequaquam esse possint: scilicet quoniam sanguis, qui has producit, vitiosus, propter substantiae raritatem, acrimonia careat, quae alioquin ex partium calidiorum densitate insurgit: adeo ut hic idem sanguis, qui nunc contagiosus esse nequit, postmodum per aquosarium, ac rariorem partium priuationem, talis evadere possit, calidioribus interim angustioris unionem, ac densitatem sui nasciscentibus. tale quid evenit praeiori sanguini, nec non veneno in homine concreto, quale ardenti aquae, quae, cum prius esset vinum, per resolutionem humorosarum atq; aerearum partium, medio destillationis, factam, pauca aqua, igneo spiritu vnde quaq; feta, efficitur: in hac quippe calidae omnes vini partes, servatae rediguntur, ideo quod ut densiores, sic ad resolutionem minus idoneae, quam rarae existunt. quod si hanc denuo, ac rursus destilles, in paucissimum, eumq; ardentissimum spiritum reducis: qualiter veneno proprie evenire sentimus.

Et quamvis ex pestilentibus non omnes esse contagiosas: eaeque sunt, haud perpetuo esse tales, sed tantum secundum quosdam maleficos aegroti halitus, statutum superius sit: optimum tamen est, quo ad fieri potest, caute cum aegrotis huiusmodi agere; ac quantumq; potest providentia incedere. alloquor praesertim medicum, velut cui ex postulata a se aegri salutem denegare, & iam conceditum sibi egrum deferere minime liceat. iubeat igitur, ut ante cubiculi, in quo iacet aegrotus fenestrae adaperiantur. cominus sedens interroget: & in interrogando spongiolam linteolo venuste obligatam, vel pyxidula perforata inclusam, aceto acerimo (est enim ut tale maleficorum vaporum incisum) ante os, atq; nares, veluti pro scuto, teneat. avertis, contangat faciebus. digiti, ad quos contactus pulsuum spectat, sint potius frigidi, quam calidi. & in contangendo sit brevis. omnia eleganter praestet. Bonum quoque est domesticos, ac ministros docere, admonere, non tam pro illorum provisione, quam ut medicus ipsis insinuet, eaeque sibi, ac ipsis pericu-



periculum imminere, & rem ut grauissimam semper prædicet: ut hinc iure discant; quantum in his casibus medico debeant, alia enim ipsi pro medela recognitio, alia longe maior pro propriæ salutis discrimine, debetur. Cæterum, ubi agitur de contagio temporanea, longè se à languentibus continere, optimum censeo præsidium.

*De Accidentium febrium iam diu-  
gatarum Causis.*

*Cap. V.*

**C**um igitur proxima harum malignarum febrium causa non alia extiterit, quam improbus quidam sanguis, non mirum si, putrescens, hæc effecerit continentes. si enarrata produxerit accidentia. Namque quo ad febres, ubi humor quispiam in vanis, aut quopiam alio in loco totus aggregatus continenter accenditur, ac putrescit, continentem de necessitate excitat febrem. Vnde hic curiosa insurgit speculatio, putruerit ne sanguis iste totus simul secundum sui totum, an per partem post partem. Sentio secundum quandam in primis partem putruisse, successive accensionem, atque putredinem creuisse: ac postmodum totam in simul massam computruisse. Declarauit hoc modus, quo febres affligerunt, etenim primis quatuor diebus non admodum fortes erant: significantes, paucam consequutas fuisse materiam, in maiori copia, cum adaugebantur, quod eueniebat à quarta usque ad septimam: at cum maiorem in modum vigeant, quod erat à septima ad duodecimam, tunc reliquum totum simul computruisse, inditium erat euidentissimum.

Sed rursus speculatione dignum est, quæ nam sanguinis peccantis pars primum putruerit, cum enim rationabile sit, ut præ copia; non solum in venis magnis, sed etiam in communibus, ac paruis de eo contineretur, quaritur iam, inciperet ne qui in absconditis, an qui in externis venis continebatur, à putredine corripì. Circa quam rem, errare non posse mihi ipsi persuadeo, si dixerò hunc in primis putredinem subiisse: successive qui in communibus, ac mox qui in maximis insidebat. Ratio est, quoniam qui per veras extrarias erat distributus, aduentitiam, putredinis inductiuam, calidita-

eem prius passus est, ante alium, siue ob cutis constrictionem, vt multis frigore seuiente: vsuuenisse vidimus: siue ob quandam plenitudinem, aut immoderatum corporis motum, aut alia de causa. hinc ratione frigiditatis loci, corporis, inquam, circumferentie (quod enim minus calidum, habetur in philosophia pro frigido) lente putrescebat, ac ob id quoq; non magnam efficiebat febrem, accidentiaq; adhuc non aderant effatu digna; adeo vt in quibusdā ad quartam vsq; videbatur febris iam iam finitura. e contra, si qui in internis conlidebat vasis, in primis putrescere contigisset, illico magna, ratione caliditatis loci, ac mox copiae materiae, excitata fuisset febris: quod cum contingit, vna vt pluri mum febrilis sine rigore emicat caliditas, ad differentiam cum materia in venis corporis ambitus continetur, & iam iam putredinem in se exceptura est, rigor primum in conspectum fertur: ex hoc enim quod humor antequā actualiter putrescat, excalefiat primo, ultra modum, rarefiatq; quandam sedi propriae infert molestiam, explicata per talem alterationem materiae acrimonia, vnde naturalis calor hinc laectus, cogitur ad suiscustodiam ad interna confugere, & suo tori adherere, vt necesse sit, hinc externis sedibus derelictis, refrigerationē subsequi, quā communiter rigor vocari solet, praesertim quando cū expunctione effatu digna accedit, alioquin refrigeratio proprius vocaretur. qua igitur explicatum est ratione, eadem in principio harū febriū refrigeratio rigorue fiebat, nec de cetero amplius talis casus accedere solebat.

Porro ille continuus capitis dolor duplicem agnoscebat causam, repletionem austinam, ac febriles fumos in cerebrum raptos, ac multiplicatos. eadem autem repletio grauiatum reddebat. qui dolor permultos antea dies quosdam non leuiter afflixit, ex quibus postmodum à morbo correptis, fere omnes, interijisse obseruatum à me abunde fuit. indicans antecessus hic dolor austrum in his multam effecisse impressionem.

Deliria ab eisdem pariter fumis cerebrum mirum in modum opulentibus, ac perealescientibus producta fuisse, certum est. atquos phrenitides, vel comatosae corripuerunt affectiones, in his etiam materiam sursum repisse, & secundum quampiam partem abscessisse pro certo habendum. hoc enim venis cerebri à natura inditum est, vt quod excrementitij, atq; superflui in se habent in cerebrum transfundant atq; eruant. ob id quosdam ab interitu secutos, cerebrū habuisse cruore perfusum compertum est. quod ijs vsuuenisse experientia edocuit, à quibus sanguis à vena vel nullus, vel non pro ratione fuit missus. tulit autem caput, inter cetera, onus morbosum,



tum ex propria affectione ab austris illata; tum etiam ex materi-  
bus sursum raptis, quæ tanto facilius eo se contulerunt, quanto su-  
pera hæc arx iam per austros esset debilitata: scimus autem ex Hip-  
pocraticis, Galenicisq; decretis, ad sedem calefactam, commotam,  
atq; imbecillam de facili reiectaneos ferri humores.

Sicis illa virgens, & crustas intra fauces inducens, effectus erat. nō  
puræ igneæ qualitatis, qualem biliosi sinceri effundunt humores, sed  
fumorū febriliū, qui per asperam arteriam ascendentes, & humi-  
ditatibus, à cerebro inibi delapsis adhærescentes, easq; exsiccantes,  
ad instar crustas efformabant.

Vermes materiam causam habebant quasdam chili partes nō  
probe alteratas, efformatricem vero mixtum quendam calorem, ex  
ijsdem semiputrescentibus in intestinorum vacuo, & naturali homi-  
nis coalescentem. dico semiputrescentibus, quoniam ratione frigi-  
ditatis loci, huiusmodi partes vere non putrescebant, sed ex cuncta-  
tione quandam contrahebant corruptelam, quemadmodum, & in  
pueris, ut hinc animalcula huiusmodi generari contingat. quæ cum  
longa sint, facile tibi indicant, consequi loci formam in nostro au-  
tem casu, cum ex his vermibus multi essent valde longi, argumenta-  
ri licet, per uniuersam intestinorum longitudinem extensam adhæ-  
sisse inconcoctam materiam.

Quantum ad vrinas, nil mirum si ex his plurimæ rubrum gestal-  
sent colorem, sic peccantis humoris qualitate exposcente. quarum  
aliæ nebulosæ efficiebantur, ob quandam eiusdem humoris crassitiē,  
ac lentitiā. aliæ turbatæ ac crassæ, quando magna adesset materiæ  
copia, ut libere in putrescendo exhalare, ac flammæ attollere mini-  
me posset: namq; eodem in quali dato humore, poterunt vrinæ  
nunc nebulas gestantes, nunc vero turbatæ, ac crassæ comparere, pro  
minori, vel maiori humoris quantitate. liberæ enim attollit flam-  
mæ, exhalatq; de facili paucus; multus, ob febrilem calorem qua-  
damtenus suffocatum, volutatur, cæceq; ebullit, unde ut turbatus,  
turbatas, ac crassas efficit vrinas; præsertim quo crassior cum  
lentore quopiam extiterit, quoniam crassus valde, ac terreus, cras-  
sas citra quampiam turbationem reddit. unde vrinæ crassæ sem-  
per malæ sunt, clarescunt tamen in saluandis cum probato colore,  
ut vsuuenit quoq; ut plurimum in hisse febribus quippe quod nec  
immoderate multa, nec valde crassa, ac tenax extitit materia: cla-  
ruerunt etiam in moriturnis, sed claritate flavescente, ex humorum  
super coctione resultante. unde iuniores aduertant, sæpe enim huius-  
modi vrinæ, ex crassis claræ redditæ, imponere solent.

H h 2 Virides

Virides porro flue clare, & subvirides, etiam si clare, lethales semper obseruatae fuere: indicantes vnā duntaxat improbi humoris colluuiem in talibus redundasse. pauci fuerunt, qui tales reddiderant, & hi vt plurimum ad hanc, vel illam biliosam naturam inclinantes. bilescientes autem, quibus comparuere, ad nullam, sic humoris paucitate, ac qualitate expostulantibus, deuenere crassitie, aut turbationem.

Circa sudores, nil mirum, si qui intempestiue comparuerunt, nullum ægrotanti leuamen attulerint, redundantem significantes serositatem, cum sanguine vitioso fuisse annexam, quæ propterea, vt ad combustionem inepta, cum non posset à febrili caliditate insensibiliter digeri, ad vaporosam saltem substantiam attenuata, atq; ad vniuersam corporis circumferentiam transmissam, per oscula cutis erumpens, inibi ob ambientis frigiditatem rursus compacta, aqueos globulos, osculorum rotunditatem sequentes, sudores vocatos, efformauit: qui tamen vt inutiles excipiebantur, quod subleuationem vllam non haberent pedissequam, perseverante nihilofecus in reliquo vitiosæ massæ putredine: ad illorum differentiam, qui sub declinatione fiebant; à quorum eruptione, etsi febris adhuc teneret, quamprimū tamen illius extinctio in lucem ferebatur: verum ex eo quod absolute non iudicarent, non iudicatorij, sed iudicationis nūcij dicendi veniunt.

Vnde quæritur hic, propter quid modo intempestiue, modo declinatione instante; alias vero declinatione iam conspicua sudores in lucem ferantur.

An quod prouenit hoc à maiori, vel minori serositate, qua molestantes sunt referti humores: nec non à minori, vel maiori agente febrili caliditate. namque in vniuersum sudores in febribus nullatenus sunt expectandi, vbi humor, qui peccat calidus sine ichore sit. quo si sit moderate refertus, expectandus quidam sudor in particularibus, atq; vniuersalibus febrium declinationibus est: & quidem nunc multus, si humor modice calidus: nunc paucus aut fere nullus, si immoderate calidus fuerit. at si humor copiosum ichorem habuerit comitem, & valde calidus extiterit, non expectabis sudorem vsq; ad declinationem: si moderate talis non solum in declinatione, sed per processum etiam febris sudorem erumpere animaduertes: quoniam in tali casu, cum calor febrilis aptus minime existat ad tantum ichorem insensibiliter digerendum, attenuare saltem ad vaporosam substantiam valens est. hinc in particularibus, atq; vniuersalibus declinationibus sudo-



res vt plurimum erumpere obseruabis : quoniam cum febrilis calor remissus tunc existat, sit vt ad sudorifice extenuandum consentaneus vndequa; sit. in declinationibus autem vt plurimum quępiam, vt ad combustionem inepta, superest serositas. ex quibus colligo ad sudorem efficiendum, calorem perpetuo esse debere moderatum, vel ratione sui ipsius, vel in respectu ichoris, vnde etiam si fortis esset, mereretur tamen moderatus, si in ichorem in redundantia peccantem agendum sibi esset, dici.

Quibus igitur intempestiui, per nostras febres, sudores comparuere, in ijs de ichore, seu sero plurimum cum prauo sanguine fuisse coaceruatum, quibus autem sub declinatione, in his non æque multum fuisse congestum, exposcit ratio. quod si qui in fine sudarunt, in his paucum adfuisse certum est; tunc enim & eo casu sudor non compareret, quousq; tota inflammabilis, ad combustibilis materia fuerit per putredinem consumpta.

Quod si humor partim ex inflammabili, partim ex ichorosa parte mixtionem à sui generatione habuerit, puta sanguinem quodammodo pinguem, tunc tota inflammabili parte per putredinem absumpta, reliquum, quod est aqueum, non per sudores, calor quippe prorsus ineptus existit, ad talem, ac tantam copiam attenuare, sed per copiosas, ea; decretorias vrinas excernitur. tu autem disce hinc excretiones in declinationibus per sudores, ac per vrinas factas, non esse decretorias causatiuas, sed indicatiuas; quoniam febris non agnoscit ex ichoroide parte sui pabulum, sed tantum ex accensibili, atq; combustibili, qua corrupta, si aquea retineretur, cessaret nihilominus febris. ad differentiam criticę excretionis, veluti per sanguinem factę, quę causatiua est, quoniam excernitur id; à quo actualis efficitur febris.

Quo ad sanguinis, è manibus eruptiones, sicuti non mirum, quod quibusdam acciderint, eo quod vitiosus quidam sanguis peccauerit, cuius ebullientis videtur sursum latio esse propria: ita mirum videri debet, quod ex tot, tantisq; à morbo correptis, pauci tamen quodammodo sanguinem effuderint; cuius rei causam facile hauriemus, si considerauerimus, sanguinem propterea in quibusdam febribus, è naribus large erumpi, quod per putredinem valde accensus, atq; inflammatus sursum (ignei vi sic ferente) rapiatur, erumpatq; postmodum, è naribus, harum venis, quę ad sanguinis superfluitatem excipiendam, atq; expurgandam, videntur deputatę, reueratis: adeo vt ad hunc raptum, ad hanc sursum lationem, duo potissima concurrere eliciamus; insignem sanguinis inflammationem, atq; eiusdem idoneam

idoneam qualitatem: quæ duo in nostro casu vt plurimū a peccante sanguine defuisse ratio insinuat.

Et quidem, quod sanguinis inflammatio, ad sursum lationē, sufficiens non adfuerit, causam aliquali eiusdem putrescentis suffocationi assigno, a quadā vasorum plenitudine coalescenti quam tum rarefactus per putredinem sanguis, tum putrescens, agre aereum, præ aliquali densitate, digestionem nasciscentes importarunt: vnde hac de causā nequiens, ob sublata sibi liberam euentationem, satis inflammari, atque attenuari, ineptus reddebatur ad superum raptum. Scimus enim, quod sicuti ignis, si spiraculum non dederis extinguitur: sic cum sufficienter non exhalat, aliqualem pati suffocationem, necesse est: aliter enim euentatum ex modico multum fieri, decreuit quondam in 1. prob. Arist. & quotidiana edocet experientia. hinc non mirum si per raro in synochis sanguinis eruptiones, vt aliter ratio exposcere videretur, vltuuenire videmus, quando in his febribus sanguinem in quantitate perpetuo peccare, sciamus: adeo vt si magna extiterit plenitudo, nulla vnquam ratione effluere obseruabis. id ipsum edocuisset videtur experientia, quandoquidem pluribus, quibus vena fuit secta, & quibusdam quoque quibus bis secta fuit, sanguinis contigere eruptiones.

Qualitatem quoque vitiosi sanguinis sursum lationi quadante nus se opposuisse, rationabile est: vult quippe alioquin ex sui natura calidus, ac subtilis sine serositate esse. in nostro autem casu de serositate, ratione imbrui, continuisset rationi est consentaneum: vt propterea mirum minime sit, si ex tot, tantisque paucis sanguis efflueret.

Vnde autem factum est, vt nec per spontaneam, nec ex arte factam sanguinis euacuationem contraheretur morbus, sed nihilosecūs perseueraret ad decimam quartam vsque diem, cum ratio exposceret, vt minorata materia, breuior fieret, plana in subsequenti capite res fieret.

Porro capitis depilationes, quæ conualescentes cunctos ferme corripuere, radicis pilorum corruptionem consequutas certum est: quæ prouenire potuit, aut quod sanguis, qui immediatum illorum futurus erat alimentum, corruptus fuerit: aut quod corruerit illorum alimentum: vel ob sedis deprauationem, ex astringina humiditate putrente contractam.



*Duo Problemata proponuntur, ac discutiuntur, Primum est, vndenam stata harum februm dierum quatuordecim perduratio prouenerit.*

*Cap. VI.*

**A** Summo, nunc soluenda duo problemata præclara quidē, atque vilissima, sed æque etiam difficilima, quippe quorum resolutio vna duntaxat mentis acie indigeat, quæ in visceribus humanis secon-dat, per ea diuagetur, rimeturque vndique, quæ quantaque hostilis fuerit materiæ copia, quæ qualitas, quis, qualisque ac quantus eius situs: & num continuus, an interci-sus: quis putrescendi modus: ac quanta illius in putredine per-duratio, Quam laborem, etiam si arduum, libenter subeo, cum scopus mei sit, velle, si tamen imbecillæ dabunt vires, in medi-cina prodesse: ad quod præstandum, curabo, quoad mihi fuerit da-tum, nil, quantumuis difficile, quod in tractationibus meis oc-curret, indiscussum relinquere, sed ex meditatio enucleatum lectori representare, ac doctrinam perpetuò nouam in conspe-ctum asserre. qua ratione lectoris captus non solum fiet locu-pletatus: sed etiam super re, fundamentaliter cognita, placatus quiescet: cum philosophice scire, sit rem per suas causas cogno-scere. vnde Galeni illi dicto adharere numquam potui, quod *in 3. d. cris. c. 8.* scriptum sic inuenitur, quod nulla necessitas te urgeat, ad prin-cipia scientiæ comprehendenda, cum iam frui possis, quæ ex scientia proueniunt. hæc Galenus, qui si vere principia, vel res per sua principia nobis tradidisset, utiq; non exteriorem, sed interio-rem medicinam, alioquin adhuc absconditam, atq; ob id perfe-ctissimam nobis reliquisset.

Causam igitur stare istius dierum quatuordecim perduratio-nis effectricem, sicuti certissimum est, non aliam fuisse, quam februm materiam: ita incertum prorsus est, quomodo hæc de-terminatâ effecerit perdurationem. namque sola illius quantitas non potuit esse causa: quoniam æque perdurare in putredine nata est pauca, ac multa materia, si illa crassæ, hæc verò tenuis substan-

substantiæ extiterit. sic parvæ molis lignorum crassorum fasciculus igni expositus, poterit in combustione perdurare æquè, ac maxime molis alter lignorum subtilium. igitur cum stata quadam materiæ quantitate, iunctam quoq. fuisse specificam qualitatem, ratio dicitur.

Sentio igitur, vitiosum illum sanguinem (quo ad quantitatem spectat) satis copiosum extitisse: adeo, ut, non solum de eo contineretur in venis magnis, sed etiam (saltem in quibus recidiva minime contigit) in communibus, ac per ambitum corporis exporrectis; cuius tamen primariam sedem vasa fuisse magna certum est: quandoquidem tam in his excrementa quoquo pacto generantur, tum potissimum stabulantur. sit autem, ut, cum vasa hæc, in generatione cuiuspiam excrementi, referta sint, sensum quoque ad communes, ac particulares circumferentiæ corporis venas, nedum ad communem cloacam de excremento mittant.

Quo ad qualitatem, per calidæ atque humidæ extitisse, constitutionis dominantis natura, ac febrium accidentia declarant: substantiæ vero quodammodo dissimilari fuisse, crassæ nimirum, ac tenuis substantiæ, ut in excrementorum redundantibus usuenire solet, ratio ipsa insinuat; utramque hanc quippe qualitatem, quanta utraque extiterit, argumentamur, tum ex sede; crassæ etenim est, in magnis considere vasis, tenuis, in exilibus: uterque autem locus fuit in his febribus peccati sanguini communis: tum ex febre, nihilominus post sanguinis euacuationes perseverante à crassa illius, tenui iam euacuata, parte pendente.

Verum etsi talis, ac tanta extitit huius humoris quantitas: specifica que hæc fuerit temperiei atque substantiæ qualitas, non tamen adhuc sequitur, quod inde certa cōsequi posset dierum quatuordecim perduratio: si etiam modus, quo accensionem, ac putredinem in se excepit, nō confluerit potest enim humor quispiam tantus, ac talis esse, & nihilominus in putredinis perduratioe euariare, si vel partem post partem, vel totum simul computrescere contingat; manifestum est enim, quod breviori longè tempore putrescet, & consumetur, si totus secundum sui totum, quam si per partem post partem à putredine apprehendatur. quamobrem modus quoq. quo putruit conspicandus venit.

Rectè autem in superioribus fuisse dictum, arbitror, pravam hanc massam, accensionem sui primo secundum eam partem, quæ



quæ in venis circumferentiæ corporis, mox quæ in interioribus, vel comunibus, ac successiue quæ in magnis continebatur admixisse: loci enim differentia diuersam quadantenus locati naturam statuit. quarum quidem massæ partium, cum multoties sit mentio facienda, propterea libet singulis his nomen proprium assignare: namque massæ, vitiosue sanguinis peccantis partem in extraria circumferentia contentam, exteriorem seu extrariâ; ad differentiam eius, quæ statim consequitur, quam interiorem: profundam vero, seu absconditam, quæ in magnis infessit vasis, vocabimus.

Sed dum extrariam prius, intrariam posterius, ac successiue profundam putruisse dictum est, velim ne intelligeres, quod interior non prius accenderetur ac putresceret, quam exterior exacte fuisset putrefacta; & sic pariter abscondita, ante absolutam interioris putredinem; quoniam interim quo extraria putrescebat, interior disponebatur, successiueque accendebatur. eadem ratione, quæ in profundo occultabatur, accensionem sui admittebat, antequam interior ad exactam veniret putredinem, sic continuo materiæ situ ferente: cuius etiam ratione partem materiæ preputrenti succedaneam, cum ante aliam sui gregalem fuisset dispositam, sic quadantenus prius accensionem sui excepiisse, rationabile est, ac sic successiue; adeo vt, cum materia ista continenter putruerit, continentem quoque excitauit febrem.

Num autem ad constituendam hanc determinatam dierum quatuordecim perdurationem, alia re opus fuerit? sane quidē; neque enim satis fuit, vt materia tanta, talisque fuerit; hocque & non illo modo putruerit; sed inter alia optatum fuit statum eius in putredine perdurationis spatium. si enim vel ante, vel post statum hoc tempus consumpta per putredinem fuisset materia, sequuta minime fuisset determinata iudicatio: verum cum non tota simul, sed partiatim putruerit, quaritur nunc, qua ratione res ista se habuerit.

Et quidem si febrium series, qua incessere normam nobis rei istius non dedissent, perquam difficile esset, hoc recte posse defini. hinc igitur hoc conspicato, sentio materiâ in corporis ambitu contentam; quatuor circiter dies primo consumpsisse, antequam interior à putredine fuisset correpta: ac successiue tres alios ad sui exactam putredinem exigisse. & tres circiter intraneam in putredine prius perseverasse, antequam abscondita partem contraheret motum, adeo vt, quo circiter tempore hæc à putredine fuit correpta, circumferentialis exactam sui consum

ptionem nansciscitur. Præter dictam seriem ab humoris qualitate roboratam, insinuarunt quoque nobis id ipsum febrium reuerentium accessiones, quæ cum ambæ diebus septem seorsim terminarentur, iunctim dierum quatuordecim indicationem statuebant. Inditium evidentissimum humorem peccantem ad sui totalem consumptionem septem poposcisse dies: brevis enim contractus erat illius humoris situs, ad breuitatem efficiens, ut in subsequenti capite videbimus.

Quamobrem cum humor, seu humoris pars, in corporis ambitu contenta, septem ad exactam sui putredinem exposceret dies: & septem alios exposceret pars profunda, sit ut in totum quatuordecim dierum spatium coalescens, statim harum febrium indicationem efformauerit.

Ex eo autem quod materia intrusa ab antecedentibus flammis ad putredinem, atque sui ipsius consumptionem valde esset disposita, factum est, ut iuncta insuper percalidi loci qualitate, statim atque accensionem admisit, tota illico in putres abierit flammæ, citiorque propterea tempore pro maiori parte ad absolutam perueniret sui putrefactionem. sic lignorum fasciculus in clibano impositus citius comburitur, si clibanus percalidus, & ipsa insuper ligna disposita fuerint. Qua citiori stante, pro maiori parte, putrefactione, factum est, ut plurimæ ex his febres post undecimam, declinationem acciperint: absolute autem quarta supra decimam die indicarentur, crassiori interim, quæ supererat, parte exacte putrefacta. quibus enim summum quoddam febres usque ad hanc diem retinuerunt, par est factum hoc fuisse vel ob quantitatem paulo magis redundantem, vel ob qualitatem non æque combustibilem, vel ob errata in victu, quod verisimilius non sine ratione arbitratur.

Hæc cum germana, ac fundametalis extiterit de terminata istius indicationis causa, queritur, cur, nec per spontaneam, nec ex arte factam sanguinis euacuationem contraheretur hæc indicatio, ut alioquin ex causæ productricis minoratione videbatur subsequiturum. An quod, etsi in vniuersum secundum eius molem minoratus fuerit sanguis, non tamen hoc ipsi secundum eius extensionem dimensionem evenit: non fuit, inquam, contractus, atque abrematus eius situs: ab hoc enim specificum in putredine perdurationis tempus, ac consequentine determinatum iudicium resultauit.

Accedit quod, cum per hanc, vel illam euacuationem sanguis effluerit minus vitij, ac prauitatis in se habens, atque idcirco tenuior, par prauior, ut crassior, sic naturali inclinatione ferente, relicta est, non obstante sanguinis euacuatione ad statum sui in putredine perdurationis



durationis tempus perseverauit. hinc quod in adolescentulis, ratio-  
ne qualitatibus caloris, non illam prauitatem, ac crassitiem prefefferet;  
proficui tantopere fuere sanguinis fluxus. Negari tamen nequit, quin  
multo minus graues fierent febres: arcerenturq; multa symptoma-  
ta, ad cerebrum preferim spectantia, quæ alioquin, absq; tali san-  
guinis euacuatione, cõfertim accessissent: vt declararunt, quibus sa-  
luberimum hoc præsidium, vel nõ rite, vel nusquequa; fuit adhibitum.

### Problema Secundum

*Cur ex febribus istis non pauca, ubi per sep-  
tem dies afflixissent accessarent ac rursus  
per septem alios affligerent.*

Cap. VII.

**R**ecidua tantopere admirabilis, quam 2. in 1. ep. t. 86. exactissi-  
mus obseruator Hippocrates, ad nostram doctrinam quibusdã  
ægotis accidisse narrat, normę mihi fuit, serio obseruandı, quid si-  
bi vellet harum febrium recidua, vnde tenderet, quæ qualisq; existe-  
ret. quo à me præstito, nõ fuit mihi arduum huius recidua; causam,  
quauis difficilimã, mēte statim cõcipere: ex eo scilicet qđ iã adinuē-  
ta, atq; explanata à me fuerit in lib. de febribus, germana, ac funda-  
mentalis recidua; illius Hippocratica; causa. qđ opus vbi digestio-  
nē acceperit, fortasse luci expositum, nouo ordine, atq; ex noua pror-  
sus doctrina cõfectum videbis. Modo autē istius recidua; causa mēte  
iã cõcepta in cõspectum cuiusq; est ferēda, clarum autē est, quod cū duæ  
hæ accessiones, vnã alioquin febrē efformātes, seiunctim affligerint,  
seiuncta quoq; materiã illam, pductricē fuisse insinuarūt: nulla enim  
intermissio accedit, vbi materia sibi ipsi cõtinaat: & propterea in-  
termittentes febres, ex eo qđ à materia pēdeāt disgregata, intermit-  
tant. Duos igitur reuertētes has febres habuisse focos, pro cõstātissi-  
mo habēdum: quorū materia cū in altero horū putrescebat, febris ef-  
fulgebat: soluebaturq; tunc, cū materia fuisset absolute putrefacta, &  
denuo, ab intermissione quorūdã dierū, alterius foci materia accēsa  
febrē excitabat, vsq; ad totālē sui cõsumptionē; à qua postmodum indi-  
catio totalis sequebatur. vnde etsi duæ excitissent febriles accessio-  
nes, duæne febres, vnã tamen tantum coaluisse febrē productrix dicat  
materia, & Hippocratica, Galenicaq; cõsentit auctoritas.

Qui autem, qualesq; fuerint hi duo foci, sentio, alterum cauam ascendentem, alterum descendentem cum suis ramis exitisse, in his quippe inalterata chili partes, excrementaq; cum sanguine genita coagregari, stabulari, ac tandem etiam impermixta fieri solent. Nec mirum cuiquam videatur, quod superfluitas aliqua in altero horum foco putrescat, foci alterius salubri alia degente: quoniam præterquam quod quotidiana hoc edocet experientia, & Hippocratica firmat recidiva: insinuat quoq; ratio, vt ex congesta in duobus focus materia, illa accensionem in primis sui admittat, quæ prius altera disposita ad accensionem fuerit.

Vnde hac de causa arbitror, quæ in ascendente, vt calidiori, prius quam quæ in descendente caua, continebatur, vt plurimum putruisse: videtur hoc insinuasse prior febris, quæ vt plurimum etiam grauior, ac molestior superiori exitit ventri. Quod si cui placeat, vtramq; cauam pro altero, portam vero cum suis ramis pro altero foco statuere, nihil moror. & profecto ex his quædam visæ sunt inferiorem potissimum ventrem cum alui turbatione, non parum molestasse: alia superiori, & præsertim præcordijs insensæ fuisse. Sed inquisitione dignum est, Cur hisce febribus, ex hoc, quod duos habuerint focos, sublata continuitas, & sequuta earum fuerit intereissio. An quod, sicuti hi duo foci, qui venas duntaxat intrusas cum suis truncis dicebant, seiuncti inter se fuere, sic seiuncta earum productrix materia fuit: ad differentiam perseverantium, quarum materia, cum in vniuerso insideret venenoso genere, continuitatē præferens, continuam excitauit febrem.

Cur, dicit quispiam, in febribus hisce intereissis, vitiosus, earum causa productrix, sanguis, in statutis duntaxat vasis magnis sedem habuerit: quare ad extraria quoq; non fuit de eo missum. Dic, factum hoc fuisse vel ob quantitatem eius non grandem: vel ob substantiæ crassitiem; vel vtraq; de causa. Igitur, subdet quis, quotiescumq; humor quispiam fuerit adeo crassus, vt nequeat in parua trudi vasa, succedent semper intereissæ, & reuertentes febres. Negatur quod perpetuo euenturum sit: compluries enim fit, vt cōtinua suboritur febris, ideo quod humor continuitatem aliqualem seruet, iecoris medio aut ob quampiam communionem. siue quod supera, atq; infera humoris pars vno, & eodem tempore a putredine corripiatur, aut quod altera pars a putredine ante aliam correpta, non prius ad exactam veniat putredinem, quam altera quoq; a putredine apprehendatur: hinc postmodum fit, vt febres, quæ primo fuere simplices, compositæ efficiantur. vnde ex parua magna, ex periculosa lethalis admodum insurgit febris. quemad-

modum




modum tertianis quoq; sæpenumero vsuuenit, quæ simplices inchoantes, duplices postmodum efficiuntur.

Quod autem in his interruptis febribus, humor non per totum venosum genus, sed in absconditis duntaxat vasis contineretur, discce hoc à statâ septem dierum harum duarum febrium perduratione, quæ in totum dierum quatuordecim iudicatione statuit. brevis enim partialis hæc dierum septem iudicatio, non ab alio prouenit, quam à breui situ, quem humor occupabat: talem autem definiuerunt vasa iam dicta: vnde statim atq; accēdebatur, totus secundum sui totum in putredinem abiens septimo ab accensione sui die, absolute putrescebat.

Nulla autem circa statam dierum septem iudicationem admiratio quempiam teneat, quoniam istius vitiosi sanguinis qualitas, vt ostēsum est, sic tulit, vnde dato, qđ in vtroq. fomite paulo minus, aut paulo magis, vel qđ in altero paulo copiosius, quā in altero, de vitioso humore, fuisset cōgestū, vna tamē æque septē dierū sequuta fuisset iudicatio, qualiter duos lignorum, inqualitate minime differētium, fasciculos æquali igni vno, & eodem tempore seorsim oblatos. & accensus, cineritiam æqualiter consequi consumptionem, experientia commonstrat: non inficior tamen, quōd sicuti copiosiora ligna maiorem de se attollunt flammam, sic à cumulatori putrescente humore maior non excitetur febris, quin immo quadantenus etiam extensior, si is valde copiosior extiterit. vt ob id non mirū, si ex egrotis alij grandiozem, ac molestiorem, alij leuiorem experti fuerint morbum.

Quod autem intermissionis spatium varium extiterit, quando in pluribus septem, in alijs quatuor, ter in quibusdam diebus intermiserit, effecit hoc tardior, vel citior peccantis sanguinis ad accensionem dispositio. aut quod, cum dispositionis, ac subinde intermissionis tempus fuerit vt plurimum dierum septem, acciderit, vt accessu cuiuspiam causæ calefactiua, veluti vini potus, humor ante tale tempus accensionem sui nactus fuerit.



Quot,

*Quot, qualesq; fuerint Scopi Curativi Qui  
pro harum februm ablatione ad vsum  
fuerereducti. De primo, &c. san-  
guinis euacuatione.*

*Cap. VII.*

**C**um igitur harum vulgarium, atq; austrinarum februm facies talis extiterit, talisq; se facitanti medico obtulerit: non ægre fuit salubria adiuuare, atq; adhibere remedia, à quinque potissimis scopis desumpta. cum enim genitus per constitutionem sanguis qualitate, ac copia simul peccaret, illico scopus in conspectum se obtulit, sanguinem hauriendi. Cui purgatio pro secundo scopo immediate accessit, ad expurgandum non solum quidquid infra iecur, aut saltem infra mesenterium depositum, atq; aggregatum de chilo sis atq; humorosis superfluitatibus fuisset; sed etiam si quid de peccante humore secretum, atq; inibi depositum esset. Tertius vigeat scopus ægrum refrigerandi, febrilemque calorem, ac sitim compescendi. Quartus ad putridas densasq; exhalationes, venas, atq; arterias, corq; ipsum opplentes, aliaq; mala patrantes, soluendas atq; fugandas erat directus. Quintus circa vitium rationem versabatur. hisce potissimis in sum à medico rite, ac recte vocatis, certa ferme ægroti cuiusq; salus in conspectum ferebatur.

Quo ad sanguinis missionem, liberalissime hæc in vniuersum celebrabatur: sanguinis vitium hanc insinabat: copia indicabat: febris exigebat: experientia edocebat. vitium tolli non poterat absq; sanguinis euacuatione, quam copia necessario volebat: & cui febris subscribebat, quando legem Galenicam habeamus saluberimum esse in putridis febribus venam secare. quam quoque euacuationem, copiosissimam, inquam, vt utilem experientia non solum comprobauit, sed etiã copiam normam edocuit. Nã que cum primum moderata, ac quæ de usu esse solet, mandaretur barbitonsori sanguinis musso, nullatenus proficua observabatur, ac si nulla têtata fuisset: febris quippe nihil secus eminebat minitans, symptomata in conspectum ferebatur furentia quod! cum fuerit ascribente medico animaduersum, communi vnciarum relicta sanguinis euacuatione, libras auferendas manda-



mandatū de cetero est: quæ res postmodum, vt saluberima, sic perpetuo fuit obseruata. & quid mirū? peccantis sanguinis copię vnde quaque extitit consentanea. cui copię triplicem assensisse causam comperio: constitutionis primo qualitatem calidam, & humidam, quæ cum sanguificantis visceris temperiei proportionata sit. atq; huius scopus veluti sit sāguinis redūdantia, cōsequuta ob id est, quædam sanguinis copia. quā pro secunda causa stabiliuit, ac quodammodo adauxit eiusdem sanguinis vitiositas, ac fæditas: sicuti enim si in vas claræ ac splendentis aquę, alterius crassī liquoris quampiā portionem iniicias, aquam non solum vitiari, sed etiam mole adaugeri obseruas. His duabus accessit alia, quæ, etsi accidentaliter extitit, abundantiorē tamē sanguinis euacuationem, præter alias, insinuat, quia immo cogebat esse moliendā. erat hæc sanguinis per ebullitionem rarefactio, quę cum intumescētia, cuius est multum loci spatium capere, importaret, propterea repletionē in extremo quodā statuēbat: ad instar aquę, quæ frigida existens, parum loci spatium occupat; rarefacta per ebullitionem, maximum: adeo vt, si lebetem aqua semiplenum forti igni exponas, iam iam ebullientem, atq;urgentem superfundere aquam vides.

Tali igitur sanguinis copia sic stante, quid mirum, si sanguinis euacuatio de more facta, nil, aut minimū conferret? si copiosa valde proficua existeret? sic cum natura critice mouebat, non pellebat sanguinem ad vncias, sed large pellendo, ad libras euacuabat.

Porro etsi in genere sanguinis missio liberalissime celebraretur, metiebat tamen hæc iuxta hominum ætatem, ac temperamentum, adeo vt quam longe minus senibus quam iuuenibus: minus atrabilaribus, ac biliosis, quā sanguineis de sanguine hauriebatur: his enim copiosissime detrahebatur, ijs parce, præsertim si valde maligne laborare viderentur, ita vt recte iudicatum fuit, quibuldam ex his, nil per sectionem haurire, minus adulescentibus, quā iuuenibus: successive minus etate consistentibus; ac consequutine senibus. Quidā etiā carnosī pueri, duodecimū agētes annū, venæ saluatellę sectioni salubriter fuere expositi, alijs eminētiori venæ cubiti hircudines de more affigebantur.

*Quāti-  
tas san-  
guinem  
mittēdi  
vnde de  
sumebat-  
tur.*

Sanguinis detracti quantitas ad pondus librarum trium, visa est quibuldam iuuenibus nō fuisse sufficiens, ex larga, eaq; salubri postmodum sequuta sāguinis per nares eruptione: vnde huiusmodi, euacuationi insuper hæmorroidali fuere cum salubritate expositi.

In duas detractio solebat partiri vices, duplici, inquam, venæ sectione, in brachiijs facta, sanguis emittebatur, quarum altera mane in dextro; vesperi altera in sinistro: vel si vesperi prima, mane sub-

*Modus*

*sequenti*

sequenti secunda, immisso interim clisteri, celebrabatur. adolescentulis altera in cubiti vena, communi ut plurimum, altera in saluatella sectio fieri solebat. senes pro annorum, complexionis, viriū, & morbi ratione tractabantur, alij quidem per saluatellæ sectionem, alij per hæmorrhoides.

*Tēpus*

Tempus istius remedij, quodcumq; ferme aptum reputatum fuit, exceptis quibusdam ab assumpto cibo horis, siue magna, siue parua teneret febris ad actum reducebatur. multa intererat saluberimum hoc tempestiue exequi: quod neque ab intensa admodum febre fuit vnquam retardatum, vel omisum: quando tali præsertim tempore proficuum extitisse experientia edocuerit. & ratio adstat, quoniam, cum tuac temporis maior fieret sanguinis ebullitio, maior quoq; in ipso efficiebatur conturbatio; cuius ratione excrementitiæ superfluitates, maiorem in modum cum sanguine motæ atq; confusæ, ab aperta vena facile educebantur, quemadmodum videmus aquam in fundo continentis vasis, fæces in se habentem, ex ebullitione, vel alia agitatione, cum prius esset clara, conturbari, fæcibus sursum latis, ac cum liquore confusis: adeo ut si tali tempore aquam à vase effundas, fæces insimul effundi, animaduertis.

Et quamuis ex usu sit ante venę sectionem, clisterem præmitti, aluo tributum minime reddente: nihilominus, cum in tanta ægrotorum copia in paucis id exequi posset, sanguinis tamen missionem perpetuo salubrem successisse obseruatum abunde fuit. Erat in summa remedium istud tam salubre, ac celebre, ut nullus etiam si puer ex ægrotis, qui mei iuris erant, id renueret, nullus non ambiret, cuncti libentissime brachium barbiton fori incidendum porrigentes, ferme certissimi salutem ex hoc remedio, quod salutare vndequaq; experiebatur, consequuturi.

Dictum ( mei iuris ) quoniam multi ex alienis terris, adeo hoc formidabant, metu papularum, peticularumue, has febres consecretantium, ut quidam ex his eligerent potius interitum ipsis minitatum subire, quam saluberimo se subicere remedio. Adeo hi venę sectionem abominabantur, adeo inuisam habebant, ut etiam si papulæ non adessent, nec vllatenus apparerent, quidquam tamen de hac audire minime prorsus poterāt, ut certissimi mortem accepturi, si alioquin sanguinis missionem admisissent.

Et quidem non miror quod vulgus hominum remedium istud, tantopere in tali casu proficuum, extimescat, loquitur enim ex traditione à medicis emanante. sed fortissime admiror, quod ex quo lethalissima de peticularum per sanguinis missionem, retrocessione opinio in medicina suborta est, maior medicorum pars huic insulsissime,



simz, atq; exitiosissimz opinioni perpetuo adhæserit: quæ apud quosdam medicos in tanta creuit existimatione, vt etiam si non dum appareant, à venæ tamen apertione se abstinere, si febris ex peticulosis sit: vel vnum elucens signum, fortasse neque peticulosum, pro euidenti habeant peticularum eruptione, cum mulierculis proinde exclamantes peticulas exire, comparere, adesse, quasi tot serpentes, tot dracones, tot basilisci existant, illico mandantes (erubescio talia fari) vt stragulis, pellicijs, indumentis præsertim rubris ægrum cooperiant. hincq; statim ad cucurbitulas, in tali casu prorsus exitiales, scarificatas, ac sine scarificatione repetitas deueniunt, vociferantes tali remedio, morbum, venenum exhauriri, non animaduertentes, quod languentis animam hac arte exhauriunt. An nescis tu, qui id ppetras, signa hæc non à veneno, non à prauiori, sed tenuiori, & amabiliori peccatis humoris, peccatis sanguinis portione efformari? inditiu tibi sit euentissimum, quod nullam omnimode exanthemata præferunt acrimoniam, si hanc per cucurbitulas extrahas non ne acutiorem atq; ardentiorẽ reddis febrem? dilutiori, ac tenuiori parte vitioso sanguine orbatõ, quando talis pars ex sene sit febrile infestissima. Nonne rursus hanc grauiorem, ac perniciatorem facis, validas inducendo obstructions, tantopere à Galeno damnatas, dum copiosas per cucurbitularum appositionem ab amplis vasis in vascula carniũ attrahis superfluitates? nonne simul crassiorẽ peccantis materię partem, compactam, ac sic superatu difficiliorem ex Hippocrate reddis? nonne amplius symptomaticę excretioni, lege medica alioquin verante, manum porrigis? signa quippe hæc crudo existente morbo comparent, & decretoria non statim elucere Hippocraticum, Galenicumq; decretum vulgarissimum est. nonne demum præpostero ordine medicinam facis, dum particularia ac topica, ante vniuersalia adhibes remedia?

Scriptum à me alibi est, peticularum seu exanthematum materiam non aliam esse, quam tenuem peccantium humorum partem, quam natura, quæ sui ipsius leuamen perpetuo querit, ad extrariam amandat superficiem, quæ à cutis osculis erumpens. maiori ex parte insensibiliter exhalat, crassiuscula præ frigiditate inibi compacta reddita, exanthemata de se efformans, non quod natura tenuem emittens ex industria partem crassam intus relinquat: sed quod nequeat hanc præ crassitie expellere, & in cutem deponere. Vnde deduco, si aquea, ac tenuis hæc materia in cutem iam erumpens per venæ sectionem retrocederet: vel erupta retrocedere posset, duplex inde insurgeret utilitas: sanguinis scilicet fluiditas, ob quam



facilius sanguis per incisam cum suis facibus erumperet venam : minorq; febris ardentia , ab hac alioquin dilutioni parte , febre quadantenus castigata.

Nullum igitur inconueniens , papulis erumpentibus, vel eruptis, venam secare est, quin immo utile, ac proficuum.

Cui rei , rationi vndequa; consentaneæ cum perpetuo adhæserim, in hoc tamen morboſo ſtatu, cum caſus ſe obtulit, in uſum præſertim vocaui. namq; cum in cunctis ferme laborantibus, quibus conueniebat, tempeſtiua celebraretur ſanguinis miſſio ſi qui tamen antequam eſſem vocatus, vel alia de cauſa , exanthematum toga, nondum aperta vena, eſſent inſigniti, liberali eque ſanguinis miſſione tractabantur, conuocatis ſepenumero ad hoc ſpectaculum ex industria pluribus. ediſto etiam barbitonſoribus factis, vt repreſſo muliercularum ( ſiqua eſſet, quæ reclamaret ) de periculis clamore, venam intrepide ſecarent. quod cum aliquoties ad actum cū ægrotantis ſalute fuiſſet reductum, euauit breui vox iſta de periculis, nil poſtmodum à gente formidatis.

Cucur-  
bitula-  
rum  
uſus.  
quando.

Cæterum alia etiam media, ſub hoc chirurgico genere militantia, non quidem pro ſanguinis euacuatione, ſed alijs intentionibus directæ, uſurpabantur, vbi poſt vniuerſalia remedia in proceſſu morbi adhiberi talia expediret. etenim ſi in cerebrum ex pullulante delirio, vel ſimili affectu de materia irrepſiſſe videretur, mandabatur, vt cucurbitulæ quatuor dorſo non ſcarificatæ, pro reuulſione : duæ aliæ ſupra ſpatulas ſcarificatæ, proderiuatione apponerentur. atq; hoc præſtito, hirudines ſtatim iuxta aures affigerentur, permittentes, vt à tribus ad uncias quinquæ circiter de ſanguine hauriretur.

Vefica-  
tia qui-  
bus mi-  
nime  
conue-  
niant.

Duo alij caſus medicum ad cucurbitularum tali tempore appoſitionem impellebant : alter, vbi ſecundum vniuerſam corporis circumferentiam de acri quadam caliditate conquereretur eger : tunc enim ab imis coxis, aſcendendo ad ſpatulas uſque, cucurbitulis veluti onerabatur, dorſalibus cunctis, ad extrahendam materiam ſub cute contentam, ſcarificatis. alter cum in profundo febrilis caliditas poſſimum vigeret, dorſo totis ſed ſine incifione affligebantur : cliſteri perpetuo, alius ſi eſſet minime fluida, præmiſſo. quo etiam caſu leues inferioribus partibus frictiones mandabantur.

Veficantia pauciſſimis admodum ſuere adhibita, cum ſentiam pauciſſimos eſſe caſus, in quibus, febris diuagantibus malignis, conueniant quando peſtilentibus magis conſentanea exiſtant. Bilioſæ epim naturæ, per calido affectu detentæ, hæc renunt,



renuunt, ne is alioquin ex calidissimo medicamento magis incandescat. sic in febribus, quas humorum multitudo parit, inutiliter alligantur, etiamsi de materia quidpiam attraheretur. Sentio pariter ab ijs esse arcenda, quæ etsi graniter se habere videntur, certa tamen quodammodo conspiciatur salus. quæadmodum, & ab ijs, qui inditia præferentes, nil si alioquin fuissent alligata, esse profectura, ad interitum ferme certum paulatim tendunt, ne alioquin infametur remedium, quod si quando res exigat, cum maiestate, quadam est adhibendum.

At in duobus casibus vtiliter posse adhiberi arbitror, alter est cum vitalem facultatem non parum laborare, & quandam *Casus in quibus conveniant.* pati opressionem contingit, ad noxiorum à corde derivationem, vel diversionem: quam, etsi iuxta communem appositionem, siue noxia hæc sint malefici vapores, siue prava materia, ab hoc medicamento agre obtineri posse sentiam, ad actum tamen reducendum est, ne quid ex præsidijs intentatum relinquantur, pro principi auxiliando, ac conservando membro, quod in medio corporis humani tanquam pro tribunali sedens, perenni, ac vivifico sui motu, unicuique membro, unicuique parti de proprio calore, pro quadam veluti recognitione, impertit, ac tribuit, vnde vita hominis eminet, ac conservatur. quod tamen cum decore moliendum est, publica quadam medici declaratione, febrem illam ex valde malignis esse: non posse aliud expectari, quam ut interitum languenti quamprimum afferat: vnum superesse remedium, à quo etsi non certa morbi sublatio, saltem sperari salus, alioquin desperata, potest; & hoc esse vesicantia, ad quæ, tanquam ad triarios, rem devenisse manifestatur. esse igitur ad actum reducenda, ne prælium, in quo de summa rei, de salute inquam aroti agitur, deferatur.

Tempus vesicantia alligandi, tunc appositissimum censemus, non ante urgentiam, sed cum res vrget. quandoquidem quævis reuulsio, aut diversio à vesicantibus fiat, sic propterea ob calorem, ac dolorem, qui sedi inducitur: quem idcirco, ratio dicat, excitandum tunc duntaxat esse, cum res vrget. vnde si ante urgentiam hunc ad actum reducis, sine, quem intendis, frustraris, acri iam evanita, ob quam noxia à corde retrahi intendis, caliditate. fieri etiam potest, ut cū primo indices, vesicantia esse oportuna, in febris postmodum processu *Quando sint adhibenda* aliter



2. *Oph.* aliter ostendatur: sunt enim ex fene acutorum morborum p<sup>r</sup>enun-  
 19. ciationes, ac iudicia non omnino tuta. iunge quod remediorum  
 qualitas morborum consistentia respondere debet, ex eodem. unde  
 1. *aph.* 6 cum remedium istud sit quoddam maximum, atq; extremum, mor-  
 borum principiis, aut ascensui primo uon dum respondet: debet  
 igitur uigentia duntaxat elucescente uti.

Locus, quo vesicantia apponuntur, solet esse desuper ma-  
*trabca-* num, ac pedum artus: & quibus tamen ad cor usq; vesicantium  
*tium al* facultatem peruenire ob longiquitatem posse, dubitatione minime  
*ligatio-* carer. sed questione hac omissa, aptiorem in hoc casu existimamus  
*nisto-* sedē, ut ab experientia didicimus, supra coxas, ubi pestiferi bubo-  
*cus, in* nes attolli solent, non solum enim diuertunt, sed etiam de noxijs  
*prima* ad sedem attrahunt, & expurgant: p<sup>r</sup>æsertim cum locus iste, ad  
*casu.* excrementa, quæ inter iecur, & inguina continentur, excernenda de-  
 putatus videatur. quo casu si alia duo manuum artibus alligari iu-  
 beas, nihil mihi. sed non inconueniens fuerit, nouam vesicantium  
 alligationem tibi representare, quam bis, iuxta hepatis, ac lienis  
 regionem secundum latera (posterior enim pars incommoda  
 est) factam, febre ceca, pauci caloris, & unde quaq; maligna homi-  
 nem tenente, sum expertus: adeo ut spes duntaxat aliqualis per  
 quandam veluti desperationis rimam conspicabatur. ex quarum  
 certe altera euasit æger. ex altera, post nigrefactam, ac corruptam  
 à virulenta materia vesicaram sedem, cessit tandem languens, plu-  
 res saltem dies à tali expurgatione agnoscens.

*locus in*  
*secundo*  
*casu.*

Alter casus, in quo vesicatoria conuenire sentimus, est, ubi in fe-  
 bre à lethargica quapiam affectione, vel segni delirio languens  
 corripit incipit. igitur ne alter radices infigat, firmeturq; humor,  
 quamprimum affligenda sentio, non quidem extremis, ut de more  
 fit, partibus, sed supra humeros, æquali ferme, inter collum, ac brac-  
 chiorum radicem, distantia. Qui locus, etsi alligationi incom-  
 modus videatur: recte tamen artificiosa falcia, indusio inibi scisso,  
 adaptatur: qua ratione deriuant, & expurgant nocentem humo-  
 rem: cuius affectus, si quidem adeo grandis sit, ut vicem primarij  
 gerat, & totam curationem videatur exposcere, affligenda insuper  
 post aures duo alia paruiora, sunt: aut si conuulsio quapiam eluce-  
 scat, occiput pro sede eligatur. interimq; alius, quo ad fieri potest,  
 fluida feruetur.

*Vesica-*  
*t u man*  
*teria.*

Materia autem, quæ cantharides cum sinapi vel euphorbio exci-  
 pit, etsi plurimum vetus fermentum, cum aceto squillitico solutum,  
 accipiat; ubi tamen locus parum comodus ad alligationē videretur,  
 relictio fermento, cū cera, terebentina, & resina q. s. rectius cōficiun-  
 tur, & loco firmentur.



*De Secundo Scopo, Curatione.**Cap. V IIII.*

**S**copus iste duplici ut plurimum tempore locum habebat ; in morbi principio post venæ sectionem , atq; eius declinatione . erat expurgationis in principio molitæ intentio , ut quidquid infra iecoris cavam superflui , ac præternaturalis contineretur , per alium expurgaretur : in hac enim regione , quæ est tanquam communis corporis humani cloaca , non solum dum sanus degit homo , sed etiam dum egrotat præternaturales superfluitates deponuntur . nequit enim fieri . quin in homine etiam si sano , sub aeris præsertim constitutionibus , quidpiam indices præternaturalis gignatur : hoc in venis magnis , per repudium segregatum , ad inferiorem hanc regionem amandat , inibiq; deponit natura , per alium postea excrenendum . id ipsum per morbos vsuvenit quod enim de peccante in fomite humore , secernitur de hoc tum ad alia emanatoria , tum ad hoc transmittitur , & nunc quidem parum , nunc multum , pro loci vicinitate , commoditate , consortio , adituum apertione , &c. adeo ut interdum ad hanc intestinorum regionem excrementum totum quod in homine , per quoddam tempus generari contingit , amandetur . Per hanc regionem intelligo intestina , eorum venas , anfractus , atq; inania sparia , venis mesenterij neq; exceptis . hanc inferam regionem , sentimus esse locum , in quo humores transmissi præparationem , ac coctionem Hippocraticam consequuntur . Etenim non eadem ascendens , aut descendens cum suis truncis coctionis locus existit , cum sit sedes fomituum , ac minera excrementorum , quæ nec sunt expurganda ut cruda , & expurgare si tentares , nullo modo , e proprio dimouerentur loco . neq; communes , aliæq; per carnes distributæ venæ coctionis Hippocraticæ sedes esse possunt , cum sit febrilis focus , cuius est caliditatem importare : humorum vero coctio , est contemperationem , ac refrigerationem dicere . statuamus igitur infernam hanc regionem coctionis esse locum : in hac enim depositi , ac cunctantes humores coctionem comparant , nimirum contemperationem , ac refrigerationem quandam , ut in loco a febris sede remoto , ut frigido , atq; recenti humore semper referto hinc bilem coctam si purges , non feruidam , non flavescentem , ut alio-

alioquin in fomite, & in foco se habet, sed refrigeratam, & quodammodo albescentem conspicis. cineritix enim superfluitates, subsidentium identificatiuz, non sunt proprie, nec vere dici possunt humorum coctiones, cum, ex humorum febrem efficiendum combustionem resulent. Sed de hac re in libro de febribus absolutus habebitur sermo, ubi quæ concocta sint. Hippocratica, quæ cruda, quæq; materia turgens in lucem prodibit.

Erat igitur hæc expurgatio in principio celebrata ad humores in cloaca existentes eijciendos directæ: quæ moliebatur, ut esset non stercoracea, aut leniens de more, sed purgatiua. talem dictabat aphorismus, qui sic habet, in principijs morborum si quid videtur mouendum, moue. motio hæc Hippocratica refertur proprie ad expurgationem, quamuis partialem: sic quoq; deducimus ex aphorismo vigesimo secundo, suadebat febris imbecillitas: quippe circa initia, & fines omnia sunt imbecilliora. talis autem imbecillitas, quandam febris coctionem Hippocratice dicit. indicabat hanc locus continens, cuius est coctionem importare. facultas consentiebat: quandoquidem in morborum principijs validam semper esse scimus. experientia firmabat; subleuabatur enim æger, unde manifesta conferentia sequebatur. copia tandem exigebat; cum in hac regione, in sano etiam homine, superfluitates multæ ut plurimum contineantur: adeo ut, cum aliquando ex his redundantibus, ac putrescentibus ingens illico suboriat febris, unico, his expurgatis, non quidem leniente sed eductiuo pharmaco febrem solui experientia doceat. quæ res firmat maiorem in modum placitum nostrum de coctionis loco.

Quin etiam decretatur quodammodo in febribus malignis talis expurgatio ab utilitatibus, quæ hanc consequuntur; namq; ex hoc quod tota hæc regio, eiusq; aditus, alioquin ab excrementorum copia obstructi, per expurgationem referentur, ac deobstruantur, idonea postmodum datur allecæ naturæ facultas, noxia successiue expellendi. febrilesq; exalationes maiorem sui diffusionem, atq; etiam exitum per hanc viam nasciscentes, disperguntur, nec non alterantia a medico postmodum exhibita, itinere peruiro comperto, pura, ac fæditate orbata in conspectum attrahentium, atq; indigentium partium comparent: quemadmodum specifica quæq; medicamenta, ut chinam, ut terebintum ante exhibitionem defæcatis prius esse aditus expostulare scimus.



Ex aduerso si omittas, febris maiorem in modum ingrauescit, inferioribus enim his ductibus obstipatis, putres vapores, alioquin per hanc viam dispersionem sui aquiscenti, retenti, conclusam quodammodo reddunt febrem: naturę tollitur conatus. quę nequeat de peccante materia ad alium quidpiam transmitti: cum alioquin sciamus, multos per hoc emunctorium, materia propulsa, morbos iudicationem accipere. ac demum pabulum febrili foco per attractionem adaugetur. nāque phisice scimus calori, ac dolori vim quādam attracticem fuisse indicam: vnde non solū de molestante humore quidpiā expurgatur: sed etiam de excrementis in hac infera regione contentis ad febrilem focum attrahitur. hinc propterea pleuriticos in principio expurgare tātopere iuuat, sed ad quid expurgatio ista, cum pleurę inflammatione nimirū si nō purges dolor, ac calor istius inflāmati mēbri, tanquam cucurbitula excrementa ad se allucit, vt hinc alioquin vel suffocationis immineret periculum, vel maiorem in modum morbus adaugeretur.

Dic, si in huiusmodi febribus primis diebus, quō tempore debiles adhuc sunt, & vires constant, haud largē eijcias, quando nā large eijcies? in incremento ne, aut vigore? nequaquam, id decreta verāt Hippocratica. in declinatione ne: longe minus: quoniā, si declinatio ex leth. l. bus sit, animā simul eijcis, dum noxia eijcere tētas: teq; ac remedium simul infamas. si ex salutaribus, vnde nā vires ad largam sustinendam euacuationem idoneę: remanent enim in febribus malignis, prę morbi sęuitie, ac symptomatū cumulo, adeo fractę, adeo solutę, vt minime liceat in quibusdam vel perquam blandū adhibere medicamentum. hinc cum in principio vel non expurgas, vel saltem non pro ratione: & cum in declinatione fas tibi nō sit expurgare, expurgatione inquam, quę de morē ā medicis intenditur, sequitur quodammodo, te potius morbi adulatorē, ac spectatorem, quam medicum pręstitisse: & quod magis est, dum te ā liberali expurgatione tantopere salutari primum abstinēs, vim quodammodo morbo addis, atq; idcirco lethaliorem illum reddis.

Summa igitur cum ratione ad pharmacum eductiū in malignis febribus in principio deueniendum: qua medendi ratione, qua praxi, cum perpetuo, ne dum solum in hac enarrata malignarum febrium constitutione, fuerim vsus, perpetuo quoque felix in conspectum se se obtulit exitus.

Cōtra placitū istud, vt cōmunissimę, & opinioni, & praxi aduersū, quispiā insurgēs, dicet. Qua ratione tibi licebit ī principio medicari, cū stet axioma medicū, ā tota medicorū schola receptissimū, cruda in initijs vigerę, quę expurgare, minime fas, est sic oraculo dicente.

Responsio



1. *Aph.* 22. Responsio sit, axioma istud falsissimum esse, & Hippocraticæ doctrinæ penitus dissentaneum: perpetuo namq; materiâ in initij morborum adest, quæ ut parata, & Hippocratice cocta expurganda est, nisi acuta detineat passio. Insinuat hoc ipsum Hippocrates dum in principiis morborum, si quid videtur mouendum, mouere dixit; mouere enim, apud ipsum, est expurgare, ut clare ex ipso elicimus per illa verba concocta medicari, & mouere, at ipse nunquam expurgat, nec expurgare iubet, nisi humorum adsit concoctio: unde cum in principiis mouere decet, tacite ostendit, tunc de humore cocto adesse. & se veluti explicat, dum expurgationes bonas recenset, quas quoquumq; tempore fieri posse tales innuit, dum generalem statuit regulam, inquiens, in perturbationibus ventris, &c. hoc vnum sufficit ipsi, quod est bonitatis harum demonstratiuum, ut cum conferentia, ac tolerantia fiant, hæc autem qualitates coctionem materiæ designant, id ipsum quoq; diducimus ex 4. aph. Modo, si naturam posse probè in principio, & quouis alio tempore expurgare conceditur, Cur hoc denegabitur medico? quid plura ipsa experientia demonstrat, non solum enim ex pharmaco purgante, in principio exhibito, morbum sæpe, ac sæpius subleuari, sed etiam aliquando ex toto tolli, videmus; quod profecto non vsuueniret si cruditas perpetuo in principiis vigeret.

1. *Aph.* 2. Quod si in acutis passionibus in principio medicari vetet, non verat ob materiam, sed ob passionis qualitatem, quæ ingens, & maxima sit (sic enim acuta passio hic venit intelligenda) vel sui natura, vel saltem primis diebus, ex eo quod sit ex ijs, quæ statim incipientes florent. ut talis enim cum cruda prorsus censenda sit, purgans abdicat pharmacum. Debet enim: cum expurgandum est, non solum materia, sed febris etiam ipsa esse cocta, sic enim Hippocratica concocta intelligenda, sed de hoc latius alibi. sunt secundus, vigesimus secundus, & vigesimus quartus aphorismi tot oracula ad artem vtilissima, sed pace expositorum omnium dixerò, arcanum eorum sensum, quemadmodum, & fere omnium, à nemine adhuc fuisse cognitum, quin immo in perniciem ægrotantium hos esse expositos, fortasse aliquando patebit.

- Non igitur absurdum est, in principio expurgare, cum tali tempore non solum de veteribus superfluitatibus, sed etiam de peccante in regione intestinorum statuta, paratum, ac coctum sit. & quid mirum, audi hoc, quod etiam si verissimum, & Hippocratice animatum sit, fortasse tamen paradoxum, & à veritate alienissimum tibi videbitur. & est, quod in intermittentibus, in periodicis, ac longis omnibus febribus continuis, non minus in principio atq; augmento, quam



quam in statu, ac declinatione perfecta non solum Hippocratica, sed etiam cineritia de peccante humore, efficitur coctio. hæc omnia suo loco ante oculos tibi offerentur, ut solida, atq; inconcussibilia. scilicet evidenti ratione vndequaq; stipata, & auctoritate Hippocratica animata: vñ egrotantibus, si in fine duntaxat status humorum perficeretur coctio.

Quibus omnibus sic statibus vniuersale, ac practicandum deduco præceptum, validius, respectiue, in febrium, præsertim malignarum, principio, esse adhibendum medicamentum, quam in fine, non vna adstat ratio. tunc enim vires de validitate exultant: nunc infirmæ sunt, quæ alioquin à valido prorsus frangerentur pharmaco. tunc reiectanea materia etherogenea est, minusq; calida atq; acer. nunc homogenea calida atq; acrimonia minime orbata. tunc per totam inferam regionem dispersa: nunc coagregata. & quis stante hoc, fortiori in declinatione audebit uti pharmaco?

Vnde forte admiror, quod cum communis opinionis sit, humores in declinatione esse paratos esse coctos, eradicatiua tamen expurgatione opus esse vociferent, quasi fixi in profundo corporis sint, fere quod à propria sede sint euellendi. si cocti, si parati, ad quid eradicatio? ad quid medicamenti robur? cum alioquin locus continens, ut emunctorio proximus perquam blandum insinuet medicamentum: coctio, ac preparatio exigat: vires languidæ ad terram veluti prostratæ, ac genuflexæ humiliter expostulent. in initis vero, vel stercoreaceum, vel ad summum leniens, idq. blandissimum adhibeant. hanc confusionem cæteraq; mala pepercit medicina non à centro, non ab interiori, sed ab exteriori considerata. Laudanda Brixiana praxis, quæ posthabito prauo hoc purgandi usu, in falsa propositione nitente, opportunitati, quæ anima curationum est, perpetuo adhæret. habuit hæc quocumq; tempore medicos, à quibus fuit splendide alita, præstantissimos. Est, fari cogor, in medicamentorum munditia, operandi dexteritate, atq; exhibendi opportunitate (saluo semper cuiuscumq; alius praxis decore) egregium quid, atq; eminens. Quæcumq; persona etiam Regia, atq; Imperatoria tali, ac tantæ tuto se concredere posset.

Porto formula medicationum, quæ in principio exhibebantur, hæc erat. basim potionis statuebat sirupus rosatus solutiuss, ad uncias tres, quatuor, cum quo lenitiui vel diacatolici dracmæ tres, quatuor, quinque, cum totidem scamoneati cuiuspiam eleuarij, cū liquore stillatitio, aut congruenti decocto cōtūdebātur.



aut cum solutiuo ad uncias quinque, de scamoneato ad dracmas quatuor, quinque, sex, commiscebatur. si m̃ana ingrediebatur, tot de sirupo uncia demebantur, quot de manna addebantur, blanda erat potio, quę tres solutiui, vnam mannę aliam lenitiui, vel diacacoli assũmebat. sc̃aoneata erant, de succo rosarũ rosatũ Mesues, diaphenicon, diasebesten solutiuum, confectio hamec. hoc scilicet, vel illud vsurpabatur, pro circumstantijs perito medico notis. bolus, ex cassia floribus ad dracmas octo, decem, duodecim, cum dracmis quatuor, vel quinque scamoneati vt plurimum parabatur. & si quidem medicamen non pro ratione deiecisset, propinabatur postera die mechiucan, vel silapa, cum granis diagridij, vel gumma gotę. atq; hæ erant vulgares medicationes. namque nobiles, pueri, senes, ventriculo fracti: & præsertim delicati suauiter, & cum munditia tractabantur. cæterum formulas medicamentorum integras à me non expecta. solue me laboriosissimo hoc tadio, quod in summo abominor. peritus cum sis, peritas ex te ipso paras.

Facta insinuatibus purgantibus priori eductione, non dabatur in hisce febris alia interim tentare, vt alioquin in quibusdam alijs continuis: ideo quod vbi semel ingrauescerent, summum quoddam magnitudinis, ad grauitatis ac declinationem vsq; seruabant, vt minime interim mouere, nisi per glandes, aut clisteres, quibus frequenter innitebatur, medico liceret. si quando tamen in morbi processu alius tributum redderet plane nullum, parumq; per clisteres proficeretur, tunc arrepta occasione conserua prunorum, vel pingues passulæ ad dracmas circiter quinque, cum totidem, diagridij granis medicatę primis epulis offerebantur: vnde sepe numero non solum exoptata alui obedientia sed biliosa quæpiam deiectio obtinebatur: quam belle etiam præstabat cassia nouiter à seraceo extracta à duabus ad tres, vel quatuor dracmas in prandij principio deuorata: hæ enim ratione cibis medicamento inspersus venuste eiciebat: cui respiciens in enigmatico de alimento vir in cunctis Diuinus, sic, exclamauit, in alimento pharmatia optimum. Quamobrem vim quoq; ptisanę hordeacę, tantopere in febris proficua indes laxatiuam, si hordeum de more coctum in infusione rosarum solutiua, priusquam per setacium transmittatur, per sex circiter horas infesserit. exposcitur autem infusio ex rosis albis syluestribus, ne alioquin ptisana albor deturpetur. hinc postmodum ex hoc, vel illo cibo sic medicato, atq; in febris, quæ ad euidentem præsertim tendunt perniciem, non semel oblato, salutē, alioquin ob grauitatem morbi ruituram, elucescere non raro comperimus; natura ad successuum stimulum, successiue reiectanea ad alium



aluum transmittente, ac se exonerante. est epigraphica hæc expurgatio summum quoddam atq; extremum Hippocraticum remedium in ijs febribus in quibus naturam à materia, ac morbo grauata per se non esse resurrecturam, nec de cætero fore, vt medicamentum exhiberi liceat, viribus in dies maiorem in modum languescantibus, facile conspiciatur.

Caterum vbi declinatio tantopere exoptata accessisset, scopus statim offerebatur, denuo mouere. circa quod maturè gradiebatur: cum multi ex egrotis ita robore soluti remanerent, vt nefas esset de quopiam etiam quamblando excogitare, ne dum vti medicamento: quos propterea vna, eaq; congrua victus ratione restaurare, ac roborare prius erat scopus: alioquin in tali casu importunè medicamentum exhibere, maximus atq; etiam perniciosus error existit. hinc igitur, si qui ex his in processu iam roborati medicamentum indigere viderentur, blandissime tractabantur.

Ex his autem qui vires conseruassent non omnino debiles, alij medicamentum assumpserunt, alij, renuentes clisteribus exercebantur. quod autem excernebatur, biliosum id totum erat, identiscatum ab ea parte sanguinis vitiosè crassiore, flauescentiam per febrilem calorem adepta, cui putredinem, natura prouida de molestante humore semper quid demente, atq; transmittente, effugere contigit. hinc in synochis ipsis deiectiones non rubras, sed perpetuò flauescences obseruabis.

Materia, potionum medicinalium, quæ hoc tempore offerebantur erat ex solutiuo, ac manna, vt quod omnem expurgationem felicitare scriptum reliquerit Auicennas, & id ipsum experientia decreteret, insimul commixtis, ac cum congruenti diluto solutis. validioribus diacatholici vel ad summum rosati Mesues quidpiam, aut solutiuo rabarbarisati portio addebatur. In plurimis autem præsertim nobilibus, ac delicatioribus, quod in priori quoq; expurgatione exequabatur, medicamenti querebatur munditia, perlustrata, inquam, offerebatur potio, non solum ad iucunditatem, sed etiam ad expurgationem blandiorem reddendâ. Namque in febrium declinatione parata perpetuò est emunctorio, aluo, inquam, secernenda materia. quam in quacumq; febre biliosa obseruabis naturæ, quæ propterea de facili obedire nata est: locus autem allicienti, vel leuiter stimulantem medicamento illam manibus veluti porrigit. iunge viriû languorem, non poteris non blandissime tali tempore medicari. Alioquin scias, quod imbecillitates à purgantibus illatas fere immedicabiles sunt; ideo quod non à quapiam discrasia, sed à partium robore dissoluto, ac tono fracto pendeant,

ac recordare Hippocratici illius oraculi in lib. de artic. decreteti, quod bonum aliquando est medicamentum, nullum adhibere medicamentum.

*De Tertio scopo, qui circa Refrigerantia versabatur.*

*Cap. X.*

**E**xpurgationis scopum corrigendi alius febrilem calorem, atq; ægrum refrigerandi, sitimq; simul compescendi, consequebatur: cui varijs modis, varijs remedijs satisfieri, curabatur: multū intererat percalidam passionem quatuordecim dierum spatio continenter perseverantem moderare; nec non ægrum perseveranter conflagentem, atq; ab indelebili fermē siti excruciatum, quo ad fieri poterat, recreare. Propterea summo mane per horas tres, aut quatuor ante prandium potiones offerebantur refrigeratoriæ, quæ stillatitias aquas ad uncias sex, octo, decem, pro exigentia, cum vna vel duobus ex adaptato quopiam sirupo vt plurimum assummebant. Aquæ erant ex foncho, endiuia, cicorea, acetosa, epatica & huiusmodi quibuscū admisceri perpetuo solebat, quæpiā, quæ diaphoretica vi esset prædita. Sirupi usurpati, erāt ex succo limonium, granatorum, de acetositate citri, de agresta, de pomis, acefusus simplex, qui sicuti in febris præsertim malignis multum expetitur, sic acetum eius basis vult esse valde acre, & non factitium ex vino corrupto. Sirupi de cicorea, de endiuia, de acetosa, rarissimē à medico ad actum reducebantur, non solum quod æque refrigerare non sint apti: sed etiam quod illam claritatem, ac iucunditatem non præferant, quam tanti facit ægrotus. ideo autem quod in usum frequenter veniant, curandum est, vt sine cum albissimo saccharo confecti. Incumbendum medico valde est in medicamentorum munditia, venustate, ac iucunditate, ad hoc vt visui, ac gustui satisfaciens, ægrum adinveniat obedientiorem, quod in sirupis intendendum præsertim est, veluti qui medicam materiam magna ex parte efforment: nam si claros, ac perspicuos exhibeas, auide assummit, cum alioquin super atratos nauseat, & stomachetur eger, ac sæpenumero assumere renuet. vt propterea valde mirer, quod in vniuersum à medicis horum munditia, ac perspicuitas tantopere ab ægro exoptata Pharmacopolis expresse non committatur, ex imperio, ex tripode non mandetur.

Quod



Quod si nobilius atq; efficacius parare tibi placet medicamen , pro sirupis extracta saccharizata adhibebis, quæ tibi sic cõparabis. Poma hæc vel illa frustulatim diuisa , & super patinam , in fundo perforatam, per stratum supra stratum apposita, saccharo fino subtilissimè puluerizato abundè cooperies . ex hac in loco subteraneo atq; humido reposita destillabit in receptaculum , subtus positum, limpidissimus liquor, odorem, ac saporem pomi efferens, perquâ incundus , qui in refrigerando, & siti compescenda excellens valde est . sic æque tibi parabis ex mali punici granis , ac citrangulis exteriori atq; interiori cortice nudatis, feminibusq; demptis , ne alioquin liquor amarore suffundatur.

Vesperis, quibus æstus, atq; sitis vehemens non paruam inferebat molestiam, alia quoq; refrigeratoria potio parabatur, quæ sæpe ac sæpius erat aqua hordei plena, cum scrupulo spiritus chalcanti : frigida erat incundior: calida vttilior. quibusdam aliis serum , vel destillatum , vel exquisitè depuratum . modo stillatitiæ aquæ cum succo limonum , vel pomorum congruentes offerebantur.

Vbi, cum huiusmodi alterantibus res mane, & vesperi per quosdã processisset dies, alia offerebantur ad ægotantium gustum refrigerantia : alijs enim magis commodum erat decoctum ex cicoraceis, acetosa quinquefolio , pomis, limonibus in frusta conceisis, & quoq; ex aperientibus si opus esset . alijs inlepe acetatum longum. debilibus stillacum carnis congruentibus alteratum , vel decocta in iure parabantur , & simul cum emulsione seminum melonum erant oblata.

In medium non afferro quod frigida potus fuerit adhibitus , quippe plures aberant, quæ ad hunc exhibendum requiruntur, conditiones . nihilominus calinis natura , ac siccis, ardentioriq; febre laborantibus liberales ex congruenti liquore haustus cum parte quarta cuiuspiam aquæ , vim diaphoreticam habentis, medicato, apposita hora adhibebantur, vt si datum esset ebibitus ab ægro liquor expeditius per totum venosum arteriosumq; genus diffunderetur , erumperetq. foras sudorem efficiens . circa quod accommodatissimam, quæ totius citri est , florum eius , ex scorlonera atq; carduo sancto , hordeaceamq; aquam semper comperimus.

Interim ad fauces refrigerandas humectandasq; ac simul ad linguæ siccitatem , amaroremq; leniendum , multa de more præsto aderant inlepe rosatum violatumq. conferva de acido citro, mareneg; conditæ : sed inter alia , extracta de quibus iam dictum est, & præsertim ex pomis rubris parata, congruentissima, atq; ab ægro

exopta.

exoptatissima perpetuò adinuenimus. Hisce alia ( varia enim ficienti atq; hianti ægro parata omni tempore esse debent ) accedebant medica ingenia, grana malipunici saccharo conspersa: semina melonum in aqua ex toto citro macerata, ac masticata: globulus spongiolus refrigerate quopiam liquore imbutus, & in ore decensus.

Proderat etiam saccharum sinum prius in aqua cocta ( quæ in his febris ex hordeo apprime cocto parabatur ) vel in stillato carnis, ubi quadantenus restaurare esset opus, immersum sæpe, ac sæpius exlugere. Decipienda enim multoties sitis est, ne ex nimio aque potu ventriculi calor plus, quam par sit refrigeretur: hypochondriacq; regio inde aquosa reddita atq; intumefacta, ablato postmodum difficiliorem efficiat febrem. Ut autem linguæ siccitas, sitisq; quo ad fieri potest, arceatur, committenda ægro taciturnitas est: atq; ut, ore non hianti, per nares expiret.

Epithemata interim cordis, nec non iecoris regioni, vel lenitiones refrigerandi vim habentes adaptatæ adhibebantur.

Re autem iam declinationem accipiente, cum modicè refrigerantibus, quodpiam quod aperire, ac per urinas ducere poterat, admissabatur, velut radix petroselini, asparagorum, feniculi, lithospermon, eringium, saxifragia, anonimedes, & ex his, atq; illis decoctio congruens parata, ad uncias circiter quinque cum vna sirupi de duabus radicibus acerati, vel cum emulsione seminum frigidorum, propinabatur, sudor quoq; congruo tempore, si quidem res exigeret, excitabatur.

### De Quarto scopo.

*Qui ad expiationem venosi, arteriosiq;  
generis, nec non cordis sinuum, erat  
directus.*

### Cap. X I.

**C**um materia, à qua hæ malignæ pendebant febres, densæ quodammodo atq; humidæ esset substantiæ, qualem in genere agnoscunt malignæ, propterea copiosos, eosq; densos, ac percalidos de se attolebant fumos: qui venas, arteriasq; corq; ipsum op-  
plentes,



plentes, ac vitalem spiritum quodammodo contaminantes, non paruum vitali facultati inferebant laborem. Quin, in superam, ex sui natura, rapti arcem, opplendo, ac concalefaciendo, dolores, deliria, aliaq; symptomata ad animalem facultatem spectantia excitabant. vt propterea hæc insuper curatiua intensio medicum vrgeret, vt quo ad fieri posset, hos putres fumos, has exhalationes, has feditates adaptatis solueret, dissiparet fugaret remedijs. Quod tamē nō de facili admodū obtineri poterat: non solum quoniam alię successiue attollebantur: verum etiam quod non liceret in calida passione, medicamentis vti admodum calidis, qualia alioquin ex postulasset intentio ista, & sunt, quæ discutiendi via obtinere scimus: vt idcirco in moderatis, & in ijs, quæ de more adhiberi solent, cordialia communiter vocata, pedem sistere necessē esset. Quæ vero de causa, quoue iure fuerint sic appellata à nemine adhuc scriptum inuenit. vnde circa hæc paululum mihi diuagari liceat, quo simul noua, vtilia, ac præclara audiemus.

Et quidem arbitror non ob aliud cordialia fuisse nuncupata, quā quod per eorum assumptionem cordis vitalisq; facultatis subleuatio quzdam fuerit ex longo vsu obseruata; quam medici à quadam potius eorum proprietate, quam manifesta qualitate enasci, facile putarunt. Sed hac stomachante, atq; ad nauseam excitante proprietate prorsus omiſsa, dicimus, medicamenta hæc non alia de causa esse. & dici posse cordialia, quam quod putres, ac tetros fumos tantopere cordi infestos, ab ægro assumpta, soluendo, ac discutiendo, cordi, vitaliq; facultati subueniant.

Etenim cum in febribus malignis, ac pestilentibus cor dupplici modo ab igneis fumis noxam ferat, similiter, & instrumentario: calidam, inquam, in propria substantia intemperiem: & quandam in arterijs, ac proprijs sinibus oppletionem, à qua aliqualis vicalis spiritus fædatio, ac facultatis labefactio prouenit: similari quidem noxæ succurrimus refrigerantibus: instrumentarię verò, ijs, quæ discutiendi vim obtinent. cum autem cordialia tale quid præstare, fuerit obseruatū discussoriam propterea facultatē obtinere, ac verè discussoria esse iure statuendum est.

Et quamuis numquā fuerint vt talia adhibita, nec fuerit vis ista in ipsis explorata: attramen non contēendam in his delitescere, fatendum, dico in lapide bezoar, margaritis, auro, corallis, pretiosis fragmentis, &c. nequit enim prope fieri, quin in tanta materiæ puritate, in tanto splendore, ægregia delitescat facultas, insignis ab his actuatis erumpat discutiendi vis: quandoquidem huiusvtriusq; qualitaris auctor immediatus non aliud ferme esse possit, quam  
potens

potens quidam calor, proportionati terrei, quod in horum plurimis preualet, purgatius. ad instar argenti viui, cuius puritas, conspiciuitas, ac illa mobilitas effectus non frigiditatis (est enim non frigidissimum, vt communiter putatur, sed calidissimum) sed ignei duntaxat caloris, in terreo, quod cum igneo totum efformat compositum, ad summum depurato: vt mirum minime sit, si in tam solida materia, qualem hæc gestent, per masticationem explorari vnquam nequiuert, ac nequeat discussoria facultas, in alto proprię substantiæ occultata. vnde ab ægro assumpta non prius vilam sui notam dant, actuationemq; recipiunt, quam validum experiantur calorem, qualem experiri illa contingit, cum in venis magnis, officina caloris, rapta, inesserint vt idcirco non sint audiendi, qui in huiusmodi pretiosis medicamentis substantiæ duritiem tantummodo considerantes eorum exhibitionem penitus damnant, cum tamen communiter practicautes salutari huic exhibitioni, nobilissimæ huic medicationi, ab antiquis reuelatæ, & a posteris probatæ adhereant atq; insistant.

Nec est, quod hinc euidentem atq; patentem expectent exitum: quoniam neque ex siruporum assumptione, quæ frequentissima est talis obseruatur: sufficiat hoc, quod sicuti si sirupos in febribus non exhibes frigefactorios, febribus maiorem in modum ingrauescit, corpus exsiccat, & sitis debacchatur: sic quoq; symptomata fieri grauiora, febremq; in peius rueri pro certo habendum, vbi a bezoarticorum exhibitione medicus se abstinet.

Si his non vtemur, ad quæ confugemus, ad semina citri, ad semina acetosæ, ad contraheruam, vt quidam, qui ex his, & iure, tantam mandant in multis diuisam partibus quantitatem, vt quot partes existunt, tot piperati cuculli videantur: vnde ægri ad horum tantummodo aspectum, ne dum ad gustum, inhorrescant, nauseant, stomachantur. sunt ægri præsertim nobiliores atq; opulentiores in cunctis medicamentis, quo ad fieri potest, cum nobilitate, ac iucunditate pertractandi: & sub iucunditate vult quoq; includi perexigua medicamenti moles: vnde quod per grana præstare recte potes, scrupulos omittes. quod per scrupulos, dracmas escludes. & sic successiuè. Ratum sit igitur, cordialia propterea esse talia, quod putres vapores, tetras exhalationes discutiendo cordi auxiliantur: vt ob id discussoria dici mereantur. nec non bezoartica, quod bezoar, inter hæc omnia, magis polleat: vnde ex eo quod, quæ huius sunt potentia, sub hoc antesignano medicamento veluti militent, bezoartica vocari possunt: atq; insuper alexipharmaca, quæ (non quidem Galenica media inter corpus patiens: & deleterium)



ciam ) sed discussoria ex nostris placitis valentissima sunt.

Sunt tamen alexipharmaca , vt calidiora , maioris adiuuitatis ; cuius autione non contra fumos , ac vaporosas substantias , sed cōtra venena , quæ ex definitione nostra , sunt tota quædam substantia actu calida , opponuntur : vnde cum maior vis , ad discutiendam totā substantiam , quam vaporosam , exigatur : cumq; id præstent , ac præstare nata sint , non cordialia , sed alexipharmaca , ob id iure , vt intensioris caliditatis , sic maioris efficaciz existunt.

Sicuti autem à cordialibus , quæ , & bezoartica , & alexipharmaca primæ speciei dici possunt , ad alexipharmaca potentiora , quæ tertiæ speciei talia statuemus , dantur quædam media , quæ cordialium maioris sunt virtutis , & alexipharmacorum infirmioris ( & hæc secundæ speciei alexipharmaca vocabimus ) sic tenues , ac leues , cōtra quas alexipharmacas in genere exhibentur materias , triplicis esse foreis comperio ; alia enim ex his est substantia non admodum densa , cuiusmodi putres vapores sunt , qui ex vitioso sanguine , malignarum febrium causa , putrescente accolluntur : cui idcirco cordialia dicta , vt infirmiora alexipharmaca opponimus . Alia valde densa est substantia , & sunt crassi , ac densi fumi , à prauiori sanguine , qui putrescens pestilentes gignit febres , subuecti , quorum densitas , cum difficiliorem discussionem , cuius causa maiorem in modum in venis , arterijs , ac corde ipso multiplicantur , importet ; ob id alexipharmaca paulo valentiora ad sui resolutionem exposcunt , qualia sunt , quæ secundam statuunt differentiam . Alia ex his densa adeo est substantia , vt totam substantiam dicat , & ob id venenosā , & sub hac militant ( vt cætera in præsentia venena omittamus ) igniculi contagiosi , quos venenum in homine concretum , de quo alibi est actum , attollit . & his propterea tertiæ speciei alexipharmaca , vt potentiora opponimus . tu autem si placet vnicuiq; ex his quandā latitudinem assignare potes , ac sic quoq; magis specifica exhibere alexipharmaca .

Ex huius doctrinæ serie iam satis cōstare arbitror , febriū malignitatē , ac pestilitatē , nō ab alio quidē , quā à prauorū , ac maleficorū humorū , à sanguine , & vtraq; bile toto genere differentiū ; qualitate pendere , qui sicuti minus , aut magis densos atq; calidos , ob idq; prauiores vapores de se putrescēdo , attollūt , sic maligniores , vel pestilētiore pariūt febres . Quarū in sūma malignitatē , ac pestilitatē , non ab alia re , quā à dē sis , ac tetribus vaporibus , quā à maleficis fumis cōstituit , atq; idēficari p cōpertissimo habēdū . Atqui , nō ne prædicantes omnes medici in hanc nostrā properant sententiā ? non ne incontaminabili huic veritati , velint nolintue , subscribunt , dum in



harum febrium curatione ad bezoartica, atq. alexipharmaca confugiunt? & profectò hæc est vera, atq. germana harum tollendi, ac profligandi ratio. Quippe malignæ febres, etsi ad sui ablationem sanguinis euacuationem, & expurgationem exposcant: attamen expiationem quoq. volunt. Pestilentes plus expiatione, quàm alijs remedijs indigere videntur. Pestiferarum vero ablatio in vna fermè expiatione consistere videtur. Quam expiationem, ut declaratum est, quambellè moluntur califica, qua præstant vi alexipharmaca: modo, quo immissi in hæc solares radij caligines ac nebulas dissipando aerem illustant: quoq. ignis excrementa, ac seditates quasq. sibi oblatas, ac per aerem vagantes, dissoluit, ac dispergit.

Ut propterea communissimæ opinionis leuitas appareat, quæ præter quatuor humorum genera, quatuorue definitos communiter humores, non alium agnoscens, febrium malignitatem, non qualitatè peccantis humoris, sed excellenti cuidam putredini, cuius natura omnino non reperitur, ascribit. sed cum ad hoc tantum adiuuentur hæc opinio esse videatur, ut verè causæ ignorantiam subexcuset, idcirco ut ficta, ac commentitia, & mille difficultatibus obnoxia atq. implicita, reprobanda, ac prorsus reiicienda venit.

Porro cum trifariâ sint alexipharmaca considerata, cumq. quæ sub prima differentia militant, in medium sint allata, videtur sermonis ordo exposulare, ut, quæ sub secunda, ac tertia connumerari possunt, recenseamus. Igitur bezoar denuo, aurum diaphoreticū, salem margaritarum, spiritum salis metallici, spiritum calchanti, ut mediâ alexipharmaca, statuere potes. Quæ vero succedunt valentiora putabis, theriacam, mitridatium, vel eorum extracta, rosmarini pariter, & baccarum iuniperi extractum, flores sulfuris, opium extractum, trociscos de vipera, oleum rosmarini, cinamomi, galio-philorum, balsami. multa alia apud scriptores laudata reperies, sed tu illa duntaxat eligas, in quibus caliditatem impensè calidam, cum summa partium subtilitate vigere conspicaris.

Liquores, quibuscum alexipharmaca exhibenda sunt, vi omnes diaphoretica præditi esse debent: ij sunt, qui cum quadam substantiæ tenuitate, qualitate calidam in se includunt: sic etenim quamprimum in venas, ebibiti, rapiuntur, & rapti extenuantur, diffundunturq. expeditè a centro ad corporis circumferentiam, noxa simul, & semel, mirum in modum attenuata, extraferentes, ut hac de causa diaphoretica dici meruerit. Quam rem cum præstent quoq. alexipharmaca, discutiendo, mirabiliterq. diffundendo à centro ad corporis circumferentiam tenues, ac maleficas auras, ob id diaphoretica



reticā vocari possunt. quod si cum hac tum illa sudores quoque exci-  
tauerint, sudorifici quoque nominē digna sunt. verum non solent  
alexipharmaca, in leues substantias agentia, sudorem efficere, nisi  
cum liquore diaphoretico exhibeantur. ut propterea malē sentiant;  
qui a lapide bezoartico assumpto sudorē expectant: adeo, ut si cō-  
tingat, ut assumptus sudorem in ægro minimē moueat, improbant  
& nullius esse valoris prædicant:

Expedi igitur alexipharmaca cū liquore quopiam diaphoreticā  
vim habente exhibere, ut faciliorem in venas aditum adinueniant,  
expidius opus suum moliantur, & valentius infestantia dissipent,  
fugent, ferantque ad extra. huiusmodi sunt aqua ex toto citro, ex  
floribus limonum, aranciorum, hordei decoctum cum cericis, aqua  
scorzonere, rosmarini, cordialis, saxoniz, ruta capraria, rutę hor-  
tensis, cardui (sancti; valentiores sunt acetum theriacale, aqua ther-  
iacalis, aqua vitę, seu ardens; sed quoniam ista ob partes impen-  
sissimē tenues, facilius actuatur, adeo ut in ore ne dum in stoma-  
co actuari incipiat, ob id cum alio liquore vult exhiberi: alioquin si  
in venas integram deferrent facultatem, esset per se alexipharma-  
cum præstantissimum.

Ex hoc igitur, vel illo liquore, cum alexipharmaco mixto, contra  
pestilentes, atque pestiferas, exacte pestilentes paratur medicamē,  
congrua vtriusque quantitate interueniente. Quę est si ex spiritibus  
scrupulum circiter: ex extractis, a duobus ad scrupulos quatuor:  
ex theriaca, ac mitridatio (ut habetur in 2. de antid. cap. 9.) ab  
vna ad vnam cum dimidia, vel quoque duas dracmas: ex opij ex-  
tracto (in hoc valde confidas) a quinque ad nouem grana: ex  
oleis, a tribus ad quinque guttas accipies. si duo ex his simul  
injunges, dosim quandantenus diminues. Ex stillatijs aquis ab  
vncijs duabus, plusue aut minus (neque enim intelligo hic inal-  
terabilem statuere dosim) pro aquę qualitate, ex aceto theriacali,  
aqua identidem theriacali, & aqua vitę, a media ad vnciam, &  
amplius cum dimidia, iuxta harum vim propinabis, & hoc bis in  
die. Tempus exhibitionis, commodum, est per horam, aut horas ad  
summum circiter duas ante prandium, & cenam: & paulo ante hoc  
tempus abstinere se eger ab omni alio potu. est enim hoc tempus  
valde congruum tum ob alia, tum præsertim ob stomachi vacuitatē,  
& temporis, quo refrigerantia fuere exhibita, longinquitatem,  
quippe in simul conuenire, & vtile opus perficere refrigerantia atque  
alexipharmaca ægre possint. Potionem assumat calidam, & po-  
stmodum coopertus iaceat eger. Id perpetuo ante oculos habeas,  
ut si quampiam conspicaris inesse ardentiam, ex minus in caliditate



intensis eligas : aliter enim, & vinum album, & aquam ardentem, & quod vis aliud exhibere in pestiferis tuto licet. sic pestilentibus, quas blandi caloris animaduertes, multa ex fortioribus proficua fore comperies. tui autem sit, ex his adaptata pro ratione composita præscribere alexipharmaca.

Sed recipienda rursus de alexipharmacis, seu bezoarticis oratio est, quæ in his malignis febribus ad actum praticum reducebantur: & merito quidem his febribus opponuntur, velut quæ, cum sint ex cunctis debilia, cum debili quoque hostili materia rem habent: cum enim malignarum febrium putridæ exhalationes sint, respectu, raræ, de facili fit ut à discussorio non admodum valido, alteratæ extremam comparent tenuitatem. Quamobrem semel, vel bis in die ante prandium, & cenam per horam circiter cum dimidia (ut longum temporis spatium relinqueretur refrigerantibus) exhibebatur medicamentum: quod modò ex lapidis bezoar (in diuitibus) granis nouem, vndecim, tredecim, aut pro lapide, ex totæque, vel paulo pluribus cornu vnicornu, granis: modo ex margaritarum preparatarum scrupulo circiter, & alio fragmentorum prætorum.

Alias ex draema dimidia margaritarum, & granis quinque bezoar cum vno auri folio parabatur. & cum vncijs duabus, vel tribus ex aquis diaphoreticis, & vna cordialis saxonæ exhibebatur. si res valdè vrgeret, dimidia de theriacali superaddebatur: vel mane potio, serò vero spiritus vitrioli ad scrupulum circiter cum vncijs duabus de aqua diaphoretica, & media, vel vna theriacali: aut pro spiritu confectio hiacintina porpinabatur. cum his, ac similibus res protrahabatur. At pauperes cum scordio, diptamo cretico, radice tormentillæ puluerizatis, vel fragmentis prætoris, quæ sæpe proficua euidenter conspeximus, tractabantur. sed ut plurimum aqua hordei caricata, cum spiritus vitrioli draema dimidia, præstantissimum erat remedium. hanc noc tam, in malignis, quam pestilentibus febribus vtilem perpetuo comperies, si de quopiam spiritu, vel de aqua theriacali, aut aqua vitæ immisueris: vult esse plenamque ubi ad sui usque rimam hordeum ebullierit, adduntur caricæ pingues, in frustra concisæ, pro vnaquaq; hordei vncia numero tres, ad exactam postmodum hordei scissuram decoquantur; abscondunt enim in se vim alexipharmacam: ut ob id iure merito illud aponense tantopere celebratum, in peste præseruatium, quotidie assumendum, ingrediantur: quod ex caricis duabus, nucibus toridem, & folijs rutæ viginti constat. at sicuti alia potiones saltem in malignis possunt frigida exhiberi, hæc tamen vult perpetuo calida assumi.

Diuites



Diuites puluisculis vltcrius bezoarticis, primis epulis ijs oblatis, muniebantur. ex doracma scilicet cum dimidia margaritarum, dimidia fractumentorum, & bezoar, vel corna vnicornu granis quindecim, cum folijs auri tribus afformabatur mixtura, in quinque vicibus exhibenda. hæc, & similia pro vasorum, ac cordis expiatione celebrabantur.

*De scopo Quinto, qui ad victus rationem spectabat.*

*Cap. XII.*

**E**st Scopus dietarius in morborum præsertim acutorum curatione adeo necessarius, vt si hunc contempnas, vel in cibationibus offendas, cæteris scopis, etiam si rectè adimpletis, malè à medico satisfactum fuisse videatur. Propterea conabatur medicus, vt recta perpetuò in febribus hisce malignis procederet victus ratio. Vt autem quisq; fundamentaliter sciat, quis, qualisq; victus non solum his, sed cæteris etiam febribus conueniat, expedit prius inuestigare, ac probe cognoscere à quo nā desumenda sit diætandi ratio: hoc enim alioquin ignorato, impossibile est, rectam posse institui victus rationem. Quem laborem libens subeo, cum videam, nullam esse medicinæ partem, de qua minor, ista, habeatur cognitio, istud autem (à quo, ostendit nobis primus atq; immediatus alitio- nis finis, qui est caloris natui conseruatio, iuxta cuius copiam homo alendus, vt ab oraculo edocemur: vt, si plurimus sit, copiosa, si paucus, parca conueniat nutritio. adquam copiam non solum naturalem qualitatem insinuat idem auctor, vt medicus in ægrotis tractandis aciem dirigat: sed, quod magis est, intensiorem diætandi ab occidentali desummat, vt in quibusdam antecedentibus aphorismis præstat: caloris enim naturalis in febribus deprauatio, quandam eiusdem diminutionem, ac defectionem, quæ accidentalis est importat: quandoquidem is solummodo refectione indiget, qui in salubritate degit: seu dicas, illè duntaxat solidorum particula refectione indigent, quarum calor in integritate salubritatis existit: quarum verò est deprauatus, nutritione fraudantur: non enim calor in febribus totus secundum sui totum deprauatur, seu membra, non secundum sui totum, malitiam contrahunt, vt alioquin vsq;

adhuc in medicina est arbitratum ( veh febricitantibus si hoc vltue-  
niret ) sed secundum eorum tantummodo partem , at nunc extensue  
magis, seu profundè: alias verò minus, pro maioris, vel minoris ac-  
tici caloris ratione : in primis autem secundum superficiale mem-  
brorum partem , successiue interiorem ( sic mihi liceat extensua  
solidorum dimensionem secare ) pestremo secundum ventres Hip-  
pocraticos calor deprauatur . in quibusdam igitur febribus primo  
duntaxat modo ; in quibusdam alijs, & secundo, in aliquibus etiam  
secundum omnes partes patitur , pro vt febrilis caliditas, blanda,  
acer, vel acerima extiterit, præsertim si continuitas accesserit . tu  
autem vniqui; ex his caloris iniurijs latitudinem quandam assi-  
gnare potes . Modo iuxta hanc minorem aut maiorem natui ca-  
loris deprauationem debetur in febribus ( neque enim absolutum  
facimus de victu sermonem ) nutritio , quanto enim hæc minor, seu  
minus profunda, tanto vberiore, quanto maior, seu magis profun-  
da tanto tenuiorem indicat victum.

Cum autem calor non possit, parum aut multum pati, non possit  
inquam minus, aut magis esse deprauatus, nisi simul & semel febres,  
parui aut magni caloris existat: cumq; talis possit ex se, quæ ex  
sui natura talis perpetuò sit : & ratione temporum seu constitutio-  
nem, quippe in principio, & declinatione febres imbecillæ sunt ;  
in vigore magnæ ; & ratione accessionum, quibus abscentibus calor  
benè se habet : ijs molestantibus malè : propterea pro ratione ip-  
sus febris : pro ratione temporum , & pro ratione accessionum  
ager venit reficiendus . Parua enim febris, plenior : magna  
tenuior : sic principium, & declinatio, in quibus ex se omnia  
sunt imbecilliora, plenior : vigor tenuiorem indicat victum .  
accessiones pariter, cum sint totius febris partes molestiores, victum  
abdicunt, interualla exposcunt.

*I. Aph.*

Hanc doctrinam, & has diæteticas regulas, quam bellè edocuit  
nos, atq; eleganter expressit idem senex, per quosdam aphorismos,  
sed præsertim per sextum, septimum, & vndecimum : in quorum  
primo allegato respicit morbi essentialitatem : in secundo febris  
constitutionem : in tertio febrem per accessiones molestantem .  
Vt hinc pateat virum hunc apprimè intellexisse, non ab alio inten-  
tionem diætandi, quam ab innati caloris affectione esse desum-  
mendam: at noluisse per hanc, vt rem latentem, & sensui quodam-  
modo remotam edocere verum ad faciliorem intelligentiam, per  
quædam ad viuum hanc affectionem representatiuam, qualitatem  
scilicet febris, constitutionem, & accessiones diætandi præscripsit  
præcepta.



Ex quibus facile patet, malè Galenum cibandi indicationem à viribus desumpsisse: quandoquidem hæ, quantum ex se, perpetuò validæ vellent conseruari, ac quoq; adaugeri, cum debiles sunt, cū autem cibus, qui valeret illas, vt independentes, conseruare, aut adaugere, incongruus resultet natiuo calido, consequutiue quoq; succrescit in detrimentum ipsarum. ex eo quod, cum immediatè ab ipso pendeant, sequanturq; perpetuò ipsius affectionem, fit, vt si per adhibitam indebitè alimoniam, maiorem in modum patiat, ipsæ etiam magis ex tali cibo ledantur. vnde si quis in offerendo virium respectum habere vult, eas debet nō seiunctim, sed iunctim cum suo principio considerare, ac victum instituere, qui eatenus illas respiciat, quatenus iniuriam caloris, à quo pendent, immediatè gestant, ac repræsentant. At Galenus, qui fortasse, illas vt independentes considerauit, visus est per pleniorē absolutè victum, posse illis debilibus existentibus, robur addi, dum inquit, Quod si vis imbecillior exterit adijciendum est aliquid victui, & plenior est adhibendus tanto, quantum virium imbecillitas expostulat. Vt nam res sic se haberet; sequeretur enim quod ex cunctis ferme lethalibus morbis, viribus interim per cibum adauctis, posset eundem eger. quod sic demonstro, pendeat ex g. febris quæpiam acuta à quadam stata biliosi excrementi quantitate, continuatim putrescente, & hoc antequam ex toto putrescat, vnde febris soluitur, quatuordecim exposcat dies. vires autem tantam interim ferant iacturam, vt nequeant sufficere; nisi per duodecim, adijce in hoc casu ex præcepto Galenico aliquid victui, & perdurabunt ex eius nutu, ad febris vsq; solutionem, & sic pro interitu ægri salutē obtinebis. sic si continentem quampiam febrem, mortem decima septima minaturam, atq; etiam allaturam esse conspicias, ideo quod vires non sint suffecturæ, vberiorē per dies antea adhibe cibum, vt sufficiant, & sic mortem arcebis. igitur cum sequelam hanc vanam esse, pateat, falsam quoq; Galenicam propositionem esse, notum est.

Et quamuis Hippocrates in nono, ac decimo aphorismis videatur admonere virium esse respectum habendum: attamen illas in medium affert, non vt ab his intentio sit aliqua, cibi offerendi, desumenda: sed vt consideret medicus, ne in tenuius, quam par sit alendo erret, vt alioquin nequeat sufficere æger. est, admonitio ista, est cautio, non cibandi scopus; rati enim delictum, tenuius, quam res exigat, cibandi, vt periculosum æstimabat, vt in quarto aphorismo admonere, & hac vna de causa quintum constituere voluit.

Quibus



Quibus sic stantibus, statuendum iam certo venit, dietandi indicationem, non à viribus, sed ab vna calidi naturalis affectione esse desumendam, huic enim vt animæ instrumentum debetur conseruatio, atq; in longum productio, ipso enim conseruato, & alimonia refecto, vires à partiū optima temperie, ex vigoroso calore coalescente resultantes, conseruantur, & ipso labefcente labescūt. Debet amplius alimonia esse directa, atq; ordinata ad productricē causam, non ad effectum; vires autem sunt quid, à calore identificatum; sic radicibus plantarum, non fructibus debetur nutritio. Demum alendi intentio debet respicere id, quod certam quandam indicat victus rationem, cum qua, sic indicata, nequeat in offerendo medicus errare, hic autem est, & non aliud; hominis calor minimè fallax. namq; si plurimus, plurimum, si paucus paucum, vt in sanis exposcit alimentum. Sileniter deprauatus crasso; si valde, tenui, vt in febricitantibus, indiget alimento.

Quapropter non benè sentire mihi videtur Galenus, qui morbi constitutionem, atq; accessiones, quas Hippocrates vt effectrices causas, seu, maius, vt signa affecti naturalis caloris, in medium affert, pro duabus alteris intensiōibus circa victum constituit: vt hac de causa tres in commentario duodecimo determinet, quarum primam à viribus, alteram à morbi constitutione, tertiam à particularibus accessiōibus desumit. sed cum prima reiecta sit, duas alias non intensiōes, sed ut causas, & simul ut signa esse eius, à quo intentio desumitur, à sene posita, nemo, credo, inficiabitur.

1. Apb.  
com.  
7. & 9.

Sicuti autem idem Galenus videtur Hippocratis mentem, circa morbi constitutionem malè percepisse, ita leuem, ac meo iudicio contemnendam affert causam, ob quam in febrium uigore tenuissimus sit iunctus adhibendus, ne, inquiens, natura distrahatur, ad alteram nouam coctionem, ciborum de recenti assumptorum, cum eo tempore humorum morbum facientium coctioni fortiter uacet, & haud ita multo post sit ipsos euictura, quam assertionem ut quoddā oraculum amplexati sunt Arabes, & uniuersa medicorum schola huic se addixit.

Sed pace omnium dixero, assertio ista ut nulla firmata ratione, pluribus est obnoxia difficultatibus, natura quippe non agit ex industria. nec est ipsa, quæ coquat putridos humores, sed horum, quæuis sit, resultat ex illorum putrefactione. si quoq; in hos ageret, non uinceret, sed uinceretur, uel enim ageret ut calor, uel per calorem, sed hic remissior perpetuò est putri; actio autem non potest à minori prouenire. si humores à solidis corporibus sanis coctio-



coctionem consequuntur per Galenum, quomodo coquantur, si de-  
 prauata eorum in febribus temperies est? coctiones, idem inquit,  
 centum in locis, in statu sunt, sed in statu labores sunt maximi, calor  
 ad summum deprauatus, quomodo igitur tali tempore coquet? Si  
 idem calor, sano existente homine, non potuit ante febris accessum  
 humores vincere peccantes, quomodo intemperatus, atq; imbecil-  
 lus factus poterit euincere?

At demus, quod, natura humorum coctioni vacante cibum asu-  
 mat aeger, non distrahi tamen, nec distrahi posse pro compertissimo  
 habendum, cum abunde possit vtriq; coctioni sufficere, natura, in-  
 quit oraculum, omnia omnibus sufficit. Quin immo natura, natura-  
 lisue calor (idem enim est in hoc casu) per coctiones viuidior,  
 ac fortior efficitur, sicuti maior exilit caliditas à carbonibus ac-  
 censis, ac sæpius motis quam cinere rectis, ignis inquit Ar. 1. prob.  
 si moueas ex modico multus fit: è contra calor per orium, per ine-  
 diam ueluti marcescere, spiritusq; deficere constantissimum est. si,  
 implicari in sano homine natiuum calorem in ciborum coctiones,  
 dum tertiæ coctioni uacat, non malè est, cur malè in febribus. Am-  
 plius per naturam aut intelligenda est, quæ totius est animantis, aut  
 duntaxat partium specifica, sic enim habetur in enigmatico libro,  
 una natura sunt hæc omnia, & non una, multæ naturæ sunt hæc om-  
 nia, & non una. igitur si illa, cur, cum in uniuerso uigear, ac floreat  
 corpore, non poterit in duobus æque locis functiones proprias exer-  
 cere, ac perficere? si hæc, cur pars, cur membrum quodpiam, pro-  
 pria natura donatum, non poterit per se coquere, ac perficere? quid  
 est quod alterum alterius calore opus habeat? natura cum dicitur,  
 distrahi, aut per uim quandam distrahitur, aut ex se. si primum se-  
 queretur uim quandam pati. si secundum, sequeretur ex industria,  
 & electiue agere? Si daretur hæc distractio, sequeretur humanam  
 naturam de auaritia esse arguendam, quod tantum caloris non tri-  
 buerit homini, qui esset sufficiens ad duas simul efficere, ac celebrare  
 coctiones. sequeretur amplius quod calor qui venarum est proprius  
 ac congenitus, dereliqueret sedem propriam, & accurreret in au-  
 xilium caloris ventriculi. hæc & similia leuia, inconstantia, atq;  
 absurda emergunt ex Galenica assertione de naturæ distractione:  
 ex qua postmodum emanauit illa ridicula cantilena, de pugna natu-  
 re cum materia, tantopere in medicina decantata. sed inutilibus  
 omis, ad utilia, ac particularia descendamus, priorem recipientes  
 sermonem.

Deprauatur igitur in febribus, ac per febres natiuus ægri calor,  
 & ut declaratum est, modo secundum membrorum superficiem,  
 modo

2. in. 1.  
 t. com.  
 96.

Lib. d.  
 alim.  
 com. 3.

in 6 d.  
 alim.  
 com. 3.



modo interius quoq; alias uerò, & secundum uentrē . cuius deprauationis differentia causam cum pendere à blando , vel acri, aut acriori calore statutum sit : cumq; hæc varia noxa naturæ sui principij sit consequutia, sequatur, inquam , peccantis humoris naturam, propterea intelligimus , ubi peccat non valde magis caloris cum substantia humida, humor, non posse altam inferri noxam : altam vero infigit, qui magni, & sicca est substantiæ . hic quippe per calida atq; acri, qua præstat , qualitate agens penetrat : ille magis fumis, quam qualitate agens, infigi alte nequit. Quam humidam cum calore substantiam cum in genere getter vitiosus sanguis , consequitur vix interiorē posse calori nostro inferre iniuriam minus interiorē prauior , pestilentium febrium productrix causa sanguis : ac successiue leuiorem , si quidem impermixtim peccauerit, malefica pestiferarum materia . cum ex aduerso in febribus , quas sincera producit bilis , continuatim putrescens, calorem nostrum valde altam ferre certissimum sit : adeò ut , cum hæc occidunt , non alia ratione , quam totali caloris deprauatione , quæ corruptionem dicit , occidant ; quando pestilentes vitalis spiritus corruptione interimant . malignæ uerò utraq; manu egrotantis neci intendere videntur.

Quibus omnibus sic stantibus , iam strata via est , qua vnusquisq; scire valet , quæ victus vnicuiq; febris conueniat ratio . in malignis enim victum deberi sufficienter plenum iam cuiq; constare potest . in pestilentibus non solum plenum , sed etiam intermedijs ( præsertim autem in pestiferis ) à prandio , & cæna temporibus , aliquales ad spiritalem substantiam reparandam refectioes, adhibendas esse , exposcit ratio, veluti ex stillato breui carnis , iuribus plenis , contusis , oui vitello cum saccharo in iure soluto, vini albi odoriferi modico , odoriferis , & similibus . e contra ubi altam impressam in solidis esse noxam animaduertis, tenuē admodum deberi alimoniam , iam tibi compertum est . in summa enim quanto leuior est noxa , tanto vberior, quanto altior, tanto tenuior victus conuenit . quippe deprauatas solidorum partes minimè nutriri posse certissimum est . hinc in alta deprauatione , quæ per biliosissimas febres locum habere solet, morricem præsertim facultatem, neruorum per carnes disperforum discrasia consequutia, ex toto postratam, ex magna corporis egrotantis gravitate, obseruare tibi licet . cum ex aduerso in pestiferis febribus multos egros ad fores vsq; horribilis mortis deambulare , notum sit.

Cuncta hæc præmittere fuit opus, ut hinc pateret, victum quem medi-



medicus in febribus istis adhibuit plenum, fuisse prorsus congruū, 1. *Aph.*  
 ut felix quoq; comprobauit exitus sentio enim febres malignas, ex 4.  
 morbis illis acutis esse, quos senex à victu tenui arceat, dum inquit,  
 in acutis verò, in quibus non conuenit, periculosus. alioquin sub  
 tenui Hippocratico, vires ex toto essent lapsæ. Qui victus in vni-  
 uersum sic procedebat (ratio enim semper habebatur, habitus, æta-  
 tis, complexionis, assuetudinis, iuxta quæ, nunc ad pleniorē nunc  
 ad tenuiorem cibatio inclinabat) primis quatuor diebus, quippè  
 his febris parum esset molesta, panatella cum ouis, & carnis modico  
 ægri trahebantur; ab hinc ad septimam vsq; diem, quidpiam, ac  
 successiue magis ipsa florentē à septima ad duodecimam, detrahe-  
 batur. rariuscula enim panatella farum, aut ptisana in iure factis  
 cum ouo mandabatur, at interuallo à cœna quædam exhiberi sole-  
 bat refectio; & siquidem exhibendum quidpiam non fuisset man-  
 datum mulieres tamen, quæ perpetuò formidant ne eger fame pe-  
 reat, quæq; instar picarum egrum nutrire vellent, ex se quidpiam,  
 & id sæpius ultra conuenientiam, exhibebant. Ex quo errore,  
 cum in vniuersum ab ipsis committatur, & ut plurimum ab ægris  
 satis benè feratur, intelligimus debere nos iuxta Hippocraticum  
 præceptum, ad crassum potius, nisi cæca teneat inflammatio, quam  
 tenuem victum inclinare.

Vigore autem emoriente, & inclinatione iam elucescente,  
 pleniusculus offerebatur victus, & in utroq; interuallo aliqua  
 refectio æger perpetuò recreabatur; cum enim naturalis calor  
 ex progressu morbo valdè imbecillus redditus, consuetas re-  
 fectiones non ferret fore liberales, ob id decebat eas veluti par-  
 tire.

Quæ sensim, ac sensim adaugebantur, successiue in dies natio  
 ægri calore supra discretiam se attollente, atq; aliquale robur  
 accipiente, vsq; quo valido reddito. ad consuetas duntaxat re-  
 fectiones forma victus reducebatur: omitto acetaria, quæ interim  
 ad acuendum appetitum de more ante cœnam porrigebantur, quæ  
 modico postmodum saccharo amicalato, uel phisticato, aut quo-  
 piam simili quandoq; non poma, sed frusta pomi cocti claude-  
 batur: poma enim cocta sicuti egre alterabilia in praxi sem-  
 per comperimus, sic inuiolanda adstat in 2. de diætâ Hippo-  
 cratis auctoritas, quo in loco poma cocta dare coctionis esse,  
 scribitur.

Potus erat aqua cocta cum passulis facta, & cum stillato car-  
 nis mixta, panis vero buccella uino imbuta postremis epulis offe-  
 rebatur, uini etiam modicum pluribus concedebatur, præfer-  
 tim

sim ijs qui, uel ad quoddam languoris summum peruenissen ;  
uel quorum complexio, usus, ætas, uel uentriculi  
languor sic indicasset. tu autem cuncta hæc  
equo animo accipe, & quidquid  
boni, & utilis inueneris  
cœlitus agnosce.

FINIS.



